



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

Liturg



Library of the Divinity School.

Bought with money

GIVEN BY

THE SOCIETY

FOR PROMOTING

THEOLOGICAL EDUCATION.

Received 23 June, 1899.

7011

o

ANALECTA HYMNICA

MEDII AEVI.

Herausgegeben

von

Clemens Blume und Guido M. Dreves.

XXXI.

PIA DICTAMINA.

Reimgebete und Leselieder

des

Mittelalters.

Vierte Folge.

⁴Leipzig.

O. R. Re i s l a n d.

1898.

PIA DICTAMINA.

Reimgebete und Leselieder

des

Mittelalters.

Vierte Folge.

Aus

Handschriften und Wiegendrucken

herausgegeben

von

Clemens Blume

S. J.

32

Leipzig.

O. R. Re i s l a n d.

1898.

JUN 23 1899
Divinity School

72

BV

468

.A6

v. 31-32

VORWORT.

Band XV unserer *Analecta* bot die erste Folge der Reimgebete und Leselieder, stofflich gegliedert nach ihrem Inhalte in die vier Teile: *de Deo*, *de Beata*, *de Sanctis*, *Diversa*. Der weitere reiche Schatz dieser vielfach recht anmutigen Dichtungsart, welche im Vorworte zur ersten Folge kurz charakterisiert wurde, soll in gleicher Ordnung vorgelegt werden. Jedoch schien es geraten, bestimmte Gruppen, die nach ihrer Herkunft oder ihrem eigenartigen Aufbau (*Gaude*-, *Stunden*- und *Glossenlieder*) sich als ein zusammengehöriges Ganzes präsentierten, getrennt herauszuheben. Dieser Gesichtspunkt war maßgebend bei Anordnung der Reimgebete in der 2. und 3. Folge (Band XXIX u. XXX), wie das Vorwort zu den betreffenden Bändchen des Näheren lehrt.

Die vorliegende vierte Folge eröffnet nun den Reigen mit rhythmischen Gebeten und Liedern *de Deo* und *de Beata*, und zwar beschränkt sich letztere Gruppe auf die Feste und besondere Geheimnisse der allerseligsten Jungfrau. Eine weitere Folge wird ausschließlich allgemein mariologische Lieder enthalten, ein neuer Beweis, wie die geistlichen Liederdichter mit ganz ausnehmender Vorliebe das Lob der Gottesmutter sich zum Vorwurf ihrer Dichtung wählten. Den Abschluß der *Pia Dictamina* soll ein Band mit Reimgebeten *de Sanctis* bilden, denen sich eine Reihe Lieder gemischten Inhaltes als *Diversa* anfügt.

Getreu den Grundsätzen unserer Publikation sind auch hier wiederum nur Inedita aufgenommen; etwa ein halbes Dutzend von Liedern bildet scheinbar eine Ausnahme, da dieselben in dem einen oder anderen Druckwerke, namentlich bei Morel oder Milchsack, sich bereits vorfinden. Berücksichtigt man indessen die Quellen, aus denen jene Lieder geschöpft sind, und namentlich den Umstand, daß sie bislang zumeist bruchstückweise mitgeteilt wurden, so wird kaum jemand diesen wenigen Liedern ihren Platz unter den Inedita verargen.

Eine weitere Reihe von Reimgebeten dieses Bandes, deren Zahl verhältnismäßig gering, erweist sich als eine Art Variation zu anderen Liedern bzw. als eine Compilation aus denselben. Mit nur annähernder Gewißheit zu bestimmen, ob die kürzere Fassung die Vorlage zur erweiterten Form bildete, oder ob umgekehrt aus dem längerem Liede später das kürzere entlehnt wurde, hielt sehr schwer. In solchen zweifelhaften Fällen sind beide Fassungen des Liedes vorgelegt.

Feldkirch, 12. September 1898.

Clemens Blume.

I.

DE DEO.



1. De ss. Trinitate.

- | | |
|---|--|
| 1 a. Summae fons iucunditatis,
De quo cuncta bonitatis
Manant beneficia, | 1 b. O maiestas unitatis,
O potestas trinitatis,
O summa laetitia. |
| 2 a. Tuae, Deus, vox naturae,
Pulchritudo creaturae
Te laudat per omnia ; | 2 b. Quod amare potest, amat,
Te factura tota clamat,
Tot laudes, quot folia. |
| 3 a. Quod sis lux amabilis,
Astrorum fulgentia,
Quod sis delectabilis,
Florum redolentia
Suo modo fatur. | 3 b. Tuam pulchritudinem
Solis pulchritudo,
Tuam celsitudinem
Caeli celsitudo
Nobis protestatur. |
| 4 a. Tu lumen veritatis,
Caelum sinceritatis,
Locus amoenitatis
.
.
.
Tu miranda gloria. | 4 b. Tu pomum novitatis,
Oliva pietatis,
Panis saturitatis,
Vinum iucunditatis,
Tu suavis memoria. |
| 5 a. Tu mons excellentiae,
Tu vallis es amoena,
Tu ficus clementiae,
Tu vitis uva plena,
Tu fructus honestatis. | 5 b. Tu viror decentiae,
Tu lilium candoris,
Tu folium recentiae,
Tu vapor es odoris,
Tu rosa caritatis. |
| 6 a. Tu virgae nux,
Tu summa lux,
Tu noster dux,
Ne hostis trux
Triumphet in conflictu, | 6 b. Tu caeli ros,
Tu pulcher flos,
Tu nostra dos,
Tu pasce nos
Te, summe, suavi victu. |
| 7 a. Tu malus es pomifera,
Tu nardus odorifera,
Tu cinamomi calamus,
Tu sponsus es et thalamus,
Et amor et amandus. | 7 b. Tu frutex aromatica,
Piscina tu probatica,
Tu rex es atque Dominus,
Tu regnum nihilominus,
Tu mirum et mirandus. |
| 8 a. Te vox dulcis philomenae
Organique dulcis sonus
Et humanae cantilenae
Mirus et motivus sonus
Praedicant suavissimum. | 8 b. Botrus Cypri, suavis stilla
Et dulcedo favi mellis
Lacte fluens et mamilla,
Hoc testatur, quod excellis,
Quidquid est dulcissi-
mum. |

- 9 a. Tu venustatis libanus,
Dilectionis clibanus,
Tus flagrans in aestate,
Respirans delicate.
- 10 a. Ebur candoris,
Aurum decoris,
Tu cedrus es altissima,
Cupressus erectissima,
Tu sidus es fulgoris.
- 11 a. Gloriosus imperator,
Donum et doni donator,
Tu diadema gloriae,
Tu signifer victoriae,
Tu salus et salvator.
- 12 a. Tu balsami fragrantia,
Tu mentis abundantia,
Tu pulvis pigmentarius,
Tu cordis unguentarius,
Tu vitae nutrimentum,
Effusum es unguentum.
- 13 a. Tu templum et altare,
Tu puritatis mare,
Tu fumus thymiamatis,
Tu flatus es aromatis,
Tu pictum laqueare.
- 14 a. Leo fortitudinis,
Tu redolens panthera,
Cervus pulchritudinis,
Te quoque pulchra fera
Fatetur laudabilem.
- 15 a. Te patris potentiam
Creaturae magnitudo,
Filii prudentiam
Ordinata pulchritudo,
Spiritus clementiam
Bonitatis multitudo
Evidenter nuntiat.
- 16 a. Haec sunt signa, sed remota,
Quibus quaerit mens devota
Sibi sit dulcedo tota,
Quae tot venis adfluit;
- 17 a. Hauriamus ergo gratis
De torrente voluptatis,
Pleno rivis delicatis,
Ubi satis non est satis
Neque nimis nimium.
- 9 b. Tu mentis es munditia,
Tu vera pudicitia,
Viriditas immensa,
Tu suavitas intensa.
- 10 b. Cena dulcoris,
Tu cella floris,
Tu domus ornatissima,
Gemma pretiosissima,
Tu princeps es honoris.
- 11 b. Tu de milibus electe,
Te dilectum da, dilecte,
Quod tecandorisspeculum,
Illustrans omne saeculum,
Intueatur recte.
- 12 b. Tu caeli palatium,
Tu decoris spatium,
Tu legis tabernaculum,
Tu velum et oraculum,
Tu mensa deaurata,
Lucerna liliata.
- 13 b. Tu verus iubilaeus,
Per te fit liber reus,
Tu mensis es uberrimus,
Tu dies celeberrimus,
Tu summae pacis Deus.
- 14 b. Laudula, luscinia,
Te pavo speculatus,
Turtur dans suspiria,
Te nisus variatus
Indicat amabilem.
- 15 b. Hinc caelesti hierarchiae
Per novenas acies
Summae relucet sophiae
Gloriosa facies,
De qua nec nocte nec die
Suas flectunt acies,
Quae visa nunc satiat.
- 16 b. Quam ut nos inveniamus,
Huius opem imploramus,
Quo linquente deviamus,
Sicut ipse docuit.
- 17 b. Ibi gustus non torpescit,
Appetitus semper crescit,
Satur fastidire nescit,
Sed [gustatum] plus dulcescit
Inconsuetum gaudium.

Orat. ms. S. Albani Treviren. saec. 15. Cod. Treviren. 199. A. — Orat. ms. Engelbergense saec. 14. Cod. Engelbergen. 159. B. — 1b, 2 Unitatis o potestas A. — 2a, 1 Tu es Deus B. — 2a, 3 laudant B. — 2b, 2 factura tua A. — 3a, 3 Quam sis B. — 3b, 2 a caeli solis pulchritudo B. — 3b, 4 Caeli fehlt B. — 5a, 2 es amoenitatis B. — 5a, 3 fehlt B. — 6b, 5 Tu summe A. — 7b, 3 et Dominus A. — 8a, 1 Tu vox B. — 8a, 2 Organisque B. — 8a, 3 Et fehlt B. — 8a, 4 Virus et B. — 8b, 1 stella B. — 8b, 4 testatur in excelsis A. — 9b, 3 Tu viriditas es immensa A; Tu virus es immensa B. — 10a, 1 castoris B. — 10a, 2 Et aurum es A. — 10a, 4 et rectissima B. — 11a, 2 doni fehlt A. — 11b, 1 O tu de B. — 12a, 5 mite nutrimentum B. — 12b, 2 decorum B. — 12b, 3 regis A. — 12b, 4 Tu verum et B. — 13a, 2 Tu fehlt A. — 13b, 2 sit liber B. — 14a, 1 fortitudinem A. — 14a, 2 sq. fehlen A. — 14a, 5 fatur A. — 14b, 2 Te paulo speculatus A. — 15a, 1 Tu patris potentia A. — 15a, 3 providentia A. — 15b, 7 non satiant A. — 16b, 1 tu nos B. — 17a, 4 ubi salus non A. — 17b, 3 sq. fehlen A.

2. De ss. Trinitate.

- | | |
|---|--|
| <p>1. Tremendus in potentia,
 Suavis in amore,
 Qui cuncta creat entia
 Mirabili decore,
 Hic indivisus trinus est
 Ac inconfusus unus est
 Incomprehenso more.</p> <p>2. Requirunt naturaliter
 Creata creatorem,
 Qua valent laude pariter
 Eidem dant honorem,
 Se clamant pulchre condita,
 Suaviter disposita,
 Sed ipsum pulchriorem.</p> <p>3. In corde pater genuit
 Aequalem sibi prolem,
 Qua polos caeli statuit
 Cum astris lunam, solem,
 In terra iuga montium,
 Abyssum, rivos fontium
 Vastique mundi molem.</p> <p>4. Naturam unigenitus
 Non deserens paternam
 Ad nostram venit caelitus
 Misericors cavernam,
 Peccatis nos purificans,
 Miseriam mortificans
 Et mortem sempiternam.</p> | <p>5. In deitate socius
 Est spiritus utrique,
 Procedens amor medius
 Fert gratiam ubique,
 Septenis in muneribus
 Purgatos a sceleribus
 Saluti dat antiquae.</p> <p>6. Triformis Deus nomine,
 Conformis maiestate,
 Virtute par et numine
 Sub vocis trinitate,
 Personis est proprietates,
 Essentialis unitas
 Stat in aeternitate.</p> <p>7. Abyssum tantae gloriae
 Non valet quis metiri,
 Resiliunt memoriae,
 Cordati cessant viri,
 Haud ardens Seraph sufficit,
 Humana mens hoc deficit
 Ad plenum experiri.</p> <p>8. Sublimis Deus caritas,
 O trinitas beata,
 Servorum tua bonitas
 Indulgeat peccata,
 Nociva cuncta remove,
 Auxilio nos refove,
 Da praemia optata.</p> |
|---|--|

Orat. ms. Campense anni 1462. Cod. Darmstadien. 521. — Acrostichon:
Trinitas.

3. De sanctissima Trinitate.

1. Fidem sanctam orthodoxam,
Ut vitem aeternam noxam,
Fateor veraciter,
Dicens, quod est unus Deus,
Non plures, ut Manichaeus
Errat damnabiliter.
2. Iste Deus aeternalis,
Pater exstat naturalis
Generando filium
Eundem in deitate,
Sed tamen proprietate
Personali alium.
3. De persona genitoris
Exit per modum splendoris
Dei patris filius,
Ut genitus a gignente,
Sicut verbum a dicente
Et a fonte fluvius.
4. Est in ipsis vis activa,
Quae vocatur spirativa,
Qua procedit tertia
Persona, qua conectuntur
Pater, proles et fruuntur
Coequali gloria.
5. Sunt unius voluntatis,
Per quam dant rebus creatis
Esse, posse, agere,
Cuncta, quae sunt et fuerunt,
Ab his tribus incepterunt
Esse, sed ex tempore.
6. Mundum purgat a peccatis
Virtus sanctae trinitatis,
Cui se communicat,
Quia, cum sit summum bonum,
Nulli negat suum donum,
Sed omnes sanctificat.
7. Et post huius vitae flatum
Resuscitat integratum
Mortuum de pulvere,
Perducens ad talem statum,
Qui facit ipsum beatum
Sine fine vivere.
8. Adhuc credo sana mente,
Quod angelo nuntiante
Verbum caro factum est,
Mysterium facti tanti
Virtute spiritus sancti
Perfecte completum est.
9. Huic addo fide pia,
Quod de virgine Maria
Iesus Christus nascitur,
Ut loquuntur prophetiae,
Et in libro Isaiae
Manifeste scribitur.
10. Erat homo verus Deus,
Qui ut liberetur reus,
Morti se exposuit,
Iudicatus, flagellatus,
Patibulo condemnatus
Spiritus deposuit.
11. Cuius vita consummata
Anima glorificata
Descendit ad inferos,
Infideles reprobavit,
Iustos omnes liberavit,
Derelinquens ceteros.
12. Exsurgens tertia die
Praesentavit se Mariae
Et suis discipulis,
Probans resurrectionem
Carnis per suum sermonem
Et multis miraculis.
13. Sic opere consummato
Et homine reparato
Die quadagesimo
Super caelos elevatur
Et in throno collocatur
Aequalis altissimo.
14. Tandem ad nos reversurus,
Patenter iudicaturus
Facta iam praeterita,
Malos trudens in infernum,
Bonis dans regnum aeternum
Iuxta sua merita.

4. De ss. Trinitate.

- | | |
|---|---|
| <p>1. Salveto, sancta trinitas,
Aequalis una deitas,
Rerum creator omnium,
Exemplar et principium.</p> <p>2. El pater tetragrammaton,
El fili homousion,
El utriusque spiritus,
Trinus et unus Dominus.</p> <p>3. Tu solus es athanatos,
Unus et idem et Theos,
Agios, Heli, Sadai,
Osanna, Nous, Adonai.</p> | <p>4. Rogamus te devotius,
Esto nobis propitius
Hic largiendo gratiam
Et in futuro gloriam.</p> <p>5. Angelorum militia
Trina, fretum et sidera,
Te sanctum laudant Dominum
Et nunc et in perpetuum.</p> <p>6. Cum quibus et nos canimus,
Te verum Deum colimus,
Tibi honor, laus, gloria
Per infinita saecula.</p> |
|---|---|

Cod. Guelfenbyteran. Helmst. 1076. saec. 15. — 3, 4 Osanna nos Hs. —
Es folgen noch Bruchstücke eines anderen Liedes:

- | | |
|--|--|
| <p>1. Deus creator siderum,
Angelorum et hominum,
Qui rerum vices temperas,
Diem creans et tenebras.</p> | <p>2. Tu sedes super Cherubim,
Te sanctum clamat[!] Seraphim,
Te tremit mors et Phlegeton,
Nostri clemens eleison.</p> |
|--|--|
3. Tu es rex regum omnium,
Dominus dominantium
Te unum Deum

5. De ss. Trinitate.

- | | |
|--|---|
| <p>1. O paternae gloriae
splendor, per respectum
Tuum benignissimum
respice imperfectum,
In utroque homine
subleva defectum.</p> | <p>2. Verus sol iustitiae,
tu interiorem
Hominem irradia,
da cordi amorem,
Ut te trinum unumque
laudemus creatorem.</p> |
|--|---|
3. Praesta, summe pater, patris et unice
Amborumque simul spiritus, annue,
Qui regnas Deus unus
Omni tempore saeculi.

Orat. ms. saec. 15. Cod. Campolilien. 2. A. — Orat. ms. Novacellense
saec. 15. Cod. Oenipontan. 353. B.

6. De sanctissima Trinitate.

- | | |
|--|--|
| <p>1. O regum rex altissime,
Pacifica orbem terrae,
Ecclesiam coaduna,
Corda nostra inhabita.</p> <p>2. Unum pater, flamen, nate,
In nobis sis, et nos in te,
Ut tibi laudes debite
Reddamus omni tempore.</p> | <p>3. Te unum desideremus,
In quo solum gaudeamus,
De nulloque doleamus,
Nisi quia peccavimus.</p> <p>4. Nostrasque fac voluntates
Tuae omnino conformes,
Ut simus, quia vocati,
Etiam tui electi.</p> |
|--|--|

5. Quare extirpa vitia,
Virtutibus nos adorna,
In hora mortis ultima
Miserrimos nos adiuva.

Orat. ms. Tegurinum anni 1470. Clm. Monacen. 20021. A. — Orat. ms.
Tegurinum saec. 15. Clm. Monacen. 20124. B.

7. De sanctissima Trinitate.

- | | |
|---|---|
| 1. O trinitas sempiterna
Unitasque sanctissima,
Deus omnium creator,
Rector atque conservator. | 3. Laudibus tuis mancipa
Nos totaliter et nostra
Caritateque fervida
Mentes nostras in te serva. |
| 2. Visita et illumina
Ab omnique labe munda
Horrida et tenebrosa
Cordis mei latibula. | 4. Ut tibi soli, Domine,
Timeamus displicere
Et studeamus placere
Corde, ore et opere. |
| 5. Quare nos tua opera
In te solum sperantia
Ab omni malo libera
Bonisque omnibus dita. | |

Orat. ms. Tegurinum anni 1470. Clm. Monacen. 20021. A. — Orat.
ms. Tegurinum saec. 15. Clm. Monacen. 20124. B.

8. Oratio ad ss. Trinitatem.

- Benedicat me imperialis maiestas,
Protegat me regalis divinitas,
Custodiat me sempiterna deitas,
Foveat me gloriosa unitas,
5. Defendat me immensa trinitas,
Dirigat me inaestimabilis bonitas.
Regat me potentia patris,
Vivificet me sapientia filii,
Illuminet me gratia et virtus spiritus sancti.
10. Alpha et O,
Deus et homo,
Sit mihi haec invocatio
Salus et protectio.

Orationale ms. Portugallicum saec. 15. Cod. Sanctae Crucis 483.

9. De ss. Trinitate et Sacramento Altaris.

- | | |
|--|---|
| 1. Ave, divina trinitas,
Pater, verbum et spiritus
Atque Christi humanitas,
Plena cunctis virtutibus. | 2. Ave, manna dulcissimum,
Fructus Mariae virginis
Atque nostrum refugium,
Christi corpus iudicis. |
|--|---|

3. Ave, divina gloria,
Verbum sine principio
Et patris sapientia
Cum spiritu paraclito.
4. Ave, sancta divinitas
Atque una essentia,
In qua Christi humanitas
Aeterna est in gloria.
5. Ave, lumen de lumine,
Patris, verbi et spiritus,
Corpus Christi mirabile,
Natum pro nobis omnibus.
6. Ave, fides credentium
Et caritas sanctissima
Atque spes paenitentium
Cum perfecta laetitia.
7. Ave corona martyrum,
Apostolorum regula,
Confessorum et virginum
Palma atque victoria.
8. Ave, fides ecclesiae,
Honor Mariae virginis,
Quae fuit aula gratiae,
Plena divinis gaudiis.
9. Ave, summa scientia
Atque magister artium,
Dimitte nostra crimina
Propter sacrum mysterium.
10. Ave, caelorum canticum
Et splendor mundi, hodie
Exaudi preces supplicum,
Pater misericordiae.
11. Ave, nostra redemptio,
Fides sine velamine,
Aeterna ab initio,
Ubique sine crimine.
12. Ave, sancta iustitia
Atque sanctorum praemium,
Concede nobis gaudia
Per Christum tuum filium.
13. Ave, decus angelicum
Et trinitatis gaudium,
Honor caelestis curiae
Atque sanctorum omnium.
14. Ave, sacrum mysterium,
Aeternum sine macula
Atque ante luciferum
In maiestatis gloria.
15. Ave, semper in saeculum
Divina sancta hostia,
Animarum fidelium
Nutrimentum cum gratia.
16. Ave, corpus et anima,
Natum de matre virgine,
Atque sanguis in hostia,
Fons pietatis, veniae.
17. Ave, aeterna bonitas,
Gloriosa essentia
Et infinita sanctitas,
Angelorum laetitia.
18. Ave, dulcis memoria,
Iesu, salvator saeculi,
Te collaudat ecclesia
Sancta et mater fidei.
19. Ave, lumen immobile,
Splendor patris ingeni,
Increatum mirabile,
Lux verbi et paracliti.
20. Ave, divina veritas,
Causa causarum omnium,
Et excelsa humanitas,
Fidelium solacium.
21. Ave, Iesu, amabilis
Ab omnibus fidelibus
Atque a sanctis angelis
Et a cunctis martyribus.
22. Ave, Christe, laudabilis
A sanctis confessoribus
Et a cunctis apostolis
Atque sacris virginibus.
23. Te deprecamur, Domine,
Deus creator omnium,
Concede nobis hodie
Remissionem criminum.
24. Benedicamus Domino,
Laudetur sancta trinitas,
De Christo Dei filio
Deo dicamus gratias.

Orat. ms. S. Servuli Venetiarum saec. 15. Cod. Marcian L III 32.
24, 2 Et laudetur. — Aus der gleichen Quelle bei Huemer, Unters. über
d. ältest. lat.-christl. Rhythmen, S. 75, unter dem Titel „De s. trinitate.“

10. Ad Deum Oratio.

- | | |
|---|---|
| 1. Gratia excelsa regi
referamus pariter,
Qui nos in unum congregavit,
te laudamus, Domine,
Ut possimus invenire
requiem in saeculum. | 6. Almus ille speculator
sacerdos in populo
Semper astat super gregem,
pugnat contra impios,
Ut nec unam possit ovem
rapere de gregibus. |
| 2. Alta sede postulemus
summo Dei filio,
Ut suum mittere dignetur
angelum perspicuum
Ad expugnandum, expellendum
hostem antiquissimum. | 7. Libare Deo studeamus
hostiam pro fratribus,
Ut ante eum mereamur
portare manipulos
Atque de talentum lucrum
consignemus geminum. |
| 3. Invidus ille temptator,
fallax atque perditus,
Semper cupit discordare
concordantes fratribus,
Ut possit gratiam mereri
ante nequam principem. | 8. Divina templa coeuntes
suspiremus pariter,
Polorum regi obsecrantes
pro nostra facinora,
Ut ipse pius miserator
donet indulgentiam. |
| 4. Dominus atque salvator,
quod suum redemit sangui-
nem,
In sua semper potestate
reservare animas,
Ut nec unus praeter eum
potestatem habeat. | 9. Vigilemus et oremus
unusquisque pro alio,
Ut possimus invenire
requiem in saeculum
Atque vitam possidere,
quam promisit Dominus. |
| 5. Honor illi et potestas
in aeternum permanet,
Qui nos pastorem super gregem
vocare dignatus est,
Ut salvas oves consignemus
ante eius oculos. | 10. Summo regi postulemus
pro cunctorum scelere
Et de nostro mereamur
invenire veniam
Per eum, qui semper vivit
et regnat in saecula. |
| 11. Te deposco, dulcis frater,
qui canis hunc versiculum,
Ut requiras principales
litteras per ordinem,
Sic invenis eius nomen,
qui hunc exposuerat. | |

Cod. Capit. Veronen. 90. saec. 9. — 2, 1 Ad alta sede. — 2, 3 Ut
suo. — 2, 6 hostis antiquissimus. — 6, 3 Semper adstat super adstat supra
gregem. — 6, 5 una possit oves. — 7, 3 Populorum regi. — 8, 6 germitum. —
9, 6 quam misit Dominus. — 10, 3 nostra. — 11, 5 Sic invenit. — Nach

Muratori Antiqq. III, 667, bei Migne PP. LL. 151, 769. — Das Akrostich, auf das Str. 11 aufmerksam macht, lautet Gaidhaldus (mit Umstellung von Str. 7 und 8): „qui parochus Veronensi in urbe fuisse videtur.“ So Muratori.

II. Ad Deum Precatio.

- O, qui perpetua mundum ratione gubernas,
Terrarum caelique sator, qui tempus ab aevo
Ire iubes stabilisque manens disiuncta moveri,
Quem non aeternae pepulerunt fingere causae
5. Materiae fluctuantis opus, verum insita summi
Forma boni, livore carens, tu cuncta superno
Ducis ab exemplo, pulchrum pulcherrimus ipse
Mundum mente gerens similique imagine formans
Perfectasque iubens perfectum absolvere partes.
10. Tu numeris elementa ligans, tu frigora flammis,
Arida convenient liquidis, ne purior ignis
Evolet aut mersas deducant pondere terras,
Triplicis mediam naturae cuncta moventem
Conectens animam per consona membra resolvis.
15. Quae cum secta duos motum glomeravit in orbes,
In semet reditura meat mentemque profundam
Circuit et simili convertit imagine caelum.
Tu causis animas paribus vitasque minores
Provehis et levibus sublimes curribus aptans
20. In caelum terramque seris, quas lege benigna
Ad te conversas reduci facis igne reverti.
Da, pater, augustam menti conscendere sedem,
Da fontem lustrare bonum, da luce reperta
In te conspicuos animi defigere visus.
25. Disice terrenae nebulas et pondera molis
Atque tuo splendore mica, tu namque serenum,
Tu requies tranquilla piis, te cernere finis,
Principium, vector, dux, semita, terminus idem.

Cod. Admonten. 562. saec. 13.

12. Ad Deum Oratio.

(Fragmentum.)

1. Adonai magne et mirabilis,
Adesto mihi, respice placabilis,
Iam me adpremit vulnus insanabilis.
2. Beatus vir, qui semper est pavidus
Et recordatus de die iudicii
Et metuendus de die supplicii.

3. Caelestis rex, qui plasmasti omnia,
Da mihi sensum atque intelligentiam
Ad corrigendum populum in hoc saeculo.
4. Elegit me Deus in suum servitium
Ad offerendum sanctum sacrificium
Et deprecandum pro iustis et impiis.
5. Habui magistrum Adalbertum episcopum,
Ipse me docuit in suo sancto spiritu
Ac me iniunxit in gradum presbyteri.

Cod. Capit. Veronen. 90 saec. 9.

13. Oratio Paenitentis ad Deum.

- | | |
|--|--|
| 1. Audi, Deus creaturam,
Tuis factam manibus,
Corporalem plasmaturam,
Sumptam de pulveribus
Spiritusque viribus
Mirandis, tuam figuram,
Imaginem et picturam
Ornatam monilibus,
Salubribus
Evectam instinctibus. | 4. En, homo de matre natus
Brevi vivit tempore,
Multis malis adgravatus
Destitutus robore,
Qui mox habet abfore,
Ut flos nascendo siccatus,
Ut globus umbrae fugatus,
Ut errans in nemore,
In corpore
Repletus dedecore. |
| 2. Huius tamen creaturae
In natura splendidae
Innumerae sunt pressurae,
Pestes surgunt horridae,
Medullae sunt tabidae,
Multus est lapsus naturae,
Multae membrorum iacturae,
Compages sunt languidae,
Ut morbidae,
Vires sunt invalidae. | 5. Ergo, magne Deus, quare
Contra siccum folium,
Quod ad ventum nequit stare
Praeparas iudicium,
Vis inire proelium,
Vis contra victum pugnare,
Vis potentiam monstrare
Contra fratrem vermium,
Fers gladium
Contra spumam imbrium? |
| 3. Sensus gesto pronitatem
Et concupiscentiam,
Intellectus caecitatem
Et insipientiam,
Carnis immunditiam,
Appetitus vanitatem,
Passionum gravitatem,
Cordis inconstantiam
Et variam
Spiritus miseriam. | 6. Ut quid, Deus, aestimasti
Me tibi contrarium,
Cur in me manum armasti
Ut in adversarium?
Ad meum excidium
Vias meas explorasti,
Opera mea notasti,
Meum scribens studium
Et otium
Actuum sequentium. |

7. Figule, quare figmentum
Tuum vis conterere?
Domine, quare iumentum
Tuum vis extinguere,
Pastor, ovem perdere,
Fons, vis negare fluentum,
Dux, vis gregis vexamentum,
Pater, vis nos linquere?
Quid facere
De tuo vis opere?
8. Ego tuus sum, non meus
Nec me ipsum iudico,
Pro tuo te precor, Deus,
Orans pro me modico,
Tua iura praedico;
Tua res sum, quamvis reus,
David vel Iob vel Zachaeus,
Pro tua re supplico,
Me abdicō,
Te autem glorifico.
9. Quare, pater, intuere
Alumnū tam anxium
Eiusque morbis medere,
Collapse da brachium,
Lugenti solacium,
Caecum fac lumen videre
Miseroque miserere,
Praebens ei gremium,
Refugium
Paenitentium omnium.
10. Honor tibi non adcreſcit
Ex damnatu pauperis,
Tua manus invalescit
In sui rem operis,
Rem tuam persequeris;
Factum per te cor stupescit
Et desperans evanescit,
Nisi tu peperceris
Ac sceleris
Vulnera curaveris.
11. Miserere, miserator,
Quia nimis anxior,
Corruens praevaricator
Spiritus est tristior;
Dolore confodior,
Cernens, quantus sum peccator,
Draconis factus sectator,
Mortuo miserior,
Amarior,
Vivens enim morior.
12. O dulcis fons bonitatis,
O dulcor clementiae,
O piscina pietatis,
Ros misericordiae,
Mihi, iudex hagię,
Parce, parce sceleratis,
Imbrem funde caritatis,
Munus praesta veniae,
Tu gratiae
Largitor es et gloriae.

Cod. Carnoten. 341. saec. 14. — 6, 10 Largitor es et veniae.

14. Pater Noster.

- O pater alme, tuum nomen sit sanctificatum,
Adveniatque tuum regnum per saecula beatum.
In caelis stat velle tuum sicut quoque terris,
Tu panem nostrum da nobis cotidianum,
5. Debita dimitte nobis, ut nos inimicis,
Et non permittas, ut nos temptatio vincat,
Sed tutela malo tua nos defendat ab omni.

Cod. S. Iosephi Oenipontani A 35. anni 1450.

15. In Ingressu Ecclesiae.

Salve, sancta civitas,
Benedicat te tota trinitas,
Et omnes sancti, qui sunt in te,
Orent Deum pro me
Cum fidelibus cunctis,
Tam vivis quam defunctis.

Cod. S. Floriani XI 198. saec 17.

16. De diebus tredecim vel quid Dominus in his
operam egit.

- | | |
|--|---|
| 1. Primo die dixit Deus:
fiat lux, et facta est,
Lucem sempiternam dedit,
qui in illo credidit. | 7. Septima die requievit
ab omnibus operibus,
Ipso die benedixit
et sanctificavit illum. |
| 2. Secundo die fecit Deus
duo luminaria,
Sol in die, luna nocte
ordine constituit. | 8. Octo annorum erat Iosue,
cum regnare coepisset,
Triginta et uno anno
regnavit Hierosolyma. |
| 3. Tertia die ipsa maiestas
surrexit a mortuis,
Multas turbas ibi fuit
legionum angelis. | 9. Decem verba sunt in lege
quos praecepit Dominus,
Qui illa custodit semper
manet in perpetuo. |
| 4. Quarta die de sepulcro
suscitavit Lazarum,
Cuius corpus iam foetebat,
ligatus sudarium. | 10. Undecim sunt lunationes,
discutent latercula,
Et ut pascha inveniatur,
sic impletur numerus. |
| 5. Quinta die fecit Deus
magna mirabilia,
De quinque panes et duos pisces
satiavit milia. | 11. Duodecim sunt prophetae,
duodecim apostoli,
Quattuor evangelistae,
qui *stant in ordine. |
| 6. Sexta die fecit Deus
hominem et omnia
Quadrupedia in terra
et omnes *spiritus. | 12. Tredecim annorum erat
virgo sancta Eulalia,
Ad martyrium est ducta
et accepit gratiam. |

13. Gloria et honor Deo
 usquequo altissimo,
 Una patri filioque
 spiritui paraclito.

Cod. Bruxellen. 8860—67. saec. 10. — 3, 3 Lies Multa turba? — Nach 5, 4 folgt noch: Et fragmenta, quae remanserunt quaterni cofinos. — 6, 4 spiritum. — 9, 3 illos — 11, 1 prophetas. — Nach Str. 12 könnte es scheinen, daß das Lied spanischer Herkunft wäre. Seine Latinität würde dem nicht widersprechen.

17. Metra de Verbo incarnato.

1. Verbum a principio
 Procedens aeterno,
 Quod cuncta consilio
 Creasti aeterno,
 Te rogare cupio,
 Tibi me prosterno,
 Purgatos a vitio
 Salves ab inferno.
2. Lucem, caelum, sidera
 Creans per mandatum,
 Terram, pontum, aethera,
 Cunctis dans ornatum,
 Adam et post cetera
 Ceteris praelatum,
 Nos salva, nos libera
 Diluens reatum.
3. Qui das locum proprium
 Vitae innocentis,
 Formans in auxilium
 Costam dormientis,
 Lapsos per edulium
 Subicis tormentis,
 Praebe te propitium
 Votis paenitentis.
4. Qui munera simplicis
 Abel reprobato
 Cain pie respicis
 Et Abel necato
 Facta Lamech despicias
 Henoch hinc translato,
 Nos vultui iudicis
 Praesenta placato.
5. Qui Noe prae ceteris
 Instum invenisti,
 Cui post aquas foederis
 Signum tribuisti,
6. Qui superbi generis
 Linguas confudisti,
 Nos a labe sceleris
 Purga dono Christi.
6. Qui das Abrae titulum
 Terrae visionis
 Et Sarai lectulum
 Paras Pharaonis,
 Abram et nepotulum
 Multis ditas donis,
 Salva nos in saeculum
 Ex ore leonis.
7. Sternens reges gentium
 Per panem et vinum
 Signans sacrificium
 Promissum divinum,
 Das Abrae conubium,
 Dans eidem binum,
 Duc nos post exsilium
 Ad Abrahæ sinum.
8. Circumciso puerum
 Spondes, ab ardore
 Loth dimittis liberum
 Ignis cum foetore,
 Sordes punis scelerum,
 Abrae pro sorore
 Regem, coetus pauperum
 Serves a dolore.
9. Qui das Sarae parvulum,
 Eicis lusorem,
 Temptans patrem vetulum,
 Nati dilectorem,
 Sarae praebes tumulum,
 Isaac uxorem,
 Ex hoc et in saeculum
 Da tuum amorem.
10. Dans Rebecca geminum
 Benedictione,
 Iacob facis dominum,
 Foves visione.

Cod. Bernen. 592. saec. 14. A. — Cod. Maihingen. II 1. 8^o 7. saec. 15. B. — 1, 4 rogari A. — 1, 8 Serva ab B. — 2, 8 Dilue B. — 3, 8 Votis deprecantis B. — 4, 2 improbato B. — 5, 4 Signa B. — 6, 1 Aben B. — 6, 5 Abiam et Nephtalim B. — 6, 8 draconis B. — 7, 1 Sternis B. — 7, 3 Signas B. — 7, 5 Dans B. — 8, 2 Spondens B. — 8, 4 Igneus foetore A. — 8, 7 coetum B. — Str. 8 und 10 fehlen A. — 9, 7 et fehlt. — In beiden Hss. ist das Gedicht unvollständig. Die Aufschrift bietet B.

18. De Incarnatione Domini.

- | | |
|---|--|
| 1. Deus, creator omnium,
Ante mundi principium
Praevидit, ut per filium
Nobis daret consilium. | 10. Stella fulgens apparuit,
Dum virgo Iesse floruit,
Et reges ferunt munera,
Tus, murrā, auri pondera. |
| 2. Nox silentium tenuit
Medium, dum sponsus venit
A regalibus sedibus
Donans pacem hominibus. | 11. Maria, virgo virginum,
Quae genuisti Dominum
Sine virili semine,
Verum lumen de lumine, |
| 3. Mirabile mysterium,
Dum virgo parit filium,
Ut sidus profert radium
Intacta nesciens virum. | 12. Gratiarum monilibus
Ornaris Christi gratia,
Pretiosis lapidibus
Virtutum fulgens gloria. |
| 4. Christi generationem
Quis hominum enarrabit,
Verbi incarnationem
Angelorum quis vestigabit? | 13. Tu plena sapientia
Cunctisque charismatibus,
Serva tua potentia
Nos a daemonum insultibus. |
| 5. Verbum, quod pater genuit,
Servile corpus induit,
De matre nasci voluit,
Qui matris creator fuit. | 14. Tu sempiterno foedere
Caelesti sponso iungeris,
Fac nos illum dulcescere,
Cuius tu mater crederis. |
| 6. De sinu patris prodiit,
Qui lucis auctor exstitit,
Formam hominis induit,
Ne perderet, quod condidit. | 15. Tu verbum vitae tractasti
Tuis sacratis manibus,
Dum Iesum Christum lactasti
Tuis sanctis operibus. |
| 7. Maria Christum edidit,
Quae viri thorum nesciit,
Mater Dei efficitur,
Dum Deus homo nascitur. | 16. Gaudebas magno gaudio
Nascente Christo Domino,
Dum cerneres in stabulo
Deum, qui regnat in caelo. |
| 8. Natus est Dei filius,
Caelorum rex, non alius,
Nasciturque in stabulo
Deus, qui regnat in caelo. | 17. Quem desiderant angeli
Videre et archangeli,
Cui caelestis curia
Laudem reddit in gloria. |
| 9. Vili iacet praesaepio,
Quem nulla claudit regio,
Apparuit pastoribus,
Qui regnat in caelestibus. | 18. Throni, dominationes,
Virtutes et potestates,
Principatus et Cherubim
Laudant cum sanctis Seraphim. |
| 19. Laudant sine cessatione
Christum in caelis regnantem,
Quem sine corruptione
Tu genuisti infantem. | |

19. De Incarnatione Domini.

1. Ex adflatu divini flaminis
Verus Deus a summis veniens,
Portam vitae nobis aperiens
Subintravit secreta virginis.
2. Gravidatur virtute numinis
Virgo regem laeta suscipiens,
Deum nobis hominem pariens
Primi lapsum purgantem hominis.
3. O quam virgo felix sanctissima,
Salutata per Dei nuntium,
Hortus florens, lux serenissima,
Facta mater gignendo filium.
4. Incorrupta mater piissima
Post et ante hoc puerperium,
Iacob stella, sed splendidissima,
Trinitatis simplae triclinium.
5. Puer nobis datus est hodie
Prophetatus a sanctis patribus,
Summus regnans in throno gloriae
Conversatusque cum hominibus.
6. Nobis datus filius gratiae,
Luce caecis rite sedentibus
In obscuris et umbra sauciae
Iter dedit mundum a sordibus.
7. Felix dies, mater et filius,
Felix mundus mundum suscipiens,
Fecundator felix et nuntius,
Felix homo Deum parturiens.
8. Illustrator sedens superius,
Devotorum corda respiciens,
Pius nobis sit et propitius,
Nos post vitae cursum recipiens.

Clm. Monacen. (ol. Emmeramen) 14343. anni 1351. — 4, 4 simplex. —
6, 2 cetis.

20. De Nativitate Domini.

Nos regat aeternus custos, partus hodiernus,
Nobis placatus de virgine sit generatus,
Nos a peccatis purget flos virginitalis,
In nostra cura stet caelestis genitura.

5. Caelestis proles nobis superos det honores,
Nostrum peccatum laxet verbum caro factum.
Virgine de feta sint tempora nostra quieta,
Virgineus fructus det nos postponere luctus.
Nos evangelicis purgemur crimine dictis,
10. A patre nos missi salvet benedictio Christi.
Virgineus partus sibi nostros mancipet actus,
Matris plasmator nos protegat auxiliator.
Nos radix Iesse semper salvos velit esse,
Rex incarnatus benedicat nos miseratus.
15. Nos de natura Christi fugiant nocitura,
Virgineus natus nos mundet sorde creatus.

Clm. Monacen. (ol. Tegurin.) 19824. saec. 15. — 7 sint nostra tempora.

21. De Natali Domini.

- Gaudeat omnis homo, quia nos de sede paterna
Christus dignatur visere factus homo.
Factus homo Dominus de virgine matre fovetur,
Lactat sicut homo, gaudeat omnis homo.
5. Inter mortales vivit mortalis et ipse,
Ne moriatur homo, gaudeat omnis homo.
Hunc nova stella Deum de caelo clamat, honorant
Reges muneribus, gaudeat omnis homo.
Tres tria dant, tria mystica sunt, colitur tribus unus,
 10. Qui Deus est et homo, gaudeat omnis homo.

Cod. Parisin. 8865. saec. 13. — Überschrift: „Item Petrus de natali Domini versus.“ Verfasser ist Pierre le Peintre, Kanonicus von Saint-Omer, von dem noch andere Gedichte lehrhaften Inhaltes in derselben Hs. stehen, so de decem plagis Aegypti, versus Petri de denario, de excidio Romani imperii et de magnificentia Catonis, de egestate et fame et siti gulae, de inopia mentis et fame et siti animae, libellus Petri de muliere mala.

22. De Nativitate Christi.

- | | |
|---------------------------|----------------------|
| 1. Verbum de patre natum, | 2. Anima mea, plora, |
| Lumen de lumine, | Plora cum virgine, |
| Nuper est incarnatum | Caruit illa hora |
| De matre virgine, | Pauper iuvamine, |
| Verbum abbreviatum, | Aducurre et labora |
| Homo de homine, | Toto conamine, |
| Fascia colligatum, | Para praesaepi loca, |
| Praesaepe reclinatum | Simul cum ipsa loca |
| Feni sub tegmine. | Iesum in stramine. |

3. Custodi, ne discedas,
Custodi parvulum,
Per ipsum enim credas
Salvari saeculum,
Et felix es, si te das
Plangenti baculum,
Si manibus levato
Dederis amplexato
Occultum osculum.
4. Nec osculari vultum
Dico [ut] studeas,
Satis est, immo multum,
Pedes si valeas,
Immo pannorum cultum
Tenere studeas,
Fimbria vestimenti
Sanitatem languenti
Dedit, en, timeas.
5. Redde matri lactandum
Castis uberibus,
Sed resume portandum
Alternis vicibus,
Si dura sit ad dandum
In tuis manibus,
Dic: tuus iste natus
Non tibi soli datus,
Sed datus omnibus.
6. Si miserum causaris,
Venit pro miseris,
Per ipsos exaltaris,
Mater efficeris,
Ergo ne dedignaris,
Quod pro me ceperis,
Quanto magis sum reus,
Tam magis erit meus
Una cum ceteris.
7. Adcurre, gens peccatrix,
Non siccis oculis,
Salvatorem salvatrix
Praesentet singulis,
Thesaurum conservatrix
Nunc offert populis,
Si tantae pietati
Fuerimus ingrati,
Vae nobis miseris!
8. Venit ab arce patris
Natus carissimus,
Ubera suxit matris,
Sicut nos fecimus,
Cuius amorem fratris
Quando recolimus,
Mirum, si tam gelati
Calore nominati
Mox non liquescimus.
9. Venit enim ut ignis
Terram accendere,
Tam exemplis quam signis
Mundum concutere,
Eius donis benignis
Carnem exuere,
Ut hoc igne conflati
Soli iam maiestati
Curemus vivere.
10. Si mihi vis iurare
Iurando foedere,
Quod nil velis amare,
Me solum quaerere,
Promitto caelum dare,
Me tibi iungere,
Cuncta bella domare,
Ut possis superare,
Vires tribuere.
11. In primis cor consulta,
Quod vis eligere,
Ecce, requirunt multa
Tuum diligere,
Sed vide, ne sis stulta,
Cura distinguere,
Et si sum eligendus
Cunctisque praeponendus,
Noli me spernere.
12. Ego natura Deus
De patre prodiens,
Ut mundaretur reus
In matrem veniens,
Factus pauper Hebraeus
In cruce patiens,
Patenter demonstravi,
Quod nimis te amavi
Tam magna faciens.

13. Dicas ad amatores:
 Quid mihi facitis?
 O carnales amores,
 Vos me inficitis,
 O vos mundani flores,
 Cito deficitis,
 O mali suggestores,
 Ad aeternos ardores
 Vos me conducitis.
14. De me inhih habebis
 Nisi solacium,
 Nec modicum censebis
 Vitale gaudium,
 Post aeternae ridebis
 In regno caelitum
 Beataque tenebis,
 Cum mihi adhaerebis,
 Intra palatium.
15. Erras, si reperire
 Te putas melius,
 Cito debet perire
 Bonum exterius,
 In toxicum redire,
 Quod sapit dulcius;
 Ergo vitam acquire,
 Quae non potest perire,
 Vivendo sanctius.

Orat. ms. Italicum saec. 15. ex. Cod. S. Ignatii Londinen. s. n.

23. Ad Christum infantem.

1. Ave, Iesu parvule,
 Regnum rex sublimis,
 Nobilis infantule,
 Deus magne nimis.
2. Ave, admirabilis,
 Tam fortis et famosus,
 Tam pulcher, tam amabilis
 Et totus graciosus.
3. O mentis desiderium,
 Iesu desiderate,
 O nobile principium,
 O Deus incarnate,
4. Venisti, amantissime,
 Propter me venisti,
 O Deus, plus quam optime,
 Sic me attraxisti.
5. Salve, salus omnium,
 Puerule formose,
 Candens plus quam lilium,
 Rubens instar rosae.
6. Mei cordis gaudium,
 Mea tu dulcedo,
 Tuae matris gremium
 Propter te accedo.
7. Vim magnam cordis patior
 Pellente me fervore,
 Amore tuo crucior,
 Iam veni, flos decore.
8. Da mihi o dulcissima
 Tuum da dilectum,
 Mea languet anima,
 Iam patitur defectum.
9. Quamvis sim pauperculus,
 Quamvis sim peccator,
 Tuus tamen famulus,
 Tuus sum amator.
10. Da, Maria, puerum,
 Da, quem debes dare,
 Veni, salus pauperum,
 Veni, Iesu care.
11. Tange me et effice
 Digne te gustare,
 Velle meum aspice,
 Volo te portare.
12. Te cupio, te sitio,
 Modo non morare,
 In cordis mei gremio
 Debes repausare.

13. O sarcina suavissima,
Mihi coaptare,
In mea prorsus anima,
Quam dulcis sis, appare.
14. O sapor omnis gratiae,
In me velis pausare,
Mecum, precor, hodie
Et semper commorare.
15. Qui te meae formulae
Dignaris conformare,
Animae da tremulae
Te leniter tractare.
16. Totus in me labere,
Omnis fons dulcoris,
Ut te portem, patere,
Flos rosei decoris.
17. Ad veri solis radium
Te aperi, cor meum,
Expande late gremium
Praesentem habens Deum.
18. Te meis in brachiis,
Dilecte mi, amplector
Et totis ex praecordiis
Tibi condelector.
19. Ad tam dulcem gratiam
Me totum distendo,
Si tamen patientiam
Tuam non offendo.
20. Non debet tua bonitas
Inanem me transire,
Sed, quae sit tua pietas,
Fac me plene sentire.
21. Tuum ad pectusculum
Me totum inflecto,
Ubi dulce osculum
Daturus sum dilecto.
22. Cordi meo proximus
Super me repausa,
Non gravet te, quod agimus,
Cum tu sis in causa.
23. Tuae grates gratiae
Refero dilecte,
Tua fruens facie,
Prae milibus electe.
24. Non est tui similis,
Dulcis et decorus,
Iucundus, amabilis,
Quem laudat caeli chorus.
25. Quam magnus, quam parvulus,
Quam tener, quam fortis,
Tu dominus, tu famulus,
Tu consors nostrae sortis.
26. Modo te deosculor
Et brachiis amplector,
Afficior et gratulor
Et plurimum delector.
27. Super hoc pectusculum
Os ac vultum pono,
Figo mentis osculum
Te amans corde prono.
28. Quando hoc caruero
Conturbatus gemo,
Mecum intus confero,
Te mihi tollet nemo.
29. Si tu vis abscedere,
Tunc me cogis flere,
Peto te, rex gloriae,
Mecum permanere.
30. Te nunc inter brachia,
Dilecte, constringo,
Amoris haec indicia
Nec simulo nec fingo.
31. Nil unquam sensi dulcius
Nec ita sum affectus
Nec unquam delicatius
Sum, fateor, reffectus.
32. Amore totus aestuo,
Fecisti me ardere,
Prae gaudio iam defluo,
Non possum me arcere.
33. O decore parvule,
Flos nimium formose,
Amabilis infantule,
Figuram gerens rosae.
34. Quid iaces in stabulo
Caeli margarita?
In tam vili lectulo
Tu quid iaces ita?

35. Ubi pulvinaria,
 Ubi pluma lenis?
Tibi desunt omnia,
 O quam pauper venis.
36. Membra tua tenera,
 Costas infantiles
Strata premunt aspera,
 Panni tegunt viles.
37. Te arta ligat fascia,
 Qui solvis compeditos,
Humiliant praesaepia,
 Qui relevas attritos.
38. Hic membra foves tenera,
 Pausas et quiescis,
Qui patris sedens dextera,
 Quid sit labor, nescis.
39. Pro pluma tibi vilibus
 Straminibus subiectis
Exemplum es humilibus,
 Egenis et abiectis.
40. Praesaepe tuum floribus,
 Purpureo decore
Vestiri modis omnibus
 Decebat cum honore,
41. Gemmis, rosis, flosculis
 Et liliis vernare
Et praeclaris titulis
 Auro fulgurare,
42. Quia in se Dominum
 Fert deliciosum,
Universis hominum
 Prae filiis formosum.
43. Ut saccum hunc indueres,
 Te caritas instruxit,
Ut perditos requireres,
 Ipsa te induxit.
44. In lectum tam asperum
 Ipsa te locavit,
Pluresque in posterum
 Labores procuravit.
45. Accipe nunc osculum,
 Indicium amoris,
Tuum ad pectusculum,
 O salus peccatoris.
46. Tolle tuum puerum,
 O genetrix formosa,
Semper habe gaudium,
 Tu lilium, tu rosa.
47. Infantis membra tenera
 Casta manu tracta,
Nato praebe ubera,
 Hunc pasce, fove, lacta.
48. Mamillis tuis applica,
 Virgo, tuam prolem,
O mater deifica,
 Caelorum pasce solem.
49. Pasce pascentem omnia,
 Virgo, tuum natum
Fove foventem omnia,
 In sinu collocatum.
50. Stringe, virgo regia,
 Regem amplexatum,
Osculis te satia
 Ad os mellificatum.
51. Quam dulcis osculatio
 Ad genas parvi Christi
Et labii impressio,
 Tu sola, virgo, scisti.
52. O admiranda suavitas,
 Gena coniuncta genae,
Quam dulcis haec satietas,
 Tu, virgo, nosti plene.
53. Vale, spes fidelium,
 Dulcis mater Christi,
Nobis fac propitium,
 Quem tu genuisti.
54. Vale, salus omnium,
 Salutis cum auctore,
Dans verum nobis gaudium
 In vero salvatore,
55. Vale, caeli tripudium,
 Vale, valde decora,
Tuum dilectum filium
 Pro nobis semper ora.

Clm. Monacen. (ol Tegurin) 19824. saec. 15. A. — Cod. Carlsruhan. Augien. 36. saec. 14/15. B. — Cod. S. Petri Salisburgen. a III 10. anni 1475. C. — Orat. ms. Tegurinum anni 1470. Clm. Monacen. 20021. D. — Clm. Monacen. (ol Tegurin.) 19636. saec. 15. E. — Orat. ms. SS. Udalrici et Afrac saec. 15. Cod. Augustan. s. n. F. — Orat. ms. S. Mariae Magdalenae Hildesheimen. saec. 15/16. Cod. Gotingan. Theol. 233. G. — Orat. ms. Lehninense anni 1518. Cod. Berolinen. IV° 29. H.

1, 1 Iesu puer parvule B. — 1, 2 sq. fehlen G. — 1, 2 Caelorum rex BH. — 1, 4 O Deus BG. — 2, 1 desiderabilis G. — 2, 2 Fortis et BH. famosus B; pulcher et formosus G. — 2, 2 sq. fehlen G. — 2, 3 Quam pulcher quam BCH. — 2, 4 Quam totus BH; amorusus CH. — 3, 1 O meum desiderium GH. — 3, 2 O desiderate A. — 4, 3 O fehlt H. — 4, 4 Sic nos BCH. — 5, 2 Parvule C. — 5, 3 sicut lilium G. — 6, 3 Ad tuae BGH. — 7, 1 corde BG. — 8, 1 o fehlt ABII; mihi dulcissima Maria G. — 8, 2 Tuum praedilectum A. — 8, 3 languens H; Languet mea C. — 8, 4 Patior defectum A. — 9, 3 sq. fehlen G. — 10, 1 Dona, virgo, puerum A. — 11, 1 affice CH; perforce A. — 11, 2 Da mihi te gustare B; Volo te portare H. — 11, 3 meum perforce GH. — 11, 4 Volo te gustare H. — 12, 2 Noli te morare A; Noli immorare G. — 12, 3 mei cordis G. — 13, 1 O fehlt A. — 13, 2 adaptare C. — 13, 3 Mea prorsus H; Nam mea prorsus G. — 13, 4 Ardet, tu scis quare GH. — 14, 2 In me hospitare H; resopinare C. — 14, 3 precor fehlt G; Dignare mecum hodie C; Mecum, mecum hodie H. — 14, 4 Dilecte commorare BCH; Debes commorare G. — 15, 2 Digneris H; Dignatus es G; confortare B. — 15, 3 Da mihi tremulo B; Dona mihi tremulae CH. — 15, 4 Celeriter tractare C; Te leviter G. — 16, 1 Et totus in me illabere G. — 16, 2 Totius fons GH. — 16, 3 sq. fehlen G. — 16, 4 Fons B. — 17, 1 Aperi cordis gremium G. — 17, 2 Ad veri solis radium G. — 17, 3 O cor expande nunc late G. — 17, 4 habes C; Suum praesentem habens Deum G. — 18, 1 Hic te meis B; Te meis hic CH. — 18, 3 ex fehlt G. — 19, 2 Totum me BC; Totam me G. — 19, 3 Tamen si praesentiam GH; Tametsi patientiam B. — 20, 3 Quae sit tua suavitas BH; fehlt G. — 20, 4 Fac me plene scire H; fehlt G. — 21, 2 Totum me BCGH. — 21, 4 Datura G. — 22, 1 Tu cordi meo G. — 22, 3 Non te gravet, quod ago G. — 22, 4 Tu emines in causa B; Tu emines in C; Quia tu es causa GH. — Str. 23 und 24 fehlen G. — 23, 1 Tanta graties BH. — 23, 2 Habeo dilecte B; Te habeo dilecte H. — 23, 3 fruor B, fruens H. — 24, 2 Tam pulcher, tam electe BC; Tam pulcher, tam decorus H. — 24, 3 et amabilis BCH. — 25, 1 O quam G; Quam magnus et quam H. — 25, 2 et quam GH. — 25, 4 nostrae consors GH. — 26, 2 et ulnis te G. — Str. 27 fehlt G. — 27, 2 Os et H. — 27, 3 Affigo BCH; cordis osculum BH. — 27, 4 Te mihi tollet nemo CH. — Str. 28 fehlt CH. — 28, 1 sq. fehlen G. — 28, 3 Te vero hic in brachiis G; Te hic inter H. — Str. 29 fehlt BCGH. — 30, 1 sq. fehlen G. — 30, 1 Te hic inter BC. — 30, 2 Totum ad me stringo BH; Tuum ad me C. — 30, 3 haec fehlt A. — 30, 4 Nec sileo A. — Nach Str. 30 schiebt B ein:

Nunquam mihi melius
In omni mea vita,
Nec unquam sensi dulcius
Nec sum affectus ita.

31, 1 Nec unquam G. — 31, 2 fehlt G. — 31, 3 Nunquam A. — 32, 1 Amore tuo aestuo GH. — 32, 3 In lacrimis en defuo C; In lacrimis iam GH. — 32, 4 me continere G. — Nach Str. 32 schieben BGH ein:

Non possum te dimittere,
Digneris hic manere,
Et si vis discedere
Me cogis post te [pro te H] flere.

Hierauf folgt in GH. Str. 34; in B dagegen:

Da mente excedere,
Da tibi inhaerere,
Ac si me relinquere
Vis et hinc abire,
Dona sic te quaerere,
Ut possim invenire.

Str. 33 fehlt B. — 33, 2 Flos multum A. — 33, 3 puerule CG. — 33, 4 Formam gerens A. — Str. 34 steht nach Str. 32 G. — 34, 1 Quid tu in hoc stabulo C; Quid tu hic in BGH. — 34, 2 Caelorum GH. — 34, 3 vili tugurio G. — 34, 4 Quid tu CGH; Cur Iesu iaces ita B. Nach Str. 34 schiebt H ein:

O decore parvule,
Flos nimium formose,
Amabilis puerule
Figuram gerens rosae.

35, 1 pulminaria H. — 36, 1 Tua membra BCGH. — 37, 3 Te humilient G. — 38, 2 Dum quiescis G. — 38, 3 Qui in patris dextera B; In paterna dextera H. — 38, 3 sq. fehlen G. — 39, 1 Pro pluma fehlen G. — 39, 3 sq.: Illud praesepe, quod in se ferebat Dominum universae terrae puerum deliciose universis hominum prae filiis speciosum, vestire etc. G. — 41, 1 rosas fehlt G. — 41, 4 In auro BCGH. — Str. 42 fehlt G. — 42, 1 Quod in se Dominum H; Quod in se ipsum B; Quod in se ipso C. — 42, 2 Affert H. — 43, 2 attraxit A; induxit H. — 44, 4 instruxit H. — 44, 1 In lectum hunc tam BH; In loco isto aspero G. — 44, 3 Tibi plures in B; Et plures in C; Et plurimos in H; Qui tibi postmodum labores G. — 44, 4 Plurimos procuravit G. — 45, 3 sq. fehlen G. — 46, 1 Solve tuum G. — 46, 2 O fehlt G. — 46, 4 Lilium et rosa A; Tu lilium cum rosa B. — Nach 46, 4 hat G noch: In his, quae ago, non te impedio nec sum tibi taedio. — 47, 1 tenera costas infantiles G. — 47, 2 pertracta B; Tu casta mater tracta G. — 47, 4 Hunc fehlt G. — 48, 3 Mater tota deifica B; Et mater tu deifica C; O mater virgo caelica GH. — 48, 4 Caeli pasce A. — 49, 2 Pasce virgo natum BH. — 49, 4 In fehlt A. — 50, 2 Parvulum amplexatum G. — 50, 3 Et osculis BG; socia H. — Nach 50, 4 fügt B noch bei:

Et labris tange labia
Ad os deificatum.

51, 1 Quam dulcis mellificatio H. — 51, 2 Ad os parvuli Christi G. — 51, 3 labiis G. — 51, 4 Tu virgo sola B. — Str. 51 und 52 umgestellt G. — Str. 53 ff. fehlen G. — 52, 1 miranda A. — 52, 2 iuncta A. — 53, 2 O dulcis BH. — 53, 3 Et nobis fac BH. — 53, 4 peperisti C; Quem virgo genuisti B. — 55, 3 Et tuum pium filium H.

Oratio devota ad Dominum Iesum sub forma pueruli in matris gremio sedentem. A; Explicit oratio melliflua de infantia salvatoris. B; Soliloquium beati Bernhardi ad puerum Iesum. G; Oratio beati Bernhardi ad puerum Iesum in gremio matris residentem. H.

24. De Nomine Iesu.

- | | |
|-----------------------------|-------------------------------|
| 1. Salve, nomen salvatoris, | 2. Iesu sanctum nomen novum, |
| Salve, gemma redemptoris | Nomen Dei virtuosum, |
| Illapsa nobis caelitus, | Esto nostrum refugium, |
| Salve, nomen sanctum Dei, | Iesus salvat, Christus ungit, |
| Salve, robur nostrae spei, | Cristus nobis se coniungit, |
| Largire dona spiritus. | Plenus sanctorum gaudiis. |

- | | |
|--|--|
| <p>3. Iesus amor salvatoris,
Christus sanctus et suavis,
Spiritalis unctio,
Iesus Christus, lux Mariae,
Grandis honor matris piac,
Iesu, nostra redemptio.</p> | <p>4. Iesus tremor infernorum,
Christus amor beatorum,
Viatorum solacium,
Iesus porta salvandorum,
Laus et splendor, angelorum.
Pietatis palatium.</p> |
|--|--|
5. Per hoc nomen inflammamur,
Inflammati sublevamur
Ad aeterna sidera,
Per hoc nomen coronamur,
Coronati gloriamur
In paradisi gloria.

Orat. ms. Capit. Toletani 34—71. saec. 16/16. — 5, 3 aeterna caeli sidera.

25. De Epiphania Domini.

- | | |
|---|--|
| <p>1. O nata lux de lumine,
Miro clarescens ordine,
Apparuisti hodie
Homo natus de virgine.</p> | <p>6. Transite, inquit Bethlehem
Et quaerite Christum regem,
Diligenter indagate
Et invento nuntiate.</p> |
| <p>2. Et magi stella lucente
Veniunt de oriente,
In Ierosolymis quaerunt
Te Christe, quem natum credunt.</p> | <p>7. Cumque Herodem audissent
Et ab eo recessissent,
Stellam iterum viderunt
Et puerum invenerunt.</p> |
| <p>3. Tunc Herodes se turbavit
Et scribas ad se vocavit,
Quatenus sciscitaretur,
Ubi Christus nasceretur.</p> | <p>8. Gaudebant magno gaudio,
Dum cernunt in tugurio
Christum, qui regnat in caelo
Iacentem in praesaepio.</p> |
| <p>4. Responderunt, ut est scriptum
Et a prophetis praedictum,
Quod de Bethlehem exiet
Dux, qui plebem Dei reget.</p> | <p>9. Videntes adoraverunt
Et munera obtulerunt,
Ad regem non redierunt,
Sed Herodi illuserunt.</p> |
| <p>5. Tunc Herodes tempus stellae,
Fingens adorare velle,
Sub dolo a magis quaerit,
Dum Christum necari cupit.</p> | <p>10. Monitique ab angelo
Iubente Christo Domino
Ad propria redierunt
Per viam, quam non venerunt.</p> |
11. Gloria tibi, Domine,
Qui stella duce regibus
Apparuisti hodie
Devote te quaerentibus.

Orat. ms. Thosanum saec. 15. Cod. Bruxellen. 4948.

26. De Transfiguratione Christi.

1. O cor meum, confortare,
Christo sponso conformare
In mortali corpore,
Ut post tristes nunc agones
Subsint consolationes
In futuro tempore.
2. Vide regem hic despectum,
Sputis litum, spinis tectum,
Non habentem speciem,
Ut levatum celso throno
Cernas cum immenso dono
Facie ad faciem.
3. Corpus tuum reformabit
Suaeque configurabit
Claritatis corpori,
Quod in suo demonstravit,
Ipsam quando transformavit
Divo suadens operi.
4. Quodvis asperum, quod artum,
Quamvis cum dolore partum,
Non evacuabitur,
Laetam spem dat splendor vultus
Christi, noster labor multus
Inde praemiabitur.
5. Adest patris vox contestans,
Lucem nubis sibi gestans
Spiritus paraclitus,
Quod sit filius dilectus,
Doctor verus, doctor rectus
Sibi que complacitus.
6. Inter legem et prophetas
Complevis utrorumque metas
Salvator apparebat,
Testem habens utrobique
Suae mortis, quam inique
Iudaea infligebat.
7. O amator plasmatorum,
Consolator orphanorum,
Rex aeternae gloriae,
Quos ad sortem regni ducis,
His fulgorem tuae lucis
Dignaris praeostendere.
8. Ut illuminato corde
Et deteresa mundi sorde
Lumen cernant lumine,
Ad te tendant fontem vitae,
Voluptatis concupitae
Debriantur flumine.
9. Quam sit bonum ibi esse,
Contestati sunt expresse
Viri evangelici,
Qui praesentes adfuerunt,
Quam sit dulcis praesenserunt
Sapor regni caelici.
10. O mi Deus, nos conforta,
Nos infirmos hic supporta,
Nobis illucescere,
Benedic et miserere,
Qui dixisti lumen vere
De tenebris splendescere.
11. Cognoscamus viam tuam,
Agat quis salutem suam,
Dum tempus hic habemus,
Ut cum apparebis iustis,
Videamus te cum istis,
Ad nuptias intremus.

27. Incipit prologus rigmaticus in iubulum
alaudae mysticae in nomine Domini.

1. Lucis in principio
Tempore brumali
Semel fui gaudio
Permotus spiritali,
Coepi mente volvere,
Quid sit post futurum,
Quoniam hoc tempore
Nihil est securum.
2. Coepi pueritiam
Hic mente retractare,
Pastorum laetitiam
Antiquam ruminare,
Et quam transitoria
Sit haec res mundana,
Et quam vana gloria
Corda caecat humana.
3. Puer pastor ovium
Saepe fui laetus,
Et concentus avium
Sedabat meos fletus,
Sed inter aviculas
Una praecellebat,
Quae me post oviculas
Saltare faciebat.
4. Illa septem vicibus
Sursum volitabat
Et praeclaris vocibus
Sic Deum collaudabat,
Clamans magnis vocibus
.....
Exemplar hominibus
Sic est suo cantu.
5. Haec est illa nobilis
Humilis alauda,
Grisea cum pennulis
Ac alis, ventre, cauda;
Niger corvus crocitat
Clamens semper cras, cras,
Piger sic procrastinat,
Sic transit ver et aestas.
6. Quid tu, rudis cucule,
Quid nescis cantare,
Nisi semper simile
Kukuk reciprocare;
Pica satis saltitat,
Sed non valet cantus,
Quia multum garrulat,
Hoc fugat omnis sanctus.
7. Sic se gerunt homines,
Ut quivis consuevit,
Et sic cantant volucres,
Ut eis rostrum crevit,
Ergo modum volucris
Primae praelegi,
Quae sit tantum alacris,
Huic similem non legi.
8. Grates, Christe, milies,
Qui sic me vocasti,
Quod in die septies
Laudare te donasti,
Ut alaudam mysticam
Tibi praeparasti,
Ad turbam minoricam
Tam sanctam adgregasti.
9. Et quod sic sum griseo
Panno decoratus,
In hoc multum gaudeo
Alaudae similatus,
Ut alauda quaerito
Grana per plateas
Et hinc liber visito
Caelestium choreas.
10. Iam propinquo senio
Ad modum alaudae
Magno desiderio
Virescit cor in laude;
Nunc, alauda mystica,
Tempus est cantandi
Et nos laude caelica
Parum laetificandi.

Bene cane canticum
Iubulum amoris,
Ut tandem angelicum
Decantes in choris.

Incipit iubilus alaudae mysticae in septem ascensiones distinctus
cum pausis totidem correspondentibus.

I.

1. Regem Christum hodie,
Fratres, honoremus,
Laudes suae curiae
Ad mentem revocemus.
Ibi mille milia
Cantant cum Maria,
Dicunt cum laetitia,
Cum dulci symphonia:
2. Nunc cantemus Domino
Multum gloriose,
Toto cordis organo
Multum affectuose,
Omne quod iuraverat
Patribus daturum,
Nihil irritaverat
Hoc denotat futurum.

* * *

3. Nunc, alauda nobilis,
Modicum quiescas,
Ne fatigata debilis
Effecta contabescas,
Sed resume citius
Laudes, ne tepescas,
Semper, semper dulcius
In cantu convalescas.

II.

1. Cum regina sapiens
Vidit Salomonem,
Sensu fit deficiens,
Hunc protulit sermonem,
Clamat famam vincere
Visam veritatem
Et beatam dicere
Suam societatem.
2. Ut cervus desiderat
Ad fontem aquarum,
Sic cor meum properat
Ad Christum regem carum,

Gloriosam praedicat
Sanctam civitatem,
David cum laetificat
Totam societatem.

* * *

3. Lauda, lauda Dominum
Semper tu, alauda,
Nullum sacrificium
Est gratum sine cauda,
Semper sursum teneas
Cor, alauda pia,
Christo laudes offeras
Cum dulci melodia.

III.

1. Civitas gratissima,
Quando te videbo,
Cur infelicissima
Tamdiu te carebo?
Heu, quod prolongatus est
Talis incolatus!
Ergo maestum factum est
Cor, sum attaediatum.
2. Ibi cum spiritibus
Congaudent omnes sancti,
Senes cum iunioribus
Corde desideranti,
Ibi in cubilibus
Suis laetabuntur,
Iubilus in faucibus,
His semper implebuntur.

* * *

3. Nunc, alauda, iubila
Dulci melodia,
Canta tuo modulo
Laus Christe voce pia,
Lauda pium Dominum
Regem saeculorum,
Salvatorem hominum
Cum choris angelorum.

IV.

1. Plateae Ierusalem
Auro consternentur,
Per cantum mirabilem
Tunc aures informantur,
Hic est cantus mellicus
Alleluia dulce,
Hoc resument crebrius
Nunquam tamen insulse.
2. Quam grande convivium
Fecerat Assuerus,
Multo plus magnificum
Rex praeparavit verus,
Ibi merum caelicum
In auro potatur
Et panem angelicum
Mens edens saturatur.
* * *
3. O felix avicula,
Ales spiritalis,
Sursum cor in saecula,
Ubi laus aeternalis,
Non est inter volucres
Laudans ut alaudae,
Hoc nos reddat alacres
Nunc in divina laude.

V.

1. Ut victores incliti
Ibi laetabuntur,
Capta praeda dediti
Quieti iocabuntur,
Ibi regem Dominum
Vident in decore,
Salvatorem omnium
Collaudant in amore.
2. Ibi super omnia
Bona statuentur,
Qui ad transitoria
Amore non tenentur,
Ibi in caelestibus
Dantur mansiones,
Pro bonis operibus
Habent pausationes.
* * *

3. Ach, amoris canticum,
Iubilus alaudae,
Sis dulce viaticum
In tua laeta laude,
Quia caput tremere,
Visu caligare
Coepi, corde gemere
Ac gressu declinare.

VI.

1. Non est comparatio
Digna passionum,
Clara revelatio
Ostendet omne bonum,
Quod non vidit oculus
Nec aures intravit,
Hoc exspectat populus,
Hic Iesum qui amavit.
2. O vos Christi pugiles,
Certetis constanter,
Sitis modo vigiles,
Rependet abundanter,
Fertis momentaneam
Tribulationem,
Tunc rex dabit auream
Remunerationem.
* * *

3. Nunc ad Christi gloriam
Simus ut alaudae,
Ad caelestem curiam
Volemus dulci laude,
Quia vires defluunt,
Et capilli cani,
Et nil plus reficiunt
Amores hi mundani.

VII.

1. Tunc absterget lacrimas
Deus miserator,
Passiones plurimas
Delebit recreator,
Nova fient omnia
Caelum, terra, mare,
Iudicabis somnia,
Quae soles nunc amare.

2. Exsul in exsilio,
Iesu, clamo: veni;
Dicis: cito venio.
Amore non praeveni,
Alleluia resono
Saepe resumendo,
Dulces laudes persono
Et gaudeo canendo.

* * *

3. Facit laudis terminum
Defectus sermonis,
Hic sit finis carminum,
Qui regnat caeli thronis,
In caelesti curia
Iesus et Maria
Laudetur per saecula
In trina hierarchia.

Cod. Londinen. Reg. 2 A II. saec. 15. — Prolog. 3, 4 Cedebat meos
fletus.

28. De Christo.

1. Splendor patris, fons, sol, ares,
Languent oculi solares,
Quae nos salvet, tu sola res,
In te clavis laesos lares
Tutos nobis pares; ha, res
Mira! Deus patri pares,
Minor patre patri par es,
Nobis vitae mensam pares.

2. Crux est vitis, hac in vite
Botrus Cypri, botrus vitae
Floret, cuius vinum rite
Sumptum sobrium et mite
Et laetum cor reddit. Ite,
Sitientes, et haurite,
Dulcis potus, hunc sitite,
Qui vos sitit, et venite.

3. Cerno portantem dolores,
Corvi per quem in olores
Mutantur, nobis dolor es,
Nostra salus, nostrum cor es.
Homo miser, quid dolo res
Quaeris? tui proditor es,
Est iactura gravis
praeclaros perdere mores.

4. Orat pro nobis patronus,
Cuius est in caelo thronus,
Se pro suis pastor bonus
Dedit nostrum ferens onus,
Colit hunc civis colonus,
Orbis isti servit pronus.

5. En in crucis aret ara,
Munda caro, mundo cara,
Labis expers et ignara,
Obscuratur lux praeclara,
Fecundatur tandem Sara;
Ha, quid quaeris, mens avara?
Quod instat, foro te para,
Amor rarus, fides rara,
Spes exilis, sors amara.

6. Vera salus infirmatur,
Sitit fons, risus tristatur,
Innocentia damnatur,
Vita vivens morti datur,
Dum securitas turbatur,
Tremet orbis et miratur,
Princeps mundi triumphatur,
Caput Sisarae foratur,
Aman perit, superatur
Goliath, Eglon necatur.

7. Surgit vita victa morte,
Gazae confringuntur portae,
Philistaeorum cohorte
Iam prostrata dira sorte
Multus illustrat decor te;
Miserere, rex, precor te,
In me sunt tot pestes ortae,
His demptis sequar, dulcor, te.

8. Inexhausta tu dulcedo,
Tibi, quod in me dulce, do;
Dicet quis: Quid? Nihil cedo,

Verbis saepius excedo.
Dulce manna semper edo,
Cum te sumens recte credo,
Fer opem, tibi me dedo,
Fremet mundus, saevit praedo,
Carnis blanditur putredo;
Hanc pestem, Iesu, vix sedo,
Seda tu, mundum ex foedo,
Agnum faciens ex hoedo.

9. In diversa flecto mentem,
In conclavi residentem
Cerno virginem decentem,
Mundam mundum fugientem,
Partem bonam eligentem,
In superna spe tendentem;
Angelum cernit praesentem,
Verbum dulce proponentem,
Sed attende respondentem
Et ancillam se fatentem,

Cod. Cantabrigen. Gg. VI. 42. saec. 13.

Dictis fidem adhibentem.
Cerno Christum descendantem,
Servi formam induentem,
Deum cerno vagientem,
Fontem vitae sitientem,
Veste solem indigentem,
Vitam cerno morientem,
Sed agnosco resurgentem
Et cum suis convescentem,
Dehinc caelos ascendentem,
Suos secum adducentem,
Pro nobis intercedentem,
Suis opem conferentem.

10. Quo praecessit, nos sequemur,
Si tamen sequi meremur;
Igitur, ut exaltemur,
Decet, ut humiliemur;
Sic sic Christum imitemur,
Ut cum ipso coronemur.

29. De Vita Christi.

Ave, salus nostrae spei,
Iesu Christe, fili Dei,
Qui de caelo descendisti,
Incarnari dum coepisti.

5. Ab angelo nuntiatus,
Ex intacta matre natus,
In praesaepi reclinatus,
Absque domo hospitatus.
Tu a magis adoratus
10. Et in templo praesentatus,
In Aegyptum es fugatus,
Post Herodem revocatus
Et ut homo conversatus,
In Iordane baptizatus,
15. A columba protestatus,
Post ieiunas tu temptatus,
Sed nequaquam superatus,
Ab angelis ministratus,
Post haec mira operatus,
20. Praedicando fatigatus,
Siti, fame maceratus
Et a multis exprobratus,
Adorando cruentatus
Et a Iuda venundatus,

25. Ab iniquis accusatus
Et iniuste iudicatus,
Absque causa condemnatus,
Caesus, sputus, alapatus,
In derisum purpuratus,
30. De spineto coronatus,
Genu flexo adoratus,
Ab Herode subsanatus,
Iudaeorum rex vocatus,
In columna flagellatus,
35. Ecce homo demonstratus,
Crucem ferre coartatus.
Hanc ferendo es lassatus,
Crucifixus et artatus,
Hac in cruce dilatatus,
40. Felle mixto tu potatus,
Cum clamore lacrimatus,
Pro Iudaeis deprecatus,
Tuo patri commendatus,
Mortis victor morti datus.
45. Nostri causa tu vocatus,
A Longino lanceatus,
Post de cruce tu delatus
In sepulcro collocatus,

- Cum custodibus signatus.
50. Ad inferna descendisti,
Inde tuos redemisti,
Terna die surrexisti
Et ad caelos ascendisti
Locum tuis paraturus
55. Et pro ipsis oraturus,
Inde [iudex es venturus
Dans] bonis vitam aeternam,
Malis poenam sempiternam.
Ergo, pie fili Dei,
60. Miserere, precor, mei.
Haec te passum quia nosco,
- Toto corde supplex posco,
Ut des mihi paenitere
Et peccata mea flere,
65. Ut confessus et contritus,
Pane, vino sim munitus,
Ita firme in te credam,
De hac vita dum decedam,
Inveniar emendatus,
70. Post emendam expurgatus,
Ut in bono confirmatus
Et te duce conducatus
Ad te ferar te visurus,
Vultu tuo fruiturus.

Orat. ms. Sangallense 521. anni 1497.

30. De Vita Christi.

1. Tibi laudes et gratias,
Iesu benigne, refero,
Nam res nimis eximias
Fecisti pro me misero.
2. Ad nos de caelo veniens
Stetisti novem mensibus
Ut reus vincla patiens
In virginis visceribus.
3. Nascens pro domo stabulo
Habes cunam praesaepium
Iumenta pro famulo
Et fenum loco vestium.
4. Tunc angelus cum gaudio
Te nuntiat pastoribus,
Et magi pio studio
Te colunt cum muneribus.
5. Octavo die sanguinem
Coepisti pro me spargere,
Redemptus es per virginem
De templo duplo turture.
6. Herodes te persequitur
Et credens interficere
Innocentes aggreditur
Et facit omnes perdere.
7. Te septem annis tenuit
Aegyptus in exilio,
Et virgo pauper aluit
Te verae matris studio.
8. Patri Ioseph oboediens
Eras es matri subditus,
Quae Dei sunt, perficiens,
In his eras sollicitus.
9. Iohannes ut te diluit
Aqua fontis ut noxium,
Paterna vox intonuit
Te suum dicens filium.
10. Post prolixum ieiunium
Homo verus esuriens
Vicisti ter daemonium
Verba legis obiciens.
11. Congregatis discipulis
Aeternae vitae semina
Spargis ingratis populis
Metens vitae gramina.
12. Tibi nullum hospitium
Nec est ulla possessio,
Solum praebet subsidium
Rara tibi devotio.
13. Famem, sitim, vigilias,
Fletum, aestum cum frigore
Et multas poenas alias
In tuo suffers corpore.
14. Omnes peccantes arguis,
In vultu nullum respicis
Nec peccatores respuis,
Quos iam conversos conspicias.

15. Crepant scribae, pontifices
Et pharisaei nocui,
Dum per sermones simplices
Se falsos cernunt argui.
16. Tibi parant insidias
Et optant te consumere,
Per fraudem et blanditias
Quaerunt in verbo capere.
17. Tentant de censu Caesaris,
Casum ponunt adulterae,
Ab aliis tu quaereris
Signum de caelo facere.
18. Te fabri dicunt filium,
Publicanorum socium,
Samaritanum, ebrium
Et habere daemonium.
19. Non te tenent iniuriae,
Quin illis benefacias,
Nec artant te penuriae,
Incepta quin perficias.
20. Morbos fugas et daemones,
Defunctos facis vivere,
Sed obstinati homines
Nec signis volunt credere.
21. Mortis tuae cum fratribus
Cenas instante tempore
Et pedes lavas omnibus
Et tuo cibas corpore.
22. Et mandas verbis dulcibus
Se invicem diligere
Et mundi passionibus
Valenter corda subdere.
23. Tandem completis omnibus
Mandatis legis veteris
Et Deo datis laudibus
Hortum petis cum ceteris.
24. Ventura sciens sociis
Dicis orare vigiles,
Ne hostis cum insidiis
Vos tentet carne fragiles.
25. Et ter prosternens supplicem
Oras patrem sic humile:
A me transfer hunc calicem,
Si vis et est possibile.
26. Et venis ad discipulos
Gravatos somnolentia,
Ter precī facis sedulos
Orans mente anxia.
27. Et sudas totus sanguine
Propinquae mortis taedio,
Sed angeli solamine
Firmaris in hoc proelio.
28. Surgis et vadis obviam
Armatis te quaerentibus
Et pacem Iudae noxiam
Verbis monstrans humilibus.
29. Verbo prosternis aemulos
Tuos et facis surgere,
Et prohibes discipulos
Volentes te defendere.
30. Malcho sanam auriculam
Reddis, post dicis: sinite
Hanc abire pauperulam
Turbam meam, me capite.
31. Tunc videntes discipuli,
Quod tu defendi renuis,
In fugam se dant tremuli
Et te relinquunt nocuis.
32. Ligatus pontificibus
Pertraheris crudeliter,
A falsis ibi testibus
Accusaris mendaciter.
33. Affligeris blasphemis,
Iniuriis, clamoribus,
Sputis, palmis, opprobriis
Atque duris verberibus.
34. Mane Pilato duceris
Vinctus ut latro pessimus
Ab omnibusque diceris
Mortis es[se] dignissimus.
35. Te Pilatus innoxium
Videns quaerit dimittere,
Ad Herodem, te anxium
Videre, facit ducere.
36. Herodes sprexit impius
Te vestiens ut simplicem
Pilatoque te citius
Mittit et pax fit invicem.

37. Pilatus satisfacere
Credens tuis aemulis
Te totum facit caedere
Et sic monstrari populis.
38. Portans vestem purpuream
Spargis ubique sanguinem,
Habes coronam spineam
Dextra tenens arundinem.
39. Scribae cum pontificibus
Et universo populo
Te clamant magnis vocibus
Crucis figi patibulo.
40. A Pilato sententia
Contra te datur impia,
Stimulatur familia
Et parata sunt omnia.
41. Portanda tuis umeris
Crux ponderosa ponitur,
Ad locum mortis ducis,
Calvariae qui dicitur.
42. Nudus vidente populo
Clavis fixus crudelibus
Levaris in patibulo
Duobus cum latronibus.
43. Pendes in crucis onere
Propter nostra peccamina,
Magis mente quam corpore
Doloris fers gravamina,
44. Matrem tuam dulcissimam
Videns pro te deficere
Et tuam sacratissimam
Mortem paucis proficere.
45. Patri excusas populum
Dicens: nescit, quod faciat.
Matri donas discipulum,
Ut florem flos custodiat.
46. Fel gustas in angustia
Mortis, dum dicis: sitio,
Et paradisi gaudia
Latroni spondes socio.
47. Quod scriptum de te fuerat,
Consummatum est, asseris,
Cur pater te reliquerat,
Humiliter conquereris.
48. Patri clamans fortissime
Tuum commendans spiritum
Caput flectis, vilissime
Tuum concludis exitum.
49. Tunc mare, terra tremuit,
Velum templi dividitur,
Sol ut in nocte lateat,
Petrarum tenor frangitur.
50. Videns tanta centurio
Fatur te Dei filium,
Dat lateris apertio
Nobis salutis fluvium.
51. Largire mihi, Domine,
Virtutum exercitium,
Pro tua matre virgine
Et vitiorum taedium.
52. Me fac in tuis laudibus
Promptum, devotum, vigilem
Et in orationibus
Crebrum, ferventem, humilem.
53. Mitte tuum subsidium
Infirmis et pauperibus
Et veritatis radium
Errantium in cordibus.
54. Depositus in vespere
A tuis de patibulo,
In sero pie conderis
In alieno tumulo.
55. Et descendens ad inferos
Portas frangis cum vectibus
Et patres illinc liberos
Trahis laetos cum laudibus.
56. Totus desiderabilis
Resurgis die tertia,
Pares tuis discipulis,
Ut fertur, matre praevia.
57. Scandis caeli sublimia,
Sedes in patris dextera,
Venturus es cum gloria
Nostra censurus opera.
58. Ut dixeras, paraclitus
Descendens in discipulos
Illos cunctarum caelitus
Linguarum docet modulos.

- | | |
|---|---|
| 59. Precor, Iesu dulcissime,
Post tanta beneficia
Adhuc fac me latissime
Tua gaudere gratia. | 61. Fac eam carnem subdere,
Falsum mundum despicere,
Hostis fraudes evadere
Et te semper appetere. |
| 60. Ad meam confer animam
Claram intelligentiam,
Voluntatem rectissimam
Et utilem memoriam. | 62. Mortis tuae memoria
Iugis cor meum fodiat,
Amoris tui gratia
Spiritus ardere faciat. |
| 63. Patri, nato, paraclito
Laus sit semper et gloria,
Mortis Christi sint merito
Nobis aeterna gaudia. | |

Thesaurus spiritualis imp. Venetiis 1570. „Hymnus devotissimae meditationis totius vitae salvatoris.“ — Mehrere Verse haben, wie es scheint beabsichtigter Weise, eine Silbe weniger und beginnen mit der Arsis.

31. Ad Christum Oratio.

I.

- | | |
|---|--|
| 1. Splendor patris, lumen verum,
Salus mundi, sator rerum,
Iesu Christe, summe Deus,
Ad te clamat miser reus, | 7. Intus nocent, intus laedunt,
Nunquam cessant nec recedunt
Et, si quando depelluntur,
Saeviores revertuntur. |
| 2. Optans vitam, vitans necem,
Tu gementis audi precem.
Audi, quaeso, deprecantem,
Consolare lacrimantem. | 8. Delectantur tantum nece,
Non fugantur, nisi prece,
Et si precibus cessatur,
Vita mox periclitatur. |
| 3. Me peccati premit moles,
Miserere, sicut soles,
Vulnerato multis telis
Opem [mihi] ferre velis. | 9. Sunt crudeles et sunt multi
Et, quod peius est, occulti,
Nam si forsitan viderentur,
Te iuvante caverentur. |
| 4. Morbis premor, tu divinam
Fer aegroto medicinam,
Affer medicantem manum,
Quae me tactum reddet sanum. | 10. Sunt arguti ad fallendum
Et sunt fortes ad nocendum,
Heu, stultis blandiri sciunt
Et sic plus nocivi fiunt. |
| 5. Inter lupos cubo graves,
Qui me vorant, nisi faves,
Quam crudeles in me fremunt,
Instant, urgent, iam me premunt. | 11. Vultus celant feritatem,
Precum dant utilitatem,
Sic fallunt incautam mentem,
Sic discidunt non caventem. |
| 6. Lupos dico spiritales,
Quorum morsus sunt letales,
Quorum dentes venenati
Virus infundunt peccati. | 12. Sed quid miser ista queror,
Cum me maior coquat maeror,
Heu, mali viciniore
Nunquam cessantis languoris? |

13. Nam si sanum me viderent,
Isti lupi non nocerent,
Nempe, quamvis circumsta-
rent,
Non me tamen laniarent.
14. Dum me vident ulceratum,
In me pandunt mox hiatum,
Totus enim ulcerosus,
Miser, foetens et leprosus.
15. Nec me possum ipse ferre,
Robur fugit, cubo terrae,
Mole pressus sum morborum,
Morbos dico vitiorum.
16. Ach, letali coquor febri,
Pectus urunt aestus crebri,
Aestus sunt libidinosi
Morbi mentis vitiosi.
17. Actus mei mihi sordent,
Motus turpes mentem mordent,
Sed quid dicam meam vitam
Semper malis irretitam?

II.

18. Heu, foedatam ac nigratam
Tuis beneficiis,
Te spernentem, lacescentem
Multis te nequitiis.
19. Cum me partus fudit, artus
De materno viscere
Involutos ac pollutos
Traxi primo scelere.
20. Sed me lavit et mundavit
Tui fontis gratia,
Labem tersit, qua me mersit
Serpentis fallacia.
21. Hoc indigno tu in ligno
Crucis confers, Domine,
Dum per sortem nostram mor-
tem
Pateris pro homine.
22. Pietatis huius gratis
A te mihi praebitae,
Ni sum vanus et insanus,
Memor eram debite.
23. Ast oblitus tui litus
Fugi verae patriae,
Intrans fluctus maris ductus
Flatibus insaniae.

III.

24. Annos intrans pueriles
Actus parvos et exiles
Dicavi nequitiae,
Quod honestum, hoc devovi,
Quidquid decens, hoc removi
Deditus stultitiae.
25. Non sum patrem veneratus,
Verba matris dedignatus
Feci, quod non debui,
Sprevi miser coaequales,
Saepe laesi consodales,
Sic sontem me prae bui.
26. Qui levis et dissolutus,
Hunc amplexus, hunc secutus,
Huic libens me tradidi,
- Qui traxit ad vanitates
Et qui suasit levitates,
Huic me totum dedidi.
27. Avernatus monitorem
Non secutus sum doctorem,
Disciplinas respui,
Demum, quidquid me iuaret,
Quidquid mores informaret,
Ore cordis expui.
28. Sic in praeceps, heu, ruebam,
Callem vitae contemnebam
Mortis iter rapiens,
Nunquam mentem adplicabam,
Vestigare non curabam,
Quid amaret sapiens.

29. Sic a puero crescebam
Et sic crescens assuescebam,
Involvi criminibus,
Et quo magis me foedavi,
Ex hoc esse cogitavi
Plus gratus hominibus.
30. Si quid blandum sentiebam,
Illuc sensus infundebam,
Ibi me prostituens,
Summum bonum aestimavi,
Si tenerem, quod amavi,
Bono me destituens.
31. Illud verum summum bonum,
Quod largitur tuum donum,
Deus meus, abnui,
- Quisquis illud ingerebat,
Quisquis illud persuadebat,
Hunc audire renui.
32. Desperatus iam divinam
Respuebam medicinam
Nec aegrotus dolui,
Panem vitae fastidivi,
Potum dulcem non sitivi,
Nam salutem nolui.
33. Quod peccavi, defendebam,
Aeger sanum me dicebam
Fovens mea crimina,
Aegrum febres delectabant,
Quae levarent, me gravabant,
Vitae fugi limina.

IV.

34. Sed nunc, vita mea, Deus,
Via mea, ductor meus,
Nunc revertor ad te reus
Petens a te veniam.
Ovem errantem tu quaeris,
Tu reverso misereris,
Ne me clemens averseris,
Mitem te inveniam.
35. Tu reversum ad te natum
Tamquam de morte relatum
Suscepisti magis gratum,
Quam si non recesserit,
Stola candida vestisti,
Diem festum edixisti,
Epulari praecepisti
Nato, qui revixerit.
36. Verax Deus, ne muteris,
Da, quaeso, quod polliceris,
Suspirantem ne moreris,
Lacrimantem respice.
Portam pulso pietatis,
Aures tango veritatis,
Miserere, pie, gratis,
Mendicum ne despice.
37. Sputa, probra, quae tulisti,
Mors, in cruce quam vicisti,
Sacer sanguis, quem fudisti,
Iram tuam leniant,
- Virgo mater, caeli coetus,
Qui te regem laudat laetus,
Quem iam nullus terret metus,
Placatum te veniant,
38. Quo convertas ad me vultum,
Quem offendi miser multum,
Errantemque diu stultum
Digneris corrigere;
Vera salute carentem
Tangas blanda manu mentem
Atque pestem obsidentem
Hanc cures abigere.
39. Igne sancto caritatis
Cremes sordes foeditatis
Atque tuae claritatis
Reformes imaginem,
Germen evellas spinosum,
Nemus uras tenebrosum,
Fetum neces vitiosum,
Des vitis propaginem.
40. Quae de vite surgens crescat,
Dilatetur, ne marcescat,
Irrigetur, ne arescat,
Fonte tui spiritus;
Sursum crescens erigatur
Nec ad terram deflectatur,
Pingui succo distendatur
Fecundata caelitus.

41. Talem gestans in me vitem
Tristes mortis fructus vitem,
Domum spiritalem ditem
Vitae dulci germine.
Sim fidelis, castus, suavis,
Mente, verbo, facto gravis,
Nunquam me coniungam pra-
vis,
Vivam sine crimine.

42. In te solo requiescam,
In te flagrem nec tepescam,
Ad te curram nec lassescam,
Credam, sperem, diligam.
Sic exutus carne gravi
Laetus fungar luce suavi
Hocque tenens, quod optavi,
Ultra nihil eligam.

Clm. Monacen 2600. (ol. Alrispacen.) saec. 13.

32. Ad Christum Oratio.

1. Iesu, dulcis et decore,
Flos odorans miro more,
Sponse meus amorose,
Super modum speciose,
Dilecte mi pulcherrime,
Ubi, quaeso, demoraris,
Ubi vis, ut perquiraris,
Ubi cubas et quiescis,
Qui sic sapis et dulcescis,
O dulcis sapor animae.

2. Trahe me, o mi dilecte,
Mentem meam in te flecte,
Tuo currat in odore,
Fatigato prae amore
Da manum dicens: sequere.
Vide mentem, quae te videt,
Cuius cor ad te subridet,
Nullam curam habet sui,
Ut dilecto possit frui,
O care mi, convertere.

3. Esto mihi, simque tibi,
Ubi cubas, sim et ibi,
Meo mecum sis in lecto
Ac sub uno simus tecto,
Sit lectus noster floridus.
Domus nostra liliosa,
Delicata sit ut rosa,
Nam et noster est dilectus
Pulcher totus et perfectus,
Rubicundus et candidus.

4. Appropinqua, veni, care,
Cum amante convivare,
Ne offendam te amicum,
Tolle, quidquid est iniquum,
De cordis mei medio.
Omne bonum de te spero,
Corde fruar te sincero,
De me vero nil praesumo,
Cuius vita par est fumo,
Tu scis in me, quod nescio.

5. Ergo, Iesu, veni, bone,
In cor meum te compone,
Esto mecum in hac vice,
O dilecte mi amice,
Sic venias, ut sentiam.
Iam cor meum dilatetur,
Et affectus inflammetur,
Sentiat te venientem,
Semper mecum permanentem,
Praegustet suavem gratiam.

6. Ut cum fonte lacrimarum
Cor contritum et amarum
Tuo sancto in altari
Delectetur epulari
Affectu tantae hostiae.
O quam dulcis hic affectus,
Quo dulcescit meum pectus,
Blandus amor atque lenis
Natat meis iam in venis,
O tantae grates gratiae!

Cod. S. Petri Salisburgen. b VII 10. saec. 15. A. — Cod. Palat. Vindobonen. (ol. Lunaelacen) 3848. saec. 15. B. — Orat. ms. Tegurinum saec. 15. Clm. Monacen. 20001. C. — Orat. ms. Lehninense anni 1518. Cod. Bero-
linen IV^o 29. D. — Clm. Monacen. (ol. Tegurin.) 19824. saec. 15. E.

1, 5 mi revertere A. — 2, 5 sequere me B. — 2, 10 O fehlt ABCE. — 3, 3 Mecum meo sis BCE. — 3, 4 Ac de sub uno A. — 3, 10 et fehlt ABCE. — 4, 2 commorare E. — 6, 1—6 fehlen ABCE. — 6, 10 O fehlt ABCE.

„Carmen iucundum et perfecti amoris indicium ad dulcem amatorem et sponsum ecclesiae Iesum Christum, Dei et Mariae filium.“ A. „Mellifluus rhythmus beati Bernardi“. D. Der Wiener Handschriftenkatalog schreibt das Lied dem Hieronymus von Mondsee zu, offenbar irrthümlicher Weise.

33. Ad Christum Oratio.

1. Iesu, qui de virgine
pro nobis es natus,
Circumciscus postmodum,
in templum oblatas,
Post annum tricesimum
aqua baptizatus,
Dein post ieiunium
a Sathana temptatus,
Ut omnes dilueres
humanos reatus,
Mihi dona, Domine,
dona sacri flatus.
2. Qui Iohannem utero
gaudere fecisti,
Ad te magos praevia
stella perduxisti,
Qui vinum in nuptiis
ex aqua fecisti,
Captum a daemonio
mutum eruisti,
Diurnam feminam
statim erexisti,
Ficum reddis aridum,
cui male dixisti,
3. Motui maris imperas
et ventum sedasti,
Pisce dante staterem
didragma solvisti,
Socrum Petri febribus
tentatum curasti,
Super aquam veluti
per terram transisti,
Te coram discipulis
transfiguravisti,
Qui de septem panibus
milia pavisti,

Plures de residuo
sportas implevisti,
Peccatori subveni,
pie Deus, isti.

4. Qui propulso daemone
Surdum das audire,
Rupto linguae vinculo
mutum loqui mire,
Sanas paralyticum
et facis abire,
Legionem imperas
in porcos subire,
Quae sunt tibi placita,
fac me, Deus, scire.
5. Qui decem a macula
leprosos mundasti,
Qui de quinque panibus
multos tu curasti,
Qui Chananeae filiam
clamantis salvasti,
Qui Martham a sanguinis
fluxu liberasti,
Me salva, quem sanguine
proprio purgasti.
6. Qui fatentem recipis
pie publicanum,
Pharisaicum despicias
superbum et vanum,
Qui verbo restituis
mauro siccam manum,
Servum, pro quo centurio
rogat, facis sanum,
Quod est in me subdolum
tolle et profanum.

7. Qui de ficu fatua
vocasti Zachaeum,
Theloneo subtrahis
transiens Matthaeum,
Qui sanas hydropicum,
sabbato curas reum,
Qui distans a reguli
nato sanas eum,
Reparante gratia
perfunde cor meum.

8. Qui Mariae lacrimas
pie respexisti,
Qui clementer crimina
multa dimisisti,
Captam adulterio
moecham absolvisti,
Caecum natum liniens
videre fecisti,
.
.

Cod. Graecen. 938. saec. 15. Das Weitere fehlt.

34. Ad Christum Oratio.

1. Dulcis Iesu, qui es natus
De Maria virgine,
Verus homo, qui es datus
In cruce pro homine,
Sordes meas et reatus
Terge tuo sanguine.

2. Memento, quod carnis iura
Nostrae quondam sumpseris,
Quod creator creatura
Pro nobis efficeris,
Et quod factor pro factura
Mortem crucis tuleris.

3. Deus unus tu et pater
Cum sitis essentia,
Et te mihi parit mater
Viri quoque nescia,
Deus meus es et frater
In carnis substantia.

4. Si me mei creatoris
Abhorret divinitas,
Fratris mei salvatoris
Non odit humanitas,
Nec me mei redemptoris
Negabit benignitas.

5. Memor esto, quod creando
Me fecisti filium
Et te mihi hoc iuvando
Fratrem facis proprium,
Non me perdas condemnando
Mortis tuae pretium.

6. Quia flere, quae peccavi,
Per me non sufficio,
Indulgebit, quod erravi,
Patris miseratio,
Et quas poenas comparavi,
Solvat fratris passio.

7. Apud patrem plus meretur
Innocens iustitia,
Apud te nam, ut videtur,
Plus potest paenitentia,
Nam quod a te plus ametur,
Probant subsequencia.

8. Nunquam merita iustorum
Sanctitatis opere
Et non amor miserorum
Lugentum in carcere
Te coegit, rex caelorum,
Ad terram descendere.

9. Potest insons te factorem
Altius inspicere,
Sed te reus redemptorem
Plus potest diligere,
Cum sis amor, amatorem
Non potes repellere.

10. Nam te teste tu dixisti,
Non iustos ad veniam
Ut vocares, advenisti,
Sed ad paenitentiam
Peccatores, quos traxisti
Per amoris gratiam.

11. Plus amare comprobatur,
Cui plus dimittitur
Et plus amans plus amatur;
Cur? quia redimitur,
Nam, quod care comparatur,
Carius diligitur.

Orat. ms. Domus Novae Lucis anni 1477. Cod. Ultraiectin. Scriptt.
Eccel. 375.

35. Ad Christum Oratio.

- | | |
|--|---|
| 1. Iesu, virtus deitatis,
Patris sapientia,
Tu es dextra maiestatis,
Par patri potentia,
Auctor universitatis,
Rex et regens omnia. | 7. Tu es pacis gratitudo,
Timoris iustitia,
Tu in via fortitudo,
Praemium in patria,
Sanctorum beatitudo,
Angelorum gloria. |
| 2. Tu es splendor et figura
Paternae substantiae,
Verbum factum caro pura,
Carens carnis carie,
Et creator creatura
Ex David progenie. | 8. Tu es legis plenitudo,
Gratiae tu largitas,
Fidei tu fortitudo,
Tu spei profunditas,
Caritatis latitudo,
Via, vita, veritas. |
| 3. Tu es mitis et severus,
Humilis, altissimus,
Agnus mitis, leo ferus,
Clemens [et] iustissimus,
Deus fortis, homo verus,
Potens et piissimus. | 9. Te adoro, mi creator,
Tuo factus numine,
Te collaudo, mediator,
Cuius vocor nomine,
Te saluto, mi salvator,
Emptus tuo sanguine. |
| 4. Tu es iudex pietatis,
Fons tamen clementiae,
Deus fortis, auctor pacis,
Rex tamen iustitiae,
Vindex iustus pravitatis,
Vena tamen veniae. | 10. Salve, fili Dei, Deus,
Splendor paternae gloriac,
Vita mea, Deus meus,
Amor et deliciae,
Tibi laudes, licet reus,
Cantabo cotidie. |
| 5. Tu es novae lator legis
Et largitor veteris,
Rex et natus summi regis
Descendens de superis,
Ovem ad ovile gregis
Reportans in umeris. | 11. Ave, fuga tenebrarum,
Lux solis et siderum,
Iesu, salus animarum,
Medicina scelerum,
In hac valle lacrimarum
Respice me miserum. |
| 6. O peccati paenitudo,
Reatus remedium,
Tu erroris rectitudo,
Doloris refugium,
Tu amoris plenitudo,
Pudoris conubium, | 12. Vale, via beatorum,
Iesu, pacis visio,
Via vitae, spes lapsorum
Et eorum redemptio,
Ad te miser peccatorum
Mole pressus fugio. |

Orat. ms. Domus Novae Lucis anni 1477. Cod. Ultraiectin. Scriptt. Eccl.
375. — Nach 9, 4 sind folgende zwei überzählige Zeilen eingeschoben:

Quia Christianus dicor
Et te laudo carmine,

in denen auch der Reim der ungeraden Zeile fehlt. — 10, 1 Deus fehlt. —
12, 3 Tu via.

36. Ad Christum Oratio.

- | | |
|--|---|
| <p>1. O rex, pater gentium,
Caeli triumphator,
Cunctorum gementium
Pius consolator,
In eum credentium
Firmus consolator,
Devote colentium
Es remunerator.</p> | <p>3. Patris tui genitus
Nos illuminasti
Et cunctorum gemitus
Pius illustrasti,
Veniens divinitus
Hostem sic fugasti,
Ad ovile caelitus
Ovem revocasti.</p> |
| <p>2. Ad terras pro homine
Victor descendisti
Et de matre virgine
Nasci voluisti,
Quam sacro spiramine
Totam replevisti,
De qua, caeli domine,
Carnem assumpsisti.</p> | <p>4. Nam passus pro homine
In cruce fuisti,
Et pro nostro nomine
Sanguinem fudisti,
Cunctipotens Domine,
Sic nos redemisti,
Solutos a crimine
Et a poena tristi.</p> |
5. Fac nos, rex piissime,
Cunctos te timere,
Victor potentissime,
Peccata deflere,
Post mortem plenissime,
Christe, te videre,
In caelis laetissime
Tecum congregare.

Cod. Vindobonen. 4314 anni 1456. — 3, 1 Partus tui. — 4, 8 poena iusti.

37. Ad Christum Oratio.

- | | |
|---|--|
| <p>1. Christe, fili summi patris,
Per amorem tuae matris,
Cuius venter te portavit
Et te dulci lacte pavit,</p> | <p>3. Te nunc precor licet reus,
Miserere mei, Deus,
Miserere, miserator,
Quia vere sum peccator.</p> |
| <p>2. Te per ipsam oro supplex,
Quia tu es salus duplex,
Salus rerum mundanarum
Atque salus animarum.</p> | <p>4. Tu peccata dele mea
Et cor mundum in me crea,
Da spem firmam, fidem rectam
Caritatemque perfectam.</p> |

- | | |
|---|---|
| <p>5. Et concede finem bonum,
Quod est super omne donum,
Ut in corde sic compungar,
Tibi, Christe, quod coniungar.</p> <p>6. Fac me digne manducare
Corpus tuum salutare,
Ira tua ne me gravet,
Sanguis tuus sic me lavet</p> | <p>7. Extra corpus et in corde
A peccatis et a sorde,
Mors si carnem meam frangat,
Mors secunda non me tangat.</p> <p>8. Licet caro imputrescat,
Spiritus tecum quiescat,
Ut dum instet hora mortis,
Angelus tis assit fortis,</p> <p>9. A te datus mihi custos,
Qui me locet inter iustos,
Ut resurgam te visurus,
Tecum semper permansurus.</p> |
|---|---|

Orat. ms. saec. 15. Cod. Cremifanen. 394. — 1, 4 potavit. — 8, 2 requiescat. — 8, 4 Angelus tuus assit. — Nach 9, 4 noch per infinita saecula saeculorum.

38. Ad Christum Oratio.

- | | |
|--|---|
| <p>1. Tibi, Iesu, creatori
Detur benedictio,
Tibi, Iesu, redemptori
Honor et laudatio
.
.</p> <p>2. Tibi, Iesu, confiteri
Bonum est et psallere,
Modus cuius est mederi,
Usus est ignorere,
Ius naturae misereri,
Et voluntas parcere.</p> <p>3. Non est onus ita grave,
Ut peccati sarcina,
Corpus enim premit prave,
Cordis caecans lumina,
Mentem ducens in vae a vae
Et offendit numina,</p> | <p>4. Heu, quid agam, toti mundo
Vilescens obsordui,
Coetu caeli laetabundo
Non sum dignus perfrui,
Solum Stygis in profundo
Mansionem merui.</p> <p>5. Omnem mundum maculavi
Per meam libidinem,
Mala tanta perpetravi,
Quod ob multitudinem
.
.</p> <p>6. Iesu, motu medicinae
Miserum me visita,
Et a vincolo mortis trinae
Foetentem me suscita,
Ac da vitam sine fine
Pietate solita.</p> <p>7. Mihi reo miserere,
Sic et cunctis miseris,
In praesenti nos tuere
Et post diem funeris
In futuro fac gaudere
Perpetim cum superis.</p> |
|--|---|

Orat. ms. Domus Novae Lucis anni 1477. Cod. Ultraiectin. Scriptt. Eccl. 375. — Dies Lied oder Bruchstück eines Liedes ist in der Hs. einem Marienliede angehängt, mit dem es nichts zu thun hat. Am Schlusse folgt noch: Veniam rogo Christi, Ut sua per vulnera Deleat nunc omnia facinora, quae Blume, Pia Dictamina. IV.

egi. — Str. 6 und 7 stehen in derselben Hs. aber am anderen Orte, ebenfalls hinter einem Marienlied; dieselben scheinen zu obigem Liede zu gehören.

39. Ad Christum Oratio.

- | | |
|--|--|
| 1. Dulcis Iesus, amor meus,
Verus homo, verus Deus,
Regum rex et domine,
In hunc mundum qui venisti
Atque tuo redemisti
Pretioso sanguine | 2. Genus perditum humanum,
Mihi, precor, praebe manum,
Ut a tantis eruar
Per me miserum peccatis
In hac vita perpetratis
Et venire merear |
|--|--|

3. Ad te, verbum incarnatum
Dei, quem ama[m]us natum
Ex intacta virgine.

Cod. Trecen. (ol. Claravallen.) 1612. saec. 15.

40. Oratio pro peccatis ad Dominum Iesum.

- | | |
|---|--|
| 1. Iesu benignissime,
ad te flens suspiro,
Custodi me, Domine,
a serpente diro,
Nam oppressus vitiis,
proh dolor, deliro
Peccatorum funibus
complexus in gyro. | 4. Spes hic et refugium
o desperatorum,
Da, redemptor, scelerum
veniam meorum,
Ne ultra memineris,
clemens, delictorum,
Sed ignosce impio,
salus miserorum. |
| 2. Heu, heu, heu me miserum,
nam peccavi nimis,
Misericordissime
pater, qui sublimis
Sedibus me miserum
reducas ab imis,
Ne quando remaneam
in gehennae rimis. | 5. Vota pie suscipe
diu paenitentis,
De commissis contra te
intime dolentis,
Intuere gemitus
pauperis lugentis,
Pro suis flagitiis
coram te plangentis. |
| 3. Ego miserabilis,
gemens, desperatus,
Peccatorum funibus
dire sauciatus,
Ad te clementissimum
fugio prostratus,
Parce mihi, Domine,
pro me morti datus. | 6. Si a tuis semitis
peccando erravi
Tuamque clementiam
nimis provocavi,
Te tamen, piissime
pater, non negavi,
Sed ut meum dominum
semper adoravi. |

Orat. ms. Lehninense anni 1518 Cod. Berolinen. 4^o 29. — 2, 5 Sedes me. — 2, 6 Ducas ab. — 5, 2 tui. — Acrostich: Ihesus.

41. Ad Christum Oratio.

- | | |
|--|---|
| 1. Adonai, rex omnium,
Salus et spes fidelium,
Qui non habes initium
Et regnas in perpetuum, | 8. Virtutes in me inserte,
Quae sint acceptae coram te,
Quibus possim proficere
Et in bono persistere. |
| 2. De tuis non est numerus,
Rex, miserationibus,
Tu igitur piissimus
Meis adesto precibus. | 9. Dona donum auxilii,
Sis mihi spes refugii,
Inter fluctus huius saeculi
Ne mergar, mihi subveni. |
| 3. Propter tuam clementiam
Atque misericordiam
Da de peccatis veniam
De malisque custodiam. | 10. Tuos super me oculos,
Rex, aperi piissimos
Et mitte sanctos angelos
Hodie mihi socios. |
| 4. Parce meis criminibus
Nec non iniquitatibus,
Qui parcis paenitentibus,
Esto mihi propitius. | 11. Libera me ab hostibus
Malignis spiritalibus,
Ab iniquis hominibus
A cunctisque doloribus. |
| 5. Erue me a noxiis
Et pravis desideriis,
Ab hostium insidiis,
Ab inferni suppliciis. | 12. Diem largire prosperum,
Praesentis vitae gaudium,
Tu in me insurgentium
Compesce fauces omnium. |
| 6. Da mihi, benignissime,
Hic locum paenitentiae,
Priusquam ab hoc corpore
Egressus fiat animae. | 13. Audi mea precamina
Dimitteque peccamina,
Fiantque cuncta omnia
Per sanctorum suffragia. |
| 7. Fac me, quod spernis, spernere,
Quod diligis, diligere,
Me cunctis locis protege,
A cunctis malis eripe. | 14. Te Iesum super omnia
Fac diligam per saecula,
Ut cum sanctis in gloria
Tua laudem magnalia. |

Cod. Carollsruhan. Augien. 36. saec. ¹⁴/₁₅. — 8, 3 perficere. — 9, 1 Dona mihi donum. — 9, 3 eine Silbe zu viel. — 12, 4 Compesce factor.

42. Ad Christum Oratio.

- | | |
|--|--|
| 1. Te Deum laudamus,
qui carnem induisti,
Qui lac virginal
homo factus suxisti, | 3. Qui mandata legis
in templo docuisti,
Qui vitam perfectam
exemplo ostendisti, |
| 2. Qui sub cura matris
in maiorem crevisti,
Qui parvus et maior
miracula fecisti, | 4. Qui verba salutis
mundo proposuisti,
Qui te (vel)ut hominem
temptare permisisti. |

5. Qui tandem in cruce
mortem sustinuisti,
Qui matrem in cruce
Iohanni commisisti.

6. Qui nec eius poenis
nec tuis pepercisti,
Tibi supplicamus,
pro quibus tot egisti,

Nos matris amore
serves a nece tristi.

Orat. ms. S. Petri Salisburgen. saec. 15. Cod. Plagen. 274. — 6, 2 ne-
que tuis.

43. Ad Christum et Mariam Oratio.

1. Ave, puer amorose,
Ave, Christe speciose,
Ave, Iesu gratiose.
2. Ave et tu gloriosa
Christi mater generosa,
Sponsa patris amorosa.

3. Ave, pugil virtuose,
Iesu, victor gloriose,
Proles stirpis generosae.
4. Ave, virgo speciosa,
Deo placens et iocosa
Prae cunctis et luminosa.

* * *

5. Ave, Iesu, fac benigne,
Quod vivamus semper digne,
Fac nobiscum gratiose
Bona praestans copiose.
6. Ave, bonitatum stola,
Ave, praelecta sola,
Ave, mater bonitatis,
Nos associa beatis.

7. Ave, o puer optime,
Ave, deorum maxime,
Ave, Christe, ave, care,
Ave, nostrum salutare.
8. Ave, Maria regia,
Ave, parens egregia,
Ave, virgo, sed fecunda,
Tota pulchra, tu nos munda.

Orat ms. Diessense saec. 15. Clm. Monacen. 5688.

44. Verba Christi ad animam.

1. Quanta cura mihi de te,
Homo, si cognosceres,
Tam miser et inops in te
Nequaquam exsisteres,
Sed quia remotus a me,
Quid, exsul, in fluctu es?
O si tu hoc saperes.
2. In abyso deitatis
Finxi te de nihilo,
Summae quoque trinitatis
Signavi te signaculo,
Tuque liber a reatis
Comparatus angelo,
Tam nobilis es homo.

3. In loco te voluptatis
Gloriosum posui,
Per ministrum falsitatis
Decepto condolui,
Vesteque simplicitatis
Nudatum te vestii,
Sic homo pro te fui.
4. Te iuste quamvis fugavi
De loco laetitiae,
Nequaquam tamen privavi
Spe misericordiae,
Nam suo praedestinavi
Salvare te tempore,
Hinc, homo, dilige me.

5. Satana semper damnato
Nasci pro te volui,
Malo nullo perpetrato
Poenam pro te subii,
Me circumciso et oblato
Legem non praeterii;
Scis, homo, cur id egi?
 6. Quid faciendum non feci,
Homo, cum hominibus?
Te docui, te perfecti
Verbis et operibus,
Corporis mei refeci
Mysticis te dapibus;
Quid homo vis amplius?
 7. Spretus eram et abiectus
Veluti vas perditum,
Sputis ac plagis affectus,
Mala ferens omnium,
Ut reprobis, non electus
In oculis hominum;
Id, homo, pro te totum.
 8. Pro te pedes, pro te manus
Perfossae saevissime,
Spinis caput, ense latus
Vulneratum impie,
Felleque pro te potatus,
Crucifixus undique,
Sic homo dilexi te.
 9. Quia pro te pauper natus,
Tu ditaris meritis,
Quia pro te cruciatus,
Tu quitaris debitis,
Et quia glorificatus,
Coronaris praemiis;
Quid, homo, mihi pro his?
 10. O caritas inaudita
Stupendaque pietas!
Deitatique unita
Mea sit humanitas.
Hinc tibi sit infinita
Laus, maiestas, claritas,
Sempiterna Trinitas.
- Clm. Monacen. (ol. Tegurin.) 20015 anni 1500.

45. Verba Christi consolatoria.

1. Et ego quid demerui?
Pendens inter latrones
Oravi nec obtinui
Carnis petitiones,
Calicem mortis sorbui,
Patri placere studui
Per carnis passionem.
2. Ergo non murmur exeat,
Si non fit, quod orasti,
Nec orasse paeniteat,
Quamvis non impetrasti,
Si fraudet desiderium,
Ad maius beneficium
Datorem obligasti.
3. Ad me si levas oculum,
Vides argento vendi,
Tradi quoque post osculum
Et dire comprehendi
Et alligari funibus
Et affici verberibus,
Sine lege suspendi.
4. Relinquor ab amantibus
Velut iam desperatus,
Praesentor pontificibus
Velut latro ligatus,
Si quos amavi fortius,
Ab illis, inquam, citius
Sum spretus et negatus.
5. Ibi clamor, derisio,
Severitas minarum
Et capitis velatio
Et ictus maxillarum,
Omnes impune feriunt,
Et quidquid mihi faciunt,
Videtur esse parum.
6. Saturatus opprobriis
Reducor ad Pilatum,
Revocatis iniuriis
Ruunt in accusatum,
Tandem latronem liberant
Et me cruentem verberant
Ad crucem iudicatum.

- | | |
|--|---|
| <p>7. Ibi nil valet veritas
 Suum ius allegando,
 Sed aemula clamoritas
 Praevalet insultando,
 Nec praeses dat praesidia,
 Nec curam gerit curia
 De iusto liberando.</p> <p>8. Tamquam vile mancipium
 Dant in Herodes manus,
 Mox reducor in medium,
 Deludor ut insanus,
 Tandem remissus Pontio
 Dirae mortis opprobrio
 Condemnor ut profanus.</p> | <p>9. Ultra muros proicior
 Et ipse crucem fero,
 Matre vidente spoliis
 Vestimentis, quae gero,
 Tandem clavis perfodior,
 In cruce sed dum morior,
 De vita non despero.</p> <p>10. Ergo, miser, non mireris,
 Licet non obtinetur
 Tam cito, quod a patre quaeris,
 Nec putes, quod negetur,
 Sed placide tu patieris,
 Cum per adversa promereris,
 Et gratia sequetur.</p> |
|--|---|

Cod. Palat. Matriten. 2 N 4. saec. 13/14. add. saec. 13/14. A. — Cod. Londinen. Reg. 7 A VI. saec. 14/15. B. — 2, 1 nec murmur B. — 2, 5 Dum tardat desiderium B. — 3, 1 levas oculos B. — 3, 6 confici B. — 3, 7 lege parcendi B. — 5, 1 Illis clamor B. — 5, 5 in pugnis A. — 6, 3 Revocatus A. — 6, 5 hic homicidam liberant B. — 7, 2 Sive ius A. — 7, 5 Nec preces dant A. — 8, 1 Quasi vile B. — 8, 6 mortis supplicio B. — 9, 1 Extra muros B. — Str. 10 fehlt B. — Zum Verständnisse schickt A die Note vorans: Quidam clericus in nimia tristitia detentus et conquerens crucifixo, quod omnia sibi non evenissent ad votum, quae in oratione petebat, sic sibi responsum est.“

46. De Passione Christi.

- | | |
|---|--|
| <p>1. Christe, via, quae perducis
 Ad supernae lucem lucis,
 Purga labe labia,
 Ut in cruce laudem crucis
 Exaltando de caducis
 Volem ad caelestia.</p> <p>2. Post Mariam, virgam Iesse,
 Cuius fructu, cuius messe
 Cuncta vivunt saecula,
 Designanter et expresse
 Virgam crucis dat prodesse
 Legis nostrae regula.</p> <p>3. Illam caeli ros irrorat,
 Istam pingit et colorat
 Sanguinis effusio,
 Honor summus hanc honorat,
 Illam flore non deflorat
 Floris generatio.</p> | <p>4. Nihil habet hoc secundum,
 Christus vivens, passus mundum
 Voluntate propria
 Altum tenens et profundum,
 Ab immundo mundat mundum,
 Propter hostes hostia.</p> <p>5. Vermes amat hamus ille,
 Per quem serpens in maxillae
 Parte laesus vincitur,
 Suae fraudis artes mille,
 Suus ignis ad favillae
 Finem non perducitur.</p> <p>6. Botrus Cypri vecte vectus,
 Cuius sacrum colit pectus
 Immortalis gratia,
 Gloriosus et abiectus
 Fit protector, non protectus
 A mortis angustia.</p> |
|---|--|

7. Dum iuvenca concrematur,
Ut sollemnis impendatur
Iudaeis aspersio,
Byssus Christi purpuratur
Et colore, quo purgatur,
Rosa praestat lilio.
8. Ut amarum non sit mare,
Ionam sorbet sed vorare
Clausum nequit bestia,
Christus, templum et altare,
Templum solvens restaurare
Die novit tertia.
9. Hic est vermis matutinus,
Corruptelae non vicinus,
Sol, qui siccat hederam,
Quem sustollens alta pinus
Infert ei nihil minus
His, qui vivunt perperam.
10. Habitavit urbem lunae
Prostituta, sed impune,
Quae sub typo criminum
Figuravit opportune
Sacrum funus suo fune,
Quo pependit coccinum.
11. Ut plus agat in agone
Decus serti vel coronae
Coaptatur crinibus,
Et soluta quaestione
Punctionem punctione
Vepres fugat vepribus.
12. Inserbat illi serto
Auctor certus in incerto
Maiestatis gloriam,
Dum clamaret in aperto
Sed desertam in deserto
Aquam vitae consciam.
13. Dum acetum, dum fel ori
Ministratur, peccatori
Sacrans Deus calicem,
Non humano more mori
Dedignatur, sed cruori
Miscet latus laticem.
14. Commendatur sepulturae,
Sepelitur tus in ture,
Balsamita balsamo,
Puncto noctis secutur
Usurpato claudit iure
Talem tali thalamo.
15. Iste lapis est iacinthus,
Dum rex caeli iacet intus,
Lapis clausus lapide,
Vinctos solvens ipse vinctus,
Deus vivens vir exstinctus
Zelo gentis invidae.
16. Auctor vitae, princeps pacis
Frangens minas et minacis
Lenta reddens brachia,
Tu divisos unum facis,
Rapiendo contumacis
Spoliatus spolia.
17. Tu qui caeli lato lates,
Tuae dignas fero grates
Non ingratus gratiae,
Fac, ut tendat tuus vates
Per has poenas ad pennates
Permanentis gloriae.

Cod. Londinen. („Liber Cistercii“) Add. 15722. saec. 13/14.

47. „Sequitur devotus rigmus dominicae passionis.“

1. Christus Deus homo natus
Et in mundo conversatus
Poenam tulit damnatorum
Absque noxa peccatorum.
2. Tentus namque a Iudaeis
Et oblatus Pharisaeis,
Innocenter accusatur
Et probrose iudicatur.

3. Hoc a gente infideli
Auctor mundi, rector caeli
Ultra suffert non invitus,
Tamquam sui sit oblitus.
4. Indicatus flagellatur,
Flagellatus condemnatur
Et in manus impiorum
Datur princeps angelorum.
5. Caput eius venerandum
Atque cunctis adorandum
Plexis spinis coronatur
Et per sputa inquinatur.
6. Spinae pungunt, guttae ruunt,
Genae madent, sputa fluunt
Et saliva foedi oris
Vultum replet salvatoris.
7. Vestis ei purpurata
Est in dolo praesentata,
Qua indutus adoratur
Et derisus verberatur.
8. Genu flexo dicunt Ave,
Verbum bonum et suave,
Sed amarum nimis dictum,
Quando manus praebet ictum.
9. Nam post cultum simulatum
Colaphizant adoratum,
Ora velo contingentes
Et velatum ferientes.
10. Quasi latro, quasi reus
Sic tractatur homo Deus,
Tractus, caesus et consputus
Non respondet quasi mutus.
11. Inter reos deputatur
Et sub cruce incurvatur,
In augmentum dirae sortis
Portat signum suae mortis.
12. Ligno crucis applicatur
Et in altum exaltatur,
Manus, pedes distenduntur
Atque clavis transfiguntur.
13. Ibi pendet ut leprosus
Ille forma speciosus,
Corpus eius ligno strictum
Pendet tamquam maledictum.
14. Murram sumit et acetum,
Quibus erat vas repletum,
Quod dabatur sitiienti
Et iam paene morienti.
15. Post haec caput inclinavit
Et sic clamans exspiravit,
Hasta latus perforatur,
Et sic Iesus consummatur.

Orat. ms. Brigittin. Neerlanden. saec. 15. (Privatbesitz.)

48. De Passione Domini.

1. Ave, Iesu, qui fuisti
Nocte natus, descendisti
Ad inferni latebras,
Da renatis adimplere
Nova iussa, da cavere
Vetustatis tenebras.
2. Ave, florens vultus Christi,
Sputa pro me suscepisti,
Et decora facies,
Non, te precor, avertaris,
Sed et me intuearis
Centies, millesies.
3. Ave, Iesu, qui damnatus
Mane es et suscitatus
De sepulcri lectulo,
Morte tua triumphali
Me suscita de letali
Peccatorum tumulo.
4. Ave, qui apparuisti,
Iesu, tuis et fuisti
Vinctus hora prima,
Solve reos, ne reatus
Contra eos indicatus
Condemnet in infima.

5. Ave, Iesu, qui misisti
Paraclitum et fuisti
Caesus hora tertia,
Fac me digne flagellare
Carnem, sancti expectare
Spiritus solacia.
6. Ave, Iesu, qui proiectus
Extra portam et erectus
In crucis es patibulo,
Qui misertus es latronis,
Tuae miserationis
Nos astringe vinculis.
7. Ave, Iesu, quo in cruce
Viso mundus sueta luce
Hora sexta caruit,
Mihi semper sit in mente
Lux, quae Iesu resurgente
Credulis apparuit.
8. Ave, Iesu, qui potatus
Felle tradis inclinatus
Hora nona spiritum,
Ne peccati pastus melle
Poter male mortis felle,
Da salutis exitum.
9. Ave, ave, Iesu bone,
Tui cordis scissione
Confertur utilitas,
Sanguis tuus me emundet,
Cor impinguet, cor fecundet,
Tollatur infirmitas.
10. Ave, qui decubuisti
Lecto crucis et fuisti
Totus in doloribus,
Opem fer in lecto mortis,
Mihi sis adiutor fortis,
Defensor ab hostibus.
11. Ave, Iesu, qui undena
Hora pastus es in cena
Et de cruce depositus,
Mystica refectione
Pasce me atque depone
Iugum culpae funditus.
12. Ave, Iesu, qui locatus
In sepulcro es vallatus
Militum custodia,
Et hac hora duodena
Me custodi et refrena
Mihi adversantia.
13. Iesu, tuam venerantem
Crucem, mortem cogitantem
Fove, serva, dirige
Lassum, stantem, gradientem
Post te, consolare flentem,
Incurvatum erige.

Cod. Carolsruhan. Augien. 36. saec. 14/15. — 4, 3 fehlt eine Silbe. —
11, 3 Lies et cruce depositus? — 11, 5 me et depone.

49. De Passione Domini.

1. Iesus patri oboediens,
Suis tradendus aemulis,
De Ierusalem exiens
Processit cum discipulis.
2. Cumque venisset ad hortum
Proditori suo notum,
Avulsus a discipulis
Sudavit guttas sanguinis.
3. Et factus in agonia,
Cum tristis esset anima,
A se transire calicem
Oravit ad Deum patrem.
4. O Iesu, pie Domine,
Qui pro salvando homine
Passus es crudelissime
Noctis quieto tempore.

5. Cum enim orabas maestus,
Iudas turbis, en, infestus,
Ut te traderet ad mortem,
Secum assumpsit corhortem.
6. Cumque ad hortum venisset
Et turbam ad te duxisset,
Tunc agno miti basia
Lupus dedit venenosa.
7. Et Iudaei accesserunt,
Ut latronem te ceperunt,
Manus tuas ligaverunt
Et ad principes duxerunt.
8. Tunc discipuli fugerunt
Et omnes te reliquerunt,
Iudaei te percusserunt
Et Annae praesentaverunt.
9. Annas dum scire voluit
Doctrinam, quam non docuit,
De discipulis discutit
Et servus Iesum percutit.
10. Palma caesa dulcis illa
Iesu Christi tu maxilla,
Fac cuncta adversantia
Pati cum patientia.
11. Gloria tibi, Domine,
Qui sacro tuo sanguine
Miro amoris ordine
Nos lavasti a crimine.

Orat ms. Thosanum saec. 15. Cod. Bruxellen. 4948.

50. Dialogus de passione Domini.

Christus ad hominem dicens:

1. O vos omnes, qui transitis
Et plangentem me auditis,
Mecum plangere velitis,
Qui pro vobis crucior,
Qui transitis, o vos gentes,
Sitis mihi condolentes,
Graves poenas intuentes,
Quas pro vobis patior.
2. Qui transitis, attendatis,
Me pendentem videatis,
Me plangentem lugeatis
Innocentem Dominum.
Attendatis in me Christo,
Si est dolor maior isto,
In quo pendens nunc exsisto
Plenus cruciaminum.
3. Si est nunquam maior dolor,
Quo contristor et desolor,
Duram mortem, quam prae-
stolor,
Rogo, hanc advertite.
Si est nunquam dolor talis,
Tam crudelis, tam poenalis,
Cunctis sum repletus malis,
Hoc, precor, attendite.
4. Attendatis, cum sim sanctus,
Faciatis in me planctus,
Si est dolor nunquam tantus,
Quantum ego tolero,
Qui cum essem gloriosus,
Ego tamquam vir leprosus,
Pauper, inops, dolorosus
Morte mortem supero.
5. Ego cum sim rex immensus,
Comprehensus et offensus
Et in crucem sum extensus,
Pro peccatis populi,
Exprobratus, vulneratus,
Quinque plagis perforatus,
Crucifixus, morti datus
Iustus iudex saeculi.
6. Qui sedebam super thronum,
Comes factus sum latronum,
Reputate grande donum,
Quod pro vobis morior;
Pro iniquis fero mortem,
Quam necesse est ut portem,
Tam crudelem et tam fortem,
Qua non est acerbior.

7. Solus ego non peccavi,
Stans in cruce laboravi,
Pro indignis, quos amavi,
Perfero supplicia;
Fero mortem pro gravatis,
Qui nascuntur in peccatis,
Sed libenter fero gratis,
Ne priventur gloria.
8. Vos, captivi transitive,
Sitis mihi compassivi,
Lacrimarum tamquam rivi
Sint in vestris oculis,
Me videntes huc venite,
Passi mecum haec sentite,
Pertransire me nolite
Passum membris singulis.
9. Insolentes effrenati,
Cordis nimis indurati,
Me pro vobis facit pati
Maxima compassio;
Porto poenas pro peccatis,
Quas portare debebatis,
Nam pro vobis sic ingratum
Crucifixus sitio.
10. Mihi qui compatiantur,
Et in cunctis obsequantur,
Exaltari laetabuntur
Mecum in caelestibus;
Qui non credunt nec attendunt,
Sed ridentes vilipendunt,
Tales ad infernum tendunt,
Stabunt cum daemonibus.
- Homo.
11. O fons omnis boni, Deus,
Iesu, dulcis amor meus,
Quare pendes velut reus
In hac crucis arbore?
Esne summi creatoris
Proles, consors et amoris,
Cum his regnans caeli choris
Nondum facto tempore?
- Christus.
12. Amor tuus me impellit,
Immo mori me compellit
Propter gustum, qui fefellit
Ligni te scientiae;
Nam cum essem aeternalis,
Nec non patri coequalis,
Pro te factus sum mortalis
Recordans clementiae.
- Homo.
13. O abyssus pietatis,
Quis pro tantae caritatis
Dono te laudabit satis
In isto exsilio?
O amator mi, sincere
Fac me digne tecum flere,
Ut regnantem te videre
Caeli possim solio.
14. Grates tibi salvatori,
Qui dignaris pro me mori,
Assis tuo laudatori
Illustrans per gratiam;
Iesu, patris o sophia,
Qui es natus de Maria,
Vitae dux sis, qui es via,
Quae ducit ad patriam.
15. Te exoro, Iesu bone,
Fatigatum in agone,
Mores meos sic compone,
Ut securus moriar;
O vitalis medicina,
Aurem mihi nunc inclina
Et me serves a ruina,
Ne mente concutiar.
16. O amator amplectende,
Te in cruce hic ostende
Et ab hoste me defende,
Ab latrante nequiter;
O benigne, tunc iuvamen
Mihi praesta et solamen,
Quo ad caelum vehar, Amen,
Ad laetandum iugiter.

51. De Passione Domini.

1. Salve, Iesu, natus de virgine,
Candor lucis et sol iustitiae,
Imago patris et fons gratiae,
Princeps pacis atque rex gloriae,
Verus Deus.
2. O quam fervens tua dilectio,
Quam dulcis, quam pia dignatio,
Quod pro me tam vili vermiculo,
Te tanto exponis supplicio,
Amor meus.
3. Ecce, quam stupendum spectaculum,
Verus Deus, virtutum speculum,
Flagellatur per suum populum,
Pro quo descendit in hoc saeculum,
Ne periret.
4. Obstupescat mens atque ratio
Nec non simul superna contio,
Quod talis, tanta dominatio
Facta est perfidorum abiectio,
Ut salvaret.
5. O quam plenus amaritudine,
Exaratus virgis dirissime,
Rubricatus undique sanguine,
Per quem laver, quaeso, a crimine,
Ego reus.
6. Speciose prae filiis hominum,
Converte ad me vultum roseum,
Debrietur cor fonte vulnerum,
Ut plus amem te meum Dominum,
Quod es Deus.
7. Quid fecisti, regalis Domine,
Qui semper vixisti purissime,
Sine labe et sine crimine,
Et tamen caederis ab homine
Tamquam reus?
8. O quis fuit tam temerarius,
Tam perversus tamque nefarius,
Quod te, Iesus, quo nihil carius,
Sic flagellis caedit tam acrius,
Cum sis Deus?

9. Iesu, iudex irrefragabilis,
Deus fortis, Deus terribilis,
Cum veneris in caeli nubeculis,
Contremiscet tunc homo, fragilis
Creatura.
10. Salvator meus, plenus gratia,
Patefac mihi tua vulnera,
Ut nunc atque in mortis horula
Delitescat mens mea misera
Sine cura.

Clm. Monacen. (ol. Tegurin.) 19636. saec. 15. — 10, 3 nunc et in.

52. De Passione Domini.

1. O pugna mirabilis,
o tropaeum dignum,
Agnus lupum perimit,
innocens malignum,
Qui per lignum vicerat
victus est per lignum,
Quod est terror hostium,
quod est vitae signum.
2. Infirmatur medicus,
ut sanet aegrotum,
Nec per quinque porticus
nec per aquae motum,
Sed in vase figuli
et in parte totum
Proximo parieti
copulat remotum.
3. Incipit in saeculo
factor saeculorum,
Vitae panis esurit,
sitit fons hortorum,
Noctis somno clauditur
oculus caecorum,
Plebis fit abiectio
Deus angelorum.
4. Sol in nube tegitur,
dies obscuratur,
Trepidat securitas,
virtus infirmatur,
Disciplina caeditur,
salus vulneratur,
Vita crucifigitur,
ordo conturbatur.
5. De fraternis manibus
Abel est occisus,
Quod oblatas puer est,
cuius nomen risus,
Demissus in puteum
fratribus invisus,
Quod ascendens in Bethel
calvus est irrisus;
6. Quod in agno mystico
mors est Pharaonis,
Quod saliva defluit
patri Salomonis,
Quod intravit Daniel
lacum Babylonis,
Totum est mysterium
Christi passionis.

Collect. ms. Fr. S. Crucis in Colonia saec. 15. Cod. Vindobonen. 4350. —
2, 3 porticum. — 6, 4 pater. — 6, 6 locum.

53. Oratio bona et devota de passione Domini.

Rex, cui personae tres sunt, pari(li) devotione
Te precor, impone sensum mihi cum ratione,
Ut vigili cura tibi scribam menteque pura,
Quae contra iura tolerasti noxia dura.

5. Me scio non dignum tibi pangere thema benignum,
Quomodo per lignum superasti quodque malignum
Tempus, devotum sed agat mihi cor fore notum,
Inde, quod est votum, mihi dare nescio totum.
Solutus regnavit Deus, omnia quando creavit,
10. Post sex pausavit ferias, quibus illa patravit,
Adae primatum tribuit super omne creatum.
Perdidit immo statum pomum gustando negatum.
Hoc pomum flebant, ab Eva quotquot veniebant,
Nam descendebant Orco, nece quando ruebant.
15. Quaeque creatura, veniens Adae genitura,
Pomi censura fuit inferno peritura.
Tunc incarnatum Deus egit virgine natum,
Adae peccatum foret ut per eum vacuatum.
Missum de caelis concepit virgo fidelis
20. Sub carnis velis, parens dicto Gabrielis.
Est Deus ergo pater, virgo sine crimine mater,
Est noster frater, per quem teritur Satan ater.
Corpore crescebat, summa virtute vigebat,
Templis pergebat, gentes exempla docebat,
25. Mendicos pavit, miracula multiplicavit,
Caecos sanavit, claudis gressum reparavit.
Fit famulus fictus Iudas Schariot maledictus,
Venditus, afflictus quo rex fuit hic benedictus.
Heu, quam vile forum de domino fit dominorum,
30. Quem ter denorum vendebat denariorum.
Mane fuit pensus Pilato praeside census,
Membratim tensus, fixus clavis, cruce pensus,
Cum zona finivit, ad tartara spiritus ivit,
Luciferum trivit, vinctos solvendo redivit.
35. Morte die terna surrexit dote superna,
Regna per aeterna residens in sede paterna.
Calvariae monte rex tot mala tolerans sponte,
Erue de fonte cunctos famulos Acheronte,
Ut benedicentes tibi simus ubique placentes,
40. Tecum gaudentes et caelica regna tenentes.
Det veniae munus Albertoque trinus et unus.

Orat. ms. Anglicanum saec. 15. Cod. Maihingen. I 2. 8° 19. — 14
ortho. — 25 Mendicus. — 26. Caecus. — 34 Luciferum cernit. — 41 Albertique.

54. De Passione Christi.

- | | |
|--|--|
| 1. Tarda gressum, o peccator,
Vide poenam, quam salvator
Gravem pro te patitur,
Caeli terraeque creator
Et immensus conservator
In cruce suspenditur. | 2. Leva vultum et intende
Et non eius parvipende
Tam dira supplicia,
Euntem sed repende
Et te compati ostende
Cordis cum maestitia. |
|--|--|

3. O mens plus quam lapis dura,
Quare non est tibi cura
De tanta clementia?
Qui de sinu patris venit
Et te miserum redemit
Mortis violentia.
4. Lacrimas quis contineret,
Sic tractatum dum videret
Huius corpus inclitum?
Cor lapideum haberet,
Die nocte si non fleret
Esum pomi vetitum.
5. Nusquam dolor repetitur
Tam immensus nec sentitur,
Ut iste sustinuit,
Ieremias nam in threnis
Sic de redemptoris poenis
Prophetizans cecinit:
6. O vos omnes, qui transitis
Per viam, quicumque sitis,
Precor vos, intendite,
Si est dolor sicut meus,
Homo sum et versus Deus
Pariter, attendite.
7. O quam magnum caritatis,
Amoris et pietatis
Hoc fuit indicium,
Quod de sede maiestatis
Pater nobis captivatis
Misit suum filium,
8. Ut a morte nos aeterna
Descendendo ad inferna
Libere redimeret
Gaudiumque, quod parentes
Perdiderunt delinquentes,
Nobis restitueret.
9. O peccator, ne desperes,
Quia eius es coheres,
Si tu paenitueris,
Te recipere paratum
Videbis, si cernis statum
Sui sacri corporis.
10. Latus retinet apertum,
Quod te reddat inde certum,
Quod te corde diligit;
Brachia tenet extensa,
Ecce, caritas immensa
Te amplecti satagit.
11. Caput habet inclinatum,
Se monstrat esse paratum
Dare pacis osculum,
Manus habet aptas ad dandum
Et ad tecum convivandum
Praebens tibi ferculum.
12. Totum corpus incurvatur
Ut se tibi largiatur,
Si vis illum tollere.
Bone Iesu, quis iam plura,
Per quem modum, per quae
iura
A te potest petere?
Sunantis fit segura,
Fit purgata et fit pura
Te posse recipere.
13. Nunc rogamus Deum patrem,
Qui et nobis talem fratrem
Ab aeterno genuit,
Qui pro nobis redimendis
Et ad vitam perducendis
Tot poenas sustinuit,
14. Nos ne exhereditare
Velit, sed ad patrem dare
In caeli palatia,
Ut cum Christo coheredes
Possimus habere sedes
In aeterna gloria.

Orat. ms. Ellwangense saec. 15. Cod. Stuttgartien. 1 b 91. — 2, 4 fehlt eine Silbe; euntem jedenfalls verschrieben. — 3, 1 Omnes plus quam. — 7, 5 captivitatis. — 8, 2 Descendens. — 9, 5 Vides. — 10, 2 Quod esse reddat. — 11, 2 monstravit. — 11, 4 hat eine Silbe zu viel. — 11, 5 ad ergänzt. — 12, 2 Nec se tibi. — 14, 1 Et nos ne.

55. De Passione Domini.

1. Plango, fidelis anima,
Amica crucis intima,
Cerne Iesu gravissima
Tormenta crudelissima.
2. Geme, dole, paupercula
Crucifixi discipula,
Plange nimis et eiula
Christi tormenta singula.
3. Cerne Iesu convicia,
Et valida supplicia,
Inter ipsius brachia
Quaere tua solacia.
4. Attende caput inclitum,
Caesum et sputis illitum,
Pro te flagellis subditum,
Morti crucis expositum.
5. Iesum plagatum videas
Et cum dolente doleas,
Ibi cor tuum habeas,
Ut in aeternum gaudeas.
6. Ad crucifixum propera,
Cerne clavos et vulnera,
Nervos tensos et viscera,
Venas, ossa connumera.
7. Plange membra pendentia,
In cruce tam dolentia,
Pro te poenas ferentia
In tanta patientia.
8. Attende Dei filium,
In cruce tam propitium,
Fudit cruorem proprium
Nec timuit opprobrium.
9. Attende rivos sanguinis,
Quem fudit proles virginis,
Iesus, fons veri luminis,
Dulcis amator hominis.
10. Plange pedes amabiles,
Fossos, in cruce stabiles,
Et manus venerabiles
Iesu desiderabiles.
11. Pedum fixuras aspice
Et manuum non modice,
Te crucifixo adice
Bibens eodem calice.
12. Plange latus dominicum
Crucifixi mirificum,
Pro te passum non modicum
Fudit rorem salvificum.
13. Si crucifixum sequeris,
Cur sibi non compateris?
Surge cito, ne steteris,
Curras ad plagam lateris.
14. Ibi latens abscondere,
Si vis mortem evadere,
Ut possis hostem vincere
Et in aeternum vivere.
15. In tam venerabilibus
Crucifixi vulneribus
Stude tibi pro viribus,
Si vis frui caelestibus.
16. Attende Christum nobilem,
Crucifixum mirabilem,
Stantem in cruce flebilem,
Quasi leproso similem.
17. Cerne vultum et oculos
Et lacrimarum rivulos,
Si vis ferre manipulos
Et thesaurorum cumulos.
18. Vide linguam totaliter
Amarizatam graviter,
Quam teneas memoriter
Et secum dole pariter.
19. Tu crucifixo iungere
Et intime compatere,
Quasi pendenti loquere
Et verbis istis utere:
20. Dulcis Iesu, cur moreris
Pro reprobis et miseris?
Quod tu in cruce pateris,
Totum fuit pro ceteris.
21. Cur pendes in patibulo
Tanti amoris stimulo,
Mortis percussus iaculo
Pro redimendo populo?
22. Cur es in cruce sitiens
Et tam despecte moriens,
Iesu, fons indeficiens,
Qui es perfectus oriens?

- | | |
|--|---|
| <p>23. Iesu, vita dulcissima,
Lux animae clarissima,
Cur in cruce vilissima
Peris morte turpissima?</p> <p>24. Quod pateris, nos fecimus,
Quod bibis, nos infudimus,
Tu rex innocentissimus,
Nos sumus, qui peccavimus.</p> <p>25. O tu, qui audis talia
Facta tam triumphalia,
Pone crucis magnalia
Ad cordis penetralia.</p> <p>26. In cruce sit cor sapidum,
Cruore quasi madidum,
In crucifixo validum,
Crucis amore languidum.</p> <p>27. Intende spiritalibus
Beatae crucis laudibus,
Si vis a mundi nexibus
Esse liber et pestibus.</p> <p>28. Sanctae crucis memoria,
Qua fugiant daemonia,
Sit tibi pro victoria,
Qua mala cessant omnia.</p> | <p>29. Ad hoc crucis patibulum
Converte mentis oculum,
Sanctae crucis signaculum
Sit tibi velut speculum.</p> <p>30. Dulcis Iesu, quem sitio,
Praesta mihi, quod cupio,
Ut sanctae crucis nimio
Me pascas desiderio.</p> <p>31. Fac mihi delectabile
Crucis signum mirabile,
Tam dulce, tam amabile,
Quod sit inenarrabile.</p> <p>32. Fac, ut in cruce gaudeam,
Crucis amore langueam
Nec satiari valeam,
Donec in carne maneam.</p> <p>33. Fac, ut nunquam praeteream
Crucem, clavos et lanceam,
Sputum, coronam spineam,
Vestem quoque purpuream.</p> <p>34. In his mihi satietas
Et dulcor et ebrietas,
Mei cordis satietas
Sit crucifixi pietas.</p> |
|--|---|
35. Precorque unigenitum
Caeli regemque inclitum,
Meum post vitae exitum
Ut suscipiat spiritum.

Cod. Lambacen. 476. saec. 15. A. — Cod. S. Floriani XI. 172. saec. 15. B. — Cod. Vatican. 7824. saec. 15. C. — 1, 1 felix anima A. — 3, 1 com-
mercia B. — 3, 3 eius brachia B. — 4, 4 Et morti C. — 6, 4 et ossa A,
conumera fehlt A. — 9, 4 amor hominis B. — Str. 10 und 11 stehen hinter
Str. 14. C. — 11, 2 non fehlt A; — Str. 12 steht hinter Str. 14. C. — 12, 2
Crucifixum A. — 12, 4 Fundens C. — 13, 4 plagas C, vulneris AB. — 14, 1
abscedere B. — 14, 3 hostes C. — Nach Str. 14 folgt in C:

Lambe cruoris rivulos,
Lini vultum et oculos,
Si vis ferre manipulos
Et thesaurorum cumulos.

Dann folgen ebenda Str. 10 bis 12. — 15, 1 tam fehlt A. — 15, 3 Stude
ubi A. — 15, 3 und 4 umgestellt C. — Str. 16—19 incl. fehlen C. — 17, 3
Inter sanctorum cumulos A. — 20, 1 O dulcis A. — Str. 21 fehlt C. — 22, 1
es fehlt A. — 23, 2 Animae lux C. — 23, 4 Pendens morte A. — 24, 2 bibis
et infudimus C. — 24, 3 Et tu innocentissimus A. — Auf Str. 24 folgt un-
mittelbar als Schlusstrophe 30; die anderen Str. fehlen B. — 25, 2 tam fehlt
A. — 25, 3 crucis mortalia A. — 27, 2 Sancta crucis A. — 28, 2 Quam
C. — 31, 4 sit memorabile C. — 33, 1 peream A. — 33, 2 Cruce A. — 33, 3

Sputis A. — 34, 2 Et dolor A, C — 34, 3 Mihi cordis C; *satietas* fehlt A. — 35, 3 Ut post huius vitae exitum A. — 35, 4 Meum suscipiat spiritum A.

Roth hat den Text dieses Reimgebetes aus einer Darmstädter Hs. des 15. Jahrh. mitgeteilt (Lat. Hymnen des M. A. Seite 21).

56. De Passione Domini.

1. Iesu dulcis, magne Deus,
Risus cordis, amor meus,
Inexhausti fons dulcoris,
Verbum sonans, sed non foris,
Quo subsistit saeculum.
Tu abyssus veritatis,
Vivae flamma caritatis,
Idem patri in natura,
Splendor eius et figura,
Deitatis speculum.
2. Virtus et imago Dei,
Qua caligant sensus mei,
Sole maior, lux immensa,
Umbris lux incomprehensa,
Lux inaccessibilis.
Virtus ab aeterno viva,
Fortis, movens, unitiva,
Cuncta movens, sed non mota,
Extra, intus, praesens tota,
Vis impermutabilis.
3. Tu lux plena ratione,
Cuius comparatione
Lumen omne tenebrescit,
Tua lux occasum nescit,
Tu iuge solstitium.
Tu mirandus fulgor nimis,
Sursum corda his ab imis
Ad aeternum lumen ducens,
Matutina stella, lucens
In salutem gentium.
4. Dei patris verus heres,
Nos captivos cum videres,
De exelso caeli throno
Miseratus tuo dono
Nostram [es] miseriam;
Descendisti miserando,
Locum tamen [non] mutando,
Loco nullo circumscriptus,
Sic te ludit hic Aegyptus
Per carnis substantiam.
5. Verbum carne contextisti,
Sacco solem involvisti,
Deus verus factus homo,
Quos damnavit Adam pomo,
Cum deiectos cerneres,
Mox ut gigas bello fortis
Ad currendam viam mortis,
Iesu dulcis, exultasti,
Maiestatem inclinasti,
Ut damnatos solveres.
6. Effecturus, Deus dive[s],
Angelorum nos concives
Sortem tuam in praeclaris,
Cum non essent sortis paris,
Dedisti hominibus.
Versabaris in hoc mundo
Corde gaudens laetabundo,
Quod iam dies propinquaret,
Qui te morte condemnaret
Pro salvandis fratribus.
7. Iesu talis, Iesu tante,
Mortem crucis post et ante
Talis quidem adamari,
Tantus vero formidari
Merito debueras.
Sed nimirum ista sorte
Pro tollenda mundi morte,
Ne periret homo reus,
Ab aeterno, bone Deus,
Mori disposueras.
8. Nox festina cum instaret,
Pascha legis quae mandaret,
Lex, quae iram operatur,
Esu agni consummatur
Subintrante gratia.
Testamentum cedit vetus,
Cum piorum ille coetus
Liberatur regis cura,
Nova factus creatura
Per Christi mysteria.

9. Ibi fiunt fide sanis
Sanguis caro, vinum panis,
Quae in lege servabatur,
Hac in cena exsufflatur
Litteralis palea.
Aufertur velamen vultus,
Moysinae legis cultus,
Fugit umbra, nox legalis,
Sensus lucet spiritalis,
Grano gaudet area.
10. Lupum cernis inter oves,
Tolerando tamen foves,
Sed fovebas tam indignum,
Emollires ut malignum
Tuo beneficio.
Pedes tuis cum lavisti,
Canem illum non sprevisi,
Maledicto incurvaris,
Pedes eius amplexaris
Servuli obsequio.
11. Istis rite consummatis,
Ardens igne caritatis,
Quos amabas, consolaris,
Pro turbandis anxiaris,
Cum instaret passio.
Noctis sinu clauso die
Locum petis agoniae,
Tecum mones vigilandum,
Segregaris ad orandum,
Sed pavoris studio.
12. Res miranda, carnis mortem,
Quae non terret virum fortem,
Bibiturus, quam sitisti,
Ad quam volens demum isti,
Quid pavescis, Domine?
Sed pavorem assumpsisti,
Ne desperent corde tristi,
Qui per carnem infirmantur,
Dum passuri perturbantur
Hic pro tuo nomine.
13. O pavorem venerandum,
Creaturis adorandum,
Qui in terra decurrentes,
Vim amoris ostendentes
Guttas fudit sanguinis.
- Iesu dulcis, pavor iste,
Hoc sudoris genus triste,
Quae pro nobis gestiebant,
Tuae nobis ostendebant
Vim amaritudinis.
14. Postquam nequam ille canis
Turbis currens cum vesanis
Te salutans voce leni
Plenum tibi dat veneni
Fictionis osculum,
Ita quidem, o benigne,
Refugisses canem digne,
Sed immensa vis dulcoris
Blande tulit proditoris
Tantum hoc piaculum.
15. Captivaris sine mora,
Nam haec erat illa hora
Et potestas tenebrarum,
Quam figurant prophetarum
Olim vaticinia.
Captivato te pastore
Tui gregis prae timore
Oves passim disperguntur,
Nulla prorsus fulciuntur
Fidei constantia.
16. Res indigna Dei agno,
Cum tumulto urbis magno
Annae primum praesentaris,
Unde tractus applicaris
Caiphae conspectibus.
Huc te Petrus audax ore,
Totus pallens prae pavore,
Qui iam nosci verebatur,
A remotis sequebatur
Nutabundis passibus.
17. Mox infrendit iudex malus,
Blasphematur mundi salus
Et dulcedo irritatur,
Rectitudo infamatur
Subornatis testibus.
Hic maiestas est consputa,
Stat sophia quasi muta,
Maculatur pulchritudo,
Fatigatur fortitudo
Alaparum ictibus.

18. Indulgendum quidem nefas,
Ibi pugnax ille Cephas
Vice terna cum negasset,
Deum suum abiurasset
Prae pavore riguit.
Tu addictus quamquam stares,
Negatorem cum amares,
Vultu blando suspexisti,
Voti reum monuisti,
Mox in fletus proruit.
19. Hic iam Iesu, Deus fortis,
Condemnaris reus mortis,
Cum te Deum praedicares,
Te venturum praemonstrares
Iudicem in nubibus.
Pari mox furore iuncti
Te blasphemant [scribae] cuncti,
Scindunt vestes suo more,
Omnes frendent uno ore:
Quid egemus testibus?
20. Praeceptores sacerdotum,
Toto nisu vulgus motum
Te adversum conclamantes,
Suam simul malignantes
Instruunt vesaniam.
Sic, sic sese adunantes,
Adunati conclamantes,
Te Pilato tradunt tandem
Ibi iustum per eandem
Damnantes sententiam.
21. Audit praeses pondus rerum,
Perscrutari ardet verum,
An tu rex sis, sciscitatur,
Te tacentem admiratur,
Totis stupet sensibus.
Sed, cum vultus mansuetos,
Gestus mites et quietos
In te cernit hac in hora,
Novis tibi sine mora
Instat quaestionibus.
22. Demum inquis: rex sum ego,
Esse regem me non nego,
Verum non est nutabundo
Regnum meum de hoc mundo,
De supernis prodii.
- Contremiscit his auditis
In responso agni mitis,
Pietate consternatur,
Innocentem protestatur
Calculo iudicii.
23. Clamant contra mortis reum,
Iurant esse Galilaeum,
Gentem totam subvertentem,
Censum dari prohibentem
Romanorum usibus.
Ut cognovit clare satis
Te non suae potestatis,
Mox iuberis deportari,
Iudicandus praesentari
Herodis conspectibus.
24. Cum Herode coram stares
Nec responsum fanti dares,
Alta mundi contemnebas
Et exemplo nos docebas
Pompas eius spernere.
Nam cum esses veri vigor,
Aequitatis summae rigor,
Nesciebas adulari
Vel in signis gloriari
Coram putri pulvere.
25. Iesu, verbum Dei, sensus
Ibi stabas indefensus,
Ibi nemo tibi foris
Disciplinae vel honoris
Debitum exhibuit.
A superbo subsannaris,
Veste alba honestaris,
Sed honestas inhonesta,
Foeda, vilis et molesta
Risum de te prae-buit.
26. Ad Pilatum redis ita,
Morti dandus, qui es vita,
Conclamantque canes feri,
Nec tumultus cohiberi
Poterat sermonibus.
Tanto vero in tumultu
Inconcusso stabas vultu,
Vultu blandus, gestu mitis
Cum clamarent repetitis
„Crucifige“ vocibus.

27. Tunc iuberis flagellari,
Ut sic saltem satiari
Poena vellent innocentis,
Quos caecatae furor mentis
Adeo flammaverat.
Ita tuum, flos amoene,
Flagellatur corpus lene,
Candens quasi lacte lotum,
Prae cruore rubet totum,
Pulchritudo fugerat.
28. Iesu dulcis, nondum finis:
Coronaris, ecce, spinis,
Caput mite vulneratur,
Frons verenda perforatur
Civibus aethereis.
O funestum regis schema,
O plangendum diadema,
Quod derisum repraesentat,
Dulce caput quod cruentat
Spinarum aculeis.
29. Iesu, dulcis Galilaeae,
Sola salus spei meae,
Adae scelus quam amarum,
Quod tu luis, lumen clarum,
Tanto fuso sanguine.
Florem oris et genarum
Plagae tundunt alaparum,
Subsannaris purpuratus,
Sputo, probbris saturatus
Nec minaris, Domine.
30. Iesu, tuae mortis rei
Te viderent cum Iudaei,
Sugillose purpuratum,
Spinis caput coronatum,
Patentem ludibrio,
Feri canes ac nefandi
Clamant omnes voce grandi,
Nihil habe, praeses, morae
In damnando seductore
Caesaris contrario.
31. Victus praeses hoc sermone
Caeca prorsus ratione
Iudaeorum paret votis
Manibusque aqua lotis
Finem dat sententiae.
- Iam tunc, Iesu, quos pavemus,
Ut doctores tolleremus,
Te fecisti nobis ducem
Baiulando tibi crucem
Ad locum Calvariae.
32. Patet ordo rei gestae,
Fit concursus plebis maestae,
Mulieres lamentantur,
Agni membra [con]clavantur,
Cruci dum affigeris.
Hoc e mundo nos transire,
Phase novum esurire
Ut doceres, Iesu bone,
Rebus loquens non sermone,
Extra portam pateris.
33. Crucifixus inter reos
Dissolvebas nexus meos,
Caelo, terris et inferno
Deus vivens ab aeterno
Factus es spectaculum.
Ibi stabat illa una,
Quam miratur sol et luna;
De dolente plus dolebas.
Quam amarum, quod bibeas
Passionis poculum!
34. Botrus Cypri, o dilecte,
En, levaris crucis vecte,
Ut premaris prelo mortis,
Sanguis tuus potus fortis,
Pias mentes debrians.
Hunc degustat qui cruorem
Castae mentis per saporem,
Solus novit, quid sit amor,
Sine sono cordis clamor
Illi semper inhians.
35. Factus paene sum elinguis,
Dum recordor uvae pinguis,
Qua profluxit ille sanguis,
Quo necatur vetus anguis,
Cum devote bibitur.
Deus in Iudaea notus,
Quem non capit mundus totus,
Carnis nostrae sacco tectus,
Ligno crucis, en, subvectus,
A suis non noscitur.

36. Stant fixuris pedes fracti,
Scissi clavo et compacti
Cornu dextrum altae crucis
Dextram ligat magni ducis

.
.
.
.

37.

.
.
leno riget laeva
Tui noxa, mater Eva,
Rivi fluunt sanguinis.
Sic clavatur corpus vitae,
Perforatur latus mite,
Vultus fugit pulchritudo,
Dei latet furtitudo,
Poena patet hominis.

38. Litus hoc in poste sanguis,
Hoc in palo pendens anguis,
Vestis Ioseph cruentata,
Cruorosa patri lata
Signabat negotium.
Vervex olim hoc in sente,
Hoc Elias in torrente,
Pecus legis hoc mactatum
Sub figuris obvelatum
Monstrabat mysterium.

39. Sic prae sole speciosus,
Sic prae luna luminosus,
Pax excedens omnem sensum,
Lumen purum et immensum
Tenebris obvolvitur.
Umbra carens clara dies,
Sine cura vera quies,
Lumen verum animarum
Veritate tenebrarum
Sic eclipsim patitur.

40. Pallet splendor, marcet rosa,
Forma sordet animosa,
Corpus livet laceratum,
Plagis, clavis cruentatum,
Totum tenet vilitas.

Tacet sermo blandi oris,
Silent verba praeceptoris,
Infirmorum cessant curae,
Sed in hora mortis durae
Non cessavit caritas.

41. Cum acetum degustasses,
Patri caput inclinasses,
Exspirando, dulcis Iesu,
Pro unius pomi esu
Mortem crucis toleras.
Opus grande, forte, vivum,
Dans amoris incentivum,
Incentivum das amoris,
Quo tu, Iesu, fons dulcoris,
Mentes tibi foederas.

42. Iam cor meum ingenisce,
Virtus mea contremisce,
Lacrimarum fontes funde,
Plange, clama, pectus tunde,
Dole sine termino.
Vide functos suscitari,
Vide solem obscurari,
Tenebrari mundum, caelum,
Scindi petras, scindi velum
Moriente Domino.

43. Iesu, puer amorose,
Flos camporum pretiose,
Vincens nivem liliorum,
Tibi cedit lux caelorum,
Stellis es fulgentior.
Rosa rubens veri roris,
Flos amoene, flos decoris,
Luce premis omne clarum,
Solem damnans tenebrarum
Longe speciosior.

44. Dulcis super mel et favum,
Amor nihil amans pravum,
Dulcor suavis, sed experto,
Felix ille, qui pro certo
Experiri meruit.
Degustanti dulcor suavis,
Sed ignotus corde pravis,
Caritatis dulcor mirus,
Omne mortis sanans virus,
Quod ex Adam profluit.

45. Iesu bone, mitis agne,
Homo dulcis, Deus magne,
Gestu mitis spiritali,
Omni mole corporali
Longe es praestantior.
Odor tuus [odor] vitae,
Quem exhalat pectus mite,
Suavitatem vincens florum,
Omne genus pigmentorum,
Balsamo fragrantior.

46. Hunc designat mos pantherae,
Quam sequuntur omnes ferae,
Quas demulcet odor suavis,
Solus draco flatu gravis
Torpet et emoritur.

Hoc ferarum miro more
Post te currit in odore
Cor flammatum vi amoris,
Quod delectat nihil foris,
Sed te solo pascitur.

47. Nunc, o Iesu, tante, talis,
Fac me vitae immortalis
Coheredem tecum esse.
In extrema illa messe
Gaudere manipulis.
Suscitatum sono tubae
Rapi sursum fac in nube,
Fac discussum non damnari,
Tecum semper gratulari
Saeculorum saeculis.

Cod. Graecen. 1121. saec. 14. — 11, 1 Ista. — 19, 7 Lies viri cuncti? —
45, 4 molle. — 45, 7 Quem exaltat.

57. De Passione Domini.

1. Iesu, princeps maiestatis,
Fons perennis pietatis,
Angelorum Domine,
Qui de caelis descendisti
Atque nasci voluisti
Ex Maria virgine.
Ad te, pie Iesu clemens,
Clamat hic peccator gemens
Sub peccati pondere,
Pande sinum pietatis,
Ut trementem pro peccatis
Digneris suscipere.

2. Iesu, cuius gloriosa
Faciesque speciosa
Prae cunctis describitur,
Sputis foedis impiorum
Alapisque nefandorum
Hominum exponitur.
Per hanc miram bonitatem,
Quae te tantam pravitatem
Fecit non abnuere,
Mihi faciem beatam,
Civibus supernis gratam,
Digneris ostendere.

3. Iesu, cuius venerandum
Caput, cunctis adorandum
Beatis spiritibus,
Spinis dire coronatur,
Quarum totum cruentatur
Saevis punctionibus,
Ad me vultum bonitatis
Oculosque pietatis
Digneris convertere,
Ut mens intus illustretur,
Et affectus consoletur
Vultus tui sidere.

4. Iesu, dulcis spes reorum,
Qui pro statu salvandorum
Flevisti piissime,
Per hunc fontem pietatis,
Quo ex oculis beatis
Fundebantur lacrimae,
Precor, quidquid vitiorum
Visus traxit oculorum
Digneris absolvere,
Ut reatus ex hoc flere
Mereamur et cavere
Vana tuo munere.

5. Iesu, cuius aures purae
Patienter gentis durae
Tulere convicia,
Quidquid auditu reatus
Iam contraxi, miseratus
Tu clementer expia;
A nocivis cohiberi
Fac auditum et foveri
Tua semper gratia,
Ut discretus sit et prudens,
Vana iugiter excludens,
Admittat utilia.
6. Iesu, cuius odoratus
Nullo prorsus maculatus
Comprobatur vitio,
Dele, quidquid odorando
Cor commisit et mundando
Pie fove gaudio;
Vitiosi nil odoris
Poenis exigat foetoris
Gehennalis, Domine,
Sed mens, sensus a peccati
Sorde prorsus expiati
Sint in tuo nomine.
7. Iesu, salus animarum,
Potum fellis qui amarum
Gustans in patibulo
Et potare renuisti,
Dum te patri obtulisti
Hostiam pro populo,
A reatu, quem edendo
Perpetravi seu bibendo,
Me clementer expia,
Gulae culpa sit deleta
Et donante te discreta
Regar abstinentia.
8. Iesu dulcis, qui docendo
Plebem precesque fundendo
Reserasti labia,
A peccatis labiorum
Munda mentem ac verborum
Sorde tua gratia;
A nocivis fac silere
Linguam meam, sed docere,
Verba vera promere
- Da doctrinae veritatis
Precibusque [tibi] gratis
Iugiter insistere.
9. Iesu bone, qui sacratas
Manus clavis perforatas
Extendens in arbore
Rivos fudisti cruoris,
Quem eduxit vis amoris
Ex sincero corpore,
Per cruorem hunc sacratum
Omnem dilue reatum
Quem contraxi manibus,
Da ut factis vitiosis
Emundatus fructuosus
Insistam operibus.
10. Iesu pie, qui beatos
Pedes cruci conclavatos
Irrigasti sanguine,
Per dolores, quos tulisti,
Et cruorem, quem fudisti,
Rogo, dulcis Domine,
Omni munda cor excessu,
Quem contraxi pedis gressu
Sive pravis moribus,
Aufer viam pravitatis,
Iter pandens veritatis
Meis semper gressibus.
11. Iesu, veri fons amoris
Et totius mel dulcoris,
Qui ex pio latere
Nostrae pretium salutis
Sacramentumque virtutis
Dignaris educere,
Dum mucrone perforatur,
Amor cordis declaratur
Lateris foramine,
Et ex fonte pietatis
Unda verae sanitatis
Effluit cum sanguine.
12. Iesu, tuam pietatem
Per hanc miram caritatem
Deprecor attentius,
Omnes cordis emundare
Sordes clementer dignare
Intus et exterius;

- Vis amoris vehementer
Cor accendat, ut frequenter
Producat suspiria,
In te semper delectetur
Atque tua visitetur
Saepius praesentia.
13. Iesu, dulce medicamen,
Esto cordis consolamen
Pietatis gratia,
Mentis da tranquillitatem
Atque veram puritatem
Cum pia constantia,
Cogitatus, intellectus,
Motus, sensus et affectus
Tua providentia
Incessanter foveantur,
Ad te semper dirigantur
Cordis desideria.
14. Iesu, dulcis mi salvator,
Pius orbis reparator,
Qui mira clementia
Corpus tuum venerandum
Tradidisti cruciandum
Ad crucis supplicia,
Potestatem praebens pravis
Laniandi membra clavis
Durisque verberibus,
- Corpus sinens sic artari,
Ut valerent numerari
Ossa cum lateribus.
15. Iesu clemens, ob amorem,
Dirae mortis qui dolorem
Te fecit suscipere,
Tuam quaeso pietatem,
Meam dele pravitatem
Bonitatis munere;
In adversis patientem,
In dolore fac gaudentem
Tua me clementia,
In secundis temperatum,
In maerore non turbatum,
Laetum in iniuria.
16. Iesu, fons dilectionis,
Iugem tuae passionis
Da mihi victoriam
Fideique firmitatem
Et perfectam caritatem
Speique fiduciam,
Fac me vitiis mundatum
Et virtutibus ditatum
Post praesens exilium
Ad incundum beatorum
Civiumque supernorum
Venire consortium.

Orat. ms. saec. 15. Cod. Londinen. Harl. 2445.

58. Carmen de Passione Domini.

1. Ad honorem nominis
tui, Iesu Christe,
Passionis ordinem
liber tradit iste,
Sicut rei seriem
dant evangelistae,
Narrando supplicia
dulcis agonistae.
2. Iesus in Bethania
castello cenabat,
Discumbente Lazaro
Martha ministrabat,
Christi caput ungere
Maria curabat,
De quo Iudas proditor
dolens murmurabat.
3. Post asello vehitur,
ut rex honoratur,
Praenoscens excidium
urbis lacrimatur,
Vendentes eiciens
templum veneratur,
Sero circumspiciens
a nullo vocatur.
4. Arescit ficulnea
Domino iubente,
Quae nil praeter folia
protulit, repente,
Adducunt adulteram
proceres non lente,
Sed recedunt singuli
Domino scribente.

5. De die iudicii
protrahit sermonem
Suumque discipulis
praedicat agonem,
Pharisaei sitiunt
Christi passionem
Et cum scribis conferunt
necis unionem.
6. Tunc coetum pontificum
princeps congregavit,
Adest Iudas temere,
quem nemo vocavit,
Salvatorem vendere
miser non expavit,
Opportuni temporis
moras exploravit.
7. In grandi cenaculo
pascha manducatur,
Quo ritus legalium
rite terminatur,
Pedes lavans servulis
rex humiliatur,
Et corpus dominicum
cunctis dispensatur.
8. Futurorum praescius
sciens proditorem
Turbatis discipulis
narrat hunc tenorem:
Unus de duodecim
tradet redemptorem;
Mentes innocentium
incurrunt timorem.
9. Ministrum nequitiae
Iohanni detexit
Per buccellam liquidam,
quam Iudae porrexit,
Qui repletus daemone
Christum linquens exit,
Ad malorum complices
Concite perrexit.
10. Caritatis mutuae
revelans doctrinam
Amanti discipulo
praedicat ruinam,
Cui post lapsum veniae
confert medicinam,
Hinc honorant laudibus
faciem divinam.
11. Tunc egressus adiit
montem olivarum,
Orans patrem repetit
transitum poenarum,
Sudor stillat sanguinis
instar lacrimarum,
Somnolentos increpat
custos animarum.
12. Venientem populum
verbo mox prostravit,
Mitis agnus osculum
Iudae non negavit,
Clientis auriculam
Petrus amputavit,
Sed hunc Iesus dulciter
tangendo sanavit.
13. Velut lupi saeviunt
agnum videntes,
Trahunt, trudent, feriunt
plagas inferentes,
Fugiant discipuli
solum relinquentes,
Unus spreto sindone
evasit tenentes.
14. Ad Annam pontificem
cohors Iesum duxit,
Agnitus pontifici
Petrum introduxit,
Qui negando Dominum
turpiter defluxit,
In se tandem rediens
casum flendo luxit.
15. Praetendens calumniam
Annas sciscitatur,
Quem et Christus dulciter
respondens adfatur,
Manu caedens Dominum
servus dedignatur,
Dum a cunctis Dominus
tacens criminatur.

16. Annas Iesum Caiphae
misit alligatum,
Quo necis concilium
erat congregatum,
Falsum testimonium
iniuste prolatum
Producunt in medium
contra Dei natum.
17. Velatur, conspuitur
facies beata,
Palmis, pugnis caeditur,
quem gens scelerata
Morti tunc adiudicat
de cunctis ingrata,
Iesum tradens praesidi
nocte iam fugata.
18. Ductus paenitentia
traditor accessit,
Triginta argenteos
iaciens recessit,
Desperans de venia
guttur fune pressit,
Aes relatum pauperum
sepulturae cessit.
19. Ad Pilatum dirigunt
ingentem clamorem:
Hunc perde celerius
gentis subversorem,
Qui captare satagit
regium honorem
In tributis arguens
Romanorum morem.
20. Praeses non inveniens
causam condemnandi
Iesum dat examini
Herodis nefandi,
Alba veste tegitur
cum despectu grandi,
Pilato remittitur
in signum amandi.
21. Uxor suadet praesidi,
iustus ne laedatur,
Barrabas dimittitur,
Iesus flagellatur,
- Amicitur purpura,
spinis coronatur,
Crucifige crebrius
plebs vociferatur.
22. Postquam manus laverat
praeses sceleratus,
Iesus crucem baiulat
poenis fatigatus,
Simon tollit postea
sed angariatus,
Ut seipsas defleant,
fientes est adfatus.
23. Cum duobus ducitur
ad locum poenarum,
Crucifixo poculum
propinant amarum,
Tunc dimitti postulat
crimen lanistarum,
Vestis sorte tollitur,
pars induniarum.
24. Cruci scribens titulum
adfixit Pilatus,
A scribis illuditur
cruci conclavatus;
Pendens hinc blasphemiam
loquitur damnatus,
Quem sodalis increpans
prorsus est salvatus.
25. Matrem tunc maestitiae
Iohanni commisit,
Soli lumen defuit,
vocem cum emisit,
Deus meus, clamitat,
ut quid me dimisit?
In agone positum
turba stans derisit.
26. Consummatis omnibus
Sitio clamavit,
Cui fel per spongiam
miles propinavit,
Lacrimando spiritum
patri commendavit,
Lassatus doloribus
clamans exspiravit.

27. Velum templi scinditur,
petrae dividuntur,
De sepulcris mortui
post egrediuntur,
Visis tot miraculis
multi compunguntur,
Mulieres sedulae
flentes adfiguntur.

28. Crura frangunt ceteris
corpora tollentes,
Ossa tamen Domini
non comminuentes,
Latus Christi perforant
lancea pungentes,
Unda, sanguis profluit
mundans omnes gentes.

29. Ioseph Deum metuens
corpus postulavit,
Nicodemo complice
pigmentis stipavit,
In sepulcro posuit,
quod saxo signavit
Princeps, ad custodiam
milites locavit.

30. Iesu benignissime,
tuum cruciamen
Largiatur tristibus
optatum solamen,
Mihi tuo famulo
praestet adiuvamen,
Laudem te per saecula
saeculorum. Amen.

Orat. ms. Tegurinum saec. 15. Clm. Monacen. 19353. A. — Orat. ms. Pollingense saec. 15. Clm. Monacen. 11917. B. — Orat. ms. Wengense anni 1492. — Clm. Monacen. 21313. C. — Orat. ms. Nicolai Muffel Nurembergen. anni 1492. Cod. Sigmaringen. 23. D.

1, 4 tradit liber D. — 1, 7 sq. fehlen D. — 2, 8 dolens fehlt D. — 4, 4 pertulit D. — 5, 7 construunt D. — 6, 1 Cum coetum A. — 7, 3 Qui C. — 8, 6 tradit A. — 9, 1 Ministri nequitiam D. — 9, 5 repletur A. — 10, 2 eructans doctrinam CD. — 10, 4 praedixit D. — 10, 7 sq. fehlen D. — 11, 1—4 fehlen D. — 12, 1 Saevientem A. — 13, 2 vincentes D. — 14, 8 causam C. — 15, 7 Tunc a cunctis D. — 16, 2 transmisit ligatum CD. — 18, 3 Dragmata argenteos A. — 19, 5 captare nititur D. — 21, 5 Induitur D. — 23, 2 loca D. — 23, 5 Dimitti post clamat C. — 23, 8 induciarum D. — 24, 3 Ascribens illuditur D. — 24, 5 huic C. — 25, 1 maestissimam D. — 25, 3 Solis lumen deficit D. — 25, 5 clamitans C. — 27, 5 fehlt C. — 28, 3 tantum D. — 28, 5 sq. fehlen D. — Nach Str. 28 schiebt C ein:

De cruce deponitur hora vespersarum
Salvator mundi gubernatorque polorum,
Sustinens haec omnia salus peccatorum,
O homo, tu causa es omnium illorum.

Str. 30 fehlt CD; letzteres hat an ihrer Stelle die folgende Strophe:

Hanc da, Christe, omnibus tuam passionem
Devote legentibus non ferre mucronem
Extremi iudicii, quorum ad agonem
Assis tui tribuens vultus visionem.

In D ist das ganze Gedicht in sehr ungleichen Abschnitten auf Tagzeiten verteilt. Vor Str. 8 steht *Sero*, vor Str. 10 *Nocte*, vor 12 *Media nocte*, vor 16 *In Galli cantu*, vor 18 *Ad Primam*, vor 20 *Ad Tertiam*, vor 23 *Ad Sextam*, vor 26 *Ad Nonam*, vor 28 *Ad Vesperas*, vor 29 *Ad Completorium*. Diese Einteilung ist eine spätere und willkürliche.

59. De Passione D. N.

1. Coepit Iesus esse maestus,
Dum instaret passio,
Et discipulis conquestus:
Est nunc, dicens, nimio
Spiritus mihi molestus
Ad mortem prae taedio.

2. Orans post in agonia
Stillas sudat sanguinis
Ex fervore ne in via
Positi certaminis
Torpeant, sed melodia
Ferveant precaminis.

3. Iudas adiens Iudaeos:
Quantos, inquit, dabitis
Nummos mihi, nunc ad meos
Usus et, quem quaeritis,
Tradam, qui ritus Hebraeos
Calcat novis monitis.
4. Et accedens dedit signum:
Cui, dicens, osculum
Oris dederò benignum,
Hic est, illi vinculum
Innectatis; sed malignum
Clamat se post paululum.
5. Eunt mox ministri mortis
In eum inicere
Manus, qui ut leo fortis
Voluit pro scelere
Mundi mori et de portis
Mortis suos tollere.
6. Et eum comprehenderunt
Ut furem et funibus
Manus eius ligaverunt,
Quae multis virtutibus
Aegros saepe curaverunt
In eorum finibus.
7. Sic ligatum reliquerunt
Noti et discipuli
Et ab eo diffugerunt,
Quem tunc eius aemuli
Cum clamore susceperunt
Iudaeorum populi.
8. Primo minant comprehensum
Ad summum presbyterum,
Caritate sic incensum
Pro salute cinerum,
Ut pro eis mortis pensum
Sumat super umerum.
9. Annas primus, quo est ductus,
Ut eum discuteret,
Quaerit, ubi sit instructus,
Ut hanc novam sereret
Doctrinam, et quales fructus
Imitator sumeret.
10. Petrum una est aggressa
Ancilla in atrio:
Tua, dicens, est expressa
Cum Iesu communio;
Iurat voce non compressa:
Iesum, inquit, nescio.
11. Unus ibi ministrorum
Alapam cum iurgio
Dedit regi saeculorum,
Alii in odio
Palmas dant in genas, quorum
Probra fert cum serio.
12. Ad principem sacerdotum
Caiphā et destinat
Annas Iesum, quem nil motum
Si Christus examinat
Sit, quem vere sanctum totum
Lex venturum nominat.
13. Ibi falsi testes multi
Contra Iesum veniunt,
Nulla veritate fulti
Crimina obiciunt
Plurima nefanda stulti,
Quae probare nesciunt.
14. Princeps suas laceravit
Vestes et blasphemia
Iesum tandem inculpavit
Tunc coram frequentia
Irridensque demonstravit
Dignum contumelia.
15. En, blasphemiam audistis,
Inquit, quid nunc faciam
Ei, qui plebem, ut scistis,
Terret per fallaciam?
At in eum mox pro istis
Mortis dant sententiam.
16. Quidam eum mox caedebant
Colaphis, cui pridie
Ramos in via sternebant
Arborum et curiae
Israel ducem dicebant,
Quod est et rex gloriac.

17. Alii et conspuebant
Hunc cum ignominia
Nec ad mentem reducebant,
Quae fecit, magnalia,
Ob quae ut Deo debebant
Iure sacrificia.
18. Sic et quidam indignati
Eius dant in facie
Palmas, quam omnes beati
Amant sine satie
Videre, quam et damnati
Contremiscunt anxie.
19. Alii conspuunt vultum
Plenum reverentia,
Quem desideravit multum
David rex, sed inscia
Turba velat ut sepultum
Et lapsum memoria.
20. Et in faciem caedentes:
Quis te ferit? inquirunt
Prophetiza, deridentes,
Christe, caeci nesciunt,
Quis futurus inter gentes
Sit, quem sic despiciunt.
21. Post hoc praesidi Pilato
Vinctum tradunt Dominum,
Qui carnem sine peccato
Praeter morem hominum
Sumpsit de intemerato
Alvo non vi seminum.
22. Et silentem accusabant
Senes et presbyteri,
Quod ab eis discrepabant
Mores eius superi,
Sed, quos illi non amabant,
Amplexi sunt poster.
23. Ad Herodem comitatum
Turbis et militibus
Praeses misit, quod et gratum
Ei fit a pluribus,
Cum audisset tam vulgatum
Signis et virtutibus.
24. Multis sed interrogatum
Herodes sermonibus
Nil loquentem et paratum
Mori pro peccantibus
Sprevit, quod sibi adfatum
Non dat nec clientibus.
25. Stabant ibi sacerdotum
Principes invidia
Pleni scribaeque per totum
Accusantes varia
Probra ferentesque notum,
Nulla fecit talia.
26. Rex indignans eum sprevit
Cum suo exercitu,
Nec sic furor conquevit
Eorum cum fremitu,
Immo maior semper crevit
Tumultus cum strepitu.
27. Atque illum ad derisum
Alba veste induit,
Nesciens, quod paradisum
Cum patre constituit,
Sed quod caeco nato visum
Dedit, scire potuit.
28. Post Herodes ad Pilatum
Remisit ut fatum
Verbum Dei incarnatum,
Quod non venit vacuum,
Sed per ipsum est monstratum
Iter caeli arduum.
29. Unum vinctum, quod per mare
Gens Hebraea transiit
Sicco pede, festo dare
Solet praeses, petiit
Barrabamque tunc servare,
Et a vinculis exiit.
30. Quem daemones sunt testati
Deum, praeses tribuit
Iudaeorum voluntati,
Quem cocco plebs induit
Irridens, sed deitati
Talis vestis congruit.

31. Tunc Pilatus apprehendit
Et flagellat Dominum,
Turba quem ad hoc incendit
Impiorum hominum,
Eos quia reprehendit
Et arguit criminum.
32. Milites totam cohortem
Vocant ad spectaculum
Purpuraque regem fortem
Induunt, qui saeculum
Condidit nec ipsam mortem
Pavet nec periculum.
33. Et coronam post de spinis
Eius sacro capiti
Plectunt, cuius regni finis
Nullus est, sed additi
Sunt gentes cum inquilinis
Ei post ac subditi.
34. Et in dextra pro regali
Sceptro dant arundinem
Illudentes servi mali,
Si suam formidinem
Monstrasset, in animali
Reliquisset neminem.
35. Ave, tunc, rex Iudaeorum,
Incurvando genua
Dicunt iuriendo, quorum
Ad regna perpetua
Quosdam vocat illusorum
Et ad morum ardua.
36. Et alapis quidam dare
In genis virgineis
Audent, ad quas anhelare
In hortis et vineis
Solet sponsa, cum cubare
Vult in stratis roseis.
37. At in vultum speciosum
Prae filiis hominum
Sputum alii caenosum
Iaciunt et Dominum
Caeli, terrae gloriosum
Ludunt atque flumium.
38. Caput sacrum perforatum
Spinarum acumine,
Laceratum, cruentatum
Feriunt arundine,
Quod plus melle meditatam
Pascit cor dulcedine.
39. Iesum praeses purpuratum
Foris ducit inquires:
Ecce, homo, castigatum
Quem vidistis totiens,
Nullum in eo reatum,
Ecce, sum reperiens.
40. Cum vidissent ergo eum
Servi et pontifices,
Clamant: crucifige reum,
Qui decepit simplices,
Ut credant hunc esse Deum,
Quem adorant supplices.
41. Praeses mox in criminali
Sede ad iudicium
Sedit tunc pro tribunali
Et fecit scrutinium
A Iesu, quod si quid mali
Egit, det indicium.
42. Post, ut crucifigeretur,
Iesum servis tribuit
Caesum virgis, nec miretur,
Ita quia voluit,
Ut scriptura impleretur
Vatum, quae hoc docuit.
43. Et in dorso suo lignum
Ad locum Calvariae
Ferens exiit, ut signum
Fieret militiae
Christianis et in dignum
Monimen victoriae.
44. Sed dum iret fatigatus
Curvatus sub onere,
Simon Cyrenensis natus
Crucem Iesu tollere
A militibus artatus
Est post eum propere.

45. Cum ad locum pervenerunt,
Suis eum vestibus
Nudant et cum detraxerunt,
Ut sat liquet omnibus,
Rivi sanguinis fluxerunt
Novi de vulneribus.
46. Extendentes sic ruperunt
Membrorum compagines,
Ad crucem quod potuerunt
Numerari ordines
Ossium, et defecerunt
Inferi tunc cardines.
47. Et cruci sic adfixerunt
Summum regem gloriae
In loco, quem elegerunt,
Qui est mons Calvariae,
Et mox Satan corruerunt
Cornua superbiae.
48. Tunc est clavo perforata
Manus eius dextera,
Per quam cuncta sunt creata,
Caeli, terra, sidera,
Cuius tactu et prostrata
Reviviscunt funera.
49. Est sinistra terebrata
Manus pariformiter,
Unde fluunt delicata
Unguenta, letaliter
Sauciorum per peccata
Curatura pleniter.
50. Et pes dexter penetratus
Est clavo crudeliter,
Per quem nobis est monstratus
Cursus, quo celeriter
Ad virtutum caelibatus
Pertingatur dulciter.
51. Pes sinister iaculatus
Fuit consimiliter,
Et ex eius plaga latus
Sanguinis suaviter
Manat rivus, quo plagatus
Languens fit feliciter.
52. At in altum levant crucem,
Et pedum confractio
Fit ac manuum, et ducem
Sic obfuscata passio,
Ut eum non veram lucem
Crederet tunc contio.
53. Duos nequam adpenderunt
Ad crucis patibulum
Hinc et hinc et statuerunt
Medium, qui saeculum
Salvat, quod tunc nescierunt,
Cernunt post ad oculum.
54. Vestes eius diviserunt,
Postquam crucem induit,
Super quibus et miserunt
Sortem, quod non tacuit
Scriptura, sed cecinerunt
Psalmi hoc, nec latuit.
55. Super crucem et Pilatus
Adponit hunc titulum:
Iesus Nazarenus natus
Rex est super populum
Hebraeorum, en, damnatus
Perit per patibulum.
56. Sacerdotes et levitae
Cum praetereuntibus
Ridendo dicunt: Venite
De cruce, et omnibus
Esse largitorem vitae
Te patebit gentibus.
57. Orat patrem corde puro
Pro crucifigentibus:
Poenas has pro cunctis duro,
Parce delinquentibus,
Quas et meis post procuro
Electis militibus.
58. Unus blasphemans reorum
Ait: salvos facias
Nos et te, si saeculorum
Rex es, sed delicias
Alter petit beatorum
Post carnis exuvias.

59. Matrem post hoc contemplatus
Commendat discipulo
Dicens: Ecce, tuus natus,
Quem pavisti poculo
Lactis, iam est neci datus
Pro salvando saeculo.
60. Heli, pater! circa nonam
Clamat voce maxima,
Quid relictus sum et quonam
Me vertam? durissima,
En, crux premit, sed me ponam,
Ut sim mundi victima.
61. Morti proximus clamavit
Auctor saeculi: Sitio.
Quidam spongia potavit
Eum mox in odio
Aceto, quod ante David
Inquit in psalterio.
62. Cum in eo iam impleta
Prophetarum carmina
Fuissent atque deleta
Orbis foeda crimina,
Cuncta, inquit, sunt completa
Et destructa numina.
63. Voce magna post clamavit:
Pater, reddo spiritum
Meum tibi, quem efflavit;
Mox eius interitum
Terra tremit, et sol pavit,
Quod it se absconditum.
64. Latus eius lanceavit
Unus et fons sanguinis
Et aquae evaporavit
Statim, qui dulcedinis
Dat copiam; qui amavit,
Scit vim huius fluminis.
65. Ioseph adiens Pilatum,
Nobilis decurio,
Corpus postulat beatum
Iesu et sudario
Involvit exanimatum
Lotum atque fluvio,
66. Speciebus et conditum
Reponit in tumulto
Iuxta gentis suae ritum
Cum maeroris cumulo,
Quod it miles custoditum,
Ne tollatur clanculo.
67. Cum vexillo triumphali
Crucis mox ingreditur
Infernum, et tremunt mali
Spiritus, quod rapitur
Praeda vetusta vi tali,
Et carcer confringitur.
68. Suos ex averno raptos
Paradiso intulit,
Quos ad hoc effecit aptos
Passio, quam pertulit
In cruce, quos Adae captos
Crimen illuc depulit.
69. Tertia surrexit die
Resumens cum gloria
Corpus, quod venter Mariae
Salva pudicitia
Fudit, et hic cibus viae
Est et patris hostia.
70. Suae resurrectionis
Plura dat indicia
Monstrans, quod corruptionis
Non foret obnoxia
Caro, quae contagionis
Nulla traxit vitia.
71. Terra tremens hanc monstravit
Et cum luce veniens
Angelus, qui consternavit
Custodes aperiens
Tumbam, quam non reseravit
Dominus egrediens.
72. Magdalenae propalavit
Vivere se primum,
Dehinc Petro, qui negavit,
Noxam donans penitus,
Ceteris post, quos adflavit
Rore sancti spiritus.

73. **Monstrans eis intellectum**
Mysticum, qui latuit
In scripturis et, quod tectum
Prius est, apperuit,
Caritatis et affectum
Dulcem illis tribuit.
74. **Et cum eis manducavit,**
Ne nutarent amplius,
Clausis seris et intravit
Inter eos medius
Stans, a quibus declaravit
Momento velocius.
75. **Ad pedes, manusque latus**
Thomas adhuc dubius
Palpandum est invitatus
Et fatetur ocus,
Quod est homo vere natus
Et Deus eximius.
76. **Ad montem et evocavit**
Demum omnes pariter,
Quos in fide confirmavit,
Ut eant celeriter
Mandans, id, quod praedicavit,
Mundo narrent taliter.
77. **Quadraginta iam exactis**
Diebus ad aethera
Tendens implet cataractis
Gratiarum viscera
Suorum, linquens in pactis
Potiora munera.
78. **Prius tamen manducavit**
Cum eis et tingere
Lymphis omnes destinavit
Baptismi et pellere
Daemones, ut, quod paravit,
Regnum possent capere.
79. **Super omnes tunc ascendit**
Caelos et ad dexteram
Patris cum palma pertendit
Relinquendo liberam
Sponsam suam, quam defendit
Conterendo viperam.
80. **Iubilantes angelorum**
Coetus omnes obviant
In lyris et canticorum
Odis, ut recipiant
Regem cum turma captorum
Et consortes faciant.
81. **In effigie virorum**
Ex his duo fratribus
Dicunt, quod Iesus, polorum
Rex, ostendet omnibus
Se in fine saeculorum
Sicut tunc in nubibus.
82. **Cum in unum praestolantes**
Promissa caelestia
Convenissent et orantes
Essent hora tertia,
Venit flatus super stantes
Vehemens a gloria.
83. **Unde plenum deitatis**
Fit ipsum cenaculum,
In quo sedent, caritatis
Dans eis igniculum,
Et loquuntur linguis datis
Diversis ad populum.
84. **Turba concurrens stupore**
Plena hos pronuntiat
Ita musti ex fervore
Eloqui, cum nesciat,
Vinum esse, quod [ex] rore
Sacri flatus veniat.
85. **Illo mero iam madentes**
Inferre mysterium
Trinitatis inter gentes
Parant, improprium
Iesu et dogma docentes
Et latum imperium.
86. **Tuae sacrae passionis**
Et vitae memoriam
Fac habere nos cum donis
Tuis nunc per gratiam
Ac supernae stationis
Regnum post et gloriam.

Cod. Silvae S. Martini prope Geraldimontem saec. 15. Cod. 7961 der
k. und k. Familien-Fidei-Kommisbibliothek in Wien. — 13, 6 probari. —
27, 5 Et quod. — 64, 3 evaporarunt.

60. Oratio de passione Domini et de compassione B. V.

- | | |
|---|---|
| <p>1. O Iesu, rex caelice,
Clamose coram iudice
Es accusatus absque re
Perpessusque pacifice.</p> <p>2. O Maria, tuum natum
Pertulisti flagellatum,
Multis poenis tribulatum,
Morte quoque vulneratum.</p> <p>3. O Iesu dulcissime,
Cui osculum mitissime
Dabasque paratissime,
Te morti dedit pessime.</p> | <p>4. O Maria, dum fit natus
Tuus hasta perforatus,
Transit ensis acuatus
Poena nati tuum latus.</p> <p>5. O Iesu, quam vultu tristi
Tuam matrem inspexisti!
Quam Iohanni commisisti,
Quando crucem ascendisti.</p> <p>6. O Maria, quam flevisti
In extasimque cecidisti,
Quando mortuum aspexisti,
Cuius mater exstitisti!</p> |
|---|---|
7. Quare me in hora mortis
Erue de portis mortis,
Iesu, tu, Maria fortis,
Iunge me supernis portis.

Collect. ms. Gottwicen. saec. 14. [et 15]. Cod. Gottwicen 192. A. —
Cim. Monacen. (ol. Tegurin.) 19636. saec. 15. B. — 1, 1 O fehlt B. — 3, 3
percitissime B. — 4, 1 sq. O Maria dum tuus natus Hasta fuit perforatus B. —
5, 4 Cum in cruce pependisti B. — 6, 3 Quando mortem A. — 7, 2 fehlt B.

61. Ad Faciem Domini.

- | | |
|--|--|
| <p>1. Ave, florens vultus Christi,
Sputa pro me suscepisti,
O decora facies,
Rogo, ut non avertaris
A me, sed intuearis
Centies et milies.</p> <p>2. Ave, caput inclinatum,
Despective coronatum
Spinis infidelium,
Plagis multis perforatum
Circumquaque cruentatum,
Exemplar humilium.</p> <p>3. Ave, Christe, dulcis frater,
Qui nos lactas velut mater
Corporis vulneribus,
Nobis lac tu produxisti,
Quando sanguinem fudisti
De palmis et de pedibus.</p> | <p>4. Ave, qui plantationem
Per tuam oblationem
Pro me patri exhibes,
Cruce, clavis et cruore,
Spinis, lancea, livore
Eius iram cohibes.</p> <p>5. Ave, Christe, qui dormisti,
Soporatum suscepisti,
Tibi laus et gloria,
Culpam dele passione,
Tua resurrectione
Confer vitae gaudia.</p> <p>6. Ave, Iesu, qui solamen
Reis praebes et iuvamen
Relaxando vitia
Et regnando das renatis,
A reatu expurgatis
In perennem gloriam.</p> |
|--|--|

Orat. ms. Harlemense saec. 15. Cod. Treviren. 493. — 3, 1 dulce. —
3, 4 lactu. — 6, 4 Lies Et regnare das? — 6, 6 Lies: in perenni gloria?

62. Ad Faciem Domini.

- | | |
|---|--|
| 1. Ave, florens vultus Christi,
Pro me sputa suscepisti,
O decora facies!
Rogo te, ne avertaris,
Sed ut me intuearis,
Hostis fugans acies.
Salve, splendor, quem fuscavit
Fletus, decor, quem foedavit
Livor atque macies!
Te rogamus ex affectu,
Tuo pio nos respectu
In aeternum saties. | 2. Candor lucis tu supernae,
Clare lucens dies verne,
O superna claritas,
In hac valle lacrimarum
Tergeret noxas animarum,
Quas paterna caritas
Sanguinem per pretiosum
Et triumphum gloriosum
Genuit, ut paritas
Hominum et angelorum
Esset, da, ut vitiorum
Sit in eis raritas. |
|---|--|

3. O quam dulce te videre,
Tibi semper inhaerere,
Speculum laetitiae!
In te salus, virtus, vita,
Bona simul infinita,
Honor et divitiae;
A te semper ut respecti,
Da, servemus iter recti
Normamque iustitiae,
Ut in viis Dei cantent
Omnes, eos nec supplantent
Daemonum nequitiae.

Oration. Lehnin. anni 1518. Cod. Berolinen. IV° 29.

63. Ad Faciem Domini.

- | | |
|---|--|
| 1. Ave, facies Iesu Dei,
In te salus nostrae spei,
Te optamus, licet rei,
Perfrui in gloria. | 4. Ave, facies benedicta,
Nostra tamen ob delicta
Alapis caesa et adflicta
Ac lacrimis madida. |
| 2. Ave, facies illustrata,
Sudore sanguinis rigata,
Sputis nimis deturpata
Magna ex malitia. | 5. Ave, facies praeclara,
Quae pro nobis in crucis ara
Morte tandem ex amara
Es effecta pallida. |
| 3. Ave, facies gratiosa,
Super solem speciosa,
Anxietate tenebrosa
Et cruore livida. | 6. Haec cordi meo sit impressa
Per te, Iesu, neque cessa
Hoc cremare indefessa
Tui amoris facula. |

7. Ut contemplari possim satis
Post hanc vitam cum beatis
Vultum tuae deitatis
In sempiterna saecula.

Diurn. Misnense imp. Lipsiae 1511 (unter einer Auswahl nicht liturgischer Gebete).

64. Ad Faciem Salvatoris.

- | | |
|---|---|
| <p>1. O vultus amabilis
Nazareni floris,
Qui Mariae totiens
delicati oris
Suscepisti oscula,
plenus es maeroris,
Cum per sputa contrahis
maculas honoris.</p> | <p>3. Vultum tuum, Domine,
mihi contemplari
Dulce sit, iniurias
tuas amplexari,
Tuas contumelias
hic philosophari,
Tribue proficere
in hoc exemplari.</p> |
| <p>2. Te velant, te lacerant
manus impiorum,
Gravis ad videndum es
oculis eorum,
Quibus lumen veneras
praestare sanctorum,
Margarita, claritas,
splendor angelorum.</p> | <p>4. Quot maxillae alapis
pro me feriuntur!
Quot verba blasphemiae
tuis ingeruntur
Auribus! Sic instruor,
cum ista leguntur,
Arma patientiae
mihi proponuntur.</p> |

Orat. ms. Tegurinum anni 1466. Clm. Monacen. 19991.

65. Salutatio ad Faciem Domini.

- | | |
|---|---|
| <p>O regalis faciei
Forma, summa nostrae spei,
Ave, salve, quae consputa
Es pro nobis et polluta,</p> | <p>Tuae visu perfruamur,
Qui te modo veneramur.
Lumen vultus tui signa</p> |
| <p>5. A malignis caedi iussa,
Alapata et percussa,
Foeda, sordens, maculosa,
Quamvis multum sis formosa,
Multum pulchra et decora,</p> | <p>20. Super nos, o tu benigna,
O iucunda et amoena
Facies, decore plena,
Nos dignando illustrare,
Sic quod post hanc vitam clare</p> |
| <p>10. Sic, quod gliscunt omni hora
Caeli cives te spectari,
De te quoque satiari;
Quorum merces et corona
Cum sis, eia, nobis dona</p> | <p>25. Te cernamus in caelorum
Regno socii eorum,
Qui te semper speculantur,
Laudant, in te gloriantur.
Quo, tu, Iesu, splendor patris,</p> |
| <p>15. Dona tuae pietatis,
Et cum ipsis claritatis</p> | <p>30. Unice Mariae matris,
A beatis adoraris,
Vivis, regnas, gloriaris</p> |
| <p>Per aeterna et immortalia
Saecula saeculorum.</p> | |

Orat. ms. Lehninense anni 1518. Cod. Berolinen. IV° 29.

66. Ad Latus Salvatoris.

- | | |
|--|--|
| <p>1. Salve, plaga sancta
nostri redemptoris,
Nam ex te fluxit fons
rosei coloris,</p> | <p>Vera medicina
totius doloris
Et aeterna requies
humani laboris.</p> |
|--|--|

2. Salve, plaga sacra,
salus peccatorum,
Tu es consolatio
perfecta maestorum,
Grata refectio,
via beatorum,
Pacis fruitio
portaque caelorum.
3. Salve, plaga recens
semper et fecunda,
Emanavit ex te
salutaris unda,
Per quam liberantur
a morte secunda
Cuncti servientes
tibi mente munda.
4. Salve, plaga sancta,
domus requiei,
Tutum refugium,
ancora diei,
Per te purgantur
a crimine rei
Et introducuntur
in conspectu Dei.
5. Salve, plaga rosea,
plena caritate,
Per te fideles animae
sistunt dealbatae,
Sana cunctos homines
de diaboli potestate,
Duri cordis seras
frange, petimus a te.
6. Salve, plaga Domini,
hasta perforata,
Peccatorum crimina
dele, lanceata,
Paradisi porta
est per te reserata,
Caritate iugiter
reple nos beata.
7. Salve, plaga, pulchrum
speculum peccatoris,
Placa nobis faciem
nostri redemptoris,
Quem non offendimus
semel, sed cunctis horis,
Fac nos sequi vestigia
nostri salvatoris.

Orat. ms. Italicum saec. 15. Cod. Londinen. Add. 10826. A. — Orat. ms. Eremitense saec. 15. Cod. Eremiten. 764. B. — Cod. Carolsruhan. Augien. 36. saec. 14/15 C. — 1, 1 sancta fehlt B; plaga Domini C. — 1, 3 fluxit unda C. — 1, 5 Tu sola medicina C. — 1, 6 totius nostri doloris A; totius languoris C. — 1, 7 Ad aeterna B. — 2, 2 desolatorum C. — 2, 3 es fehlt BC. — 2, 4 peccatorum C. — 2, 5 Gratia B. — 2, 7 Salutis fruitio C. — 3, 1 plaga Iesu Christi C. — 3, 2 reis fecunda C. — 3, 3 De qua manet C. — 3, 4 salutis rosa rubicunda C. — 3, 5 liberati C. — 3, 7 obedi-
dientes C. — 3, 8 corde munda C. — 4, 1 plaga nobilis C. — 4, 3 Tutum-
que AC. — 4, 4 fidei C. — 4, 5 purgantur C. — 4, 6 omnes rei C. —
4, 8 ante conspectum C. — 5, 2 plana C. — 5, 3 fideles fehlt B; nostrae
animae C. — 5, 5 homines fehlt C. — 5, 6 a diaboli C. — 7, 7 Fac ut se-
quemur vestigia BC. — 7, 8 nostri fehlt. — C fügt noch folgende zwei
Strophen (cfr. folgende Nummer) hinzu:

Salve, vulnus lateris nostri amatoris,
De quo fluxit fluminis fons atque cruoris,
Medicina miseris esto nunc doloris
Sanans simul criminis plagas et erroris.

Salve, plaga vulneris larga et profunda,
Lava multitudinem sordium ac emunda,
Ne laedat in inferis tuos mors secunda,
Sed ad visum numinis fiat mens iucunda.

A bemerkt: „Iohannes papa XXII composuit sequentem salutationem et concessit omnibus devote eam dicentibus XVII annos indulgentiae.“ Ebenso C: „Iohannes papa VIII composuit sequentem salutationem [et] dicentibus concessit diciocto[!] annos indulgentiae.“

67. Ad Latus Salvatoris.

- | | |
|---|---|
| <p>1. Ave, vulnus lateris
 Nostri redemptoris,
 Ex quo fluxit fluminis
 Fons sed et cruoris,
 Medicina miseris
 Esto nunc doloris,
 Sanans simul criminis
 Plagas et erroris.</p> | <p>2. Ave, plaga lateris
 Larga, quam fecunda!
 Lava multitudinis
 Sordes et emunda,
 Ne laedat in inferis
 Tuos mors secunda,
 Sed et visu numinis
 Fiat mens iucunda.</p> |
|---|---|

Orat. ms. Caroli V. saec. 16. Cod. Palat. Vindobonen. 1859. A. — Cod. Palat. Vindobonen. (ol. Campen.) 883. saec. ¹⁴/₁₅ B. — 2, 1 plaga vulneris B. — „Innocentius papa hanc orationem quatuor annis plenae indulgentiae do-
 tavit.“ B. — Vgl. Anmerkung zu Nr. 66.

68. De Vulneribus Christi.

- | | |
|--|--|
| <p>1. Omnibus consideratis
 Paradisus voluptatis
 Es, Iesu piissime;
 In te fons paternitatis
 Omnes fructus suavitatis
 Plantavit plenissime;
 Passionis tuae fructus
 Et cruoris tui fluctus
 Deffluens largissime
 Finem fecit nostri luctus,
 Per hunc infernus destructus
 Gemit amarissime.</p> <p>2. Triumphale lignum crucis,
 Tu seductos nos reducis
 Ad superna gaudia,
 Portas pandis verae lucis,
 Fauces claudis hostis trucid
 Divina potentia;
 Te adoro propter illum,
 Qui gregem per te pusillum
 Reduxit in propria,
 Orci vectes et sigillum
 Confringens per hoc vexillum
 Signa infernaliam.</p> <p>3. Ave, caput inclinatum,
 Despectu coronatum
 Spinis infidelium,
 Multis locis perforatum
 Circumquaque cruentatum
 Exemplar humilium;</p> | <p>O corona pretiosa,
 Quam cruoris tinxit rosa
 Plasmatoris omnium,
 Per te fiat speciosa
 Mens humana, mens spinosa
 Declinans in vitium.</p> <p>4. O fons ave paradisi,
 A quo quattuor divisi
 Dulces currunt rivuli,
 Per quem daemones invisi
 Sunt contracti et elisi
 Et effecti tremuli;
 Dulce vulnus laterale,
 Inter fontes nullum tale
 Nectar unquam poculi;
 Ave, salve, gaude, vale,
 Contra venenum letale
 Medicamen populi.</p> <p>5. Salve, vulnus dextrae manus,
 Velut Phison rivus planus
 Miseris scaturiens,
 Quod Iudaeus inhumanus,
 Inhonestus et insanus
 Fodit Deum nesciens.
 Te adoro, te honoro,
 Te inquier, te imploro
 Ut miser iam moriens,
 Ut in contritorum choro,
 In quo sperans iam laboro,
 Nunquam sim deficiens.</p> |
|--|--|

6. Ave tu, sinistra Christi,
Perforata quae fuisti
Clavo perdurissimo,
Velut Gihon effudisti
Rivum tuum, quo lavisti
Nos a morbo pessimo;
Te, o vulnus, adoramus,
Tibi caput inclinamus
Ut fonti dulcissimo,
Per te fiat, ut vincamus
Hostes et ut gaudeamus
In die novissimo.
7. Salve, vulnus dextri pedis,
Tu cruoris rivum edis
Tigri comparabilis,
Per hunc rivum, homo redis
Ad supernae culmen sedis,
Ubi pax est stabilis,
Per hoc vulnus, hoc foramen
Fudit cruoris libamen
Deus impassibilis,
Nobis semper sit solamen
Istud vulnus et iuvamen,
Dum mors adest flebilis.
8. Laevi pedis perforati
Ave vulnus, in quo pati
Deus homo voluit,
Comparandum es Euphrati,
Per te sumus liberati
Nos, quos umbra tenuit;
- Dulce vulnus, dulcis clavus
Et cruoris dulcis favus
Per istud efferbuit,
Per te resurgat ignavus,
Emundetur homo pravus,
Qui spem in te habuit.
9. Ave, mater, plasma nati,
Quae vidisti natum pati,
Quis te dolor tenuit!
Non est hoc humanitati
Scire datum neque vati,
Quia nemo potuit;
Prae dolore perforetur
Mea mens et crucietur,
Quae dolorem meruit,
Ne in fine condemnetur,
Sed per poenas emendetur,
Quia carni paruit.
10. Iohannes evangelista,
Tu sacrarii sacrista,
In quo Christus iacuit,
Ne mundus fallat sophista,
Per te mihi dentur ista,
Quae mens supra voluit;
Obsecro te per hunc fletum,
Per dolorem et per metum,
Quo cor tuum tremuit,
Cum videres Deum spretum,
Ut me ducas ad hunc coetum
Quem Christus eripuit.

Cod. Carolsruhan. Augien. 36. saec. 14/15. A. — Cod. Lambacen. CLXXXVIII saec. 15. B. — Cod. Lambacen. 480. saec. 15. C. — Cod. S. Petri Salisburgen. a III 10 anni 1474. D. — Cod. Palat. Vindobonen. (ol. Campen.) 883. saec. 14/15. E. — Orat. ms. saec. 15. Cod. Gandaven. 212 (37). F. — Orat. ms. Cantuariense saec. 15. Cod. Londinen. Arundel 318. G. — Orat. ms. Cantuariense saec. 15. Cod. Londinen. Arundel 341. H. — Orat. ms. saec. 15. Cod. Londinen. Harl. 211. I. — Orat. ms. Anglicanum saec. 15. Cod. Coll. Iesu Oxonien. 32. K. — Orat. ms. saec. 15. Cod. Coll. SS. Trinitatis Oxonien. 13. L. — Orat. ms. Cisterciens. Anglican. saec. 15. Cod. Vatican. Ottobon. 548. M. — Orat. ms. Gebennense saec. 15. Cod. Vatican. Palatin. 540. N. — Orat. ms. saec. 15. Cod. Bruxellen. 10776. O. — Orat. ms. saec. 15. Cod. Bruxellen. 9798 P. — Orat. ms. Brugense saec. 15. Cod. Bruxellen. 4648. Q. — Orationale ms. Tegurinum anni 1467. Clm. Monacen. 19991. R. — Orat. ms. Tegurinum saec. 15. Clm. Monacen. 19356. S. — Orat. ms. Anglicanum saec. 15. Cod. Parmen. Palat. 206. T. — Orat. ms. S. Petri Luciliburgen. saec. 14. Cod. Avenionen. 207. U. — Orat. ms. Tegurinum. saec. 15. Clm. Monacen. 19354. V. — Orat. ms. Briggittin. Neerlandic. saec. 15. (Privatbesitz). W. — Orat. ms. Cisterciens. saec. 15. Cod. Darmstadien. 1228. X. — Orat. ms. saec. 15. Cod. 7977 der k. k. Familien-Fideikommis-Bibl. Y. — Orat. ms. Carthusiae Erphes-

forden. saec. 15. Cod. Rossian. VIII 56. Z. — Ferner: Orat. ms. Gallicum saec. 14. ex. Cod. Ianuen. (Miss. Urban.) 31. 4. 9. —

Str. 1 und 10 umgestellt Z; Str. 1—3 fehlen C. — 1, 4 fons pietatis A; puritatis BD. — 1, 9 Defiens Z. — 1, 10 facit W. — 1, 11 Infernus per hunc A; Per hoc infernus BWZ; per haec D. — 1, 12 Gemens A; Sevit amarissime R. — Nach Str. 1 schiebt A ein:

Iesu Christi denudatum
Corpus, salve, quod ligatum
In columna tremuit,
Quando fuit flagellatum,
Virgis caesus nec (l. sic) reatum
Nostrum tolli voluit;

Cicatrices remanserunt
Carni Iesu, quam fregerunt
Ictibus, ut placuit,
Rivi multi defluerunt
Et membra cruentaverunt,
Totum corpus maduit.

Str. 2 und 3 umgestellt A; Str. 2 steht hinter Str. 8 D. — 2, 3 deductos Z. — 2, 5 Vincetus[!] patres tu reducis Z. — 2, 8 Qui per te gregem Z. — 2, 9 in patria AWZ; patriam BR. — 2, 10 sq. umgestellt WZ. — 2, 11 Ora vectes B; Mortis ferens et sigillum Z. — 2, 12 Signaris D. — 3, 2 Despectum et coronatum B. — 3, 4 Mille locis D; Mille loris perforatum A. — 3, 8 texit rosa A; cinxit rosa WZ. — 3, 10 pretiosa W. — Str. 4 steht hinter Str. 5 Z; hinter Str. 6 BRW; hinter Str. 8 AD. — 4, 1—6 fehlen C. — 4, 1 Salve, o fons A; Ave, fons D; O fons aquae R. — 4, 4 Per te daemones Z. — 4, 6 Ac effecti Z. — 4, 9 Nectar inquam AW. — 4, 10 Ave, gaude, salve A. — 4, 12 Esto medicina populi A. — 5, 2 Verus rivus Phison W; rivos perlanus Z. — 5, 4 Quod tyrannus B; Quod iudex inhumanus Z. — 5, 7 Te honoro, te adoro A. — 5, 8 fehlt Z. — 5, 9 Ut miser et moriens A. — 5, 10 In quo sperando laboro AZ. — Str. 6 steht hinter 7 Z. — 6, 3 perdurissimo A. — 6, 5 Vinum verum quo lavisti Z. — 6, 6 Nos a malo A; Nos a mortis W. — 6, 7 O te vulnus Z. — Str. 7 steht vor Str. 6 Z. — 7, 2 cruoris vinum WZ. — 7, 4 Per hoc vulnus, homo A; Per hunc vinum Z. — 7, 7 Per hoc vulneris foramen A. — 7, 10 Nobis sit semper Z. — 7, 11 Illud vulnus Z; et foramen W. — Str. 8 steht vor 10 Z. — 8, 1 Christe pedis W; Ave vulnus perforati A. — 8, 4 est D. — 8, 5 Per quod sumus CW. — 8, 6 quos unda tenuit D; quos culpa tenuit W. — 8, 12 In te qui spem Z. — Str. 9 und 10 fehlen W; Str. 9 steht vor Str. 7 Z; Str. 10 folgt auf 8 Z. — 9, 4 hoc fehlt AB; Non est haec Z. — 9, 5 ulli vati Z. — 9, 6 Nullus homo potuit Z. — 9, 8 ut Z. — 9, 11 Sed per fletum A. — 10, 1 O Iohannes Z. — 10, 3 in quo Deus D. — 10, 4 zufista Z. — 10, 5 detur ista Z. — 10, 6 Quae tibi complacuit Z. — 10, 7 Te inquiri per hunc B; Te requiro per hunc Z. — 10, 9 contremuit A.

Oratio sancti Bernhardi de passione Domini B. — Hanc orationem ad quinque vulnera Christi dictavit papa Iohannes XXII et dedit omnibus dicentibus VII annos indulgentiarum X. — Bonifacius papa sextus dedit cuilibet sequentes orationes dicenti in memoriam passionis Iesu Christi viginti diebus continuis ore confesso et corde contrito plenariam indulgentiam et remissionem omnium peccatorum suorum Y.

Vgl. Mone I Nr. 122, eine Bearbeitung dieses Liedes durch Conrad von Gaming; cfr. Anal. III, S. 11. Morel (Nr. 43) hat dieses Verhältnis mißkannt. Ganz entstellt ist Text und namentlich Abteilung bei Roth. Nr. 81.

69. De Vulneribus Christi.

1. Crucifixe Iesu bone,
Me redemptum passione
Iuxta plagas tuas pone,
Ut te fleam dulciter;

Dulce cum sit de te flere,
Quid erit de te gaudere,
Certe sic est te lugere
Arrha veri iubili.

2. Verbum, quod est caro factum,
Sextum lustrum post peractum
Tuum ob praeceptum sanctum
Omni parte foederis
Dorsum quoque, pedes, manus,
Sanguis totus, aqua, flatus,
Cuncta dantur morti planctus
Propter mortem hominis.

3. Caput altum conquassatur,
Spinis multis perforatur,
Sputis, palmis exprobratur,
Membrum tuum protegas,
Eia, dextra manus Dei,
Perforata clavo rei,
Iunge tecum actus mei
Meque manu teneas.

4. Manus laeva lapsum leva,
Leva mea facta saeva,
Statuendum parte laeva
Transferas ad dexteram;
O pes dexter salvatoris,

Calles calcans peccatoris
Duc me viam per amoris
Ad amorem spiritus.

5. Tu pes laevus conclavatus,
Gradiendo fatigatus,
Potus, unctus, osculatus,
Gressus meos dirige;
Latus late penetratum,
Sacramentis vas paratum,
His me tuum consignatum
In te fac quiescere.

6. Corpus totum flagellatum,
Demum cruce consummatum
Et sepulcro commendatum,
Cito sed resuscitatum,
Me reum iustifica;
Meae preces non sunt dignae,
Sed tu bonus fac benigne,
Tu qui passus es indigne,
Ne aeterno cremere igne,
Tecum sim in gloria.

Orat. ms. saec. 15. Cod. Mantuan. E I. 27. — 3, 7 nectus oder actus
Hs. — 4, 6 Cales. — 5, 1 Tu es levus.

70. De Vulneribus Christi.

1. Ave, fructus o Mariae
Et caelestis vas sophiae,
Circumcisis qui in die,
Fac nos salvos, Iesu pie.
2. Ave, cuncta qui creasti,
Dum in monte qui sudasti,
Quando patrem exorasti,
Nos exaudi, quos plasmasti.
3. Ave, caput Christi gratum,
Duris spinis coronatum,
Nos conserva, ne peccatum
Poenae ducat ad reatum.
4. Ave, dextra manus Christi,
Perforata plaga tristi,
Nos ad dextram iube sisti,
Quos per dextram redemisti.
5. Ave, palma Iesu laeva,
Sic confixa plaga saeva,
Nos ab aevo malo leva,
Quod produxit mater Eva.

6. Ave, latus lanceatum,
Unde fluxit flumen gratum,
Praebe nobis conducatum
Ad aeternae vitae statum.
7. Ave, vulnus dextri pedis,
Aedem mentis pie laedis,
Dum ad eam saepe redis,
Esto nobis spes mercedis.
8. Ave, plaga laevae plantae,
Qua virtutum crescunt plantae,
Nos ab hoste supplantante
Contuere post et ante.
9. Ave, tota denudata
Caro Christi flagellata,
Nos conserva, ne peccata
Vita privent nos beata.
10. Ave, Iesu, cruce pressus,
Fatigatus, lassus, fessus,
Tu pro nobis post excessus
Laxa malos cordis gressus.

- | | |
|---|--|
| 11. Ave, Iesu, tu frumentum,
In Maria quod inventum,
Crucis venit ad tormentum,
Cordis nostri pascementum. | 12. Ergo nostri miserere,
Hic nos pascere et tuere,
Tu nos bona fac videre,
Ubi dies, quies vere. |
|---|--|

Cod. Carollsruhan. Augien. 36. saec. 14/15.

71. De Vulneribus Christi.

- | | |
|---|---|
| 1. Ave, caput gloriosum,
Cruentatum et spinosum,
Te spina pupugit,
sanguis sacer decoravit;
Sic facies pallida
cruore fit rubicunda,
Atque rex gloriae
illuditur impia gente,
Et nobis de spina
salutis fit medicina,
Dum caput angelicum
spinetu fit coronatum.
Nos tuo rore
ab omni sana dolore. | 4. Ave, dexter Christi pes,
Qui ad crucem fixus es,
Perforatus clavo diro
Sustinens et modo miro
Cruciatus et dolorem
Peccatorum ob amorem
Stabas totus in dolore,
Sed immotus ex amore
Fixus manens patibulo;
Condolentes et gementes
Facque tecum patientes
In flebundo saeculo. |
| 2. Ave, manus dextera
(Christi) tendentis ad aethera,
Extensa ad patibulum
reparasti genus humanum,
Clavo perforata
cruore[que] purpurata,
Non clavus tenuit,
sed caritas te crucifixit;
Da hic condolare
post mortem atque gaudere. | 5. Ave, vulnus laevi pedis,
Quod infixit volis saevis
Impia gentilitas,
Medicamen factum aegris
A pirata taetro laesis,
Hoc egit summa pietas;
Tuo nos iuvamine
Mortis in examine
Reatum tegat caritas,
Tolle crimen atque nefas,
Ut post huius vitae metas
Propitia sit deitas. |
| 3. Ave, laeva manus Christi,
Perforata plaga tristi,
Diro ferro puncta
crudeliter es cruci iuncta,
Defluxit unda
salubris et rubicunda,
Quae vitia purgat
et corda saucia sanat,
Nos tuo dolore
ab omni sana livore. | 6. Ave, latus perforatum,
Unde fluxit flumen gratum,
In te patet vis amoris,
De te scatet fons cruoris,
Qui corda rigat arida;
Fundis rivos gratiarum;
Fluit salus animarum,
Appares te amantibus
Et cunctis paenitentibus
Medela salutifera; |

Beatos fac in gloria.

Orat. ms. Lehninense anni 1518. Cod. Berolinen. IV^o 29. — 6, 11
Beatosque in. — Unter Plünderung verschiedener Lieder in verschiedenen
Mafsen aufgebautes Lied; 1, 3—14; 2, 3—10; 3, 3—10 ungefüge rhythmische
Hexameter.

72. *Salutatio ad dolores singulorum membrorum Iesu Christi.*

- | | |
|---|--|
| 1. Salve, salve, Iesu pie,
Fili Dei et Mariae,
Qui de patre sine matre
Et de matre sine patre
Natus es ineffabiliter;
Aures tuae tam benignae,
Omni vere laude dignae,
Angelorum quos concentus,
Totus caelicus conventus
Mulcet mirabiliter, | 3. Hinc latronem saevientem
Hinc et Iudaeum frepentem:
Vah, qui templum hoc rependit,
Hic de cruce, si descendit,
Hunc scimus Dei filium,
„Prophetiza“ nunc clamare,
Nunc te Petrum ter negare,
„Crucifige“ replicare,
„Ave rex“ te salutare
Lingua insipientium. |
| 2. Quanta probra pertulerunt
Et quam saepe audiverunt:
Hic seductor et peccator,
Hic potator et vorator,
Semper habet daemonium;
Quis has poenas enarrare
Posset omnes, Iesu care?
Mihi sapit tecum flere,
Non me possum continere
Attendens hoc flagitium. | 4. Malleorum sonus multus,
Iudaeorum hinc tumultus,
Hinc Mariae manans vultus,
Hinc creator tamquam stultus
Ab omnibus despicitur.
O stillans mellis dulcore
Pallet totus prae horrore,
Caecos visu qui vestivit,
Hic visu frui desivit,
Quia sputis obruitur. |
| 5. En, pes, caput, laeva, dextra
Dolens passim intus, extra
Gyro hinc, illic regyro,
Nil in tam praeclaro viro,
Nisi dolor conspicitur.
Pignus aeterni ardoris,
Huius causa sum doloris,
Scio, Iesu, quod sum reus
Miserere mei, Deus,
Hoc corpus dum corrumpitur. | |

Cod. S. Petri Salisburgen. b. II 24. anni 1538. A. — Cod. Virunen. cart. IV anni 1530. B. — 1, 4 fehlt A. — 3, 2 et fehlt A; Et Iudaeum blasphemantem B. — 3, 3 hoc reparat A. — 3, 4 descenderit B. — 3, 5 Credimus ei B. — 3, 8 triplicare B. — 3, 9 te fehlt A; salutare te B. — 4, 1 Hinc malleorum B. — 4, 2 Hinc Iudaeorum B. — 4, 5 A cunctis B. — 5, 3 illic fehlt A. — 5, 6 O pignus B. — 5, 7 sum causa B. — 5, 10 dum moritur. — Cfr. die Note bei Mone I, S. 171.

73. *De Cruce Domini.*

1. Peccatores, quare desperatis,
Quantiscunque subditi peccatis?
Cernite thesaurum pietatis
In Cruce.

2. Grandi vobis debito ligatis,
Si non habetis, unde solvatis,
Optimum thesaurum concernatis
In cruce.
3. Culpis infinitae quantitatis,
Immo cunctis culpis adgregatis
Divus sanguis fortior est satis
In cruce.
4. Ibi pendet munus caritatis,
Ibi victimatur pro peccatis,
Qui libertatem cunctis dat gratis
In cruce.
5. O signanda pectore memoria,
O praeclara Domini victoria,
Purgat mundum virtus purgatoria
In cruce.
6. Expurgatur vetus Adae scoria,
Cedit limus, aperitur gloria,
Declaratur virtus amatoria
In cruce.
7. Ibi est abscissa fortitudo,
Ibi livefacta pulchritudo,
Ibi se diffundit plenitudo
In cruce.
8. Ergo si sit culpae magnitudo,
Sola mentis assit paenitudo,
Vincet pietatis multitudo
In cruce.
9. Surge, surge, qui dormis, propera
Dei crucifixi lambe vulnera,
Sibi derelinque tua scelera
In cruce.
10. Christe, qui tulisti lenis aspera,
Crucifige nostrae carnis opera,
Nostra mala dele, tolle, supera
In cruce.

Clm. Monacen. (ol. Emmeramen.) 14848 anni 1351. — 3, 3 Divinus sanguis. — Der Rundreim „In cruce“ ist in der Hs. unregelmäßig verteilt.

74. De sancta Cruce oratio devota.

1. O crux sancta et praeclara,
Cuius Christus est in ara
Suspendus, ut erueret
Nos a morte aeternali
Et a summa omnis mali,
Ut omnes nos imbueret;
Quantum ipsum honorare
Debeamus et amare,
Qui poenas nostras lueret!
2. O crux nimis gloriosa,
Nobilis et pretiosa,
In qua mortis supplicium
Sponte Deus est perpressus,
Factus prae tormentis fessus,
Amoris dans indicium;
In te pugnans triumphavit
Et per te nos reparavit
Iustorum spes initium.
3. O crux Christi dedicata,
Per cruorem et sacrata
Effectaque praeclarius
Omni Dei creatura,
In te solvit mortis iura,
Qui est prae cunctis carior,
Iesus Christus, natus patris
Simulque Mariae matris,
Nec mors est hac amarior.
4. O crux rutilans nitore,
Suavi spirans ex odore,
Prae sole splendidissima,
Poenas sanctis faciebas,
Leves suavesque reddebas,
Amantibus dulcissima,
In te salus pependisse
Nostra scitur et obisse
Et vita iucundissima.
5. O crux, nostra salus, ave,
Te rogamus, ut nos a vae
Ab omnique prurigne
Vitiorum conservemur
Et per te mox liberemur
Aeterna a caligine,
Sicque ignis caritatis
Te agente pravitatis
Nos purget a rubigine.
6. O crux, quae es lignum vitae,
In qua corpus Christi mite
Pependit nimis squalidum,
Torridum et macilentum,
Denudatum et cruentum,
Quassatum atque pallidum,
In te agnus se cum fletu
Obtulit pro suo coetu
Clamorem dans praevalidum.
7. O crux, lignum triumphale,
Esse donans immortale
Et in te gloriantibus,
Contra hostes es munimen
Et in omnibus fulcimen,
Fer ergo supplicantibus
Opem nobis salutarem
Et mercedem sanctis parem
In caelo iam regnantibus.
8. O crux, arbor praeedecora,
Eia, salva sine mora
Ab omnibus piaculis
Illos, qui in te confidunt
Et quos daemones elidunt
Temptationum iaculis,
Et fac ipsos gloriari
In te semper et mundari
A peccatorum maculis.
9. O crux, digna venerari,
Immo digna adorari,
Nam is, qui culpa caruit,
Tibi dedit hanc virtutem,
Nobis dares ut salutem
Per illum, cuius aruit
In te virtus, quando matri
Valefaciendo patri
Ad mortem usque paruit.
10. O crux, cuius in honore
Omnes gaudent cum amore,
Quam auctor vitae voluit
Esse tantae dignitatis,
Quod spes esset desperatis
Et absque te nos noluit
Liberare rex sublimis,
Patetque, quod nostrae nimis
Miserae condoluit.

- | | |
|--|---|
| 11. O crux, quae sic praedicaris,
Fac nos fletibus amaris
Perfecte culpas plangere,
Absint livor, rixae, scelus,
Torpor, luxus, fraus et zelus,
Da motus irae frangere
Et virtutes in nos large,
O tu summe sator, sparge,
Te dans in cruce tangere. | 12. O crux, fac, ut configamur
Tibi Christoque iungamur
Commortui sceleribus
Et amoris sui clavis
Tueatur nos a pravis
Affectu et operibus,
Ut viventi convivamus
Et laudemus, quem amamus
Cum sanctis in aetheribus. |
|--|---|

Orat. ms. Lehninense anni 1518. Cod. Berolinen. 4° 29.

75. De sancta Cruce.

- | | |
|--|---|
| 1. Ave, sanctae crucis signum,
Quod fuisti ferre dignum
Salvatorem omnium,
Cuius triumphale signum
Excludat [ab]hinc malignum,
Debellatum per benignum
Iesum Christum Dominum. | 3. Per te homo renovatur
Et Deo reconciliatur,
Dum extensus in té Deus
Morti datur velut reus. |
| 2. Arbor dedit mortis luctus,
Arbor crucis vitae fructus,
In te prorsus est confractum
Sempiternae mortis pactum,
Quo se homo obligavit,
Cum praeceptum violavit. | 4. In te Christus nos redemit,
In te mortem mors peremit
Et vires hosti ademit,
Unde iam se victum gemit. |
| | 5. Ergo, Christe, splendor patris
Et pro nobis fili matris,
Assit nobis hoc munimen
Et depellat omne crimen. |
| 6. Per hoc signum terreantur,
Qui nos semper infestantur,
Ut confusi cruci cedant,
Ne nos prava fraude laedant. | |

Orat. ms. Trudonense saec. 16. in. Cod. Leodien. 395.

76. De sancta Cruce.

- | | |
|--|---|
| 1. Sanctae crucis lignum, vale,
Inter ligna nullum tale
Fronde, flore, germine;
Lignum sacrum, lignum gratum
Et a Deo consecratum
Redemptoris sanguine. | 2. Ave, lignum singulare,
Caelum, terram [atque] mare
Continentem contines,
Melle stillans dulces favos,
Dulce lignum, dulces clavos,
Dulce pondus sustines. |
|--|---|

Orat. ms. Tegurinum saec. 15. Clm. Monacen. 19356.

77. De sancta Cruce metra.

- Quam venerabilis, impretiabilis, hic ades, o crux,
Arbor amabilis, insuperabilis, hic ades, o dux!
Cuncta poli, maris atque soli bona sola tulisti,
Crimina contere, gaudia congere, baiula Christi.
5. Ad tua cornua pectora carnea mors trahe mortis,
Ad sacra stigmata contrahe climata quattuor orbis.
Tu sine sordibus influe cordibus, o patris agne,
Crux lita postibus est pavor hostibus, o leo magne.
Hinc procul hinc, leo trux, nihil hic nisi crux, nisi pax, lux.
10. Vivat homo, foris inque domo viget unica spes crux.
Vasa Dei titulum fidei fuge, letifer anguis.
Nos foveat, mala dimoveat sacer in cruce sanguis.
- Add. ms. saec. 15. post SeptemPLICATA septem gaudia imp. s. l. et a.

78. De sancta Cruce.

- Crux bona, crux digna, lignum super omnia ligna,
Me tibi consigna salvans a morte maligna.
Aeneus hic coluber, cruce lugubris, ipse saluber
Atque cruore ruber, variis affectibus uber,
5. Omne fugat tuber et culpae nexile suber,
Hunc puer, hunc puber, hunc canus sugat ut uber.
Qui stas pro mundo nudatus corpore mundo,
Iesu, profundo gemitus tibi corde profundo.
Nulla tibi vestis, qui caelum sidere vestis,
10. O rex caelestis, sic tu sociare scelestis?
Sors nostrae sortis bellator et optime, fortis
Tu victor mortis Satanae pravaeque cohortis,
In cruce qui moreris, veniam ne dando moreris,
Per clavos teneris manibus pedibusque teneris,
15. Corde pio miseris, qui te cruciant, misereris,
Dum mala non queris sed dimitti sibi quaeris,
In te confisi socium reprehendere nisi
Ad duo verba nisi praebens aditum paradisi.
Latroni iuveni quod dat contritio sera,
20. Hoc mihi, quaeso, seni donet confessio vera.
Sit meus hic frater tibi filius, inclita mater,
Et tibi sit mater genetrix mea, tu pie frater.
- Cod. Sitanstetten. 265 saec. 15.

79. De sancta Cruce.

I.

Quid sibi vult clamor validus Christi morientis?
Ut moveatur amor hominis sibi compatientis.
Sputa, flagella, minae, crux, clavi, lancea, spinae,
Felici fine sunt nostrae meta ruinae.

Sint mihi tutamen tua vulnera, Christe, cruenta,
Iugeque solamen de miti corde fluenta,
Culpaē purgamen cunctis vitiis medicamen,
Vitae libamen, protectio corporis. Amen.

II.

Qui nos plasmasti, nostri miserere, creator,
Atque reformasti nos morte tua, miserator,
Christe, barathrali salvatos exitiali
Morte gehennali, nos eme perpetuali.
Quod praestes rite, qui das pacem sine lite
In regno vitae, cum dices: Ite, venite.

Cod. Sitanstetten. 265. saec. 15.

80. De sancta Cruce.

In cruce palma fuit, cedrus, cupressus, oliva,
Datque pedem cedrus, truncum cupressus, oliva
Dat capiti tabulam, praebet duo brachia palma;
Unde fidem cedrus, spem cupressus, sed amorem
Signat oliva, bonum finem pia palma figurat.

Cod. Sitanstetten. 265. saec. 15.

81. Oratio de Armis Christi.

- | | |
|---|--|
| 1. Salve, praeclara, inclita,
Armatura dulcissima
Christi Dei et hominis,
Pro nobis passi miseris. | 6. Salve, mortis sententia,
Crux, clavi, scala, lancea,
Distensio, ludibria,
Acetum, fel et sponsia. |
| 2. Salve, Christi venditio,
Cum cultro et praeputio
Sudoreque sanguineo,
Cum gallo, Christi captio. | 7. Salve, arundo, titulus,
Corona, forfex, malleus,
Omnis dolor et passio
Christi et exspiratio. |
| 3. Salve, columna nobilis,
Cum flagellis et vinculis,
Sacrata almo sanguine
Ex Christi fuso corpore. | 8. Salve, matris compassio,
Nati quoque propassio,
Fons duplex eius lateris
Nos lavans, ornans gratiis. |
| 4. Salve, vestis purpurea
Et cuncta Christi vulnera,
Cum effluente sanguine,
Quo redimuntur animae. | 9. Salve, sepulcrum nobile,
Lintea cum aromate
Et quaeque Christi reliqua
Passionis insignia. |
| 5. Salve, alba et colaphi
Ac velamentum oculi,
Sputa quoque et alapae
Illata bino tempore. | 10. Haec cuncta tuae dulcia
Passionis insignia,
Dulcis Iesu, glorifico,
Adoro et magnifico. |

Blume, Pia Dictamina. IV.

- | | |
|--|--|
| 11. Haec cuncta fugent noxia,
Aboleant peccamina,
De manu quoque daemonum
Nos salvent in perpetuum. | 12. Praestent hic pati tristia,
Humilient praecordia,
Confirment nos in gratia
Coronentque in gloria. |
|--|--|

Clm. Monacen. (ol. Tegurin.) 19824. saec. 15.

82. De Armis Christi.

- Vulnera, corona, crux, clavi, lancea, stola,
Spongia, vas, sputum, mantellum, purpura, sceptrum
Cum statua, facula, virgae, flagella, lucerna,
Pelvis cum cantro, forceps, velamen, arundo,
5. Petrus et ancilla, gallus, mucro, malleus, alba
Tunica, taxilli, mons, calix, palmaque nummi,
Haec sunt arma, quibus flectitur omne genu.

* * *

Christe, per haec arma, quaeso, me virtutibus arma,
Arma Iesu Christi defendant nos a nece tristi

10. Cunctos cernentes, contrito corde petentes.

Cod. Vindobonen. 4106. saec. 15. — 4 forpex. — 7 sunt arma Iesu, quibus. — In derselben Hs. finden sich noch die folgenden Verse:

Portans secum arma digne
A periculis et igne
Et ab aquis est securus,
Cum est vitam redditurus,
Sacramentis non carebit
Nec daemonia pavebit.
Mulier in partu stricta
Portans secum arma picta
Contuenda reverenter
Mox solvetur eius venter.

83. De Armis Christi.

- | | |
|---|---|
| 1. O crux, salve, pretiosa
Ferens mundi gaudia,
Salus, vita gratiosa,
Mundi spes et gloria. | Captus, palmis vulneratus,
Sputo laesus, adligatus
Columnae pro populo. |
| 2. O diadema spineum,
Christi cruore roseum,
Qui sceptri per ludibrium
Iudaeis fit opprobrium; | 4. Cuius latus perforatum,
Corpus veste spoliatum
Pendet clavis vulneratum
In cruce pro homine.
Iesu bone, tuae crucis
Serva servos et in lucis,
Hac de vita quos deducis,
Fac gaudere gloria. |
| 3. A quibus est flagellatus,
Virgis caesus et potatus
Diro fellis poculo, | |

Oration. ms. S. Mariae ad Scotos anni 1410. Cod. Scot. Vindobonen. 54 h 8. A. — Clm. Monacen. (ol. Schiren.) 17466. saec. 15. add. saec. 14 (Vorsetzblatt). B. — Oration. ms. Tegurinum saec. 15. Clm. Monacen.

20124. C. — Orat. Sangallense 485. saec. 15. D. — 1, 2 Fehlt A; Vera ferens gaudia D. — 2, 3 Qui susceptus per D. — 3, 1 A quibus et B. — 3, 4 verberatus A, D. — 3, 5 Sputis C. — 4, 5 O Iesu bone D. — 4, 6 servos in aeternae lucis A; servos aeternae lucis B, D. — 4, 7 Ac de vita qua B; de via qua D. — 4, 8 in gloria C.

„De armis Christi oratio, [quam] qui dixerit meretur L annos indulgentiae.“ A.

84. De Sepulchro D. N.

- | | |
|---|--|
| 1. Salve, sepulcrum nobile,
Tu plenum es aromatum,
Tu manas in dulcedine,
In te Dei deliciae. | 4. Cum tuba haec intonuit,
Caro eius refluuit
Claritate mirifica
Resumpta divina anima. |
| 2. In te pater et filius,
Sanctus quoque paraclitus
Humanitate socia
Sumunt amplexus et oscula. | 5. O anima sanctissima,
Quae confregisti tartara,
Animam meam visita
In exitus suae hora. |
| 3. In te quiescit unicus
Caelestis leonis catulus,
Quem iubilando resuscitat,
Dum „surge, surge“ clamat. | 6. Gloria tibi, Domine,
Qui surrexisti a mortuis
Cum patre et sancto spiritu
In sempiterna saecula. |

Orat. ms. Caeciliae Hughen anni 1524. Cod. Stuttgartien. (ol. Miss. Hamburg.) 1b 22. — Caecilia Hughen war Nonne in Neukloster bei Buxtehude.

85. Salutatio resurgentis Domini.

- | | |
|---|---|
| 1. Salve, Iesu, agne paschalis,
Tu victima legalis,
Tu iubilis mentalis
Et cantus nuptialis. | 4. Tu campi nostri flosculus
Purpureus et floridus,
Quinque vernans foliis
Tinctis colore sanguinis. |
| 2. Amorem vincens cordium
Et augens desiderium,
Tu gaudiorum gaudium
Te desiderantium. | 5. Tu lilium convallium
Spirans odorem suavissimum,
Nomen tuum oleum
Effusum et balsamum. |
| 3. Tu es pulcher flos paschalis,
Agonista triumphalis,
Rex et sponsus immortalis,
Cui nullus est aequalis. | 6. Iesu, rosa et viola,
Eloquia tua suavia,
Extendens os et brachia,
Praebens amplexus et oscula. |
| 7. Ostende tuam faciem
Nobis desiderabilem,
Iucunda redde pectora
De tua morte turbida. | |

Orat. ms. Caeciliae Hughen anni 1524. Cod. Stuttgartien. (ol. Miss. Hamburg.) 1b 22. — 2, 1 Morem vincens. — 5, 4 est balsamum. — 7, 4 turbida.

86. De Resurrectione D. N.

- | | |
|---|---|
| 1. Gloria tibi, Domine,
Qui matutino tempore
Illuxisti de tenebris,
Surrexisti a mortuis. | 5. Christe, cuius perpetuum
Est regnum et imperium,
Tui triumphi gloria
Fac nostra sit victoria. |
| 2. De morte factus potior
Mortem vicisti fortior,
Tu innumerabilia
Eripuisti spolia. | 6. Nos rediens de tartaro
Adiunge regno supero,
In tuo semper agmine
Nostrae resultent animae. |
| 3. Remotus ensis flammeus
Atque Cherubim igneus,
Est paradus redditus
Ac regni caeli aditus. | 7. Concede nobis munere
Resurrectionis tuae
Per abundantem gratiam
Gaudium et laetitiam. |
| 4. Per te nostra mortalitas
[Est facta immortalitas]
Est tua resurrectio
Ad vitam reparatio. | 8. Gloria tibi, Domine,
Qui surrexisti a mortuis,
Cum patre et sancto spiritu
In sempiterna saecula. |

Orat. ms. Caeciliae Huguen anni 1524 saec. 15. Cod. Stuttgartien (ol. Miss. Hamburg.) 1 b 22.

87. De Resurrectione D. N.

- | | |
|--|--|
| 1. Caro vita deifica
Triumphat in victoria,
Rex et Deus deorum
Surrexit hic in gloria,
Non ultra fert opprobria
De plebe Hebraeorum,
Iniuste is plagatus est
Et impie damnatus est
A gente Iudaeorum,
Sed belliger fortissimus
Confractis mortis viribus
Se reddidit decorum. | 2. Salve, paschae incunditas,
Per te fit immortalitas,
Tu cunctis das honorem,
Tu gemma es et claritas,
Festorum es festivitas,
Tu patris hic splendore
Cunctorum es laetitia,
Terrena et caelestia
Te celebrant amore,
Doctorum eloquentiam
Tu vincis, sapientiam
Decore ampliore. |
|--|--|

Orat. Caeciliae Huguen anni 1524. Cod. Stuttgartien. (ol. Miss. Hamburg.) 1 b 22. — 1, 11 Effractis.

88. De Resurrectione D. N.

- | | |
|--|--|
| 1. Imago trini numinis
et forma claritatis,
Qui illustras Ierusalem
et domum caritatis,
Tu plenitudo gaudii
redemptis et vocatis,
Qui contemplantur laetius
te Deum maiestatis. | 2. Ave, caeli speculum
et donum aeternorum,
Qui trahis in te suavis
aspectum beatorum,
Tu olim maculatus es
per sputa impiorum,
Pro me, pie, caesus es
palmis perditorum. |
|--|--|

- | | |
|---|---|
| <p>3. Nunc, o lumen caelicum
et vultus deitatis,
Te redde desiderio
universitatis,
Quem hoc die gaudii
nostrae sollemnitatis
Expectat amor omnium
ut regem aeternitatis.</p> <p>4. Guttur suavissimum,
organum caelorum,
Quod pro me raucum reddidit
labor tormentorum,
Te saluto intimis
votis praecordiorum,
Per quem reserata sunt
bona secretorum.</p> <p>5. Aures nobilissimae
insignis auditoris,
Quae non spernunt pauperis
precem peccatoris,
Repletae sunt opprobriis
in tempore maeroris,
Sed nunc abundant gaudio
in laudibus honoris.</p> | <p>6. Dum dies excellentiae
invexit iucunditatem
Et pro contemptus genere
dat sublimitatem,
Dum verbum ens altissimi
audit paternitatem:
Mea surge gloria,
assume claritatem.</p> <p>7. Odor suavis narium
caelestis odoratus,
Quae cordium dulcedine
fit saepe delectatus,
Sed impiorum sordibus
est quondam molestatus,
Est in caelesti gloria
nunc plene dulcoratus.</p> <p>8. Salve, os dulcedinis
et dilectionis,
Tu placas iram perditis
divinae ultionis
Per haustum amarissimae
murratae potionis
Pro amaritudine
expirationis,</p> |
|---|---|

Quam de torrente biberas
in via passionis.

Orat. ms. Caeciliae Hughen anni 1524. Cod. Stuttgartien. (ol. Miss. Hamburg.) 1 b 22. — 3, 7 Expecta. — 5, 3 spernunt vocem pauperis. — 5, 4 non precem.

89. De Resurrectione D. N.

- | | |
|---|--|
| <p>1. Cum verbum carnem induit,
Agnosci tunc non potuit,
In mundo conversatus
Incommoda sustinuit,
Ut clemens ipse voluit
Mortalitati datus,
Caelestis decor latuit,
Nec manifeste patuit
Sub tegmine velatus.</p> <p>2. Praecordialis suavitas,
O paschalis sollemnitas,
Te amo corde toto,
Tu semper in memoria
Auges [desideria]
In animo et voto.</p> | <p>3. Infinita praeconia,
Nec dicta neque litera
Te plene collaudabunt,
Affectus trahis mentium,
Os psallit et cor iubilum,
Te intima amabunt.</p> <p>4. Tu [das] regi gloriam,
Tu das excellentiam,
Tu facis imperare;
Qui fuit contemptibilis,
Factus est mirabilis,
Dum incipit regnare.</p> <p>5. Mortale habitaculum
Refloruit perlucidum
Virtutis tuae gratia,</p> |
|---|--|

Mirari non sufficiunt
Hic ipsi, qui aspiciunt
Surgentem absque mora.

6. In sua se resuscitat,
Qui omnia vivificat,
Verbo et voluntate;
Qui pauper esse voluit,
Per te honorem recipit
Perfectus deitate.

7. Qui fuerat passibilis,
Factus est insolubilis
Per tuam potestatem,

9. Deducis hunc ad propria
Per tua tanta opera,
Quae novit cor secretum,
Quod tuo forti pectore
Exsultavit mirifice
Dulcedine repletum.

Qui in carne virginea
Est olim passus aspera,
Recepit maiestatem.

8. Perfectio et claritas
Summorum et sublimitas,
Sanctorum plenitudo,
Vivum cordis gaudium,
Angelicum miraculum
Dum vident reformatum,
Qui formam servi induit,
Dum terras nostras adiit,
Pro nobis inclinatam.

Orat. ms. Caeciliae Hughen anni 1524. Cod. Stuttgartien. (ol. Miss. Hamburg.) 1 b. 22. — 2, 3 toto corde. — 2, 6 vota. — 7, 4 Qui fehlt. — 7, 5 Qui est olim. — 2, 9 inclinatus.

90. De Resurrectione D. N.

1. Caput honorabile,
tremendum creaturis,
Quod est laudabile
prae omnibus naturis,
Diadema spineum
portavit cum puncturis.

.
.

2. Exaltatur hodie
corona laureatum,
Gestat sertum regium
gemmis adornatum,
Ut carus regis unicus
excepit principatum
Et pro laboris munere
regium potentatum.

3. O inclita iucunditas
paschalis dignitatis,
Merito diligeris,
o decus deitatis,

Per te rex agnoscitur
universitatis,
Qui olim visus est
homo paupertatis.

4. Magna luminaria
hic claustra oculorum,
Quae sunt caeli specula
et splendor angelorum,
Pro nobis caligaverant
prae fletibus dolorum,
In morte obdormiverant
de fructibus laborum.

5. Nox ista pretiosa,
dum spargit suavitatem,
Homines potenter excitat
dans illis claritatem,
Ut iucunde videant
verbi maiestatem,
Cum ornatum recipit
in proprietatem.

Orat. ms. Caeciliae Hughen anni 1524. Cod. Stuttgartien. (ol. Miss. Hamburg.) 1 b. 22. — 3, 2 dignitas. — 5, 3 Lies: Omnes potenter?

91. De Resurrectione D. N.

- | | |
|--|---|
| 1. Corpus innocentiae
datur monumento,
Sepulturae traditur
debito lamento
Humiliatum nimium
mortis in tormento,
Sed haec cuncta tristia
vertuntur in momento. | 2. Cum diva sapientia
emisit nova mella,
Effundens nobis dulcia
de cordis sui cella,
Dum post peracta proelia
et virtutis bella,
Virago ista meruit
praeconia novella. |
| * | * |
| 3. Centuplicavit gaudia
in forma deitatis,
Oblitus est praeterita
carnis infirmitatis,
Vestivit se honoribus
totius dignitatis. | 4. Iam non in memoria
erunt [nunc] priora,
Ecce, nova omnia
et iucundiora,
Dum meliora suscipit,
et quam meliora! |
| 5. Vulnerum diversitas
duplicia suscepit,
Dum hic honorificatus
(quo) paululum defecit,
Salutis nostrae mystica
dum strenue perfecit. | |

Orat. ms. Caelicae Huguen anni 1524. Cod. Stuttgartien. (ol. Miss. Hamburg.) 1 b 22. — 1, 6 morte. — 4, 1 Iam non erunt in. — 4, 2 erunt fehlt hier.

92. Oratio de Resurrectione Christi.

- | | |
|---|--|
| 1. Salve, resurrectio
sancta redemptoris,
Perfecta ereptio
cosmi transgressoris,
Grata tu refectio
hominum erroris
Potensque deiectio
hostis deceptoris. | 3. Ut leo suum catulum
Iesum suscitasti,
Sicut phoenix parvulum
cibo reparasti,
Velut Samson tumulo
captum liberasti,
Ionam ventre belluae
clausum revocasti. |
| 2. Tu vere sollemnitas
es sollemnitatum,
Gratiae ac gloriae
fructum ferens gratum,
Relevans salubriter
hominem prostratum,
Dans ei veraciter
verum caelibatum. | 4. Tua resurrectio
nostrae sacramentum,
Effectus erudiens,
causa et exemplum,
Tollens quoque pleniter
nostrum detrimentum,
Humani ambigui
clarum argumentum. |

5. Quod surgis in triduo
nec ultra moraris,
Nec prius anticipas,
verus ostendaris.
Homo Deus, qui, ut vis,
morte molestaris
Ac resurgens protinus
potens comprobaris.
6. Omnemque miseriam
surgendo deponis,
Clauso quoque tumulto
documen das bonis
Fidei de virgine
matre Dei donis,
Cuius puerperium
expers rationis.
7. Sic et ad discipulos
ostiis intrasti
Clausis ac ad integrum
ipsis reparasti
Fidem sumens, commedens,
lateris monstrasti,
Manum, pedum vulnera,
pie roborasti.
8. Resurgis veraciter
quidquam non passurus
Neque pro hominibus
ultra moriturus,
Doces haec salubria
cum tuis mansurus,
Promittis caelestia
semper regnaturus.
9. Tunc et limbum visitans
infernum praedaris,
Captos tuos liberans
blande consolaris,
O desiderabilis,
diu praestolaris,
Patres clamant: solve nos,
quia dominaris.
10. Tunc horrendi daemones
iustus elisi
Resistendum gloriae
regi sunt advisi,
Angelorum agmine
tormentis divisi,
Eductique singuli
nimium gavisi.
11. Suscitatus appares
bis ter prima die
Primoque prae omnibus
Magdalenae Mariae;
Diligit ardentius,
testes eius viae
Sunt, ut multum quaeritat,
invenit et pie.
12. Mulieres humiles
Simon oboedientes,
In Emaus pauperes
clausi paenitentes
Quinques diebus aliis
plura inventientes,
Thomae cum discipulis,
notat ambientes.
13. Signant in piscapio
divi praedicantes,
Monte Thabor visitas
viros contemplantes,
Incepas et undecim
dure concertantes,
Ascendens sic corpore
deseris tristantes.
14. Sunt et tres residuae
apparitiones,
Licent evangelicae
non dicant lectiones,
Patrum has veridicae
tradunt rationes,
Creduntque haud dubie
omnes nationes.
15. Dicuntque, quod claruit
surgens primo die
Ioseph, Alphaei Iacobo,
virgini Mariae,
Conresurgunt plurimi
apparentes pie,
Paradisum comeunt
sono harmoniae.

- | | |
|--|---|
| 16. Nunc, rex caelo praesidens,
virtutum augmentum
Dona nobis, suggerens
vitae ornamentum,
Mens constanter adpetat
gratiae fomentum
Semperque desideret
caeli ad concentum. | 17. Iesu, spes, solacium,
sacrum nobis flamen
Mitte, patrem supplica,
semper da solamen,
Christe, et oboediens
amoris conamen
Ac post hoc exsilium
sanctis confer. Amen. |
|--|---|

Clm. Monacen. (ol. Tegurin.) 19354. saec. 15. — 13, 6 concenantes.

93. De Corpore Christi.

- | | |
|--|--|
| 1. Ave, Iesu, pastór bone,
Qui tuos commestione
Pascis carnis propriae,
Quam devote manducare
Atque digne salutare
Mihi detur hodie. | 5. Ave, caro delicata
Deitatis, saginata
Adipe dulcissima,
Tu mel petrae, lignum vitae,
Man caeleste, corpus mite,
Veritatis azyma. |
| 2. Ave, caro Christi viva,
Sanitatis effectiva,
Virtuosa, sapida
Piae menti, quae te amat
Et suspirans ad te clamat
Fame tui languida. | 6. Ave, caro Christi crassa,
Igne passionis assa
Crucis in craticula,
Cuius gustu saporatum
Horret animae palatum
Aliena fercula. |
| 3. Ave, caro, cibus grandis,
Ad salutem educandis
Datus exsulantibus,
Ut in via sustententur,
Donec plene satientur
Iuncti caeli civibus. | 7. Ave, grande condimentum,
Brevi vasculo contentum,
Medullatum epulum,
Grandis lasso via restat,
Exspectatio molestat,
Da gustare pabulum. |
| 4. Ave, panis, quo Elias
Confortatus grandes vias
Montis Dei ambulat,
Posce mentem consolando,
Quae ad caelos properando
Carnis massam baiulat. | 8. Ave, similago pura,
Liba frixa assatura
David et coliria,
Per te cordium albescant
Fusca, tepida calescant,
Impinguescant marcida. |

Orat. ms. Campense anni 1462. Cod. Darmstadien. 521.

94. De Corpore Christi.

1. Ave mundi pretium,
Sanguis salvatoris,
Ave salus gentium,
Vita redemptoris.

- | | |
|--|--|
| <p>2. Ave, spes fidelium,
Fons caelestis roris,
Crucis per supplicium
Sparsus mundo foris,
Sis, Iesu, praesidium
Nobis cunctis horis.</p> <p>3. Ave, sanguis salvatoris,
Me defendas cunctis horis
Ab hoste nefario,
Ut post exitum laboris
Me iungas sanctorum choris
In tuo rosario.</p> | <p>4. Ave, sacer Christi sanguis,
Iter rectum malis pandis
Ad aeterna gaudia,
Ave, potus salutaris,
Nunquam fuit nec est talis
Bonitatis copia.</p> <p>5. Miserere mihi, Christe,
Fiat mihi rivus iste
Peccatorum venia,
Serve me ab omni malo,
Fac me frui summo bono
In caelesti gloria.</p> |
|--|--|

Orat. ms. Underdorfense saec. 15. Clm. Monacen. 7815. — 5, 5 Et fac.

95. De Corpore Christi.

- | | |
|--|--|
| <p>1. Ave, rex, [o] bone Iesu,
Panis vive, cuius esu
Fit pinguior, fit gratior
Noster homo interior.</p> <p>2. Ave, vinum verae vitis,
Sanguis Christi, panis mitis,
Emunda nos, fecunda nos
De Israelis fontibus.</p> <p>3. Ave, mundi recreator,
Terraе, maris fabricator,
Cor labile fac stabile
Tentationis tempore.</p> | <p>4. Ave, lumen angelorum,
Vigil oculus caecorum,
Insidias praevideas,
Ne me seducat Satanās.</p> <p>5. Ave, mortis triumphator,
Christe, gentium salvator,
Da fidem, da spem
Cum caritate, fili Dei.</p> <p>6. Ave, vita beatorum,
Dulce praemium laborum,
Ad gaudia stabilia
Duc me post exsilia.</p> |
|--|--|

Cod. Londinen. Arundel 374. saec. 13/14. — 5, 3 sq. verdorben?

96. De Corpore Christi.

- | | |
|---|---|
| <p>1. O Christe, dum nos reficis
Pane sancto filiorum,
De servis filios facis,
Cum panem das angelorum.</p> <p>2. Gratias tibi Domine,
Qui tuo sacro corpore
Et pretioso sanguine
Me refecisti hodie.</p> <p>3. Carnem tuam dans in cibum
Atque sanguinem in potum,
Ut reficeres aegrotum,
Te mihi dedisti totum.</p> | <p>4. O beata refectio
Atque mira dilectio,
Dum pauper servus manducat
Christum, qui in caelis regnat.</p> <p>5. Christe, qui me refecisti
Pane, quem mihi dedisti,
Per mortem, quam pertulisti,
Serve me a morte tristi.</p> <p>6. Sanguis, qui die Veneris
Effusus es pro miseris,
Ignem exstingue Veneris,
Ne damnemur cum impiis.</p> |
|---|---|

7. O caeleste convivium,
O beatorum gloria,
O requies humilium,
Aeterna refer gaudia.

8. Patri, nato, paraclito
Sit laus, honor et gloria
Eiusque matri merito,
Lux nobis, pax et gratia.

Orat. ms. Thosanum saec. 15. Cod. Bruxellen. 4948.

97. De Corpore Christi.

1. Ave, manna virginale,
Manna novum et legale,
Quod nulli sapit homini
Nisi palato virgini.
2. Gaude, felix et invicta
Cum melle ferens symmicta,
Cum lacte bibens balsamum
Intra amoris thalamum.

3. Quem tua pascis specie
Dilectum in meridie,
De cuius mensa regia
Vivit omnis ecclesia,

Da nobis Deum sapere,
Eius amore vivere.
4. Gaude, per quam panis caeli
Vero datur Israeli,
Quem nulli licet edere,
Qui non scit diligere,
Cuius panis angelici
Ut tam pii viatici
Nos repleas pinguedine.
5. Nobis ostendi nuptias
Sponsi et sponsae [facias],
Maria, dulci patria
Vitae fructu nos satia.

Cod. Palat. Vindobonen. (ol. Campen.) 883. saec. 14/15. — 1, 3 nullo. — 1, 4 Nisi placate. — 2, 2 ferens simila. — 3, 1 tu pascis. — 4, 4 fehlt eine Silbe; lies sciat diligere? oder scit hunc diligere? — 5, 1 ostende.

98. Salutatio ad Sacramentum Altaris.

1. Ave, vita beatorum,
Viaticum viatorum,
Ave, mundi pretium.
2. Ave, gustus tu vitalis,
Vitae dator immortalis,
Ave, salus hominum,
Tu perficis te edentes,
Deificas te sumentes,
O sacrum edulium.
3. O victima victimarum,
O sanitas animarum,
Sanctissima hostia,
Sanctus, sanctus, sanctus Deus,
[Deus] et salvator meus,
Iesu, nostra gloria.
4. Tu es Deus in natura,
Qui es sub panis figura
Et sub vini specie,

Qui es natus de virgine
Et es passus pro homine,
Tu es hic identice.
5. Sane credo et sincere,
Quod prolatis verbis vere
Sacris per sacrificem
Panis transsubstantiatur,
In carnem Christi mutatur
Et vinum in sanguinem.
6. Super aquas qui firmavit
Terram, ille sic patravit,
Ut stent accidentia
Sine suo fundamento,
Sine sede et subiecto
Diva providentia.

- | | |
|---|--|
| <p>7. Benedictus, qui venisti,
Crucifixus qui fuisti
In salutem populi,
Ecce, Dei salutare,
Ecce, mundi luminare
Vident mei oculi.</p> <p>8. Summe Deus, te laudamus,
Sacramentum adoramus
Summo cultu latriae,
Supplicesque [te] rogamus,
Praesta nobis, ut vivamus
Iuste, pie, sobrie.</p> <p>9. Iesu Christe, te pulsantes
Et pro suis flagitantes
Audi facinoribus,
Iure si vis oppugnare,
Peccatores liberare
Quis potest e manibus?</p> | <p>10. Eia, fide recta rata,
Caritate informata
Fac nos in te credere,
Mentis purae cum fervore
Depuratae in dolore
Digne da te sumere.</p> <p>11. Age, pie Iesu Christe,
Ut vilescat mundus iste
Cum concupiscentia,
Mentes nostras in te siste,
Gloriose Iesu Christe,
Sancta eucharistia.</p> <p>12. Fac nos in te transformari,
Voluntati conformari
Tuae tua gratia,
Iter sequi fac virtutis
Et in actibus salutis
Da perseverantiam.</p> |
|---|--|
- Finem bonum praesta nobis,
Abs peccato mori quovis,
Da post vitae gloriam.

Orat. ms. Lehninense anni 1518. Cod. Berolinen 4° 29.

99. De Corpore Christi.

- | | |
|---|---|
| <p>1. Ave, vale, o vitale
Sacramentum, quo contentum
Est donum mirificum,
Caeli panis sanctus sanis,
Priscum manna, fluens canna,
Sanguinem vivificum.</p> <p>2. Ave, agne Dei magne,
Holocaustum vere faustum,
Ad quaevis sufficiens,
Qui in crucis ramo trucidis
Immolaris et mactaris,
O fons indeficiens.</p> | <p>3. Ave, Iesu, in hoc esu,
Deus verus et sincerus,
Homo esse crederis,
Nec hic tamen solus: flamen,
On et pater cum te, frater,
Est unius foederis.</p> <p>4. Ave, tibi hic et ibi
Sancti astant, qui devastant
Hostes, rex pacifice,
Dirigendo et fovendo,
In hoc salo me a malo
Libera magnifice.</p> |
|---|---|
5. Ave, caro cara gnaro,
Ave, sanguis Christi, anguis
Hostem necans lividum,
Hac finita mea vita
Me dignare mox vocare
Ad te solem vividum.

Scala Caeli saec. 14. ex. Cod. Praegen. XIII E 3. — 1, 1 Ave, salve.

100. De Corpore Christi.

1. Iesu benignissime,
fons amoris casti,
Tu mortales homines
in tantum amasti,
Quod te ipsum credulis
in cibum donasti
Et, ut tui memores
te sumant, mandasti.
2. Christe benignissime,
fili summi Dei,
Precor, indignissimi
miserere mei,
Tantum caritatis da,
fidei et spei,
Ut digne mysterium
sumam tantae rei.
3. Quid hinc reddam gratiae,
quod me sic dotasti,
Quem tu ministerio
tanto deputasti
Ac indignum miserum
semper tolerasti
Et cum tuis famulis
manere donasti.
4. Heu, mihi, quid faciam,
o summa dulcedo,
Quia indevotus sum,
dum te ipsum edo?
Heu, nimis culpabilis
et durus accedo,
Heu, ad illud durus sum
durusque recedo.
5. O Iesu, quid faciam
vermis et putredo,
Cuius mentem opprimit
peccati nigredo?
Me ministrum dignum fac,
Deus, in quem credo,
Pro amore virginis
matris intercedo.
6. Mirum est certissime,
quod te comedendo
Anima non liquefit
pure diligendo,
Sed, heu, e contrario
dura est tependo
Nec mollire valet se
paululum defiendo.
7. Parce mihi, Domine,
pie tribuendo,
Ut compungi iugiter
queam te sumendo,
Semper matrem virginem
diligam colendo,
Tuam cenam ultimam
in mente tenendo.

Orat. ms. Franciscan. saec. 15. Cod. Londinen. Reg. 2 A II.

101. De Corpore Christi.

1. Ave, verbum incarnatum,
In altari consecratum,
Verus panis angelorum,
Salus, spes christianorum.
2. Salve, corpus Iesu Christi,
Qui de caelo descendisti
Pro vera mundi salute,
Libera nos servitute.
3. Salve, caro sancta Dei,
Per quam salvi fiunt rei,
Servos tuos redemisti,
Dum in cruce pependisti.
4. Unda, quae de te manavit,
A peccato nos mundavit,
Quod peccavit primus homo
In boeiiens in pomo.

- | | |
|--|---|
| <p>5. Sancta caro, tu me munda,
Sanguinis benigna unda,
Lava me ab omni sorde
Et ab infernali morte.</p> <p>6. Frange meos inimicos,
Fac mihi eos amicos
Nec non et fastum eorum
Destrue, rex angelorum.</p> | <p>7. Tu, qui es salutis portus,
Praesta mihi tuum corpus,
In exitu meae mortis;
Libera me, Deus fortis,</p> <p>8. A leone rugiente
Et dracone furiente;
Sedem da mihi iustorum
Saecula per saeculorum.</p> |
|--|---|

Collect. ms. Benedictin. saec. 14. in. Cod. Palat. Vindobonen. 1054. (Die Hs. gehörte einem Stifte, dessen Kirche 974 geweiht wurde.) A. — Brev. ms. Arremarense saec. 15. Cod. Parisin. 1063 B. — Miss. ms. Garsten. saec. 12. add. saec. 14. Cod. Lincen. f o 15. C. — Cod. St. Petri Salisburgen. a VI 35. saec. 15. D.

Str. 1 und 2 fehlen C; umgestellt B. — 1, 3 Panis vivus B, D. — 1, 4 Vita spes B; Spes et salus infirmorum D. — 2, 1 Ave corpus Christi B. — 2, 2 caelis B. — 2, 3 Nostra mundi pro salute B; 2, 3 sq. Populum tu redemisti Dum in cruce pependisti (cfr. 3, 3 sq.) D. — Str. 3 und alle folgenden fehlen D. — 3, 1 sancta caro B, C. — 3, 2 Per te B. — 4, 4 de pomo C. — 5, 1 tu me salva C. — 5, 2 Sanguis et benigna A. — Sacra ti sanguinis unda B. — Vor 6, 1 schiebt C ein:

Per tuam sanctam pacem Dona mihi sanitatem,
Per tuam benignitatem Dona prosperitatem.

Ähnlich, aber nur 2 Verse, A: Ac per tuam sanctam pacem Da mihi prosperitatem; ebenso B vor 7, 1 mit der Variante: Et per tuam sanctitatem etc. — 6, 1 Placa B. — 6, 2 Et fac A; Et eos mihi fac C. — 6, 3 Et superbiam eorum B, C. — 6, 4 Tu destrue A. — 7, 2 Dona mihi C. — 7, 3 In extremo C. — 7, 4 Salva me tu C. — 8, 2 A dracone C; saeviente A. — Nach 8, 2 schiebt B ein: Et ab infernali morte = 5, 4. — 8, 3 Concede sedem iustorum A; Da mihi sedem B. — 8, 4 Qui regnas deus angelorum (cfr. 6, 4) A; Per saecula saeculorum B.

102. De Corpore Christi.

- | | |
|--|--|
| <p>1. Salve, verbum incarnatum,
Hic in ara consecratum
Et pro nobis immolatum.</p> <p>2. Salve, panis angelorum,
Salve, cibus electorum,
Dulcis gustus supernorum.</p> <p>3. Salve, caro Iesu Christi,
Quae de morte redemisti,
Quos in fine dilexisti.</p> <p>4. Salve, sanguis pretiose,
Rogo, lava copiose,
Quod commisi vitiose.</p> <p style="padding-left: 40px;">9. Et da mihi sensum purum,
Fac in morte me securum,
Post hanc vitam intraturum
In caeleste gaudium.</p> | <p>5. Salve, Iesu, fili Dei,
Tota salus meae spei,
Rogo, miserere mei.</p> <p>6. Rogo, fac me manducare
Carnem tuam, qua mundare
Me digneris et sanare.</p> <p>7. Sis virtutum incrementum,
Vitiorum purgamentum,
Contra hostes firmamentum.</p> <p>8. Praesta mihi veram pacem,
Carnis, mentis sanitatem,
Panis vitae suavitatem.</p> |
|--|--|

Cod. Lambacen. 463. saec. 14.

103. De Corpore Christi.

Ave, verum corpus Christi,
Qui nos tuo redemisti
Pretioso sanguine;
Ut pius et propitius
Respice pater super nos
Mortis in examine.

Cod. Trecen. (ol. Claravallen.) 1612. saec. 15.

104. De Corpore Christi.

- | | |
|--|---|
| 1. Salve, summum sacramentum,
Sensum meum fac intentum
In te omni tempore. | 3. Salve, dulce sacramentum,
Spiritale condimentum
Corporis et animae. |
| 2. Salve, verum sacramentum,
Per quod nobis est ostensum
Lux aeternae gloriae. | 4. Salve, firmum sacramentum,
Tutum nobis firmamentum
Sis nunc et in perpetuum. |

Oration. ms. Tegurinum anni 1467. Clm. Monacen. 19991. —

105. De Corpore Christi.

- | | |
|---|--|
| 1. Ave, vivens hostia,
Veritas et vita,
In qua sacrificia
Cuncta sunt finita,
Per te patri gloria
Datur infinita,
Per te stat ecclesia
Iugiter munita. | 4. Ave, corpus Domini
Et munus finale,
Corpus iunctum numini,
Nobile iocale,
Quod reliquit homini
In memoriale,
Cum finali termino
Mundo dixit vale. |
| 2. Ave, vas clementiae,
Scrinium dulcoris,
In quo sunt deliciae
Caelici saporis,
Veritas substantiae
Tota salvatoris,
Sacramentum gratiae,
Pabulum amoris. | 5. Ave, plenum gaudium,
Vita beatorum,
Pauperum solacium,
Salus miserorum,
Grande privilegium
Est hoc viatorum,
Quorum sacrificium
Merces est caelorum. |
| 3. Ave, manna caelicum
Verius legali,
Datum in viaticum
Misero mortali,
Medicamen mysticum
Morbo spiritali,
Morte dans catholicum
Vitae immortal. | 6. Ave, virtus fortium,
Obvians ruinae,
Turris et praesidium
Plebis peregrinae,
Quam insultus hostium
Frangere non sine,
Ne vi malignantium
Pereat in fine. |

7. Hic Iesus veraciter
 Duplex est natura,
 Non est partialiter
 Nec solum figura,
 Sed essentialiter
 Caro Christi pura
 Latet integraliter
 Brevi sub clausura.
8. Caelo visibiliter
 Caro Christi sita,
 Forma panis aliter
 Latet hic vestita,
 Solut novit qualiter,
 Hanc qui ponit ita,
 Potest hoc faciliter
 Virtus infinita.
9. Sumptum non consumitur
 Corpus salvatoris,
 Idem totum sumitur
 Omnibus in horis,
 Forma panis frangitur
 Dente comestoris,
 Virtus carnis sugitur
 Morsibus amoris.
10. Christus nihil patitur
 Huius laesionis,
 Forma panis solvitur
 Vi digestionis,
 Tunc si Christus quaeritur,
 Est in caeli thronis,
 Sicut vult, hinc tollitur
 Datis vitae donis.
11. Hoc ardoris calculo
 Veni nos ignire,
 Hoc amoris stimulo
 Frange motus irae,
 Et eodem ferculo
 Qui nos vis nutrire,
 Velis cordis vinculo
 Fortiter unire.
12. Moris est amantium
 Invicem sitire,
 Ut arcana cordium
 Possint introire,
 Sic vult rex regnantium
 Caritatis mirae
 Cibando fidelium
 Intima subire.
13. O Iesu dulcissime,
 Cibus salutaris,
 Qui sic nobis intime
 Tribui dignaris,
 Mala nostra deprime
 Fletibus amaris
 Et affectus imprime,
 Quibus delectaris.
14. Iesu, vivens hostia,
 Placa maiestatem,
 Sacramenti gratia
 Confer sanitatem,
 Pauperum substantia,
 Da aeternitatem,
 Domini memoria,
 Fove caritatem.
15. Vanitatem spernere
 Fac nos, consolator,
 Hostes dona vincere,
 Christe, propugnator,
 Et quod doces credere,
 Iesu reparator,
 Per te tandem cernere
 Da, remunerator.

Orat. ms. Arnesti de Pardubic ca. 1350. Cod. Mus. Bohem. XIII C 12.
 A. — Scala caeli saec. 14. ex. Cod. Pragen. XIII E 3. B. — Cod. Lam-
 bacen. 463. saec. 14. C. — Cod. Mazarin. 1348 A. saec. 15. D. — Miss. ms.
 Vallumbrosan. anni 1471. Cod. Laurentian. Conv. sup. 232. E. — Cod. S. Petri
 Salisburgen. b VII 10 anni 1470. K. — Clm. Monacen. (ol. Tegurin.) 19354.
 saec. 15. G. — Oration. ms. Heilsbronnen. saec. 15. Cod. Frlangen. 770. H. —

Oration. Erpshesfurten. saec. 15. (Privatbesitz) I. — Collect. ms. Campense saec. 14/15. Cod. Palat. Vindobon. 883. K. — Collect. ms. Benedictinum saec. 14. in. Cod. Palat. Vindob. 1054. L. — Orat. ms. Campense anni 1462. Cod. Darmstadien. 521. M. — Orat. ms. Gerundense saec. 15/16. Cod. S. Fellicis Gerunden. s. n. N. — Orat. ms. Tegurinum saec. 15. Clm. Monacen. 20 123. O. — Cod. Londinen. Reg. 2 A II. saec. 15. P.

1, 3 Per quam L. — 1, 5 und 6 fehlen L. — 1, 8 unita A. — 2, 5 Virtus substantiae D. — 2, 5 sq. und 2, 7 sq. umgestellt L. — 3, 7 Vere dans BC; Morem dans F. — 4, 2 Munus et AL. — 4, 4 locale C. — Str. 4 steht hinter 6 FL. — 5, 4 Honor miserorum CL. — 5, 8 Est merces L. — 6, 7 Ne vis ABCL. — 5, 8 Pereat divine BC; Praeaeat A. — Str. 7 und 8 umgestellt L. — 7, 3 Nec est B. — 7, 5 Sed est spiritualiter C. — 8, 4 Latens D. — 8, 7 Ponitque facilliter B; Potest quod facilliter L. — Str. 8 ff. fehlen D. — 10, 3 panis frangitur L. — 10, 5 Si nunc Christus C. — Str. 11 und 12 umgestellt F. — 12, 1—4 und 5—8 umgestellt E. — 13, 3 Sicut nobis intime E. — Nach Str. 13 schaltet B ein:

Cunctis venerantibus istud sacramentum
Nobis et credentibus fiat nutrimentum,
Devotis summentibus sit delectamentum,
Cunctis adorantibus fiat adiumentum.

Dieselbe Strophe, aber in abweichender Form, führt F:

Nobis consecrantibus istud sacramentum
Et cunctis credentibus fiat nutrimentum,
Devote summentibus sit delectamentum,
Omnibus negantibus fiat detrimentum.

14, 1 O Iesu vivens L. — 15, 3 doce vincere L. — 15, 4 sq. Iesu et quod doces vere reparator L. — Nach Str. 15 folgen in F noch folgende zwei Strophen:

Ave, simplex deitas trinae unitatis,
Te laudamus, trinitas, hostiis beatis,
Nos addigit pravitas fame egestatis,
Dapes nobis inclitas da aeternitatis.

Vita, salus, gaudium, spes universorum,
Tu merces et praemium, salus beatorum,
Tibi laudes omnium corda devotorum
Concinunt in saecula et in saeculorum.

Verfasser des Liedes ist Iohn Peckham. „Et qui hanc praescriptam orationem devote dixerit ac pro Conrado Cantuariensi [!] oraverit, quadraginta dies criminalium obtinebit.“ B. — „Devota meditatio de sacramento altaris, edita a fratre Iohanne Pictaviensi [!], archiepiscopo Cantuariensi, ordinis minorum.“ D. — „Sequitur oratio optima de sacramento altaris Iohannis de Pitstano [!], ad quam Iohannes XXII contulit tres annos indulgentiarum, Nicolaus papa unum annum et 300 dies mortalium et octingentos dies venialium.“ H. — „Reverendus magister, dominus Iohannes de Siche[m] [!], archiepiscopus Cantuariensis, magister in theologia, ordinis fratrum minorum, ordinavit sequentia.“ KM. — „Carmen Alberti magni de corpore Christi.“ O. Völlig gleichlautend findet sich diese Notiz im Orat. ms. saec. 15. Cod. Cremonens. 394. — „Explicit devota meditatio de suavissimo sacramento et eius utilitatibus cum explicatione fidei, devotis mentibus ruminanda, edita a fratre Iohanne de Pechano archiepiscopo Cantuariensi et primato [!] totius Angliae, ordinis minorum.“ P.

Vergl. Morel 54 (aus dem Cod. Engelbergen. 314. saec. 14; Morel's Text weicht an ca. 20 Stellen von der Hs. ab. Diese Abweichungen bezw. die Varianten der Hs. zu verzeichnen, schien belanglos); Roth, 35 (vier Strophen); Mone Nr. 230 (drei diesem Liede entlehnte Strophen). In dem

1516 gedruckten Brevier von Chiemsee ist das Lied als Hymnus (auf Matutin. und Laudes verteilt) angewendet. In einem Orationale Campoliliense saec. 15. Cod. Campolilien. 2. ist es verteilt zu einem *Cursus de corpore Christi*, und zwar für jede Tagzeit je zwei Strophen mit der Doxologie:

Gloria tibi, Domine,	Cum patre sanctoque spiramine
Nos pascens cottidie	Regnans invictissime,
Corpore quoque et sanguine	Fac nos collaudare te
Tuo rex piissime,	Nunc et in omni tempore.

106. Metra de Sacramento Eucharistiae.

- Hostia praeclara cordis mactatur in ara
 Estque Deo cara, quanto plus fiet amara.
 Nos, quia peccamus, medicamine semper egemus;
 Hanc pro peccatis medicinam semper habemus.
5. Viscera munda para, qui pasci quaeris in ara,
 Astans altari, pia mens, gaude lacrimari,
 Libens libari, sacrans curato sacrari,
 Agnum sumpturus sis omni crimine purus
 Nec prius hinc capias, quam fiendo victima fias;
10. Primum te luctu, post vitae pascito fructu.
 Est cum lactucis agrestibus agnus edendus
 Nec nisi cum lacrimis et cum gemitu capiendus;
 Lacrima dat risum, lavat artus, dat paradisum.
 Cum bene plorasti, cum te lacrimis satiasti,
15. Mande saginatum vitulum de virgine natum;
 Pastus eo rite properes ad pascua vitae.

Collectaneum ms. Sanctae Crucis saec. 14/15. Cod. Sanctae Crucis 155 A. — Cod. Palat. Vindobonen. (ol. Campen.) 883. saec. 14/15. B. — 1—5 fehlen B. — 9 prius hunc B; fiendo vel hostia B. — 11 Et cum A. — 12 Et nisi B. — 13 lavat actus A. — 14 Tunc bene te pasti A. — 16 Castus eo rite properans ad gaudia vitae B. — Hieran schliessen sich in B unmittelbar folgende Verse, die sichtlich ein eigenes Lied für sich bilden:

Constat in altari carnem de pane creari,
 Iste cibus Deus est, qui negat, homo reus est.
 Qui capit indigne, digne cruciabitur igne.
 Hic cibus est mentis non implens gaudia dentis,
 Hic cibus est fortis dissolvens vincula mortis,
 Hic cibus est vitae; iusti, properate, venite,
 Edite de vite botrum, qui gaudia vitae
 Confert credenti dignos fructus facienti.

107. Oratio bona ante Communionem.

- | | |
|--------------------------------|--------------------------------|
| O pater noster, Iesu digne, | Abundans sorde et peccatis, |
| Alme, mitis et benigne, | Nil habens verae pietatis. |
| Confiteor me praemalignum | Nam cum non compatiantur |
| Corporis tui et indignum, | 10. Contraria, sed separantur, |
| 5. Cum corpus tuum summe purum | Vilis ego, heu, peccator, |
| Non exigit cor nimis durum, | Terrestrium cohabitator, |

- | | |
|--|---|
| Animam meam maculando,
Tua mandata non servando,
15. Sed et peccatis adhaerendo,
Diutius his insistendo
Sic contrarius tibi factus
Propter meos malos actus,
Heu, heu, te saepe offendi,
20. Me contra hostem non defendi.
Quamvis tamen, Christe care,
Non sim dignus, ut intrare
Digneris domum meam foedam,
Immunditiis multis plenam,
25. Te invoco et imploro,
Misericordiam adoro,
Ut sicut quondam voluisti,
Cum corporaliter vixisti,
Intrare domos peccatorum
30. Et fugare pestes horum,
Claudis gressum reparando | Et caecos illuminando,
Pestiferos redintegrando
Et mortuos resuscitando,
35. Sic me misericors et fortis
Participem fac huius sortis,
Licet sim peccator vere,
Tu mei tamen miserere,
Ut sumptio corporis tui
40. Taliter mihi detur frui,
Quod sordis sit fugatio
Et cordis mei purgatio,
Daemonis alienatio,
Sensuum reparatio,
45. In bonis confortatio
Et in his perseveratio,
Ut a te non separari,
Sed semper tibi famulari
Merear, sanctis sociari,
50. Faciem tuam contemplari. |
|--|---|

Clm. Monacen. (ol. Tegurin.) 19636. saec. 15.

**108 a. Infra elevationem corporis
Christi salutatio.**

Ave, mirum sacramentum,
Angelorum nutrimentum,
Ave, panis animarum
Salusque salvandarum;
Veni, munus pretiosum,
Corpus Christi gratiosum,
Fac me digne te gustare,
In salutem manducare,
Nomen tuum ob famosum
Pariter et gloriosum
Venerandum et decorum
Saecula per saeculorum.

Collect. ms. Hospitalense saec. 15. Cod. Vindobonen 4347.

108 b. Infra elevationem sanguinis.

Ave, sanguis Iesu Christi,
Ex cuius latere fluxisti
Fusus pro me peccatore,
Tuae bonitatis rore
Lava me a criminibus
Coniugens caeli agminibus.

Collect. ms. Hospitalense saec. 15. Cod. Vindobon. 4347.

109. Ad elevationem sanguinis Christi.

- | | |
|--|---|
| 1. Salve, sacer Christi sanguis,
Iter rectum nobis pandis
Ad aeterna gaudia. | 3. Miserere mei, Christe,
Fiat mihi rivus iste
Peccatorum venia. |
| 2. Ave, potus salutaris,
Nullus fuit nec est talis
Bonitatis copia. | 4. Salva me ab omni malo,
Fac me frui omni bono
In caelesti patria. |

Oration. ms. Pataviense saec. 15. Cod. Gottvicens. 444.

110. Incipit oratio Iohannis presbyteri de sanguine
Domini nostri Iesu Christi.

- | | |
|--|---|
| 1. Salve, sanguis Christi Dei,
Dos aeterna, firma spei,
Merces, qua salvantur rei,
Vita, salus hominum;
Ave, cruor large fusus
Ad nostrae salutis usus,
Saevus hostis est detrusus
Per te Christum Dominum. | 5. Originale peccatum
Solvit delet et reatum,
Omne crimen perpetratum
Postulantis veniam;
Misericors miserator,
Sanguine tuo, salvator,
Cito respirat peccator
Salvatus per gratiam. |
| 2. Nobis puer circumcisis
Es cruentus orans nesus,
Virgis, flagellis elisus,
Sanguis fluxit libere;
Grandi ludibrio daris,
Triste spinis coronaris,
Carne totus laceraris,
Cruor manat ubere. | 6. Iesu Christe, tu thesaurum
Pretiosum super aurum
Dedisti culpae restaurum
Largiter hominibus,
Nos hic qui perigrinamur,
Eius gustu recreamur,
A cunctis morbis sanamur
Mundati criminibus. |
| 3. Vide clavos penetrare,
Manus, pedes vulnerare
Et sanguinem distillare
Corpore poenaliter,
Impetu currit cruoris
Fons de corde salvatoris,
Lancea portam amoris
Aperit totaliter. | 7. Ingens pretium solvisti
Sanguinis, quo redemisti,
Christe, lapsos quos vidisti
Mortis in interitum;
Nobilis ara salutis,
Data sexies virtutis
Opem praestat et salutis
Culpis, auget meritum. |
| 4. Saliunt cruor et unda,
Lavacra reis fecunda,
Gratia datur abunda
Purgans omne vitium;
Dulcis cruor, liquor suavis,
Virgis, spinis, ferro, clavis
Prorumpit, quo culpa gravis
Sumit beneficium. | 8. Obtulisti, Christe, Deo
Patri sanguinem pro reo,
Moriens totum pro eo,
Mundum reconcilians;
Sacro sanguine beatur,
Baptismo Christi sacratur,
Unda lateris lavatur
Reus se humilians. |

9. Tale munus, divum pignus,
Donas, quo reus fit dignus,
Dispensator es benignus,
Ablue me maculis;
Refice, sanguis, lassatum,
Me lava coinquinatum,
Culpae vinculis ligatum
Solvās a piaculis.
10. Instaura me peccatorem,
Tuū, Christe, per cruorem
Passionis et dolorem
Reforma, sanctifica;
Iesu, me cruore pota,
Mea mens sit ut devota,
Conscientia sit lota,
Animam vivifica.
11. Huius cursum vitae bonum
Da, me fac ad bona pronum,
Sanguis tuus me ad thronum
Introducat gloriae;
Egrotanti sit medela,
Timenti salus, tutela,
Hostis ne laedant me tela,
Signum sit victoriae.
12. Sanguis fecundet cor, mentem,
Gratia soletur flentem,
Abluat me paenitentem,
Reatum indulgeat;
Vivax cruor, vitam praesta
Puram, mundi fuga maesta,
Orna mores, actus, gesta,
Virtus in me fulgeat.
13. Confer pacem, lites plana,
Purga sensus, corpus sana,
Iusta doce, pelle vana,
Rectifica spiritum;
Rumpat nexus delictorum
Virtus sanguinis meorum,
Veritas sacramentorum
Meum salvet exitum.
14. Induratum cor compungat,
Cruor spiritum perungat,
Transeuntem me coniungat
Caelesti militiae;
Sancte pater, audi natum,
Pro me passum, immolatum,
Omni parte cruentatum,
Auctorem iustitiae.
15. Triumpho, sanguine, cruce
Iesu fisus ab hac luce
Transeam te Christo duce
Ad sanctorum aciem;
Ibi patris creatoris
Cernam, nati redemptoris,
Sancti spiritus amoris
In aeternum faciem.
16. Hoc in loco continetur
Sanguis Christi, qui medetur
Omnem aegrum, si precetur
Deum corde credulo;
Iste sanguis restauravit
Urbem hanc, quam ignis
stravit,
Christus gratiam donavit
Hoc in loco sedulo.
17. Civitas ista formosa,
Fidelibus populosa
Effecta est gloriosa
Cruoris praesentia;
Praestantur hic sanitates,
Succedunt prosperitates
Felices et dignitates
Domini clementia.
18. Rex aeternae, dona pacem
Per sanguinem efficacem,
Gladium tolle minacem
In die iudicii;
Emunda cor inquinatum,
Cruor, ablue reatum,
Finem tribue beatum,
Poenam tolle vitii.
19. Sempiterna claritate,
Semper immortalitate
Potiar felicitate,
Deprecor suppliciter;
Eterno fungar thesauro,
Sacro merear restaurō
Ditari caelorum auro,
Quo pergam feliciter.

20. Nova fruar visione,
Christi Dei censione,
Pro sanguinis fusione
Dona praecellentia,
Stola gemina beatus,
Dotibus septem donatus,
Perpetim glorificatus
Loco refulgentiae.

Cod. Brunswicen. 48. saec. 15. „Scriptum per manus Henrici Thoren, alias Nesselren, anno Domini 1458 in octavis beatorum apostolorum Petri et Pauli.“ — Nach dem Liede folgt Versikel und Oration: V. Omnia in sanguine Iesu Christi purgantur R. Et sine sanguine eius non fit remissio. — Deus, qui praesentem ecclesiam pretiosi sanguinis tui thesauro ditare voluisti, praesta, quaesumus, ut qui ad adorandum mysticum tuum sanguinem in loco isto convenerunt, omnium suorum peccatorum remissionem plenissimam consequantur. Qui cum Deo patre etc. Nach dieser Oration und 16, 1 dürfte das Lied wohl aus Wilsnack stammen. — 10, 6 Tua mens. — 11, 2 fac et bona. — 13, 8 salvat. —

Man beachte außerdem das Akrostichon: „Sanguis Domini nostri Ihesu Cristi hic presens.“

III. Ad Spiritum Sanctum.

- O princeps pacis et principium pietatis,
O verum lumen, retinens par cum patre numen,
Spiritus o sancte, quo constant cuncta volante,
His quoque personis unus semper specularis,
5. Ordine qui miro finis constas et origo
Leges aeternas ac solus, iure gubernas,
Qui genus humanum miseratus mortificatum
Vivere fecisti pretioso sanguine Christi,
Cuius iudicio statuentur cuncta sub aequo.
10. Da sentire fidem, qua felix fert sibi finem,
Ut credam recte nec sint aliae mihi sectae
Atque sciam plane, quod iustum sit vel inane;
Spem concede mihi, qua possit vita videri;
Virtus in his prima restat dilectio bina,
15. Quam Deus infunde sub viscera cordis abunde,
Aures adverte, rogo, sint mihi semper apertae,
Ne reminiscaris delicta mei puerilis,
Sed pius ignosce factis veniam quoque posce.
Non mea mens, quaeso, laedatur more superbo,
20. Adveniat rite custos patientia vitae,
Mors et perditio discedat, ecce, libido,
Nunquam deliciis confundar crimine ventris,
Ne polluta caro somno turbetur amaro.
Obsecro, me frenas, cum videro res alienas,
25. Sint procul invidia, iactantia, lis, sed et ira,
Nec rebus vanis me laus seducat inanis,

Fructificaque, mihi quaecunque talenta dedisti,
Sicque meos mores, precor, in aetate decores,
Ut mea sit cura, quod gestat vita futura,
30. Ac regis veri merear sic talis haberi,
Qui sancto tecum cum flamine regnat in aevum.

Clm. Monacen. (ol. Benedictoburan.) 4549. saec. 11. — 30 tales.

112. De Spiritu Sancto.

- | | |
|--|--|
| 1. Veni, sancte spiritus,
Visita nos caelitus,
Funde in nos funditus
Tuae rorem pluviae;
Veni, dulcis, dulciter,
Unge nos suaviter,
Munda nostrae iugiter
Domum conscientiae. | Tu creasti omnia
Caelum, terram, maria
Proportionalia,
Pacis dator optimus. |
| 2. Veni, dulcis Domine,
Da frui dulcedine
Caritatis geminae,
Qui es ipsa caritas;
Veni, nostrum gaudium,
Da maestis solacium,
Da copulam cordium,
Qui es pacis unitas. | 6. Tu formasti, Domine,
A mundi origine
Tuo aquas numine,
Salubris salubriter,
Vatibus veridicis
Et figuris mysticis
De adventu iudicis
Praecinens veraciter. |
| 3. Veni, amor optime,
Veni, vita animae,
Veni suavissime
Amator humilium;
Veni, dator veniae,
Veni in nos hodie,
Veni, sator gratiae,
Dans reis remedium. | 7. Tu obumbrans virgini
Unis Deum homini,
Ut unius numini
Homo sit homo Deus;
Tu fecundas virginem,
Rerum novas ordinem,
Ut per Deum hominem
Salvetur homo reus. |
| 4. De supernis fontibus
Stilla sitientibus
Aquam vivam cordibus
Singulos reficiens,
Uni nos pax unica,
Da lucem, lux caelica,
Tuos tibi dedica,
Amor indeficiens. | 8. Tu praees virginibus,
Tu ades martyribus,
Tu das confessoribus
Gratiam pro gratia,
Per te candet castitas,
Per te fervet caritas,
Per te vitae sanctitas
Regnat in ecclesia. |
| 5. De patre et filio
Tua est processio,
Tu es ab initio
Omnipotentissimus; | 9. Tu praelatos eligis,
Tu subiectos colligis,
Tu collectos dirigit,
Ut in unum habitent;
Tu es rex humilium,
Tu dux innocentium,
Tu via simplicium,
Ne a te exorbitent. |

- | | |
|---|---|
| 10. Tu saporēs conficis,
Quibus corda reficis,
Tu nos laetos efficis
Ferre iugum Domini;
Tu nos ditas munere,
Tu nos ligas foedere,
Tu nos colla subdere
Tuo facis ordini. | 12. Tu dissolvis odia,
Tu extinguis iurgia,
Tu unis contraria,
Artifex mirabilis;
Tu adversa temperas,
Tu incepta prosperas,
Tu signata reseras,
Doctor invisibilis. |
| 11. Tuus sapor allicit,
Tuus odor afficit,
Tuus viror reficit
Nostrae mentis oculos;
Tua dulcis unctio,
Omni plena gaudio,
Forti desiderio
Trahit te ad parvulos. | 13. Tibi ergo canimus,
Tibi corda pandimus,
Tibi manus tendimus
Nova danti munera;
Tu nos in te refice,
Tu nos tales effice,
Quales scis a iudice
Locandos in dextera. |

Orat. ms. Maioris Carthusiae saec. 14/15. Cod. Gratianopolitan. 181.

113. De Spiritu Sancto.

- | | |
|---|---|
| 1. Sancte, veni, corda leni
Ac subveni, paraclite,
Veni, clare, et dignare
Dulcis dare pignus vitae. | 6. Corda munda et fecunda,
Roris unda salutaris,
Da cor latum, da optatum
Pacis datum singularis. |
| 2. Veni dita et invita
In hac vita nos pie,
Da veniam, da gratiam,
Da copiam laetitiae. | 7. Sana vanum, serva sanum
Cor humanum, pax superna,
Da medelam, da cautelam,
Da tutelam, lux interna. |
| 3. Nos complue et ablue
Et indue divinitus,
In communi pace uni
Triuni nos funditus. | 8. In hoc festo tuis esto
Intus praesto per gratiam,
Tua lege tuam rege,
Rectam tege familiam. |
| 4. Da socium humilium
Et proprium te convivam,
Pota mentem sitientem
Et quaerentem aquam vivam. | 9. Corda fove, linguas move,
Dator novae libertatis,
Doctor bone, unione
Nos compone caritatis. |
| 5. Fac humidam hanc aridam
Et floridam virtutibus,
Da humorem, da calorem,
Da virorem cum fructibus. | 10. Melliflui potus tui
Fac nos frui dulcedine,
Nil melius, nil mitius,
Nil dulcius te, Domine. |

- | | |
|---|---|
| <p>11. Nos pariter, nos dulciter,
 Nos iugiter inebria,
 Manna verum et sincerum,
 Misce merum cum copia.</p> | <p>12. Mentis unge et compunge
 Et coniunge, vis amoris,
 Tu es pium refugium,
 Gaudium peccatoris.</p> |
|---|---|
13. Spira gratis fatigatis
 Dulce satis, sanctum flamen,
 Te laudamus et optamus,
 Ut vivamus in te. Amen.

Orat. ms. Maioris Carthusiae saec. 14/15. Cod. Gratianopolitan. 181.

114. Ad Spiritum Sanctum.

- | | |
|--|--|
| <p>1. Veni, creator Domine,
 Veni, dulcis paraclete,
 Veni, o clementissime,
 Tuo reple nos numine.</p> | <p>4. Scripturae da notitiam,
 Memoriam, facundiam,
 Qua verbis sacris profuam,
 Et oris da custodiam.</p> |
| <p>2. Veni, divina pietas,
 Veni, summa benignitas,
 Veni, perennis bonitas,
 Veni, summa tu caritas.</p> | <p>5. Da mihi te diligere,
 Da bona cuncta sapere
 Et opere perficere,
 Quod tecum possim vivere.</p> |
| <p>3. Da mihi cor docibile,
 Mundum atque intelligens,
 Quo sciam, velim, faciam
 Semper, quod est conveniens.</p> | <p>6. Da facienda facere
 Nec agenda negligere,
 Da bonis me intendere
 Et te nunquam offendere.</p> |

Cod. S. Floriani. XI 122. saec. 16. — 3, 2 et intellegens. — 3, 3 Quo scientiam velim. — Nach Str. 6 noch Anfang einer Doxologie: Sit laus patri cum filio.

115. De Christo D. N. et Spiritu Sancto.

- | | |
|---|---|
| <p>1. Tu, Christe, nostrum gaudium,
 Amor et desiderium,
 Deus creator omnium,
 Tu esto nostrum gaudium.</p> | <p>4. Qui caeli pandis ostium
 Patris sedens in gloria,
 Ad hinc promissum gaudium
 Da exspectata gaudia.</p> |
| <p>2. Iesu, redemptor omnium,
 Homo factus ex Maria,
 Tu esto nostrum gaudium
 Mundana vincens gaudia.</p> | <p>5. Cuius suxisti ubera,
 Eius prece paraclitum
 Demitte, patris munera
 Sanctum daturus spiritum.</p> |
| <p>3. Cui magi ferunt munera
 Supplices ad praesaepium,
 Tu scandis supra sidera
 Nostrum futurus praemium.</p> | <p>6. Mitte eius solacia,
 Cui damus in praeconium:
 „Beata nobis gaudia“
 Et „esto nostrum gaudium.“</p> |

- | | |
|--|---|
| <p>7. Ad regni caeli solium
Nos erige clementia,
Ubi sollemne gaudium,
Ubi vera sunt gaudia.</p> | <p>8. Perque septem insignia,
Septem largitor munium,
Da gaudere in patria,
Da sempiternum gaudium.</p> |
|--|---|

Brev. Bituricense imp. Venetiis 1481. (Appendix post Sanctorale). —
6, 1 Mire eius.

116. Te Deum de Spiritu Sancto.

- | | |
|---|---|
| <p>1. Te laudamus orphanorum
Spiritus paraclitum,
Pectora apostolorum
Qui ditasti nimium,</p> <p>2. Te iuvante fidem Christi
Quod monstrarunt saeculis
Et fecerunt, quae iussisti,
Nunc te laudant canticis.</p> <p>3. Numerus te prophetarum
Laudat super aethera,
Quos fecisti figurarum
Intonare vetera.</p> <p>4. Martyresque te laudare
Non cessant cum gaudio,
Quos curasti confortare
In omni supplicio.</p> <p>5. Te ecclesia fidelis
Collaudat hymnidice
Tam in terra quam in caelis,
Cui fons es gratiae.</p> <p>6. Nosque pie te laudamus
Iubilo cum mentium,
Dare donum te oramus
Septenorum munerum.</p> | <p>7. Fac nos Dei in timore,
Quae sunt recta, agere,
Proximi et sub amore
Pietati vivere.</p> <p>8. Fac scientiam sitire,
Opera iustitiae,
Fortitudinem, subire
Iugum patientiae.</p> <p>9. Fac consilio pensare,
Vitare malitiam,
Intellectum penetrare
Ad Dei notitiam.</p> <p>10. Sapienter gubernare
Fac nos nostra opera,
Ut possimus impetrare
Partem super aethera.</p> <p>11. Unum tecum pater, natus
In misericordia
Nostros debeat reatus,
Ut absque vecordia</p> <p>12. Deum semper diligamus
Perfecte et proximos;
In te, Domine, speramus,
Salva tuos famulos.</p> |
|---|---|

Collect. ms. Hospitalense saec. 15. Cod. Palat. Vindobon. 4347. —
1, 1 Te Deum laudamus orphanorum. — 10, 1 sq. fac nos gubernare nostra.

II.

DE BEATA.

117. De Festivitatibus BMV.

- | | |
|--|--|
| Aveto, salus omnium,
Mater et virgo virginum,
Ora pro nobis Dominum
Patrem tuum et filium, | Et in poenis solacium,
Ut per istam memoriam,
Quam pro salute omnium
Recolimus, dignissimum |
| 5. Ut tua annuntiatio
Atque sancta conceptio,
Gloriosa paritio,
Digna purificatio
Et in caelis assumptio | 15. Caelestis vitae bravium
Consequamur et gaudium.
Ave, mater orphanorum,
Spes, solamen miserorum,
Pro nobis ora Dominum, |
| 10. Tormentis sint remedium | 20. Patrem tuum et filium. |
- Cod. Trecen. (ol. Claraevallen.) 1612. saec. 15.

118. De Conceptione BMV.

- | | |
|--|---|
| 1. Iam laetum mundo promitur,
Dum nova lux accenditur,
Sub nube stella tegitur
Ventris sub umbraculo;
Antiquum ius dispergitur,
Scelus nostrum abstergitur,
Dum coluber submergitur
Virginis oraculo. | 4. Nunc praeifulget claritas,
Haec clara pia raritas,
Virginalis fecunditas
Fecundaque virginitas.
Ave, nata nunc concepta,
Infra matris sacra saepta,
Ab omni malo erepta,
Caelesti sponso adepta. |
| 2. Plaude nunc interius,
Homo fraude perditus,
Te respexit Dominus
Larga pietate,
Quam promisit angelus,
Deitatis nuntius,
Nobis peccatoribus
Pia largitate. | 5. Devotum quam oraculum,
Stupendum quam miraculum,
Dicamus Deo gloriam,
Quod Anna profert filiam.
O quam dulcis et beata
Est haec mater, de quanata
Est haec virgo illibata,
Pro salute nobis data. |
| 3. Sol contactus nubilo
Congaudet altissimo,
Corpus in corpasculo
Spiritali iubilo
Et in matris gremio
Conridet huic saeculo,
In claritatis speculo
Laudem trinam dat Domino. | 6. O quam clamant omnes rei:
Summa salus nostrae spei,
Precor te, sis memor mei
Ante vultum Christi Dei.
Non sis mihi aliena,
Omni bonitate plena,
Rosa vernans et amoena,
De salutis fonte vena. |

7. Haec festiva conceptio
Fit laeta omni populo,
Quam celebrat cum gaudio
Nunc in praesenti saeculo.
Tua laus cum gloria
Resonet in saecula,
Nostra sume suspiria
Et da beata gaudia.

Orat. ms. Carthusian. saec. 15. Cod. Capit. Treviren. 116.

119. De Conceptione BMV.

Sicut tres pueros Dominus protexit ab igne,
Sic prorsus matrem macula praeservat ab omni,
Et sicut Moysi rubus ardens non fuit ustus,
Sic nec primorum vitiis est lapsa parentum.
Ut pungentibus aculeis nux clausa tuetur,
Sic est a vitiis utero protecta parentis;
Ut rosa de spinis procedit non lacerata,
Sic ex Iudaeis producit immaculata.

Orat. ms. Carthus. Colonien. saec. 15. Cod. Colonien. 28.

120. De Nativitate BMV.

- | | |
|---|---|
| <p>1. Vale, virgo stirpis piae,
Porta clausa, laus sophiae,
Quae es sibilus Eliae,
Ibi nempe Dominus;
Mons a Daniele visus,
De quo lapis est excisus,
Emmanuel indivisus,
Per quem mortis terminus.</p> | <p>4. O Noemi, si novisses,
Si perfecte didicisses,
Quod ex tua debuisses
Ruth talem accipere
Progeniem, siluisses
Nec reditum suasisses
Totiens nec intulisses:
Filia, revertere.</p> |
| <p>2. Ave, nebula festinans,
Universa medicinans,
Vitae praemia propinans
In partu puerperae,
Fons aquarum viventium,
Fons hortorum fertilium,
Nutriens regem omnium
Virginali ubere.</p> | <p>5. Ruth meruit mater esse
Obed, qui genuit Iesse,
Qui David, qui penes se
Dei semen habuit,
Cum in utero Mariae
Iuxta voces prophetiae
Isaiae, Ieremiae
Verbum carnem induit.</p> |
| <p>3. Vale, nardus pretiosa,
Quae es mater generosa,
Quae es Rachel speciosa
Verum Ioseph pariens,
Qui nos vini cibo pavit,
Se in potum propinavit,
Vita mortem morte stravit
Pro iniustis moriens.</p> | <p>6. Virgo summum creatorem
Hominumque redemptorem
Suum traxit in amorem
Casta pulchritudine;
Quem capere nequiverunt
Caeli claustra, concluserunt
Virginis et conceperunt
Sine viri semine.</p> |

7. Norma morum, o Maria,
Spes lapsorum, vitae via,
Placa Deum prece pia
Nobis peccatoribus;
Per nativitatem tuam
Dona nobis continuam
Caritatem et mutuum
Pacem te laudantibus.

Orat. ms. Domus Novae Lucis anni 1477. Cod. Ultraiectin. Scriptt. Eccl. 375. — 2, 1 O nebula. — 5, 3 fehlt eine Silbe; lies: Quique David? — 7, 6 Da nobis. — Vielleicht Sequenz.

121. De Nativitate BMV.

- | | |
|---|---|
| 1. Thronus summae clementiae
Domusque sapientiae
Fabricatur,
Cum mundo vas munditiae
Mater misericordiae
Propagatur. | 3. Matris iactura veteris
Vigore novi foederis
Instauratur,
Cum porta nobis aetheris
Nascentis luce sideris
Reseratur. |
| 2. Promittitur oraculo,
Concipitur miraculo
Virgo pia,
Partus praesentis luminis
Matris iactura veteris
In Maria. | 4. Beata nobis gaudia,
Per ipsius suffragia
Largiatur,
Quo nunc mater in gloria.
Supra cunctorum praemia
Coronatur. |

Clm. Monacen. (ol. Emmeramen.) 14343. anni 1351. — 2, 4 Portum praesentis. — 2, 5 (= 3, 1) scheint verderbt zu sein.

122. De Nativitate BMV.

- | | |
|--|--|
| 1. Ave, virgo, sponsa, nata,
Mater Christi sublimata,
Ab aeterno ordinata,
Ab antiquo prophetata,
Dei placens oculis. | 4. Salve, mater benedicta,
In qua nulla sunt delicta,
Evae iugo non astricta
Nec in partu es adflicta,
Sed enixa iubilans. |
| 2. Ave, rosa delicata,
Quae de ramis regum nata
Es trans caelos exaltata
Et per mundum dilatata,
Sis nobis umbraculum. | 5. Salve, humilis ancilla
Dei veri, quem, pusilla,
Tua lactas ex mamilla,
Luce frui fac nos illa,
In qua fulges rutilans. |
| 3. Ave, caelum deitatis,
Paradisus voluptatis,
Aula summae maiestatis,
Templum sanctae trinitatis,
Christi tabernaculum. | 6. Salve, Saba generosa,
O regina gloriosa,
Dona regis pretiosa
Impertire gratiosa
Nobis in exsilio. |

7. Salve, speculum virtutum,
Sis certanti mihi scutum,
Hostem reprimas versutum,
Mole carnis me exutum
Caeli iunge gaudio.

Orat. ms. Trudonense saec. 16. in. Cod. Leodien. 395.

123. De Nativitate BMV.

- | | |
|--|--|
| 1. Ave, virgo, pulchra nimis,
Corporis albedine,
Cuius captus est sublimis
Deus pulchritudine,
Quando venit in his imis
De beatitudine. | 5. Aurum tibi in fulgore
Non est comparabile,
Nec argentum in candore
Potest esse simile,
Nam tu omnes in decore
Superas mirifice. |
| 2. Unde ipse te laudavit
Omnium pulcherrimam
Et in tantum adamavit
Super omnem feminam,
Quod te sibi desponsavit
In amicam propriam. | 6. Recte ergo nominaris
Cunctis praeclarissima
Et dilecto comprobaris
Esse dilectissima,
A quo totiens laudaris
Esse formosissima. |
| 3. Et tu eum sic amasti
Caritate nimia,
Quod licenter acceptasti
Ipsius sponsalia,
Dum te ei sociasti
Corpore et anima. | 7. Ipse etiam formosus
Est et pulcher facie,
Rubens, candens, speciosus
Per virtutem gratiae,
Regnans Deus gloriosus
In superna acie. |
| 4. Mirum autem non fiebat,
Quod te noster Dominus
Super omnes diligebat,
Nam ut solis radius
Forma tua resplendebat
Omni luce clarius. | 8. Almo Deo melodiae
Sint et iubilatio
Atque virgini Mariae,
Cuius deprecatio
In caelestis hierarchiae
Ducat nos palatio. |

Orat. ms. Epternacense saec. 15. Cod. Luciliburgen. 1. — Acrostich:
Ave Maria.

124. De Nativitate BMV.

- | | |
|--|---|
| 1. Ave, thronus maiestatis,
Ave, flos humilitatis
Et candoris lilium,
Totius divinitatis
Illibatae caritatis
Templum vel sacrarium. | 2. Ave, terra virginea,
Sine caelestis area
Gerens florem gratum,
Quam fecundavit spiritus,
Obumbravit divinitus
Verbum, Mariae natum. |
|--|---|

3. Ut lux aurorae vernula
Caeli depellit nubila,
Diei dat splendorem,
Sic ortus tui claritas
Est novella iucunditas
Proferens salvatorem.

4. Nos in mortis angaria,
Virgo, pro tua gratia
Digneris visitare
Et ad superna gaudia,
Ubi perennis gloria,
Post mortem convocare.

Orat. ms. Thosanum saec. 15. Cod. Bruxellen. 4948.

125. De Nomine BMV.

1. Mater mirabilis, Maria, nomine
Multum lucidior quocunque lumine,
Muni me miserum mortis in limine,
Malignis obvians tuo iuvamine.
2. Aurora rutilans lunaque pulchrior,
Astris fulgentior et sole clarior,
Adfictum respice, qui nimis crucior,
Averte iaculum hostis, quo ferior.
3. Regina nobilis, filia filii,
Rosae consimilis et flori lili,
Refove febilem lacte consilii,
Ruentem per vias huius exsilii.
4. Iesse tu congrue vocata virgula,
Immarcessibilis et sine macula,
Iesum dans floridum, qui regit saecula,
Ipsi tu suggeras, ut solvat vincula.
5. Ancilla Domini, sumens tam humilis
Ave, quod Gabriel dedit mirabilis,
Accipe canticum servi inutilis,
Assis in omnibus mihi placabilis.

Cod. Trecen. (ol. Claraevallen.) 1612. saec. 15. A. — Cod. Parisin. 3639
saec. 16/18. B. — 1, 1 Mater amabilis B. — 1, 2 nobilior B. — 1, 3 in tuo
lumine. B. — 3, 3 febiles B. — 3, 4 Ruentes B. — 4, 3 das B. — Str. 4
fehlt A.

126. De Nomine BMV.

- | | |
|---|---|
| <p>1. Mater pia orphanorum
Consolatrixque maestorum,
Advocatrix peccatorum,
Miserere miserorum.</p> <p>2. Angelorum o domina,
Audi nostra precamina,
Eruens nos a ruina,
Pia virgo et regina.</p> | <p>3. Rege nos tu, ne cadamus,
Sed ut post te transeamus,
Viam vitae inquiremus,
Ubi tecum gaudeamus.</p> <p>4. Iam in caelis coronaris,
O praeclara stella maris,
Ab angelis veneraris
Et a nobis salutaris.</p> |
|---|---|

Blume, Pia Dictamina. IV.

- | | |
|---|--|
| <p>5. Ave, mater Iesu Christi,
Quae ad caelos conscendisti,
Morte deposita tristi
Te filio sociasti.</p> | <p>6. Iesum placa, tuum natum,
Nostrum solvat quod reatum,
Pacem donet et ducatum
Ad caelestia beatum.</p> |
| <p>7. Sit laus patri cum filio,
Sancto simul paraclito,
Trino et uni Domino,
Qui regnat sine termino.</p> | |

Brev. ms. Raigradense $\frac{D}{K}$ Ia 17. anni 1342. add. saec. 15. Strophe 6
steht in der Hs. zwischen 2 u. 3 und zerstört so das Akrostich.

127. De Nomine BMW.

- | | |
|---|---|
| <p>1. Ave, luminis imago,
Vera numinis propago,
Felix virgo Maria,
Mira cuius ornamenta
Exponit per elementa
Nominis harmonia.</p> | <p>3. Rosa roscida ruboris,
Rubus rubens, rivus roris,
Regis regum regia,
Intacta, inviolata,
Ipotheca, illibata,
Iaspis, iconomia.</p> |
| <p>2. Margarita mundans mentes,
Mater mitigans maerentes,
Mel misericordiae,
Aula agni, Abel ara,
Arbor auferens amara,
Ales alimoniae.</p> | <p>4. Amans asylum ardentum,
Animarum alimentum,
Amoris alarica;
Ad amorem amatoris
Tui tuos mortis horis
Trahe dulcis amica.</p> |

Cod. Trecent. (ol. Claravallen.) 1612. saec. 15.

128. De Nomine beatae Mariae V.

- | | |
|---|--|
| <p>1. In adplausu virginis
Novi melos carminis
Levet cor in gaudium,
Parum cernit luminis,
Qui Mariae nominis
Ignorat mysterium.</p> | <p>4. Idem sonat maris stella,
Nam nunc motu, nunc procella
Navibus absconderis,
Surgant venti, stipent bella,
Pietatis semper cella
Parens es tu miseris.</p> |
| <p>2. Nam sonat amarum mare,
Docens nihil nos amare
Carneae libidinis,
Istud mare non amare
Sapit, sed in ipso clare
Viget fons dulcedinis.</p> | <p>5. Huius influentia
Stellae magnae gravia
Trahit ferri pondera,
Sic Mariae gratia
Corda levat gravia.
.</p> |
| <p>3. Sonat idem domina,
Tua sunt nam culmina
Caeli, terrae, marium;
Caeli substant agmina
Tibi, mundi machina,
Tuum sunt imperium.</p> | <p>6. Obsoletis noxiali
Mentibus fuligine
Redde vestem, virgo, textam
Virginali vellere,
Candidatam victimali
Mitis agni sanguine.</p> |

- | | |
|--|--|
| <p>7. O Maria, subveni
Peccatori misero,
Te benignam inveni,
Virgo, non te desero.</p> | <p>8. Ora pro me, mater fortis,
Patrem, natum hora mortis,
Virgo et puerpera,
Ne me trahat saevae sortis</p> |
|--|--|
- Inimicus vinclis tortis,
Lac profer et ubera.

Clm. Monacen. (ol. Emmeramen.) 14848 anni 1351.

129. De Nomine beatæ Mariæ V.

- | | |
|---|---|
| <p>1. Magna, maior, maxima,
Regalis genetrrix,
Regis regum optima
Parens et alitrix.</p> <p>2. Creatorem Dominum
Creatura portans,
Mundum plenum sanguinum
Es virgo supportans.</p> <p>3. Magnum mare, Maria,
Es et spatiosum,
Quo segura est via
Iterque planosum.</p> <p>4. Mare servans, nutriens
Pisces condecenter,
Hoc est stare faciens
Mundos innocenter.</p> <p>5. Mare mundans immundos
Faece peccatorum,
Mare reddens fecundos
Victus proximorum.</p> <p>6. Mare, quod est plenum
Gemmis medentibus,
Quae pellunt venenum
Eas ferentibus.</p> <p>7. Mare, inquam, redundans
Sine periculo,
Cunctis bonis abundans
Inunda famulo.</p> <p>8. Tanti maris rivulis
Ipse tam conscius
A cunctis maculis
Laver interius.</p> | <p>9. Et cor meum foetidum
Nimis indecenter,
Virgo, purum, nitidum
Facias clementer.</p> <p>10. O magna fiducia,
Tutum refugium,
Discreta prudentia,
Certum consilium.</p> <p>11. O cunctis fidelior,
Fida fidelibus,
O melle suavior,
Dulcis pauperibus.</p> <p>12. Currenti mentaliter
Ad te sis obvia,
Subveni celeriter,
Fias propitia.</p> <p>13. Numquid [tu] non poteris
Mox Iesum placare,
Cum ipsum merueris
Sola tu portare?</p> <p>14. Credo sine dubio,
Quod, quidquid rogabis,
Id a tuo filio
Statim impetrabis.</p> <p>15. Vere tuis meritis
Potes liberare
Mox me cunctis debitis
Et bene ditare.</p> <p>16. Ergo mihi, rogitò,
Postulare velis
Divitias a genito,
Quae fluunt e caelis.</p> |
|---|---|

Orat. ms. Caelestinorum saec. 15. Cod. Meten. 571. — 3, 3 est fehlt. — 10, 2 O tutum. — 11, 3 O fehlt. — Die Hs. hat die Bemerkungen „Alia oratio eiusdem ad eandem.“ Da dieselbe keinen Namen nennt, erfahren wir nur, daß der anonyme Verfasser dieses Liedes und des langen Gedichtes über die Psalmen „*Quoniam virgo Maria* etc.“ ein und dieselbe Person ist.

130. De Nominibus BMV.

- | | |
|---|--|
| 1. Salve, virgo gloriosa,
Parens femina formosa,
Funde preces, pulchra rosa,
Pro nobis ad filium. | 6. Salve, rubus, virga gregis,
Mons, cupressus, porta legis,
Funde preces, sponsa regis,
Pro nobis ad filium. |
| 2. Salve, civitas divina,
Cedrus, speculum, regina,
Funde preces, alma spina,
Pro nobis ad filium. | 7. Salve, luna, sol et ortus,
Cinnamomum, flumen, portus,
Funde preces, fons et hortus
Pro nobis ad filium. |
| 3. Salve, domina, puella,
Thalamus, amica, cella,
Funde preces, maris stella,
Pro nobis ad filium. | 8. Salve, puteus, rosata,
Marathus, malagranata,
Funde preces, spes beata,
Pro nobis ad filium. |
| 4. Salve, mulier, ancilla,
Nubes, scala, turris illa,
Funde preces, nardus, stilla,
Pro nobis ad filium. | 9. Salve, balsamus, oliva,
Platanus, columba, diva,
Funde preces, terra viva,
Pro nobis ad filium. |
| 5. Salve, benedicta navis,
Genetrix, aurora, clavis,
Funde preces, turtur, avis,
Pro nobis ad filium. | 10. Salve, palma, flos, viola,
Lilium, fenestra, schola,
Funde preces, magna sola,
Pro nobis ad filium. |
| 11. Salve, thronus, aula pia,
Semita, directa via,
Funde preces, o Maria,
Pro nobis ad filium. | |

Orat. ms. saec. 15. Cod. Guelfenbyteran. Helmst. 1296. — 2, 3 alma pspina. — 2, 4 ad tuum filium. — 10, 1 et flos. — „Ista sunt septuaginta nomina beatae Mariae virginis. Quicumque ea devote legerit flexis genibus singulis sabbatis diebus, illi misericorditer apparebit in hora mortis suae et animam eius ducit[!] ad gaudia sempiterna.“

131. De Nominibus Christi et Virginis.

Virgo parens loquitur, et mystica res aperitur,
Se notat et natum verbis signisque notatum:
Mons ego sum, lapis hic, ego vinca, botrus hic, aula
Regis ego, rex hic, ego vellus et area, ros hic.
Sidus ego, sol hic, ego nubes, numen hic, urna
Legis ego, man hic, ego Iesse virgula, flos hic.
Vestis ego, Ioseph hic, ego tellus, vermis hic, olla
Moab ego, spes hic, ego schema throni, Salomon hic.
Hesther ego, sceptrum hic, ego sum rubus, ignis hic, arbor
Turis ego, tus hic, ego virgo, rhinoceros est hic.
Urbs ego, conditor hic, ego cortex, granum hic, oliva
Pinguis ego, liquor hic, ego ianua clausa, means hic.

Sum favus ipsa, mel hic, ovis ipsa, agnus hic, ipsa
Massa vitri, iubar hic, arx ipsa Sion, David hic est.
Dulcis ego, magis hic, miserans ego, plus hic, amator
Pacis ego, dator hic, homo sum, sed homo Deus est hic.

Cod. Londinen. Reg. 7 A VI. saec. 14/15.

132. De Annuntiatione BMV.

1. Laetare, virgo virginum,
Trinitatis triclinium,
Quae genuisti Dominum,
Aeterni patris filium.
2. Salve, virgo speciosa,
Quam salutavit angelus,
Dicens: Ave, gratiosa,
Quia tecum est Dominus.
3. Tecum inquit est Dominus,
Caelorum rex, non alius,
Pater et Deus filius
Atque amborum spiritus.
4. Pater est tecum confortans,
Spiritus sanctus impraegnans,
Filius sibi humana
Ex te aedificans membra.
5. Ecce, virgo, concipies
Sine aliquo pudore
Et lesum Christum paries
Absque aliquo dolore.
6. Hic erit Dei filius,
Caelorum rex, non alius,
Et dabit ei Dominus
Sedem David, patris eius.
7. In domo Iacob regnabit
Et plebem suam salvabit,
Regnum eius quippe stabit
Et in aeternum durabit.
8. Cumque Maria audisset,
Quae Gabriel promisisset,
Quomodo, inquit, fecunda
Mater ero et iucunda?
9. Quia virum nunquam novi,
Ex quo a Deo sum facta,
Sed virginitatem vovi
Manensque virgo intacta.
10. O virgo, inquit Gabriel,
Tibi dico mysterium,
Concipies Emmanuel,
Redemptorem fidelium.
11. Spiritus superveniet,
Purificator cordium,
Qui te concipere faciet
Patris aeterni filium.
12. Sertum tuae castitatis
Erit Deus maiestatis,
Dum eris filii mater,
Cuius rex caeli est pater.
13. Mox ut Maria audivit
Gabrielis eloquium,
Mater esse concupivit
Redemptoris fidelium.
14. Ecce, Domini ancilla,
Respondit virgo credula,
Fiat mihi illud verbum
Secundum sermonem tuum.
15. Verbum, quod pater genuit,
Statim de caelo prodiit,
Carnis pallium induit
De virgine, quam condidit.
16. Castae parentis viscera
Caelestis intrat gratia,
Venter Mariae baiulat
Secreta, quae non noverat.
17. Virgo mater salvatoris
Fit sine tactu pudoris,
Fitque templum creatoris
Domus pudici pectoris.
18. O res valde mirabilis
Et excellens mysterium,
Quando ancilla humilis
Generat Dei filium.

19. Nos de tali mysterio
Inter laudes angelicas
Benedicamus Domino
Dicentes Deo gratias.

Orat. ms. Thosanum saec. 15. Cod. Bruxellen. 4948.

133. De Annuntiatione BMV.

- | | |
|---|--|
| 1. Grata Deo o ancilla,
Cuius verbo dum consentis,
In iucunda hora illa
Verbum caro factum sentis
Per virtutem obumbrantem,
In te Christum tunc formantem.
Animam fac depingentis
Hanc annuntiationem
Infra caeli mansionem
Vita frui resurgentis. | 2. O maestorum consolamen,
Pro adflictis quibuscunque,
Qui ad tuum sublevamen
Huc concurrunt undecunque,
Ora, virgo benedicta,
Gratiae dono sic dicta,
Quia reis quibuscunque,
Licet tibi tam ingratis,
Gratiam Dei das gratis
Ac indignis quantumcunque. |
| 3. O virgo, quae meruisti
Exaltari apud eum.
Cuius natum genuisti,
Redempturum omnem reum,
In angusta mortis porta,
Te precor, me sic supporta
Spiritus sumendo meum,
Ut tunc plenum pietate
Gratia et veritate
Clara luce cernam Deum. | |

Orat. ms. Domus Novae Lucis anni 1477. Cod. Ultraiectin. Scriptt. Eccl. 375. — 2, 6 Gratiae domina sic dicta. — 2, 10 Hac. — 3, 6 Te deprecor.

134. De Annuntiatione BMV.

- | | |
|--|---|
| 1. Fortis ut mors dilectio,
Qua durum fit suave,
Ut sacra refert lectio,
Amor nos traxit a vae,
Dum de caelesti solio
Fit Gabrielis Ave
In virginis conclave:
O felix, inquit, ave,
In te fiet conceptio,
Sed non pudoris laesio,
Tu tamen Deo fave. | 2. Auditis his obstupuit
Puella Deo grata,
Et, ut pudicam decuit,
Silebat salutata;
Ne fieret turbata,
Mox angelus retexit,
Modum prius exposuit,
Quo foret illibata;
Qua serie prolata
Vexillum crucis claruit,
Dum virgo verbo paruit
Et mansit impraegnata. |
|--|---|

3. Archangelus regreditur,
Qui venit haec narrare,
Et grvida relinquitur
Puella sine pare,
O decus singulare,
Virgo mater efficitur.
Creator est, qui gignitur
Et Dei salutare;
O pectus singulare,
Thesaurus in te tegitur,
Virtute cuius regitur
Caelum, tellus et mare.
4. Magna sunt haec miracula,
Quae manant ex amore,
Dum virgo sumit verbula,
Frondescit Aaron virgula
Omni carens humore,
Et vellus madet rore,
Nec terram tangit stillula,
Dum virgo sine macula
Meretur mater fore.
5. Mira matris integritas
In ventre Deum vexit,
Et subolis divinitas
Portantem se protexit,
Pro nobis se despexit
Vera Dei sublimitas,
Dum infirmatur sanitas,
Quae mori non neglexit,
Sed, quando resurrexit,
Vera patebat deitas,
Et sic probatur caritas,
Qua Deus nos dilexit.
6. Virgo mente purissima,
Te reus hinc honoro,
Dei mater castissima,
Virili carens thoro,
Te postulans exoro,
Ut, quae feci, nequissima
Pellantur et turpissima,
Ne hostis trahat, oro,
Condonans, quod ignoro,

Ad gaudia clarissima
Nos transfer, beatissima,
Iungens caelesti choro.

Orat. ms. Domus Novae Lucis anni 1477. Cod. Ultraiectin. Scriptt. Eccl.
375. — Str. 1 geht vorher:

Vale, Dei genetrix,
Virgo inaestimabilis,
Vale, caelestis pietas
Et pietatis caritas,
Sic [l: Sis] servi tui, deprecor,
Immeriti non (esto) immemor.

135. In Visitatione BMV.

1. Salve, o fructifera palma,
Virginum decus, mater alma,
Quae castitate floruit
Et vitae fructum protulit.
2. Salve, tu virga Aaron,
Quae et fronduit in Sion,
Obumbrata ab altissimo,
Irrigata spiritu sancto.
3. Salve, iubar aethereum,
Illustrans omne saeculum,
Tua praecellens claritas
Nobis diva iucunditas.
4. Salve, dies hodierna,
Digna laude sempiterna,
Qua visitavit Maria,
Per quam patet vitae via.
5. Salve, virginalis porta,
De qua nova lux est orta,
Sicut stella matutina
Lucens, sicut lux divina.
6. Salve, pia visitatrix,
Nostrae salutis amatrix,
Visitare nos dignare,
Tu scis, dulcis mater, quare.

- | | |
|---|--|
| 7. Salve, sacrum Dei templum,
Virtutum tu es exemplum,
In quo rex regum tunc obtulit
Hostiam, quae sibi placuit. | 14. Salve, regalis progenies,
O tu veneranda species,
Unde surgit ut aurora
Virgo mater tam decora. |
| 8. Salve tu lucis claritas,
Solis Dei iucunditas,
Visita nos, mater, hodie
Ut fervor solis meridie. | 15. Salve clausus fons signatus,
O flos florum illibatus,
Tua pia visitatio
Sit nobis nunc consolatio. |
| 9. Salve, tu pacis ianua,
In qua iucundant agmina,
Per quam patet huic saeculo
Sollemnis nunc visitatio. | 16. Salve, praeclarum aureum vas,
Quo se transtulit divinitas,
Ad te nostrum refugium
Ut ad tutum praesidium. |
| 10. Salve, casta o Maria,
Nostra spes, laus, mater pia,
Nam te collaudat, domina,
Trina haec mundi machina | 17. Salve, ierarchia caelestis,
Cuius amoenitatis testis
Est Iesus tuus filius,
Pater et almus spiritus. |
| 11. Salve, mater luminis,
Quam divini numinis
Visitavit gratia,
Felix aurora splendida. | 18. Salve, fulgens diadema,
Dictis prophetarum thema,
Tu es arca mosaica,
Plena divina gratia. |
| 12. Salve, ros balsamamiticus,
Cuius color lac candidus
Et odor suavissimus,
Sapor plus quam mellifluus. | 19. Salve, aureum ciborium
Et eburneum solarium,
Quod divinitas extruxit,
Nobis natus quo illuxit. |
| 13. Salve, aeternum sacrarium,
Quo splenduit sacerdotium
Atque virtutum armarium,
Quo reconditur praeconium. | 20. Salve, pia visitatrix,
Omnis boni larga datrix,
In salutari nos visita,
Beata mater o Maria. |

Orat. ms. Charthusian. saec. 15. Cod. Capit. Treviren. 116.

136. De Visitatione BMV.

- Virgo Dei genetrix, nostrae vitae reparatrix,
Caelica regina, praeefulgens stella marina,
Semper laudanda, cui laus non sufficit ulla;
Namque tuas laudes minime depromere possent,
5. Omnia si linguae mundi creata forent,
Praesenti festo laudes cape, quas tibi praesto
Et tibi corde promo, sono, simul ore iucundo.
O mater Christi, postquam tu, virgo, fuisti
Caelitus adfata, verbo Domini gravidata,
10. Exsurgis propere, montana petis, Zachariae
Uxorem quaeris, sed huic bona munera geris,
Prolem laetificas, dum matrem virgo salutas.
Pneumate repletam, cum fructu te benedictam
Nuntiat admirans, te prae cunctis fore sanctam.
15. Tunc, virgo celebris, genetrix clarissima Christi,

- Magnificans Dominum caeleste melos cecinisti.
 O mundi domina, tibi laus hodie super astra.
 Vas deitatis, fons pietatis, lucis imago,
 Virgo decoris, fructus honoris, sancta propago,
20. Filia prolis, ianua solis, regis amica,
 Lux tenebrarum, spes animarum, virgo pudica,
 Sacra sacrarum, pulchra rosarum, flos sine spina,
 Munditiae flos, laetitiae ros et medicina,
 Fructificans mons, mellificans fons, gemma decora,
25. Virgula turis, normala iuris, nardus odora,
 Caelica clavis, virgo suavis, vera lucerna,
 Iustitiae dux, laetitiae lux, porta superna,
 Cellula mellis, nescia fellis, dulcis amanti,
 Dura malignis, grata benignis, blanda precanti,
30. Regula morum, forma bonorum, femina digna,
 Meta laborum, pax odiorum, virgo benigna,
 Pulchra puella, caelica cella, regula legis,
 Dulcis, amabilis et venerabilis, virgula regis.
 O iuvenis praegnans, vetulae famulans parienti,
35. Virtum speculum, te corde precor sitienti,
 Nostram nunc animam Dominum fac magnificare,
 Spiritus ut noster queat in Domino iubilare,
 Et sic in hoc festo facias nos humiliatos,
 Ut post hanc vitam contingat esse beatos.
40. Qui tibi magna dedit, cuius est nomen benedictum,
 Per te det veniam famulis tremantibus ipsum,
 Exaltans humiles, ponens de sede potentes,
 Evacuans divites, implens simul esurientes;
 Israel accipiat pueros per te memoretque
45. Pacto, quod pepigit patribus Abrahae seminique.
 Pulsatis vitiis, victis cunctis inimicis
 Per te, virgo pia, capiamus caelica regna.

Orat. ms. Carthus. Erfordien. saec. 15. (Privatbesitz). A. — Clm. Monacen. (ol. Tegurin.) 19363. saec. 15. B. — 7. et ore B. — 8. O mater Christi, postquam montana subisti B. — 9 und 10. fehlen B. — 13. repleta A. — 16. Magnificat A. — 21. Dux A. — 27. laetiae dux B. 29 fehlt A. — 32. Pulchra puellula, caelica stellula A. — 35. Virtus speculor A.

137. Thalamus beatæ Mariæ V.

- | | |
|------------------------------|------------------------|
| 1. O quam pulchrum thalamum, | 2. O beata viscera, |
| Iesu, construxisti, | Quae te portaverunt, |
| In sole tabernaculum | O beata ubera, |
| Tuum posuisti, | Quae te lactaverunt, |
| Quod virtutum floribus | O beati oculi, |
| Undique sparsisti, | Qui hoc conspexerunt, |
| Quando novem mensibus | Quod prophetae plurimi |
| Ibi quievisti. | Et reges optaverunt. |

3. O Iesu, te carissima
Mater educavit,
Virgo sacratissima
Lacte suo pavit,
Quam virtus altissimi
Sola fecundavit,
Sic ut mater fieret,
Quae virgo duravit.
4. Quae putamus praemia
Parentum fuerunt,
Quae vel quanta gremia
Fore valuerunt,
Quae tantum infantulum
Ferre meruerunt
Quem caeli, terra capere
Nequaquam potuerunt!
5. Quanta sunt praeconia
Matris gloriosae,
Cuius sacri digiti
Manusque formosae
Tractare te gestiunt
Multum curiose,
Prae filiis hominum
Iesu speciose!
6. Humanum imperium
Nunc est dilatatum
Nec sanctis ab angelis
Ultra minoratum,
Cum tantum mysterium
Verbum incarnatum
Iam visum est oculis
Et manibus tractatum.
7. O parens sanctissima
Tui conditoris
Et nostri gratissima
Nutrix salvatoris,
Quantum tibi debemus
Laudis et honoris,
Quod nos ad hanc gloriam
Duxeris amoris!
8. Iesu, qui nos colere
Parentes iussisti,
Qui hanc benignissimam
Matrem elegisti,
Tu nostrae inopiam
Laudis supplevisti,
Dum sic tuum thalamum
Ad aethera sumpsisti.
9. Ubi mille milia
Tibi electorum
Et centena milia
Assistunt angelorum,
Qui in suis citharis,
Organis sanctorum,
Mariam glorificant
In saecula saeculorum.

Orat ms. Lehninense anni 1518. Cod. Berolinen IV^o 29. — 8, 5 nostri.

138. De Partu beatæ Mariæ V.

1. Salutemus reverenter
Dei matrem, quam decenter
Salutavit angelus,
Qua salute modo miro
Gravidatur sine viro
Eius sacer uterus.
2. Ave, mater, virgo pura,
Ex qua factus creatura
Et creator omnium;
O quam mira genitura,
Sed in carnis hac natura
Nihil habet proprium.

- | | |
|---|--|
| <p>3. Qui te mundat, te obumbrat,
Obumbrando te fecundat,
O Iesu gignitio,
Nostrum vae per ave tollis,
Nomen Evae dum revolvīs
Gabriele nuntio.</p> | <p>5. Quae res huic similis,
Quod ex matris humilis
Ventre propagatur,
Flos de rosa nascitur,
Pudor non amittitur,
Decor augmentatur.</p> |
| <p>4. Virgo, prolem genuisti,
Stella, solem induisti
Veste singulari,
Mundo vitam contulisti,
Evae damnum abstulisti
Partu puellari.</p> | <p>6. Fructum natum de Maria
Triplex laudat hierarchia,
Tremunt venerantes
Caeli, terrae conditorem,
Hominis reparatorem
Digne collaudantes.</p> |

Clm. Monacen. (ol. Emmeramen.) 14343 anni 1351.

139. De Partu Virginis.

- | | |
|--|---|
| <p>1. Virgo, thronus Salomonis,
Virgo, vellus Gedeonis,
Virgo, mater gratiae,
Salve, cuius nubem nescit
Neque partu dediescit
Dies pudicitiae.</p> | <p>3. Usu partus destituto
Fructum flore non soluto
Parit Iesse virgula,
Fructus flos non deflorescit,
Et aeterni non marcescit
Veris rosa primula.</p> |
| <p>2. Increatum res creata,
Virgo Deum, patrem nata,
Fontem fudit rivulus,
Sic naturae cancellato
Primo iure designato
Vase prodit figulus.</p> | <p>4. Salve, servis spes aeternae
Libertatis, lux, supernae
Lucis ostiaria,
Salve, per quam servitutis
Iugo fracto sunt salutis
Restituta gaudia.</p> |
5. Per te nubes denubescat,
Vitae nubes exarescat
Primae sortis lacrima,
Ut ad mensam trinitatis
Post fermentum vetustatis
Epulemur azyma.

Orat. ms. Campense anni 1462. Cod. Darmstadien. 521. — 3, 5 aeternae.

140. De Partu Virginis.

- | | |
|---|--|
| <p>1. Salve, salvatrix hominum,
Superlativa virginum
Virtutum privilegio,
Quae paris lumen luminum,
Quae mundi paris Dominum
Salvo pudoris lilio.</p> | <p>2. Ad renovamen veterum
Tuum fecundat uterum
Puer ex alto veniens,
Paris, Maria, puteum
Nec florem siccas tenerum
Nec infirmaris pariens.</p> |
|---|--|

3. O mira rei novitas,
Assumit in te deitas
Huius velamen habitus;
O mira Christi caritas,
Serviles currit semitas,
Quem nulla tenet servitus.
4. Vivendi factus formula,
Quem Deus ante saecula
Aequalem sibi genuit,
In virginali cellula,
Sub monachali regula
Cucullam carnis induit.
5. Hic novus abbas clanculo
Et nesciente pessulo
Clastrum subintrans vir-
ginis
Virtutum in capitulo
Toti texendam saeculo
Telam orditur ordinis.
6. Nos iter docens regium
Rex missus in exilium,
Ut hoc regnemus exsule,
Primusque doctor omnium
Ad formam patientium
Manum supponit ferulae.
7. Qui licet possit omnia,
Non posse tamen vitia
Hoc solum soli deficit,
Sed talis impotentia,
Si dici debent talia,
Potentiorum efficit.
8. Nemo praesumat dicere,
Quod virgo possit parere
Deum non virginaliter;
Hoc de me dico libere,
Non possem natum credere,
Si natus esset aliter.
9. Sed si de modo quaerimus,
Male quaerendo claudimus,
Quod certa fides aperit;
Nos, qui sub ipso vivimus,
Indubitanter credimus,
Quod eum virgo peperit.
10. Et quia scimus licitum,
Quidquid est Deo placitum,
Credantur et incognita,
Et si credenti cognitum,
Fides non habet meritum
Experimento credita.
11. Nobiscum foedus iniit,
Per quem vetustas periit
Actor aetatis aureae,
Iam enim hiems transiit,
Iam sol aestivalis rediit,
Iam floruerunt vineae.
12. Dum, quod in orbe sonuit,
Scire Iudaea renuit
Subole de virginea,
Nobis patenter claruit,
Quod vellus rore maduit,
Arente tamen area.
13. Dum mater virgo creditur,
In rubro flamma cernitur,
Nec rubi fit combustio,
Quidquid ubique legitur,
Si minus intellegitur,
Christus est expositio.
14. Virgo, quae tanta reseras,
Quae terram caelo foederas
Omni mundatam scelere,
Ne servos tuos deseras,
Sed mentes trahe miseras
Peccati pressas pondere.
15. Succurre, pia, miseris,
Perire ne permiseris
Mundi commissos fluctibus,
Sed corruptores foederis
Refoederare superis
Tuis dignare precibus.
16. Clama, reclama saepius,
Clama fiducialius,
Quod vino carent nuptiae;
Nam, quidquid quaeres, am-
plius
Hoc dabit matri filius,
Hoc dabit pater filiae.

- | | |
|--|---|
| <p>17. In me peccata reprime,
 Suavitatis intimae
 Propina mihi stillulam,
 Ut peccatricis animae
 Compunctionis lacrimae
 Delere possint maculam.</p> | <p>18. Per te, Maria, veniam
 Ad peccatorum veniam,
 Fortis et potens mulier,
 Per te deducar etiam
 Ad angelorum gloriam,
 Ut in aeternum glorier.</p> |
|--|---|
19. Ubi nec in supplicium
 Vertetur desiderium,
 Quod non carebit gaudio,
 Nec illud in fastidium
 Verti licebit gaudium
 Non carens desiderio.
 Hoc praestet, Christe, praemium
 Coetui supplicantium
 Tua propitiatio.

Cod. Trecent. (ol. Claraevallen.) 1612. saec. 15. — 19, 1 Tibi nec.

141. De Partu Virginis.

- | | |
|---|--|
| <p>1. Gaude, admirabilis,
 Virgo venerabilis,
 Quae paris intacta,
 Sine viri coitu,
 Plena sancto spiritu,
 Genetrix es facta.</p> | <p>3. Sicut ros in gramine
 Descendit in virgine
 Verbum summi patris,
 Patrem non deseruit
 Et mortalem induit
 Formam alvo matris.</p> |
| <p>2. Cardine de supero
 Rore salutifero
 Venter fecundatur,
 Peperit fecunditas,
 Et sacra virginitas
 Integra servatur.</p> | <p>4. Sicut terram pluvia,
 Sic divina gratia
 Virginem fecundat,
 Sanctus eam spiritus
 A peccato penitus
 Abluit et mundat.</p> |
5. Non est opus hominis,
 Sed est opus numinis
 Et magnae virtutis,
 Concipit et generat,
 Quae virum non noverat,
 Auctorem salutis.

Orat. ms. Domus Novae Lucis anni 1477. Cod. Ultraiectin. Scriptt. Eccl. 375.

142. De Partu Virginis.

- | | |
|---|--|
| <p>1. Matri dignae non indigne
 Praebe laudes tu, qui gaudes
 In Mariae laudibus;
 Dic de matre sine patre,
 Sicut patrem primum fratrem
 Fecit multis fratribus.</p> | <p>2. Virgo mater, natus pater,
 Modo miro sine viro
 Fit homo de homine;
 Haec natura nescit iura,
 Clausa domo Deus homo
 Nascitur de virgine.</p> |
|---|--|

- | | |
|---|--|
| <p>3. Nullus quidem istis fidem
Dare posset, nisi nosset
Hoc ex lege veteri;
Per fidelem Gabrielem
Nuntiatur et testatur
Sic debere fieri.</p> <p>4. Si vis nati incarnati
Scire modum, istum nodum
Denotare nescio;
Sed hoc scito, quod audito
Salutatu fecundatu
Virgo gaudet regio.</p> <p>5. Virgo credit et oboedit,
Et tu credas, ne te laedas
Animali vulnere;
In hoc sane, christiane,
Fidem puram, non naturam
Opus est consulere.</p> | <p>6. Prima parens spina carens
Fit spinosa et nodosa,
Dum a spina pungitur,
Qua radice illa vice
Vitiata, spineata
Virga quaevis oritur.</p> <p>7. Hoc fructo spina tecto
Sine spinâ vi divina
Iesse prodit virgula,
Rorans flore quae cruore
Sanans unctum spina punctum
Tersa spinae macula.</p> <p>8. Ergo nati qui peccati
Spinae sumus, spinae dumus,
Hanc precemur virgulam,
Ut nos portet et confortet
Et puncturae spinae durae
Omnem tergat maculam.</p> |
|---|--|

Orat. ms. Domus Novae Lucis anni 1477. Cod. Ultraiectin. Scriptt.
Ecc. 375. — 1, 1 Salve digne. — 7, 2 ut divina.

143. De Partu Virginis.

- | | |
|---|--|
| <p>1. Mira Dei caritas,
Deus incarnatur,
Mira rei novitas,
Virgo impraegnatur.</p> <p>2. O novum conubium,
Soli nubit stella,
Novum puerperium,
Protulit puella!</p> <p>3. Moyses qua iacuit,
Scirpea fiscella,
In qua Deus latuit,
Virgo res novella.</p> <p>4. Aures et mens pervia
Deo sunt ingressus,
Non patent vestigia,
Quibus est egressus.</p> <p>5. Sicut vitrum radio
Solis penetratur,
Inde tamen laesio
Vitro nulla datur:</p> | <p>6. Sic, immo subtilius
Matre non corrupta
Deus Dei filius
Sua prodit nupta.</p> <p>7. Prodit cogitatio
Clausâ cordis vena,
Praegnans absque vitio
Parit sine poena.</p> <p>8. Non perit lux oculi,
Cum lux evagatur,
Nec in ortu flosculi
Mater defloratur.</p> <p>9. Candens plus quam lilium,
Vernans plus quam rosa,
Tuum ora filium,
Virgo speciosa,</p> <p>10. Ne post mortem puniat
Nos inferni poena,
Sed tecum reficiat
Angelorum cena.</p> |
|---|--|

Orat. ms. Domus Novae Lucis anni 1477. Cod. Ultraiectin. Scriptt.
Ecc. 375. — 1, 3 mira Dei. — 3, 3 Aqua Deus. — 4, 1 praevia. — 10, 3
tecum nos. — Vor Str. 1 befinden sich in der Hs. zwei Strophen, die augen-

scheinlich nicht zu diesem Liede gehören, sondern eher der Schluss einer Sequenz zu sein scheinen:

- | | |
|--|--|
| <p>1a. Vale, porta cristallina,
Vivi panis officina,
Dirae mortis medicina,
Flos mundi Maria.</p> <p>2a. Vale, virgo virtuosa,
Dei mater generosa,
Plena sancto flamine.</p> | <p>1b. Vale, rosa carens spina,
Virga florens vi divina,
De qua nux amygdalina
Crevit vitae via.</p> <p>2b. Te laudamus, ut condigne
Nos accendat Deus igne
Caritatis geminae.</p> |
|--|--|

144. De Partu Virginis.

- | | |
|---|---|
| <p>1. Gaude, quae es obumbrata
Caelitusque fecundata;
Sic in nullo violata
Christum nobis genuit;
Rubus visus inflammari
Super Sina nec cremari
De conceptu puellari
Signum olim praebuit.</p> <p>2. Contra casum primae sortis
Ad delenda iura mortis
Exsurrexit leo fortis
De stirpe Davidica,
Iura mortis sunt disrupta
.
Voce sic angelica.</p> | <p>3. Hoc lex vetus figuravit,
.
Prophetarum hoc narravit
Laudabilis numerus,
A prophetis nuntiatum
Et a lege figuratum
Christum profert nobis natum
Virginalis uterus.</p> <p>4. Vellus prius irrigatum
Tandem manet exsiccatum,
Sicque signum est signatum
Gedeoni creditum;
Sic ad natum trinitatis
Constat regem maiestatis
Absque damno castitatis
Ex Maria genitum.</p> <p>5. Virgo sola, mater matrum,
Nupta sola patri patrum,
Ut suorum velit fratrum
Misereri, supplica;
Ut a culpis nos emundet
Virtutibusque fecundet
Et post hanc vitam secum det
Vita frui caelica.</p> |
|---|---|

Orat. ms. Domus Novae Lucis anni 1477. Cod. Ultraiectin. Scriptt. Eccl. 375.

145. De Partu Virginis.

- | | |
|---|--|
| <p>1. Gaude, parens contra iura
Cum pudoris lilio,
Hoc praecessit in figura
Certa sine dubio,
Usque tamen et natura
Stupent atque ratio,
Quod tu manes virgo pura
Nato tuo filio.</p> | <p>2. Te, Maria, salutavit
Gabriel archangelus,
Et mox tibi obumbravit
Virtus sancti spiritus,
Ventre tuum fecundavit
Summi regis filius,
Sed te nunquam violavit,
Sicut omnes credimus.</p> |
|---|--|

3. Corpus tuum prolem gessit,
Si quis quaerit quomodo:
Verbum venit et recessit
Clauso tuo thalamo,
Venter tuus sic tumescit
Sine viri vitio;
Illud credo, quamvis nescit
Experiri ratio.
4. Tu es virgo singularis,
Felix muliercula,
Tu es clara stella maris,
Tu es Iesse virgula,
Miro modo natum paris
Sine patris copula,
Tu es facta mater maris
Sine maris macula.
5. Tu es mitis, non severa,
Te collaudant angeli,
Tu es vera vitis vena,
Laus totius populi
Tu es atque virgo plena
Spiritus paracliti,
Patrem paris sine poena
Salvatorem saeculi.

Orat. ms. Domus Novae Lucis anni 1477. Cod. Ultraiectin. Scriptt. Eccl. 375.

146. De Partu Virginis.

- Salve, flos, qui salvas nos virtutis odore,
Flos candens, fructum pandens remanente decore.
Salve, flos, cui caeli ros vim fructificantem
Sic tribuit, quod non minuit speciem rutilantem.
5. Salve, flos, cui lex et mos naturaue cedit,
Quando paris, non fuscari, nec forma recedit.
Tu niveus, tu virgineus flos, alma Maria,
Quam mundat et fecundat divina sophia.
Productus tuus est fructus non te violata,
10. Ventre tuo miranda duo simul sunt sociata;
Integritas et fertilitas, duo dissona, rite
Consona sunt et conveniunt in te sine lite.
Sancta phoenix, virgo genetrix, quia nulla secunda,
Concipiens et parturiens manes integra, munda.
15. Quam nisi te transcendere se natura stupescit?
Quae nisi tu sine concubitu fecunda tumescit?
Quae praegnans opus ignorans, in quo violetur,
Quae pariens nil experiens, in quo crucietur,
Sola tenes castos renes, quando gravidaris,
20. Nec quereris nec torqueris, cum fasce levaris.
Conceptus tuus et partus non sunt generales,
Hic coitu caret, hic gemitu, tibi sunt speciales.
Dum generant aliae, temerant decus integritatis,
Te sequitur nec conteritur flos virginitatis.
25. Dum pariunt aliae, plangunt, tu nescia planctus,
Cui natus sine sorde datus per omnia sanctus.

- Corporei domus esse Dei sine labe mereris,
Ingressus fit et egressus, sed clausa teneris.
Ingreditur, qui concipitur, qui nascitur, exit,
30. Sed salvam servans valvam claustrum bene texit.
Producis dominum lucis, qui te penetravit
Ut vitream nec virgineam portam violavit.
Sublimem gestas humilem magnumque pusillum,
Nam rerum Dominum verum virtus probat illum.
35. Amne rigas pannisque ligas, quo vincla reorum
Laxantur, quo mundantur sordes animorum.
Stella poli, regina soli, tu proxima soli,
Digna coli, sine nube doli, me spernere noli.
Flos florum, fons hortorum, regina polorum;
40. Spes veniae, lux laetitiae, medicina dolorum;
Ave, Dei clavis fidei requiesque laborum,
Clara dies, segura quies et regula morum;
Virga recens virgoque decens, tu forma bonorum,
Alma parens, tu labe carens spes atque reorum,
45. Prece reis opem fer eis pro pace eorum,
Pasce tuos, succurre tuis, miserere tuorum.

Cod. Carollsruhan. Augien. 36. saec. ¹⁴/₁₅. — 3. caeli flos vim. — 9. tuus est sanctus fructus. — 13. Tu sancta phoenix. — 14. et fehlt. — 30. bene rexit. — 31. Producens donum lucens. — Nach Vers 36 eingeschoben:

Sancta Dei genitrix, benedicta puerpera, salve,
Inclita mater, ave, virgo beata, vale.

43. que fehlt. — 44. tu fehlt. — 45. Per te reis. — 46. Der Binnenreim zerstört. — Mone II, 323 hat Anfang und Schlufs des Gedichtes, nicht das Ganze, wie Chevalier, Repert. Hymnol. 17966, angiebt.

147. De Uberibus BMV.

- | | |
|--|---|
| <p>1. Gaude, caeli domina,
Quae Deum deorum
Pascis ex papillula
Uberum tuorum;
O beata ubera,
Omni laude digna,
Usu tam nobilia,
Christo praeparata.</p> <p>2. Virginis christiferae
Ubera, valete,
In summis praeconiis
Milies avete,
Pausat Dei filius
Inter vos quiete,
Lac ex vestris faucibus
Sugit delicate.</p> | <p>3. Salve, liquor nobilis,
Dulcis, pretiose,
Manans ex uberibus
Virginis formosae,
Praebens alimoniam
Christo amorose,
Sis medela animae
Meae vulnerosae.</p> <p>4. O Christi puerpera,
Virgo generosa,
In superno solio
Regnans gloriosa,
Ad tua clara ubera,
Asylum reorum,
Reus nunc confugio,
O dulcis spes tuorum.</p> |
|--|---|

- | | |
|---|---|
| <p>5. Eia, digna ubera,
 Vobis me impendo
 Protectionis gratia
 Sub vobis me abscondo,
 Rogo, me eripite
 Tremementem fovendo,
 A districto iudice
 Benigniter tuendo.</p> | <p>7. Tremenda iudicia
 Tua expavesco,
 Ad tuae matris dulcia
 Ubera appello,
 Ubi tuus feriens
 Mucro religatur,
 Sicque reus latitans
 Sub ubere salvatur.</p> |
| <p>6. O Iesu dulcissime,
 Amor mentis piaie,
 Casto natus sanguine
 Virginis Mariae,
 Quae te et in osculis
 Strinxit laetabunde
 Gratisque uberibus
 Lactavit iucunde.</p> | <p>8. At si me ob crimina
 Iustum sit puniri,
 Per matris manus punias,
 Quae taxet poenas mihi;
 Age, dulcis domina,
 Tibi ut condoner
 Ac propter peccamina,
 Ut sanxeris, flageller.</p> |

9. Benedicta ubera
 Tua, flos sanctorum,
 Quae de te, pulcherrima,
 Suxit rex caelorum,
 Fac, ut sine macula
 In regno polorum
 Laudem haec in saecula
 Et in saeculorum.

Cod. S. Petri Salisburgen. b II 3. saec. 15. A. — Orat. ms. Tegurinum
 anni 1470. Clm. Monacen. 20020. B. — 1, 5 O beata liberata A. — 1, 7 Usu
 tamen A. — 5, 7 Et districto A.

148. De Uberibus BMV.

- | | |
|---|---|
| <p>1. Mariae matris mammulae,
 Nitentes velut faculae,
 Lac filio praebentes,
 Ardoris sunt scintillulae,
 Quibus delentur maculae
 Odore redolentes.</p> | <p>2. Velut mala punicorum
 Fragrant, halitus istorum
 Fugantes hostem saevum,
 Laxant gesta nefandorum,
 Stillant nectar per os florum
 Salvantes nos per aevum;</p> |
|---|---|

3. Fluunt ut vitis pocula
 Currentia per rivula
 Summae deitatis.

Orat. ms. S. Mariae ad Scotos saec. 15. Cod. Scotor. Vindobon. 55 g 14. —
 1, 1 mamillulae. — 2, 1 Font mala. — 2, 2 Fluunt ali ipsorum. — 2, 4
 Lactans gesta. — 3, 1 Plant ut vitis.

149. In Purificatione BMV.

1. O Maria illustrata,
Summa luce consignata,
Vera lux est dilatata
In mentis tuae speculo;
Tu lucerna radiosa,
Cuius vita gloriosa
Per exempla virtuosa
Lucem dedit saeculo.
2. O amatrix meritorum,
Tu meorum peccatorum,
Vitiorum et errorum
Caliginem illumina,
Ut in via te ductrice
A te Dei genetrice
In me semper et hac vice
Sint gratiarum lumina.
3. O Maria, stella maris,
Claritate singularis,
Decus mundi nominaris
Mira pulchritudine,
Clara stella splendisti,
Quando virgo concepisti
Salvatorem peperisti
Sine naturae ordine.
4. Tu salutis mihi stella,
Mihi placa mundi bella,
Ne involvat me procella
Damnantis miseriae,
Mea stella directiva,
Sis a malis salvativa
Et ad portum productiva
Perennalis patriae.
5. O Maria, tu amarum
Mare, quando in poenarum
Passione tuum carum
Conspexisti filium,
Magnum tunc compassionis
Iuxta verbum Simeonis
Persensisti gladium.
6. Fac me Christo adhaerere,
Pro me passum fac lugere,
Crucifixo condolere
Tanto de supplicio,
Da peccata emendare,
Mihi flere da amare
Mea sit contritio.
7. O tu domina Maria,
Tu cum potestate pia
Constitutis in hac via
Praesides hominibus,
Angelorum imperatrix,
Inferorum triumphatrix,
Miserorum miseratrix,
Sic dominaris omnibus.
8. O regina tu virtutum,
Esto mihi pacis scutum,
Iter meum serva tutum
A malignis hostibus;
Tuum natum pro me ora,
Ut instante mortis hora
Me commendet sine mora
Angelorum coetibus.

Orat. ms. Carthusian. saec. 15. Cod. Capit. Treviren. 116.

150. De Vocabulo Purificationis BMV.

1. Festum, quod nobis imminet,
Purificationis
Hoc sacramentum continet
Sanctae religionis,
Ut, quidquid actionis
Pravae mens in se retinet,
Totum virtus eliminet
Purae confessionis.
2. Ob hoc purgari voluit
Maria stella maris,
Quae nil purgandum habuit
Velut ignara maris,
Ut tu, qui macularis
In his, quae lex prohibuit,
Confitendo, quod polluit,
Mundus efficiaris.

3. Consignat haec mysteria
Sub numero sacratio
Dies quadragenaria
Te bene subiugato
Decalogi mandato,
Quod quadrant evangelia,
Ut septiformis gratia
Stet in te pede rato.
4. Verbum patris a virgine
Dum patri praesentatur,
Ut hominis ab homine
Redemptor redimatur,
Per hoc insinuat,
Ut cum in tuo nomine
Fit bonum opus, Domine,
Tibi laus ascribatur.
5. Oblata legis redditur,
Cum cor simplex et maestum,
Par columbarum geritur,
Ad omnia modestum,
Vincens omne molestum,
Par turturum adicitur,
Cum caritatis sequitur,
Sed carnis fugat aestum.
6. Quinque siclis redimitur
Oblatio legalis,
Quando sensus subicitur
Spiritus carnalis,
Ut fiat spiritalis,
Sic suus Deo solvitur
Regique regnum redditur
Denarius regalis.
7. Sic bonis tergens actibus
Vitae corruptionem
Velut apum operibus
Stuppae collectionem,
Ad pacis visionem
Procedes cum luminibus,
Christum portans in manibus
Sequensque Simeonem.

Cod. Londinen. (Liber Cistercii) Add. 15722. saec. 12/13.

151. De Compassione BMV.

1. O Maria, mater Christi,
Quem dolorem habuisti,
Cum in cruce conspexisti
Contemplando filium!
Fac me tecum condolere
Et de Christo semper flere,
Qui est passus pro me vere
Peccati patibulum.
2. Tota eras dolorosa
Et plorabas lacrimosa,
Velut nubes pluviosa
Dans cordis suspirium,
Quia Christus, tuus natus,
Spinis erat coronatus
Et irrisus et velatus
In conspectu hominum.
3. Vultus eius gloriosus
Et decore speciosus
Erat turpis et lutosus
Sputis infidelium,
Corpus eius candidatum
Totum erat denigratum,
Quia fuit flagellatum
Manibus crudelium.
4. Quem tu, virgo, dum vidisti,
Prae dolore defecisti,
Sed nec loqui potuisti
Per cordis martyrium;
Corde vero tu dolebas
Et amare nimis flebas
Propter natum, quem videbas
Verberatum nimium.

5. Tantus dolor abundavit,
Qui te totam conquassavit,
Sed et mente laniavit
Scindens tuum animum,
Tu videbas patientem
Christum crucem deferentem
.
Ad perdendum unicum.
6. Post hoc Christus denudatur
.
Ut salvetur saeculum;
Per manus ipse pendebat,
Qui iam mundum redimebat,
Tibi mater condolebat
Per cordis incendium.
7. Nimis dure tu plorabas
Et te totam laniabas,
Quia Christus, quem amabas,
Ferebat supplicium;
Non est mirum, o decora,
Si plorabas sine mora,
Iam videbas illa hora
Sanguinem sanctissimum.
Cod. Vallicellan. B 75. saec. 14. — 2, 8 spectu fehlt. — 4, 4 Prae
cordis. — 10, 2 Et in ventre.
8. Post haec Christus exclamavit
Et in cruce exspiravit,
Sol se totum obscuravit,
Quasi lugens Dominum;
O quis possit cogitare,
Quaenam lingua explicare,
Quam tu flebas tunc amare
Videns unigenitum!
9. Stabas, virgo, cum dolore
Iuxta crucem cum maerore,
Quasi virga sine flore
Et amittens lilium,
Nec a cruce recedebas
Et in corde perferebas
.
Passionis poculum.
10. Intus eras cruciata
Et in mente vulnerata,
Tota quoque denigrata
Perdens vultum roseum,
Duras plagas Iesu Christi
Sola corde pertulisti,
Vere martyr tu fuisti
Per doloris gladium.

152. De Compassione BMV.

1. Gabrielis vox de caelis
Salutavit, quam amavit
Dei excellentia,
Dicens ave, verbum suave,
Virgo tota labe lota,
Plena sapientia.
2. Mater fui novo more
Fecundata sacro rore
Gabriele nuntio,
Genui sine dolore
Reservatoque pudore
Cum candoris lilio.
3. Christum pavi cum honore,
Dans amplexus cum amore
Et cum pleno gaudio,
Nunc repleta sum dolore,
Cum privata sum a flore,
Iesu, meo filio.
4. O Iudaea, quid fecisti!
Prolem meam tenuisti,
Istum sine vitio,
Iesum Christum condemnasti,
Barrabam sed liberasti
Reum homicidio.
5. Christi vultum tu velasti,
„Prophetiza“, tu clamasti,
„Cuius haec percussio?“
Illusisti, flagellasti,
Conspuisti, coronasti
Spinis et opprobrio.
6. Crucem hinc imposuisti,
Vestes eius divisisti
In tuo collegio,
Manus, pedes perfodisti,
Cruci Christum infixisti
In latronum medio.

- | | |
|---|--|
| <p>7. Prolem meam blasphemasti,
Sitim eius tu potasti
Felle et absinthio,
Latus eius perforasti,
Hinc cor meum vulnerasti
Cum doloris gladio.</p> <p>8. Fili, cruce me vidisti,
Iohanni me commisisti
Cum dolore nimio;
Non est dolor ut est meus,
Proles mea, verus Deus,
Moritur suspensio.</p> | <p>9. O vos omnes, qui transitis
Viam vitae, mecum sitis
Tristes, et est ratio.
Pia mater, fac me flere
Mala nostra, ut gaudere
Possim in iudicio</p> <p>10. Et in huius mundi luctu
Nobis assis tuo fructu,
[Virgo], adiutorio,
Ut post nostri vanos dies
Nobis detur vera quies
In caelesti solio.</p> |
|---|--|

Orat. ms. Montis S. Georgii (apud Goslarium) anni 1464. Cod. Guelfenbyteran. 1514, Helmstadien 1391. — 4, 1 O Iuda. — 9, 6 Possim tecum in. — 10, 2 fructo. — 10, 5 vera requies. — „Quicumque hanc orationem devote legerit singulis diebus flexis genibus et cum ea Ave Maria, sciat veraciter, quod non moritur, quin beata virgo Maria assit sibi in fine vitae visibiliter.“ — Ob Strophe 1 zum Liede gehört, bleibt zweifelhaft.

153. De Compassione BMV.

- | | |
|---|---|
| <p>1. Mater Alma Redemptoris,
Iubar Aurei viroris,
Claritatis radius,
Adest en plangenda hora,
Qua cor tuum, o decora,
Pertransivit gladius.</p> <p>2. Recordare, virgo dia,
Verbum patris et sophia,
Tuus unigenitus,
Iesus Christus captus, caesus,
Spinis diris fronte laesus,
Crucifixus penitus.</p> <p>3. Ah, quid dicam, spes lugentum!
Mihi si sint linguae centum,
Si facundus fuero,
Virgo, tamen nihil digne,
Nihil tibi coinsigne
Explicare potero.</p> <p>4. Intuere, rosa, florem,
Vide tuum sic amorem
Exaltatum misere,
Rosascentes patefactas
Mundae carnis catharactas
Quino cerne vulnere.</p> | <p>5. Grandis dolor, quem ferebas,
Quem in corde sentiebas,
Nato cum assisteres,
Ornamentum sic foedari,
Sic virtutem maculari,
Praesto dum aspiceres.</p> <p>6. O quis dolor, dum spectares,
Dum maternis inundares
Lacrimarum fontibus;
Rosa rubens pallescebat,
Corpus tuum fatiscebat
Admirandis luctibus.</p> <p>7. Ab amaro demum fletu
Tibi flenti sine metu
Vultus intumuerat,
Post caligo nebulosa
Tibi, dulcis vernans rosa,
Oculos obvolverat.</p> <p>8. Rubicunda plane rosa,
Tota rubes, amorosa,
Dulcis nati sanguine,
Omni parte profluentem
Quem dum rapis rosascentem,
Rubescis aspergine.</p> |
|---|---|

- | | |
|--|--|
| <p>9. Heu, heu, mors o dura!
 Morientis tamen cura
 In te sola figitur,
 Et nec illam Magdalenam,
 Condoloris igne plenam,
 Moriens adloquitur.</p> <p>10. Res amoris, disclavatam
 Corpus rapis cruentatum
 Osculando dulciter,
 Tibi mortem adoptando,
 Corde miti, vultu blando
 Flenti maternaliter.</p> | <p>11. Nutabunda sic in mundo
 Volvebaris in profundo
 Lugubris maestitiae,
 Iam sed audis beatorum
 Supra choros angelorum
 Cantica laetitiae.</p> <p>12. Dulcis mater, me tuere,
 Mei, precor, miserere,
 Mater, mater gratiae,
 O tu clemens, mater pia,
 Virgo mater, o Maria,
 Dona locum veniae.</p> |
|--|--|

Cod. Lambacen. 476. saec. 15. — Die Aufschrift des Liedes in der Hs. lautet: Oratio ad beatam virginem de memoria passionis Christi; das Akrostich: Maria virgo, ora pro Hertnido, verrät den Namen des sonst unbekannten Dichters.

154. De Compassione BMV.

- | | |
|---|--|
| <p>1. Virgo mater, recordare,
 Quod vidisti filium
 Ligno crucis expirare,
 Ut salvaret saeculum.</p> <p>2. Iuxta crucem astitisti
 Corde gemens anxio,
 Natum tuum aspexisti
 Mori in patibulo.</p> <p>5. Rei mei miserere,
 Quem gravant miseriae,
 Fac me digne paenitere,
 Dum est tempus veniae.</p> | <p>3. Dolor, tunc quem habuisti,
 Maior est martyrio,
 Sed gavisa tu fuisti
 Resurgente filio.</p> <p>4. Bona mater, me tuere
 Et labentem erige,
 Sum peccator miser vere,
 Ad te cogor fugere.</p> |
|---|--|

Orat. ms. Domus Novae Lucis anni 1477. Cod. Ultraiectin. Scriptt. Eccl. 375. — 1, 1 Gaude virgo recordare.

155. De Compassione BMV.

- | | |
|--|---|
| <p>1. In templo Ierusalem
 Iesu praesentato
 Plenus ille Simeon
 spiritu sacro
 De te prophetaverat,
 virgo o Maria;
 Completa in filio
 est haec prophetia.</p> | <p>2. Tuam, inquit, animam
 gladius transibit,
 Nec quidquam de omnibus
 istis praeteribit,
 Quin patrentur singula
 a me nunc praedicta,
 Audi, mater regia,
 o mater invicta.</p> |
|--|---|

3. De ferro vel calibe
nihil prophetavit,
Sed doloris gladium
vere denotavit.
Quae vel lingua dicere
aut quis intellectus
Potest comprehendere
adeo perfectus
4. Mensuram et pondera
desolationis
Tuae, virgo regia,
et compassionis?
Quae in tui filii
praesens astitisti
Poenis et in omnibus
particeps fuisti.
5. Nam et Christi animam
spiritu frementem
Conspexisti oculis
mentis et paventem,
Taedentem, maestissimam
et in passione
Nunc tristem, nunc anxiam,
sicque in agone
6. Esset tam horribilis
eius in natura
Haec imaginatio
morte de futura,
Ut patrem de transitu
calicis oraret,
Sudorque sanguineus
ab eo manaret.
7. Immo tua anima
amplius est laesa,
Quam si sic in corpore
tuo esses caesa,
Cum videres pauperem
ipsum assum, flentem,
Labores, insidias,
famem patientem,
8. Duris caesam alapis,
sputo maculatam
Cuius sanctam faciem
veloque velatam,
Nec decor nec species
eius apparebat,
Sed aspectus pallidus
poenas detegebat.
9. Fuit hic rex gloriae
Christus et exosus,
Sic ut aestimatus sit
quasi vir leprosus;
Hunc corona spinea
cernis coronatum
Et puncturis milibus
caput vulneratum.
10. Carnemque tenerrimam,
quam tu concepisti
Et tuo virgineo
lacte nutritivisti,
Flagellatam undique
virga duriori,
Plagas plagis additas,
livores livori.
11. Unde sanguis fluxerat
ut rivi fluentis
Per sacrata latera
Christi innocentis,
Quod in eo sanitas
nec a pedis planta
Capitis ad verticem
esset aliquanta,
12. Adfixum patibulo
clavis laniari,
Pendentem atrociter
nimis cruciari,
Haberet ludibrio,
aceto potari
Morteque pallescere,
latus vulnerari.
13. Multum tibi addidit
doloris, Maria,
Sepultura filii
tui Iesu, quia
Aut vivum aut mortuum
habuisti ante,
Sepulturae siquidem
tempore instante.

14. Omnino praesentia
tibi corporalis
Tunc subtracta fuerat;
o quanta et qualis
In te desolatio
consequens descendit,
Quae et tuam animam
perturbans offendit!

15. Cum propheta dicere
potuisti fiendo:
Aquam ducat oculus
meus deplorando,
Quia recessit a me
consolator meus,
Ducens meam animam
Christus homo-deus.

16. Nunc ergo, misericors
virgoque benigna,
Omni plena gratia,
omni laude digna,

Te precamur supplices,
quatenus illorum
Fletuum, tristitiae,
omnium dolorum,

17. Quibus ut compatiens
pia mater Christo
Toto plena saeculo
fueras in isto,
Digneris perfundere
nos una saltem stilla,
Ut nostrae memoriae
sit infixata illa.

18. Iesu poena vulneret
tuique doloris
Gladius nos qualibet
die septem horis,
Ut sic tuo gaudio
filiique tui
In aeterna gloria
mereamur frui.

Scala caeli saec. 14. ex. Cod. Pragen. XIII E 3. — 1, 1 templum.

156. De Compassione BMV.

1. In templo Ierusalem
Christo praesentato
Plenus ille Simeon
Spiritu sacro
2. Tuam, inquit, animam
Gladius transibit,
Nec quidquam de omnibus
Istis praeteribit,
3. Quin patrentur singula
A me nunc praedicta,
Audi, mater regia,
O mater invicta,
4. De ferro vel de calibe
Nihil prophetavit,
Sed doloris gladium
Vere denotavit,
5. A quo tua anima
Acrius est laesa,
Quam si sic in corpore
Tuo esses caesa,

6. Carnem hanc dum cerneres,
Quam tu concepisti
Et tuo virgineo
Lacte nutriti,
7. Flagellatam undique
Virga duriori,
Plagas plagae additas,
Livores livori,
8. Adfixum patibulo
Clavis laniari
Morteque pallescere,
Latus vulnerari,
9. Ubi ensis Simeon
Te tunc vulneravit,
Tuam sanctam animam
Dire penetravit.
10. Nunc ergo misericors
Virgoque benigna
Omni plena gratia,
Omni laude digna,

11. Te precamur supplices
Tuique doloris
Gladius nos vulneret
Die septem horis,

12. Ut sic tuo gaudio
Filiique tui
In aeterna gloria
Mereamur frui..

Scala caeli saec. 14. ex. Cod. Prag. XIII E 3. — 5, 3 sit in. —
9, 1 Simeonis. — Ein Auszug aus dem vorhergehenden Liede.

157. De Compassione BMV.

1. Maria, quae Iesu Christi
Iuxta crucem astitisti
Concussa dolore,
Cum videres ex te natum
Mortuum et immolatum
Pro me peccatore,

2. Quo dolore movebaris
Supra tui salutaris
Iesu passione,
Nullus est, qui vel pensare,
Vel ad plenum explicare
Valeat sermone.

3. Nec mirum, nam ipsum pati
Videbas, in quo peccati
Macula non erat,
Sed quem sine genitura
Concepisti, virgo pura,
Si quis modum quaerat.

4. O quam tristis es effecta,
O quam intime confecta
Poena patientis,
Circumquaque cruentatum
Videns ex te propagatum
Corpus innocentis.

5. Videns, inquam, flagellari,
Conspui, colaphizari
Et ut morte dignum
Cum iniustis reputatum,
Manus pedesque clavatum
Super crucis lignum.

6. Videns sursum sic suspensum
In opprobrium immensum
A pravis Iudaeis,
Spinis densis coronari
Potu fellisque potari
Despectum ab eis.

7. Videns eius inclinatum
Caput atque „Consummatum
Est“ ipsum dicentem
Audiens, ut commendarat
Ei te, quem praeamarat
Et vidit praesentem.

8. Videns ultimo sacratum
Latus eius perforatum
Lancea pungenti,
Videns tantumque maerorem,
Cumularent ut dolorem
Haec tibi videnti.

9. Tunc, in partu quas nescisti
Poenas, experta fuisti
Materni maeroris,
Tunc, tunc iuxta praedicentem
Pertransivit tuam mentem
Gladius doloris.

10. Sed, Maria, iam laetare,
Quia Christus tam amarae
Passus probra mortis,
Sicut antea praedixit,
Die tertia revixit
Ille leo fortis.

11. Laetare, nam qui descendit,
Ipse est, et qui ascendit
Super omnes caelos,
Ubi secum collocatam
Laudat cunctis te praelatam
Angelorum melos.

12. Illuc, virgo, nos dignare
Filio recommendare,
Cum quo gloriaris,
Quia nobis post eundem
Es fiducia tantundem
Et spes singularis.

- | | |
|--|---|
| <p>13. Mone atque pietatem
 Tuam penes egestatem,
 Cui subiacemus;
 Spes, quam de te reportamus,
 Cuius precibus speramus,
 Quod salvi fiemus.</p> <p>14. Alioquin vice versa
 Propter opera perversa,
 Quibus inhaeremus,
 Si iuste diiudicemur,
 Ne, quod absit, condemnemur,
 Maxima timemus.</p> | <p>15. Sed, o felix advocata,
 Quae clamantibus parata
 Soles advenire,
 Nostras preces admittendo
 Nobisque compatiendo
 Velis subvenire.</p> <p>16. Ut redemptis te iuvante,
 Virgo post partum et ante,
 Lumen vultus sui,
 Velit, nolit hostis victus,
 Promat Christus, benedictus
 Fructus ventris tui.</p> |
|--|---|
- Cod. Londinen. Reg. 7 A VI. saec. 14/15. — 6, 1 Videns cursus sic. —
 6, 6 Despectui. — 10, 4 Sicut anua praedixit.

158. De Compassione BMV.

1. Venite, mares et feminae,
 Ploremus cum matre virgine,
 Planctibus fruamur intimis
 Facies rigando lacrimis
 Cum Maria.
2. Cor nostrum ploret et oculus,
 Nos pungat amoris stimulus,
 Heu, mater carens contagio
 Tam dulci privatur filio
 In sepulcro.
3. Innocens et expers criminis
 Moritur misertus hominis,
 Maeroris simus consocii,
 Cum simus causa supplicii,
 Cum Maria.
4. Gloria virginis filio,
 Qui pro nobis in exsilio
 Se dedit tormentis asperis
 Vitam reddendo miseris
 Cum Maria.

Cursus hinc inde collecti, imp. Augustae 1487. — 1, 2 cum Maria vir-
 gine. — 3, 4 sumus. — 4, 4 Lies: Ut vitam redderet miseris?

159. De Compassione BMV.

- | | |
|--|---|
| <p>1. Verus homo, verus Deus,
 Propter reos factus reus,
 Carne crucifigitur;
 Sic salvator condemnatur,
 Ut mors iure moriatur,
 Vita sponte moritur.</p> | <p>2. Et videris ratione
 Non hic minus in agone
 Tulisse quam filius;
 Suum corpus victimam
 Dedit, tuam animam
 Pertransivit gladius.</p> |
|--|---|

- | | |
|--|--|
| 3. Sed resurgens leo fortis
Aufert principatum mortis,
Praedam refert inferi;
Plus compassa patienti
Plus consurgis resurgenti
Quam sanctorum ceteri. | 4. Placa nobis, o beata
Parens, natum, patrem, nata,
Carnis pro flagitio
Ne mens ipsa flagelletur,
Sed in nobis iteretur
Christi resurrectio. |
|--|--|

Cod. Trecen. (ol. Claraevallen.) 1612. saec. 15.

160. De Compassione BMV.

Ave, regina angelorum et archangelorum,
Laus et gloria sanctorum
Et totius trinitatis nobile triclinium;
Tu [inno]cens plus quam innocentem genuisti,
Tu munda mundum mundo protulisti.
Propter plagas Iesu Christi,
Quas cruentas flens vidisti
Pro nostra miseria,
Fac nos dignos te videre
Et in caelis tecum gaudere
In perenni saeculorum tempore.

Cod. Parisin. 11343. saec. 15. — „Hanc orationem dicentibus remittuntur
xl dies de iniuncta paenitentia.“

161. De Compassione BMV.

I.

- | | |
|---|---|
| 1. Iam nunc matri virgini,
anima, intende,
Quantum ipsa doleat
sub cruce, perpende,
Ut te secum vulneret,
preces mox impende,
Et quod illi condoles,
lacrimis ostende. | 3. O mea fiducia
meaque patrona,
Omnis pudicitiae
rutilans corona,
Esto praesens spiritu,
praesens non persona,
Et quod ipsa edoces,
loquar, mater bona. |
| 2. O quantum es, genetrix,
intus cruciata
Ob tormenta filii,
tam multiplicata!
O virgo christifera,
mea advocata,
Mihi nude aliquid
pande exorata, | 4. Loquere nunc, domina
super omnes digna,
Reum ne despicias,
precor, o benigna,
Mihi tua vulnera
concite designa
Ac tantae materiae
verba da condigna. |

5. Sed respondes forsitan,
me non esse talem,
Cui hanc materiam
reveles poenalem,
Meque tuis ultimis
servis non aequalem,
Ut petam hanc gratiam
a te spiritalem.
6. Scio vere, domina,
me indignum esse,
Sed quid accusanti se
poterit obesse?
Te pro nato supplico,
virgo stirpis Iesse,
Ut tu meis precibus
digneris adesse.
7. Sed dicis non omnia
me fateri vere,
Nec, sicut peccaverim,
promere sincere,
Oblivisci plurima,
quaedam reticere,
Nec vitando crimina
bene paenitere.
8. Heu, mater clementiae,
haec sunt dura verba,
Quae, proh dolor, vera sunt,
licet sint acerba,
Nam nudari, sicut est,
non vult mens superba,
Sed te rogo, sana me,
o salutis herba.

II.

9. En, tibi confiteor
omne crimen meum,
In peccatis omnibus
fateor me reum,
In quibus cognoscis me
offendisse Deum,
Ut et ipse salvet me,
prece coge eum.
10. Peccavi superbia,
cogitatione,
Visu, verbo, opere
et omissione,
Gustu, tactu, auditu,
odoratione,
Multa negligentia,
delectatione.
11. Deliqui malitia
et perverso more,
In Dei et proximi
modico amore,
Luxu, avaritia,
ira et livore,
Gula et acedia,
odio, torpore.
12. Haec tibi confiteor
et omnipotenti
Et sanctorum coetui
vobiscum manenti,
Deprecor ob meritum
divini tormenti,
Salvate culpabilem
parcendo petenti.
13. Ecce, qualis factus sum
saepe delinquendo,
Tibi aliquantulum,
o clemens, ostendo,
Mea mala omnia
tibi nunc commendo,
Ut tu ipsa salves me
ea auferendo.
14. Sed, quid ago referens
sordes foeditatis
Ad auditum virginis
summae puritatis!
Horresco, sanctissima
mater pietatis,
Ista loqui auribus
tuis illibatis.

15. Expavescō, ne forsā
te a me avertas
Mentis ob putredines
intra me insertas,
Sed per Iesum deprecor,
ad me te convertas,
In quo tot misérias
cognoscis tam certas.
16. Tu, quae vota omnium
pie intueris,
Numquid soli misero
mihi dura eris?
Cur misericordiae
ergo nomen geris,
Si reo petenti te
tu non misereris?
17. Hanc consuetudinem
propter me non mutes,
Per quam soles miseris
reddere salutes,
Nec me, quamvis impium,
flagito, refutes,
Sed tuae clementiae
fac in me virtutes.
18. Recordare, domina
prae cunctis perfecta,
Quia ob culpabiles
fuisti electa,
Mater propter miseros
Dei es effecta,
Ergo salva miseros,
nostra spes erecta.
19. Te pro reis, domina,
Deus est ingressus,
Pro eis misérias
multas est perpessus,
Pro ipsis vidente te
in tormentis fessus
Ac mortis angustiis
est pro illis pressus.
20. Ergo nobis, genetrix,
semper sis parata
Reorumque infimum
audi me rogata,
Memento, pro quibus es
tantum exaltata,
Et pro quibus tua est
proles tormentata.
21. Meas preces, domina,
digneris audire
Et nunc et in posterum
semper subvenire,
Tuas atque Domini
plagas fac me scire
Et in corde iugiter
devote sentire.
22. O fracta doloribus,
stans sub crucis ara,
Ex nati vulneribus
plena et amara,
Cur precanti vulnera
mihi es ignara,
Quae larga et libera
dicta es et gnara?
23. O mea fiducia,
mater salvatoris,
Me transfige gladio
tui mox doloris,
Dita me ex munere
perfecti amoris
Ac dic meae animae
vim tui maeroris.
24. Nunc, nunc praesens spiritu,
mater singularis,
De tuis doloribus
aliquid loquaris,
Quod placere valeat
tuis servis caris
Et eos aspergere
lacrimis amaris.

III.

25. Importuna anima,
cur ad me sic clamas,
Quae tam raro recolis
et tam parum amas?

Sed dicis audisse te
de me pias famas
Et ob hoc audacius
sic ad me exclamas.

26. Modo si audire vis
 poenas meae mentis,
Crucifixo filio
 meo condolentis,
Vanitates abice
 cordis discurrentis
Et lamenta animi
 da compatientis.
27. Sine fletu, [anima,]
 haec audire noli,
Ubi me sic compati
 vides meae proli,
Vere fudit lacrimas
 multas factor poli,
Ubi mortem sustulit
 dominator soli.
28. En, imprimis adloquar
 te certificando
Ex hoc, quod tu cogitas
 de me aliquando,
Si cognovi vulnera
 cuncta speculando,
Quae suscepit filius
 meus tolerando,
29. Scias, quia dolor me
 in tantum premebat,
Quod vim veri corporis
 cum sensu dolebat,
Sed immensus filii
 amor me cogebat
Omnes poenas cernere,
 quas ipse ferebat.
30. Cumque poenam aliquam
 inferri cernebam,
Tota quasi moriens
 mox deficiebam,
Sed amoris impetu
 statim revivebam
Et tormenta filii
 avide videbam.
31. Nam in eo meum cor
 totum habitabat,
Quem ineffabiliter
 plus quam me amabat,

- Idcirco, quod filius
 meus tolerabat,
Inconsolabiliter
 meum cor gravabat.
32. Nam cum eo meum cor
 dure est ligatum,
Colaphis et alapis,
 sputo maculatum,
Probris et blasphemis
 illustum, vexatum,
Flagris eius asperis
 multum tormentatum.
33. Cum nato et cor meum
 spinis coronatum,
Ligni crucis pondere
 secum oneratum,
Ad locum calvariae
 cum ipso tractatum,
Eius potu fellico
 est amaritatum.
34. Cum magnis doloribus
 vidi spoliatum,
Delicato sanguine
 totum cruentatum,
Cum eo et cor meum
 tensum et clavatum,
Ecce, vides meum cor
 totum laceratum.
35. Contemplare, anima,
 meum cor clavatum
Et cum meo filio
 saepe perforatum,
Sed mihi est maxime
 metu cor gravatum,
Quod non est supplicis
 his vita privatum.
36. Sed inenarrabiles
 poenae me torquebant,
Quando crucem impii
 sursum erigebant,
Nam cum tanto impetu
 stare faciebant
Et ineffabiliter
 natum adfligebant.

37. O si scires, quantum me
 poena haec gravabat,
 Quando nati manuum
 plagas dilatabat,
 Quamquam profundissime
 ipse supplicabat,
 Et quam amarissime
 vere tunc plorabat.
38. Stabam sub patibulo
 mater verbi Dei,
 Videns pati Dominum
 universae rei,
 Condolebam intime
 eius speciei,
 Quam deformem fecerant
 torquendo Iudaei.
39. In languore maximo
 et dolore gravi
 Ad natum saepissime
 oculos levavi,
 Vere vae, ut poteram,
 vae, fili, clamavi
 Ego te ad poenas has,
 fili, generavi.
40. Suspechi multoties
 ad natum suspensum,
 In cruce atrociter
 clavatum, distensum,
 Solum iustum filium
 inter reos penum
 Et haec gemens perdidici
 paene meum sensum.
41. In dolore maximo
 filium videbam
 Et iuvare penitus
 eum non valebam,
 Gemitus, suspiria,
 singultus edebam,
 Lacrimas multiplices
 amare fundebam.
42. Vidi sacram faciem
 et deliciosam,
 Plus quam lingua exprimat
 dulcem, gratiosam,
 Multis prae angustiiis
 totam lacrimosam,
 Cruentatam, lividam
 atque maculosam.
43. Nam tam largas lacrimas
 oculi stillabant,
 Quod prae multitudine
 fletus caligabant,
 Quia nulli aderant,
 qui eos mundabant,
 Sed lugentem filium
 multi subsannabant.
44. Sanctum caput filii
 lassum dependebat,
 Nam, ubi quiesceret,
 locus non manebat,
 Praeter spinas minime
 pulvinar habebat,
 Cuius dolor multiplex
 multum me torquebat.
45. Manus sacratissimas,
 quas saepe tractavi,
 Laceratas graviter
 tunc consideravi,
 Quas augebant nequiter
 perforatas clavi,
 Quos in his transfixerant
 tunc Iudaei pravi.
46. Aspechi dignissimos
 pedes laniatos,
 Heu, percussos malleo,
 ferro terebratos,
 Omnes artus corporis
 simul cruciatis
 Et compages ossium
 dire dissipatos.
47. Gustum mei filii
 felle cruciabant,
 Auditum blasphemiiis
 Iudaei vexabant,
 Olfactum putredines
 loci tormentabant,
 Et haec simul omnia
 multum me gravabant.

48. Me loqui ad filium
amor compellebat,
Ac affectuosum cor
sermone edebat,
Sed, heu, dolor nimius
eos dirumpebat,
Quod verba edicere
lingua non valebat.
49. Sensibus languentibus
iam deficiebam
Et confractis viribus
dolens corruēbam,
Sed resumpto spiritu
voce, qua valebam,
In verba huiusmodi
statim prorumpebam:
50. Vae, vae mihi, fili mi,
vae, vae, care nate,
Ecce, diviserunt me
hi perversi a te,
Adiuva me, obsecro,
in anxietate,
Audi preces miseræ
matris desolatae.
51. Per te, fili, habui
omnia secunda,
In te, Iesu, exstiti
iugiter iucunda,
Heu, nunc in tristitia
pro te sum profunda,
Qua te sic excruciat
turba hæc immunda.
52. Tecum fac obire me
per istum agonem,
Quæ te ipsum alui
ad hanc passionem;
Ergo, heu, lactavi te
ad occisionem,
Fac me, precor, commori
per compassionem.
53. In te impassibilis,
fili mi, fuisti,
Totum hoc, quod pateris,
de me assumpsisti,

Ergo fac, ut moriar
tecum caede tristi,
Quia te exposui
diræ morti isti.

54. O, quis det, ut subeam
pro te, fili, mortem,
Cuius de me misera
tu sumpsisti sortem?
Fili, cur permittas me
nunc esse tam fortem?
Rogo, moriendo me
tuam fac consortem.
55. O mea lætitia,
salus, spes et vita,
Cur me relinquis, fili,
desolatam ita?
En, sine auxilio
sum in poenis sita,
Iam mea solacia
cuncta sunt finita.
56. Eia, vide, fili mi,
maternum gravamen;
Quis mihi de cetero
præstabit iuvamen?
Audire nunc digneris
maternum precamen
Et ad minus mihi da
aliquod solamen.
57. At tunc Iesus audiens
me indesinenter
Supplicare, gemere
et flere continenter
Intuensque anxium
meum cor patenter,
Consolari lugubrem
nisus est clementer.
58. O si scires, qualiter
mihi condolebat,
Nempe pro me multo plus,
quam pro se languebat,
Et eius poenalitas
multum me premebat,
Ac utrosque passio
vicissim angebat.

59. O immensa gravitas
et anxietudo,
Poena ineffabilis
et amaritudo,
Quantum pressit ambos nos
haec vicissitudo,
Quos inaeestimabilis
strinxit gratitudo.
60. Iam morti adproximans
flentem me vocavit,
Iohannem in filium
mihi ordinavit,
Me in matrem pariter
illi commendavit,
Heu, doloris gladius
me tunc perforavit.
61. Semivivum Dominum,
heu, audiebamus,
Loqui pro maestitia
nihil valebamus,
Iesum pene mortuum
fari videbamus,
Respondere aliquid,
heu, non poteramus.
62. Ego cordis iubilum
mei amittebam
Et in multas lacrimas
tota defluebam,
Vitam meae animae
obire videbam,
Sic poenis ingentibus
tunc liquefiebam.
63. Nam sibi humanitas
derelinquebatur,
Tunc tota nec deitas
opitulabatur,
Verum et passibilis
valde reddebatur
Et „Cur reliquisti me,
Deus?“ loquebatur.
64. Anima, si ruminas
pie hunc dolorem,
Possidebis forsitan
lacrimarum rorem,
Et si tu devota sis
cupiens honorem,
Meditare saepius
hunc meum maerorem,

IV.

65. O misericordiae
immensae repleta,
Laus et honor tibi sit,
mater, sine meta,
Omnia, quae facta sunt,
nota et secreta,
Tibi solvant gratiam,
virgo nomen feta.
66. Iam orbaris lacrimis
per compassionem,
Cogor interrompere
tuum hunc sermonem,
Gratiarum reddere
tibi actionem
Et tuam extollere
miserationem.
67. O mea fiducia
mater Dei veri,
Per te oro iugiter
ad bona urgeri
- Et a malis omnibus
per te cohiberi
Tuisque doloribus
semper adimpleri.
68. Utinam cum lacrimis
possem nunc rugire
Et pro te, o domina,
dolendo obire,
Poenas tuas semper me,
peto, fac sentire,
Meum cor durissimum
digneris mollire.
69. Heu, quare post filium,
domina, abisti
Et cur ad Calvariae
locum exivisti?
Quare solitarie
domi non mansisti?
Fortassis, ut in morte
perimaris Christi?

70. Nonne nati passio
nobis esset satis,
Nisi crucifigeret
te plebs feritatis?
Cur fecisti, domina,
corpus sanctitatis
Vas amaritudinis
et poenalitatis?
71. Heu, non solum cerno te
iuxta crucem flentem,
Sed simul cum filio
in cruce manentem,
Ipsam corporaliter
in ligno pendentem,
Tuam vero animam
suspensam dolentem.
72. Heu, contemplor tuum cor
saepe perforatum
Et cum membris singulis
nati conclavatum,
Ecce, geris infra te
crucifixum natum,
Flagris, spinis, ictibus,
clavis laceratum.
73. O cor delectabile,
dulce et sacratum,
Heu, nunc in angustias
totum es mutatum,
Probris et blasphemiiis
nimis molestatum,
Sputis, felle, fletibus
es amaritatum.
74. O amabilissimum,
plenum cor dulcoris,
Quare sic conversum in
globum es maeroris?
Partem mihi, flagito,
da tui doloris,
Lacrimarum, vulnerum
natiq̃ue languoris.
75. Tunc caro discipulo
matre commendata,
Ut sacrata pagina
esset consummata,
- Proles Dei „Sitio“
dixit fatigata,
Sed, heu, ei potio
est amara data.
76. O Messia, supplico
tuam pietatem,
Pelle a me crapulam
et ebrietatem,
In cibis et potibus
da sobrietatem,
Ne sinas me subire
per edacitatem.
77. Heu, heu, quare cupimus
lautius cibari
Sive delicatius
unquam satiari?
O Iesu, ne sinas nos
ita delectari,
Qui felle dignatus es
pro nobis potari.
78. Tunc, sicut apostolus
Iohannes dictavit,
Iesus „Consummatum est“
statim recitavit,
Sicque suum spiritum
patri commendavit
Cum clamore valido,
et sic expiravit.
79. Moriente Domino
terra contremebat,
Scindebantur lapides,
sol lumen claudebat,
Resurgebant mortui,
populus maerebat,
Velum templi scissum est,
luna non lucebat.
80. Si insensibilia
sic compatiantur,
Et in morte Domini
lapides scindantur,
Erubescant homines,
qui non contristantur,
Dum obisse Dominum
Iesum meditantur.

81. Tu dixisti, Domine,
prophetiam vere,
Quod nostrum lapideum
velles cor delere
Et cor tuo populo
carneum praeberere;
Sed, heu, vix vult anima
tibi condolere.
82. O plus quam lapidei,
ingrati, indigni,
O nostri duritiam
cordis inbenigni,
Nonne contumelia
multa sumus digni,
Qui parum compatimur
regi tam insigni?
83. O cor meum pessimum,
durum, vagum, vanum,
Durius lapidibus,
quasi inhumanum,
Saltem nunc compatere,
nisi sis insanum,
Dum sic vides compati,
quod non est humanum.
84. O Iesu, quot gratiae
das donationes,
Omnes tuas supplico
miserationes,
Cordis mei dilue
obdurationes,
Et da mihi lacrimas
et compassionem.
85. Contemplare, anima,
cum magno fervore
Iesum Christum madidum
in suo cruore,
Virum sine specie
et sine decore,
Vulneratum, mortuum
tuo pro amore.
86. O, quanta, deifera,
tua sunt pressurae,
Dum sic miserabiles
dolent creaturae!
- O, quae lingua exprimit
vel mens penset pure,
Quales nato mortuo
 tuae sint torturae?
87. O, quis novit, mea spes,
tuos cruciatus,
Quando Iesus coram te
est translanceatus,
Quando sic percutsum est
illud sacrum latus,
Cuius sanguis pretium
nostrum est vocatus?
88. Nam corpus exanime
ictus non gravabat,
Sed tuum beatum cor
dire perforabat,
Iam cruorem lancea
de corde libabat,
Sed totius vulneris
dolor te vexabat.
89. Bernhardus, qui multum te,
virgo, diligebat
Et pro suis viribus
tibi serviebat,
Sicut tua pietas
eidem praebebat,
Sensum subsequentium
nobis describebat.
90. Iuxta crucem filii
mater assistebat,
Fletu amarissimo
ingiter lugebat,
Nam sensu emortua
ipsa vix vivebat,
Voce atque viribus,
proh dolor, carebat.
91. Immo fracta, anxia,
tacensque pallescit,
Vivens fuit mortua,
moriens vivebat,
Heu, plena angustia
anima manebat,
Vivens tamen mortua
mori non valebat.

92. Rursus sese erigens
in maerore stabat
Et pendentem filium
flens considerabat,
Mori plus quam vivere
nempe adoptabat,
Dum deponi filium
suum exspectabat.
93. Tunc dicebat eiulans
illis depravatis:
Ecce, desideriis
vestris consummatis
Mihi matri miserae
corpus deponatis,
Vel, si libet, illi me
necando iungatis.
94. Suum natum tangere
mater cupiebat
Seque, quantum poterat,
sursum erigebat,
Sed ad eum tangere
nequaquam valebat,
Heu, ad terram debilis
graviter cadebat.
95. Iterum vi amoris
sursum ferebatur
Et crucis patibulum
mox amplectebatur,
Filiumque tangere
multum nitebatur,
Sed ad terram durius,
heu, collidebatur.
96. Ibi iacens anxia
male torquebatur,
Immensis doloribus,
heu, opprimebatur
Et cadentem sanguinem
deosculabatur,
Quod cruore facies
rubra reddebatur.
97. Inter haec discipuli
Iesu duo grati,
Nicodemus et Ioseph
qui sunt appellati,
Habita licentia
praesidis Pilati,
Ut Iesum deponerent,
venerunt parati.
98. Quibus visis paululum
mater revivebat
Ac eis, quod poterat,
iuvamen praebebat,
Unus de vulneribus
clavos extrahebat,
Alius, ne caderet,
corpus sustinebat.
99. Tunc caput et brachia
mater assumebat
Et ad se maestissima
concito trahebat,
Super iam depositum
osculis ruebat,
Satiari minime
de caro valebat.
100. Tunc ad sui filii
caput mater stabat
Beatamque faciem
lacrimis rigabat,
Saepe profundissime
gemens suspirabat
Se ipsamque feriens
tales voces dabat:
101. O fili carissime,
quid mihi fecisti?
Cur Iudaei morti te
tradiderunt isti?
Quare me relinquere
post te voluisti?
Succurre spiritui
meo nimis tristi.
102. O mi amor unice
atque salutare,
Gaudium, solacium
meum singulare,
Vita meae animae,
o fili, dic, quare
Permittis dolere me
pro te tam amare?

103. Ubi est, quod habui,
gaudium tam latum,
Dum virgo concepi te
peperique natum?
In magnam maestitiam,
heu, nunc est mutatum,
Dum te, meum gaudium,
video necatum.
104. Sed dolendo domina
modum conservabat,
Firmam fidem retinens
nihil desperabat,
Immo iuste doluit
recteque plorabat,
Dum iniuste Dominum
perimi spectabat.
105. Tunc volentes Dominum
sepulcro locare,
Ne tam cito facerent,
coepit haec rogare,
Hi volebant mortuum
sepulturae dare,
Ipsa ad se visa est
corpus retractare.
106. Inter eos taliter
pia lis fiebat,
Sed eorum quilibet
acriter dolebat,
Et pro matre virgine
maxime plangebat,
Quia ipsa anxie
ingiter lugebat.
107. Tunc ad tumbam Domini
singuli venerunt
Et sepulto Domino
laudes persolverunt,
Sed Mariae oculi
lacrimas fuderunt,
Singultus et gemitus
eam vexaverunt.
108. Taliter in tumulto
Iesu collocato
Genetrix tristissima
benedixit nato,
Commendavit, aestimo,
eum patri grato,
Gemens, flens et eiulans
pro mortificato.
109. En, qui nunquam moritur,
dominus deorum
Sepelitur mortuus
manibus servorum,
Quem nec terra continet
nec caeli caelorum,
Clausus est sub lapide
more subuorum.
110. Tunc is, cui Dominus
matrem commendavit,
Iohannes videlicet
lugentem levavit
Urbemque Ierusalem
cum ea intravit
Et ei ut filius
pie ministravit.
111. Tunc devotae feminae,
quae ista viderunt,
Quae viventem Dominum
secutae fuerunt,
Mortuo obsequium
gratae praeberunt,
Ementes aromata
ei paraverunt.
112. Inter quas Magdalena
talis videbatur,
Quod sexus feminei
obliviscebatur,
Sic amoris ignibus
fervens reddebatur,
Quod pergens in tenebris
nihil verebatur.
113. Sed virgo puerpera
fletibus vacabat,
Lugendo post filium
ingiter plorabat,
Quanta passus fuerit,
mente haec tractabat
Et in corde languido
flendo ruminabat.

114. Die autem tertia
Christo resurgente,
Captivos ab inferis
secum educente,
Descendebat angelus
de caelo repente
Terrae motu pariter
facto vehemente.
115. Maria Magdalena
ad tumbam pergebat
Secumque aromata
parata ferebat,
Nec arma nec homines
feros metnebat,
Sed ferventer diligens
Dominum quaerebat.
116. In tumbam aspiciens
Christum non videbat,
Conturbata amplius
sublatum credebat,
Consolantes angelos
audire metnebat,
Nulli nisi Domino
placere valebat.
117. Et quia ferventius
ceteris quaerebat,
Ipsi soli Dominus
primus apparebat,
Et, ne eum tangeret,
statim prohibebat,
Sed, quod vivum viderat,
fratribus dicebat.
118. Passionis Domini
finito agone,
Et ex Iudae genere
vincente leone,
Suscitato filio
victoque dracone,
Ergo Dei genetrix
dolores depone.
119. Gaudens vide filii
corpus immortale,
Subtile et agile
et spirituale,

- Cui non nocebit plus
coniunctum carnale,
Resurrexit, ut dixit
die quodam tale.
120. Si gaudet Magdalena
viso peramato,
Qui eam absolverat
a suo peccato,
Multo magis gaude tu,
mater, viso nato
In tam vivo corpore
iam glorificato.
121. Deprecor te, domina,
et hanc Magdalenam,
Iuvate, ut cogitem
Christi passi poenam
Atque conscientiam
habeam serenam,
Dei atque proximi
caritatem plenam.
122. Tibi epa offero
mater haec divina,
Angelorum domina,
caelorum regina,
Reorum refugium,
aegris medicina,
Hoc, te rogo, suscipe,
stella o marina.
123. Domina, legentes hoc
deprecor audito,
Saepius legentibus
pie subvenito,
Legentes saepissime,
ne cadant, fulcito,
Hoc amantes intime
ut tuos munito.
124. Me ut tuum, domina,
velis custodire,
Tibi semper coge me
devote servire,
Precor, ne de cetero
indignum perire
Nec nisi praesente [te]
sinas me obire.

- | | |
|--|---|
| <p>125. Pie lector, oro te,
 recitare velis
 Semel ad christiferam
 Ave Gabrielis,
 Ut me, qui hoc compegi,
 collocet in caelis
 Et cunctorum hostium
 protegat a telis.</p> | <p>126. O Deus omnipotens,
 cuncta qui disponis,
 Unus in substantia,
 trinus in personis,
 Fac nos ita memores
 Christi passionis,
 Ut aeternis perfrui
 mereamur bonis.</p> |
|--|---|

127. O Pater, qui filium
 in mundum misisti
 Et per eum impios
 iustificavisti,
 Fac nos velle, quae tu vis,
 nolle, quae odisti,
 Nosque salva meritis
 matris Iesu Christi.

Cod. Carolsruhan. Augien. 36. saec. ^{14/15}. — 3, 6 pravis non. — 15, 3 putredinem. — 40, 8 meae. — 49, 7 Et verba. — 57, 4 indesinenter. — 60, 7 Heu tunc doloris. — 60, 8 tunc fehlt. — 66, 3 cogo. — 69, 7 ne in morte. — 74, 5 Per te mihi; oder construere: aliquid tui doloris. — 106, 7 Quod ipsa. — 116, 7 Nulli sine. — Vorher geht: Incipit Planctus gloriosissimae virginis Mariae; dann:

Lector posco pie, virginis memorare Mariae,
 Non hic auctorem reputes sed quare saporem,
 Esto, quaeso, mitis et pro factore preceris,
 Ut verae vitis caelesti dono satieris.

Hierauf folgt ein Prologus in sechs Sequenz-Strophen. Derselbe ist zusammengesetzt aus Teilen der Sequenz: Surgit Christus cum tropaeo (Kehrein, Nr. 227) und der letzten Strophe der Sequenz: Gaude Sion, quod egressus (Kehrein Nr. 800). Hieran schließt sich noch die Strophe:

Virgo mater, pia, bona,
 Advocata et patrona,
 Prece semper sedula
 Apud curiam summi regis
 Derelicti vices gregis
 Commenda per saecula.

Bei II steht: Sequitur confessio, bei III: Sequitur responsio beatæ Mariae, bei IV: Sequitur gratiarum actio animæ.

162. De Compassione BMV.

R° Dic, Maria, quid vidisti
 Contemplando crucem Christi?

- | | |
|--|---|
| <p>1. Vidi Iesum adligatum,
 Sic aspexi dulcem natum
 Vinctum duci ad Pilatum
 Peccatorum manibus.</p> | <p>2. Vidi turbam cognitorum
 Undecim apostolorum
 Gravi metu Indaeorum
 Christum derelinquere.</p> |
|--|---|

3. Vidi Petrum sic ferocem
Dantem morti se per vocem
Formidasse servae vocem
Ter negantem Dominum.
4. Vidi Petrum paenitentem
Et amarus fletus dantem,
Lacrimando se pulsanter
Tunc, cum gallus cecinit.
5. Vidi coram tribunali,
Quem figebant testes mali,
Pro responso quali, quali
Alapa contunditur.
6. Vidi Iesum flagellari,
Heu, spinis coronari,
Illudendo blasphemari,
Meum dulcem filium.
7. Vidi eum deformatum,
Per flagella maceratum
Pondere crucis gravatum
Dorso eius proprio.
8. Vidi Iesum spoliari
Et in cruce sublevari,
Tali more condemnari
Pro mundi criminibus.
9. Vidi Iesum exaltatum,
Dum caput coronatum,
Latus sacrum perforatum,
Aqua, sanguis profuunt.
10. Vidi „Heli“ ter clamantem,
Sitim felle refoventem,
Vatum scripta consummantem,
Tunc emisit spiritum.
11. Vidi pravos illudentes,
Verbis ad eum clamantes,
Regem ipsum ignorantes
Supernorum civium.
12. Vidi tunc me desolari,
Nimis corde conturbari
Et Iohanni commendari;
Dolor me transverberat.
13. Vidi solem obscurari,
Terram nimis conquassari,
Monumenta reserari
Morte dulcis filii.
14. Vidi de cruce sublatum
Vitae fontem sic fuscum,
Monumento tunc illatum,
Quem Ioseph recondidit.
15. Vidi Christum resurgentem,
Claustra mortis infringentem,
Protoplaustos liberantem
Fracto mortis vinculo.
16. Vidi caelos conscendentem,
Portam regni iam pandentem
Et ad vitam nos vocantem
In caeli palatio.
17. Nunc te rogo, mater Christi,
Fer medelam mihi tristi
Eius, quem caste concepisti,
Sic facta memoria.

Orat. ms. saec. 15. Cod. Mantuan. E I 27. — 5, 2 fingeant. — 7, 3 Pondo crucis aggravatum. — 9, 4 Aqua et sanguis. — 14, 1 de cruce tunc.

163. Planctus beatæ Mariæ V.

1. Virgo plorans filium
Ductum ad supplicium:
Dic, o rex humilium,
Fili, quid fecisti,
Quia gens incredula,
Mordax velut vipera
Te traxit ad vincula
Et crucem subisti?
2. Te in cruce video
Fixum clavo ferreo,
Dulce fili, defleo,
Dulcis amor meus.
Ecce, mater misera,
Quae te parvum tenera
Nutrivit ad ubera,
Fili mi, o Deus!

3. Moreris et morior,
Pateris et patior,
Maerore afficior,
Tecum volo mori;
Qui es totum gaudium,
Dans Iohannem filium
Sed parvum remedium
Materno dolori.
4. Cerne matrem miseram,
Virginem puerperam,
Quam in annis teneram
Tibi dedicasti,
Ut pupillam oculi
Te servavi saeculi
Qui peccata populi
In cruce portasti.
5. Fili venerabilis,
Multum delectabilis,
Non est dolor similis
Sicut dolor meus;
Matrem tuam respice,
Fili mi dulcissime,
Noli me deserere,
Dulcis amor meus.
6. Fili mi, tu loquere
Et mori me patere,
Cur me solam linqvere,
Fili, vis Iudaeis?
Heu, mors amarissima
Te rapit, o misera,
Iam recedat gratia,
Moreris pro reis.
7. Vadis, vera hostia,
Mortis ad supplicia,
Solus fers stipendia
Ad salvandas gentes.
Ubi Thomas Didymus
Vel Petrus apostolus,
Qui dixerunt „Ibimus
Tecum morientes“?
8. Sed tu plagas pateris
Manuum ac lateris,
Et tu solus duceris
Ad crucifigendum.
Natus sine crimine
De me matre virgine,
Agnus sine murmure
Is ad redimendum.
9. Cum in te considero,
Certe pati video
Crucis in patibulo
Sine culpa poenas;
Quanta fers supplicia,
Verbera, ludibria,
Habens in opprobria
Tuas sputa genas.
10. Tamquam latro caperis
Et ligatus duceris
A Iudaeis miseris
Mortem crucis pati
.
.
.
.
11. Heu, Petre, cur frangeris,
Firmam petram deseris?
Pro quo mori asseris,
Iuramentis negas.
Ante multum loqueris,
Postea mulieris,
Naeh, a verbo sterneris
Atque vitam negas.
12. Solus pastor caeditur,
Totus grex dispergitur,
Pastor bonus patitur,
Et crux fugat mortem.
Mors morte destruitur,
Dum sic vita moritur,
Manus crucifigitur
Et destruxit sortem.
13. Quare tanta pateris,
Cum nihil peccaveris,
Quare nunc sic moreris,
Dulcis amor meus?

Cod. Guelfenbyteran. 1385. Helmstadien. 1277. saec. 15. — 7, 1 Vadit. — 11, 1 Heu me Petre. — 11, 2 iam deseris. — 11, 5 In te multum. — 11, 6 Ne aucto sterneris.

164. *Dialogus Mariae cum Populò.*

Populus.

1. O perpulchra domina,
cur sic perturbaris?
Nive quae candidior,
fletu denigraris,
Luna, sole clarior,
lugens eclipsaris,
Singulorum gaudium,
tristis lacrimaris,
Vita, salus hominum,
mortua iudicaris?

Maria.

2. Dic, quare non debeam
aspere lamentari,
Natum meum intuens
acriter vulnerari?
Totus sanguis funditur
manu militari,
Nulli membro parcitur,
sic commaculari
Corpus eius video,
dolens haec effari.

Populus.

3. O regina saeculi,
barathri dominatrix,
Scala caeli splendidi,
hominum imperatrix,
Virgo mater Domini,
splendida mediatrix,
Non est sui criminis
plagula vulneratrix,
Mortem morte liberat,
haec sunt, dominatrix.

Maria.

4. Et si prosit homini
dura flagellatio,
Meae tamen animae
haec est gladiatio,
Nam non sensus discutit,
obumbratur ratio,
Cum matris sit ad filium
perfecta compassio,
Quae praedixit fieri
prophetica narratio.

Populus.

5. O fontalis venia,
parce delinquenti,
Sanctorum victoria
gloria praecellenti,
Malo quinque verbula
quam mille legenti,
Secundum tua gaudia
hoc do paenitenti,
Quamvis sit apocrypha,
claret hoc student.

Orat. ms. Anglicanum saec. 15. Cod. Maihingen. I 2. 8° 19.

165. *De V Doloribus BMV.*

1. Maria dulcis, miseros
nos audi loquentes,
Has quinque tristitias
tibi referentes.

2. Primam fers tristitiam
templum te intrante,
Dum prophetat Simeon
de ense vulnerante.

- | | |
|--|--|
| <p>3. Secundo luctus oritur,
quando rediisti,
Natum in Ierusalem
quando perdidisti.</p> <p>4. Dum hunc captum prospicis
ternus dolor crescit,
Dum materna caritas
subvenire nescit.</p> <p>5. Quarto tuo animo
valde sauciaris,
Hunc pendentem publice
dum cruce specularis.</p> | <p>6. Quinta fit maestitia,
dum ipse defunctus
Cruce tuis brachiis
natus est coniunctus.</p> <p>7. Per has quinque tristitias
ablue maerorem
Atque nos ad caelicum
transfer nunc amorem.</p> <p>8. Et quia statum mundi
nescimus meliorem,
Post hanc vitam animas
ad summum duc honorem.</p> |
|--|--|

Orat. ms. saec. 15. Cod. Palat. Vindobonen. 4659. A. — Orat. ms. anni 1508. Hs. der k. u. k. Familien-Fidei-Kommis-Bibliothek. 7955. B. — Orat. ms. saec. 15. Cod. Londinen. Harl. 2894. C. — Orat. ms. saec. 15. Cod. Sangallen. 517. D. — 1, 1 Maria dulcis, dulcis audi me A; Maria dulcis misericors miseros BCD. — 1, 2 miserum loquentem A. — 1, 3 Has fehlt ACD. — 1, 4 referentem A. — 2, 2 templo A. — 2, 3 prophetavit D. — 1, 4 ense te vulnerante B. — 4, 1 fehlt D; Dum ipsum BC; Ipsum dum A. — 4, 2 tertio dolor D. — 4, 3 Cum B. — 5, 4 dum fehlt D; cruce dum B. — 6, 1 Quinto fuit D. — 6, 3 De cruce B. — Str. 7 und 8 fehlen A. — 7, 3 sq. fehlen B. — Nach 8, 4 fügt D noch bei: Maria, virgo virginum, consolatrix miserorum.

166. De V Doleribus BMV.

- | | |
|--|---|
| <p>1. Recordare, o Maria,
Quo dolore tua pia
Perfusa sunt intima,
Dum narrante Simeone
Transfigenda cum mucrone
Tua fertur anima.</p> <p>2. Recordare, virgo clemens,
Tuum natum quantum gemens,
Quem quaerebas triduo
Flens, dum illum perdidisti,
Qui est salus, invenisti
Cum corde assiduo.</p> <p>3. Recordare, quod turbatum
Est cor tuum, dum artatum
Cognoscebas filium,
Quo detento liberabar,
Qui in culpis captivabar
Praesenti in exsilio.</p> | <p>4. Recordare, quantum flebas,
Dum in cruce hunc cernebas
Moriens deficere,
Quia ventris tui fructus
Sic sanare nostros luctus
Volens ac deicere.</p> <p>5. Recordare, o praeclara,
Quam immensa, quam amara
Tua fuit anxietas,
Dum in cruce est levatus
Et in tuas ulnas datus,
Qui est vera pietas.</p> <p>6. Recordare quinque horum
Tormentorum ac dolorum
Perenni memoria,
Ut omnes, qui te invocamus,
Per te sisti valeamus
In caelesti gloria.</p> |
|--|---|

Orat. ms. Carthage. Hildesheimen. saec. 15. Cod. Iosephini Hildesheimen 3(6).

167. De VII Doloribus BMV.

1. Ave, virgo, genuisti,
A Simeone dum audisti,
Cuius doloris gladio
Transgladieris animo;
Fac nos pro nostro scelere,
O pia mater, gemere,
Ne in peccati pulvere
Obdormiamus temere.
2. Ave, virgo, quae dolebas,
In Aegyptum dum fugebas
Ab Herodis imperio
Cum Ioseph atque filio;
Sic a peccatis omnibus
Et a daemonis nexibus
Fac nos solutos libere
Ad tuum natum fugere.
3. Ave, mater, per triduum
Dolendo tuum filium
Inter cognatos quaerebas,
Hunc in templo sed cernebas;
Fac nos Iesum quaerere
In praesenti curia
Et post mortem cernere
In paradisi gloria.
4. Ave, virgo, quae maerebas
In spiritu, dum cognoscebas
A Iudaeis captivatum
Dulcem Iesum, tuum natum;
Sancta mater, istud age,
Captum in peccatis trahe
A peccatorum sarcina
Ad superna gaudia.
5. Ave, virgo, quae flevisti,
Dum secuta tu fuisti
Crucifigendum filium
Euntem ad supplicium;
Fac nos, mater, tecum flere,
Crucifixo condolere,
Ut crucifixum filium
Sequamur in perpetuum.
6. Ave, quae planxisti natum,
Dum vidisti desolatum
Poenis ut latro pendentem
Et in cruce morientem;
Tuo planctu contristatos
Fac nos tecum plangere,
Eius cruce consignatos
Poenasque recolare.
7. Ave, martyr martyrum,
Transgladiata nimium,
Dum vidisti filium
Emisisse spiritum;
Fac nos, pia, vulnerari
Amoris tui gladio
Et post mortem collocari
In caelesti stadio.

Cod. Carolsruhan. Augien. 36. saec. 14/15. — 1, 1 virgo, quae genuisti. — 3, 1 mater, quae per. — 6, 4 Et fehlt. — Das Lied wird interessant durch die mehrfachen Entlehnungen aus dem Stabat mater.

168. De VII Doloribus BMV.

1. Simeonis nuntium,
matri quod praedixit,
Cor reginae virginum
graviter afflixit,
Vulnus incredibile
cordi dum infixit,
Donec eius unicus
mortuus revixit.
2. Mater pudicissima,
cum iam perdidisti
Filium dulcissimum
et hinc dolaisti
Ipsamque post triduum
in templo vidisti,
Dolorose quereris:
quare sic fecisti?

3. Cum propinquat eminus
tempus passionis,
Renovatur virgini
mucro Simeonis,
Verba dantur mutuae
valedictionis,
Dum ad opus hominum
it redemptionis.
4. Dum caro virginea
nati flagellatur,
Caeditur, conspuitur,
ridetur, velatur,
Operitur purpura,
spinis coronatur,
Videns haec castissima
mater contristatur.
5. Reversatur iteram
mucro pungitivus,
Fitque cordi virginis
dolor disiunctivus
Corporis et animae,
natus genitivus
Dum per mortem tollitur,
datur adoptivus.
6. Continet in gremio
morte deformatum
Mater, quem cognoverat
speciosum natum,
Manibus virgineis
tractat vulneratum,
Fit cor eius denuo
valde contristatum.
7. Hora completorii
est credendum vere,
Virgo mater Domini
quia coepit flere
Magis, quod non licuit
mortuum tenere,
Quam quod prius debuit
vivente carere.

Orat. ms. Francisc. Monacen. saec. 15. Clm. Monacen. 9084.

169. De VII Doloribus BMV.

1. Christi matris animam
vicibus et horis
Septenis pertransiit
gladius doloris.
2. Te, Maria, gladius
doloris anxiauit,
Quem in templo Simeon
primum prophetavit.
3. Secundus, cum parvuli
Bethlehem necantur
Et per matres flebiles
voce deplorantur.
4. Tertius, cum triduo
Iesum amisisti
In doctorum medio
eumque invenisti.
5. Quartus, cum in spiritu
scires captivari
Iesum [atque] vinculis,
sputis, flagris dari.
6. Quintus, cum in medio
latronum pendentem
Crucifixum cerneret
atque morientem.

- | | |
|--|--|
| <p>7. Sextus, cum depositum
de cruce tulisti,
Fletum et suspiria
gravia dedisti.</p> <p>8. Septimus, cum tumulo
corpus abscondisti,
Flens et quasi mortua
inde recessisti.</p> | <p>9. Fac me, virgo, plangere
tecum ac turbari,
In extremis ut queam
per te consolari.</p> <p>10. Hos dolores recole
dolens cum Maria;
Christe, me caelicolam
fac cum matre pia.</p> |
|--|--|

Collect. ms. Garstense saec. 13/14. Cod. Lincen. Cc II 6.

170. De V Gaudiis BMV.

- | | |
|--|--|
| <p>1. Primum fuit gaudium,
cum, virgo, vidisti
Gabrielem nuntium
per quem cognovisti,
Quod deberes fieri
mater Iesu Christi,
De modo non dubitans
modum quaesivisti.</p> <p>2. Secundum, cum puerum,
virgo, peperisti
Et erranti populo
lucem protulisti,
Cum tu, pura, puerum
pannis involvisti
Et pastores gaudii
testes recepisti.</p> <p>3. Per tres magos gaudium
tertium sumpasisti,
Adorantes puerum
dum hos conspexisti
Atque trium munerum
causas perpendisti,
Regnum, mortem, gloriam
nati coniecisti.</p> | <p>4. Et ad quartum gaudium
tota conflexisti
Et ad risum prosperum
faciem solvisti,
Cum surgentem filiam
amplexa fuisti,
A quo refrigerium
dulce recepisti.</p> <p>5. Quintum, cum in corpore
caelos ascendisti
Et cum, quem lactaveras,
Deum conspexisti,
Tunc memor praesaepii
thronum stupuisti,
Cum ad nati dexteram
conregnans sedisti.</p> <p>6. Ergo per haec gaudia,
mater magni Dei,
Gloriosa domina,
mater sanctae spei,
Apud ipsum memor sis,
oro, precor, mei
Meque reconcilia
sine fine ei.</p> |
|--|--|

Scala caeli saec. 14. ex. Cod. Pragen. XIII E 3. A. — Orat. ms. Carthus. Hildesheimen. saec. 15. Cod. Iosephini Hildesheimen. 3 (6). B. — 2, 4 edidisti B. — 2, 5 Pura purum puerum B. — 3, 3 Cum orantes puerum B. — 3, 4 ipsos conspexisti B. — 3, 5 Et tres trium B. — 3, 8 quando iacuvisti B. — 4, 2 confluvisti A. — 4, 3 risum proprium B. — 4, 5 Eo surgente filio B. — 4, 6 tu consurrexisti B. — 4, 7 Et surgentem filium B. — 4, 8 amplexata fuisti B. — 5, 3 Et quem tu B. — 5, 8 regnantis B. — Str. 6 fehlt B.

171. De V Gaudiis BMV.

- | | |
|---|---|
| 1. Gaude, virgo, gaudium
Mundo dans per filium,
Qui a patre genitus
Promissus est redditus,
Tua sugit ubera.
Primum tibi gaudium
Per caelestem nuntium
Missum fuit caelitus,
Per quod tua spiritus
Fecundavit viscera. | 2. Secundum nativitas
Christi, quando deitas
Latuit in homine
Carnis tecta tegmine
Ut esca muscipula;
Tertium mirabilis
Cunctisque perutilis
Christi resurrectio
Et quartum ascensio
Regnantis in saecula. |
| 3. Quintum, cum rex gloriae
Te coniunxit curiae
Caeli super omnia
Exaltans in gloria
Agmina spirituum.
Virgo, per haec gaudia
Fac, ut nos in patria
Omni pulso vitio
Laudes tuo filio
Demus in perpetuum. | |

Orat. ms. Domus Novae Lucis anni 1477. Cod. Ultraiectin. Scriptt. Eccl. 375.

172. De V Gaudiis BMV.

- | | |
|---|---|
| 1. Gaude, virgo mater Christi,
Quae per aurem concepisti,
Gabriele nuntio,
Ipsa sola tu fuisti,
Quae pacem cunctis emisti
De tuo servitio. | 4. Gaude, Christo ascendente
Qui in caelum te vidente
Motu fertur proprio,
Sonus de caelo repente
Apostolis fit non lente,
Redditur in solio. |
| 2. Gaude, quia Deo plena
Peperisti sine poena
Cum pudoris lilio,
Ob hoc nulla rupta vena
Virgo manens et serena,
Natum ferens gremio. | 5. Gaude, quae post ipsum scandis,
Et est honor tibi grandis
In caeli palatio,
Ubi cenas vere mandis
Et, quod habes, cunctis pandis
Et das parvo pretio. |
| 3. Gaude, quia tui nati,
Quem dolebas mortem pati
Fulget resurrectio,
Per quem sumus liberati
Et veteris renovati
Ab erroris devio. | 6. Ubi fructus ventris tui
Per te nobis detur frui
In perenni gaudio,
Fac nos peccatis exui
Et tecum caelo statui,
Amen dicat contio. |

Cod. Carolaruhan. Augien. 36. saec. 14/15. — 4, 2 Et in caelum. — Nach 6, 6 vielleicht Sequenz.

173. De V Gaudiis BMV.

- | | |
|---|---|
| <p>1. Gaude, virgo concipiens
Verbo virumque nesciens,
Te salutavit Gabriel
Praedicens, quod Emanuel
Pareres, et integritas
Maneret et virginitas
Tibi inviolata.
Ha, propter istud gaudium,
Salus et spes fidelium,
Nostri sis apud filium
Miserans advocata.</p> <p>2. Gaude, clausa parturiens,
Dolores partus nesciens,
Ut vitrum sol ingreditur,
Nec per ingressum laeditur,
Ex te Christus sic oritur,
Nec pudor diminuitur,
Ac manes illibata.</p> | <p>3. Gaude, videns resurgere
Tuo lactatum ubere;
O, quam laeta tunc fueras,
Quando, quem mori videras
Passum poenas innumeras,
Resurrexisse sciveras
Morte mortificata.
Ha, propter istud gaudium,
Salus et spes fidelium,
Nostri sis apud filium
Miserans advocata.</p> <p>4. Gaude, destructo funere
Natum videns ascendere
Ad caelos super sidera
Captivitate libera,
Ubi patris in dextera
Summa regit et infera
Carne glorificata.</p> <p>5. Gaude, quae iuncta filio
Suo laetaris gaudio;
Quam digna est praeconio
Tua felix assumptio!
Nam frueris consortio
Stellato sedens solio
Regina coronata.</p> |
|---|---|

Orat. ms. Flandricum saec. 15. Cod. Sitanstetten. 95. — 1, 8—11 wieder-
holen sich nach jeder Strophe.

174. De V Gaudiis BMV.

- | | |
|---|--|
| <p>1. Heu, miser quid faciam?
Plenus sum dolore,
Nescio, quo fugiam
Mortis prae timore,
Nisi ad te, domina,
Stella cum nitore,
Fulgens super omnia
Speciali more.</p> <p>2. Ave, virgo regia,
Cella Iesu Christi,
Quae tu plena gratia
Verbo concepisti
Castitatis lilium
Neque perdidisti,
Sed aeterni filium
Patris genuisti.</p> | <p>3. Ave, de qua nascitur
Noster advocatus,
Et de cuius pascitur
Lacte Dei natus,
O regina virginum,
Quaeso, sit placatus
Per te Deus omnium
Puer nobis datus.</p> <p>4. Ave, plena gaudio,
Mater, inquam, Dei,
Resurgente filio
Tertiae diei
In aurora, nuntia,
Per quam verae spei
Nobis datur gratia,
Confitemur ei.</p> |
|---|--|

5. Ave, nostrum gaudium,
 Laeta quae vidisti
 Ascendentem filium,
 Quem tu peperisti;
 Vitis o fructifera,
 Sponsa Iesu Christi,
 Salva nos et libera
 De timore trīsti.

6. Ave, plena gratia,
 Virgo coronata,
 Summa cum laetitia
 Caelo exaltata,
 Spes et nostra gloria,
 Clemens advocata,
 Nobis in memoria
 Sis propitiata.

7. Per haec quinque gaudia,
 Verbi Dei cella,
 Mortis tua gratia
 Dira placā bella
 Atque nos a dentibus,
 Virgo, maris stella,
 Tartari foetentibus
 Erue, puella.

Cod. Londinen. Reg 7 A VI. saec 14/15. A. — Aus einer Wolfenbüttler Hs. (Milchsack, 87) B. — 1, 4 prae dolore A. — 1, 5 Nisi tibi A. — 1, 6 cum virore A. — 2, 3 Quae in plena A. — 2, 4 Virgo concepisti A. — 3, 8 nobis natus B. — 5, 3 dominum B. — 5, 5 O vitis B. — 6, 4 collocata B. — 6, 5 Spes o nostra B. — 6, 7 Nobis cum victoria B. — 7, 1 Per haec quoque vulnera B. — 7, 3 Mortis tui B. — 7, 4 Pelle dira bella B. — 7, 7 sedentibus B. — 7, 8 Eripe B.

175. De V Gaudiis BMV.

- Salve, stella maris, via, virgo Maria, salutis,
 Lux caecis, claudis gressus, facundia mutis.
 Salve, munditiae virgo, matrona pudoris,
 Mater, quam puritas ornat, regina decoris.
5. Nomine multiplici vera te scriptura decorat,
 Quam mare, terra, polus, quam spiritus omnis adorat.
 Tu flos, tu fructus, tu fons, rosa tu sine spina,
 Spes miseris, fessis requies, aegris medicina,
 Sol rutilans, aurora micans sine vespere, porta
10. Iustitiae, per quam lux caelica prodiit orta.
 Sponsa, thoros sponsi, thalamus, vinaria cella,
 Remigium, per quod maris est vitata procella,
 Virgula pigmenti redolens, paradisus amoenans,
 Hortus conclusus, tu lux tenebrosa serenans.
15. Virga virens Aaron vellusque madens Gedeonis,
 Quae vires veteris vicisti sola draconis.
 Tu lac dulcore, tu balsama vincis odore,
 Lilia candore praecellis melque sapore.
 Tu fulgens, rutilans, tu candida, tu rubicunda,
20. Tu speciosa nimis et ab omni crimine munda.
 Tu sacra Ierusalem, tu verae visio pacis,
 Pace data machinas hostis confringe rapacis.
 Arbor odorifera, fecundo praedita fructu,

- Cuius ab aeterno gustus lavat omnia luctu.
25. Tu pratum vernans, tu palma, cupressus, oliva,
Munera divina donans tu dextra dativa.
Tu fulgens choris, candore thronus Salomonis,
Tu pretiosarum virtutum praedita donis.
Aeterni regis tu filia, mater, amica,
30. Tu nutrix, ancilla, soror, tu sponsa pudica,
Triste nihil redolens, lacrimosum nil sapuisti,
Singula qui solus dat gaudia, quem peperisti.
Gaudia gaudenti tibi singula cum famulentur,
Quinque tamen reliquis tibi gaudia pluris habentur.
35. Primus erat plausus, in quo gavisa fuisti,
Voce salutari Gabrielis dum meruisti,
Dum Christi matrem te nuntiat esse futuram
Atque puellare post partum ius habituram;
Qualiter hoc esset faciendum, cauta petisti,
40. Credula de facto, sed scire modum voluisti.
Prospera succedent in plausu cuncta secundo,
Dum de te vita nascens est reddita mundo,
Pura paris puerum, proprium, virgo, genitorem,
Virginitatis habens cum matris iure pudorem;
45. Testantur partum pastores et venerantur,
Dignaque pastori summo praeconia dantur.
In trino plausu gaudes laetata beato,
Dum tria tres reges dant regi munera nato;
Reges ad fidei perducit praevia portum
50. Stella, novum regem quae signat in orbe subortum,
Carne latens deitas signatur per data tura,
Murra mors hominis, auro regalia iura.
Quartus erat plausus, dum postquam maesta dolebas
Defunctum natum redivivum laeta videbas,
55. In cruce cui passo maerendo condoluisti,
Laeta resurgendo natum complexa fuisti,
Victor ab inferno consurgens dum redit imis,
Arte nova suprema ligans postremaque primis,
Diruta restituens, reddens ablata, reducens
60. Perdita, post mortem vitae novitate relucens.
Quintus adest plausus, quo gaudens glorificaris,
Dum super angelicos cives assumpta laetaris,
Dum scandis loca laetitiae, loca plena favoris,
Quo manet aeterna requies ignara laboris;
65. Prisca tui nati tibi dum memoratur egestas,
Iam tibi regnanti nimis est miranda potestas.
Gaudia plena vigent, ubi nunc in pace locaris,
Illuc virgineum thorum vexisse putaris;
Nos ibi perpetua Christus mercede coronet
70. Atque tuis precibus plausus post tristia donet.

- Suscipe, quaeso, meos per gaudia quinque precatus,
Dilue, quas merui, poenas et terge reatus.
Plaudens plangenti da gaudens gaudia flenti,
Post planctus plausus, post luctus laeta dolenti.
75. Mater, amica, soror et summi nata parentis,
Sponsa pudica, comes caelum terramque regentis,
Ad te clamantum votis assiste parata,
Protege, munda reos, miseris miserere, beata.
Quae tibi non valeo praeconia reddere digne,
80. Suscipe, quaeso, tamen quamvis indigna benigne.
Quas licit indignus tibi solvo, suscipe laudes,
Per te subveniat, cum quo per saecula gaudes.
Quinque per hos plausus devoti quam veneramur,
Te nati quinque per vulnera dira precamur,
85. Redde pium nobis, cum quo regnas sine fine,
Ne nos aeternae tradat post fata ruinae.
Sit tibi, mater, honor, aeternae ianua lucis,
Luci coniungens tenebras, aeterna caducis.
Gloria sit patri, laus proli spirituique
90. Sit decus, imperium, virtus perennis ubique.

Cod. Londinen. Reg. 7 A VI. saec. 14/15.

176. De VII Gaudiis BMV.

- | | |
|--|---|
| 1. Gaude, virgo mater Christi,
Quae per aurem concepisti
Gabriele nuntio,
Dum confestim credidisti
Et sic Fiat protulisti
Adnuens altissimo. | A remotis hi venerunt,
Murrum, aurum, tus tulerunt
Adorato Domino. |
| 2. Gaude, quae a Deo plena
Perperisti sine poena
Cum pudoris lilio,
Quem de caelo tu traxisti,
Caste, virgo, dum vixisti,
Mundi de auxilio. | 5. Adorabant, virgo, natum,
Quem tu mihi fac placatum
Peccatori maximo,
Ut meum solvat reatum
Et cum hoc me nunc beatum
Faciatur in saeculo. |
| 3. Genuisti, virgo, solem,
Sicut spina mundum florem.
Nova [prorsus] genitura;
Protulisti, mater, prolem,
Qui peccati nostri molem
Aufert per te, virgo pura. | 6. Gaude, virgo, praesentatus
Per te quod est tuus natus
Legis testimonio,
Mundo per te vere datus
Mihi, peto, fiat gratus
Et omni pio populo. |
| 4. Gaude, quod tres dona ferunt
Nato, quem adoraverunt
Virgineo in gremio, | 7. Gaude, quia tui nati,
Quem videbas mortem pati,
Fulget resurrectio;
Gavisi sunt discipuli
Et multitudo populi
Viso pio Domino. |

- | | |
|--|---|
| <p>8. Christus tibi, cum surrexit,
Deitatis tunc detexit,
Pia virgo, gloriam
Et te sanctam, quam dilexit,
A dolore sic erexit
Suae mortis dominam.</p> <p>9. Gaude, mater, ascendente
Christo caelum, te vidente
Motu fertur proprio;
Oro, tibi supplicante,
Ipso memet adnuente
Transfer de exsilio.</p> <p>10. Iam me taedet et me laedit
Vitae, quia non oboedit
Caro vilis animae,</p> | <p>Unde cum abhinc recedit,
Da videre, quod iam credit,
In caelesti culmine.</p> <p>11. Gaude, mater, quia scandis
Et est tibi honor grandis
In caeli palatio,
Ubi fructus ventris tui
Per te nobis detur frui
In perenni gaudio.</p> <p>12. Gaude, quia, ut a sole
Dies fit, a tua prole
Et tua praesentia
Illustrata iucundatur,
Iucundata gratulatur
Tota caeli curia.</p> |
|--|---|

Scala caeli saec. 14. ex. Cod. Pragen. XIII E 3.

177. De VII Gaudiis BMV.

- | | |
|--|---|
| <p>1. Gaude, virgo generosa,
Cuius vita gloriosa
Mundo confert gaudium,
.
.
.</p> <p>2. Gaude, virgo, Dei porta,
Te laudantes nos conforta
Perenni subsidio,
Quem dum in ventre portabas,
Elisabeth ministrabas
Amoris obsequio.</p> <p>3. Gaude, virgo singularis,
Decus orbis, lux solaris,
Digna Christum parere,
Sis pro nobis advocata,
Tuo nato virgo grata,
Die mortis miserae.</p> | <p>4. Gaude, virgo, mater Christi,
Quem adorare vidisti
Reges cum muneribus,
Dignare nos te laudare
Sic, ut possimus regnare
Sursum in caelestibus.</p> <p>5. Gaude, mater summi regis,
In sequendo formam legis
Filium cum hostiis
Praesentasti fide plena,
Virgo decens et amoena,
Purga nos a vitiis.</p> <p>6. Gaude, mater, quae filio
Resurgente cum gaudio
Felici laetitia
Gavisa es prae ceteris,
Subveni, quaeso, miseris
Donando vitae praemia.</p> |
|--|---|
7. Gaude, mater ascendente
Iesu Christo te praesente
Cum ingenti iubilo,
Te precamur, nos dirigas,
Mentesque nostras erigas
In aevae vitae speculo.

Orat. ms. Domus Novae Lucis anni 1477. Cod. Ultraiectin. Scriptt.
Eccl. 375. — 4, 1 mater Dei.

178. De VII Gaudiis BMV.

- | | |
|--|--|
| 1. Gaude, stirpe regis nata,
Ab angelo salutata
De superni nuntio. | 5. Gaude, virgo decorata,
Cui est manifestata
Eiusdem ascensio. |
| 2. Gaude, fide gravidata,
Novo privilegiata
Partus privilegio. | 6. Gaude, sancto consolata
Spiritu, irradiata
Suae lucis radio. |
| 3. Gaude, fructu decorata,
Tribus magis adorata
Signo stellae praevio. | 7. Gaude, superexaltata,
In carne glorificata,
Recepta cum filio. |
| 4. Gaude, Maria beata,
Admodum laetificata
Resurgente filio. | 8. Per haec gaudia sacrata
Mala nostra sint ablata
Tuo patrocinio. |
9. Sancta et immaculata,
Per te nobis pax sit data
Et caelorum mansio.

Orat. ms. Italum saec. 15. Cod. S. Ignatii Londinen. s. n.

179. De VII Gaudiis BMV.

- | | |
|--|---|
| 1. Ave, virgo virginum,
Ave, salus hominum,
Ancilla, quae Dominum
Genuisti, virgo, gaude;
Ave, verum gaudium,
Amor et solacium,
Sis mihi principium
Et finis in tua laude. | 4. Per hoc gaudium precamur,
Qui hunc regem veneramur,
Habere propitium,
Ut ab eo protegamur,
Protecti recipiamur
In terra viventium. |
| 2. Pater, verbum, spiritus
Assit mihi caelitus
Et tu, plena gratiae,
Ut ad tuum libitum
Sit cor meum deditum,
Reddens tibi debitum
Laudis et laetitiae. | 5. Secunda laetitia
Fuit ortus nuntia
Angelis canentibus:
In excelsis gloria.
Norunt animalia
Deum in praesaepia
Testibus pastoribus. |
| 3. Gaudia, quibus plus gaudes,
Honores, virtutes, laudes
Dicam Deo annuente
Corde, lingua, voce, mente.
Primum gaudium de caelis
Venit ore Gabrielis,
Voce dicentis serena:
Ave, tu gratia plena. | 6. O Maria, mater pia,
Esto nobis recta via
Apud tuum filium
Atque pro tua gratia
Cuncta pelle vitia
Per secundum gaudium. |
| | 7. Post secundam tertiam
Fuit stella regia,
Magos cum muneribus |

- Reges regens praevia,
Deo flexis genibus
Trina dantes munia
Fidem designantia.
8. O Maria, stella mundi,
A peccatis simus mundi
Per te, virgo Maria,
Et virtutibus fecundi,
Laeti tecum et iucundi
Laetemur in patria.
9. Et laetitiae quartae
Maria, soror Marthae,
Fuit fidelis testis,
Cui angelus sic dixit:
Quem quaeritis, revixit,
Ecce, locus et vestis.
10. Ergo, mater creatoris,
Funde preces cunctis horis,
Ut per illud gaudium
Post cursum huius laboris
Beatis iungamur choris
Supernorum civium.
11. Quintum fuit gaudium,
Quando mater filium
Ascendentem vidit caelum
Cunctorum solacium.
12. Per hoc gaudium rogamus,
Ne subici valeamus
Daemonis imperio,
Sed ad caelos ascendamus,
Ubi tecum gaudeamus,
Tecum et cum filio.
13. Sextum sancti spiritus
Dans eis divinitus
Novas linguas, novos sensus,
Scire cunctis penitus,
Nulli in hoc veritus
.
14. Per hoc gaudium beatum
Ora, virgo, tuum natum,
Ut in hoc exsilio
Deleat nostrum reatum,
Ne sit nobis imputatum
In magno iudicio.
15. Hoc septimum gaudium
Non est par alterius,
Quando Dei genetrix
Assumpta superius
Audivit choros et thronos
Angelorum atque sonos,
Videns suum filium,
Creatorem omnium.
16. Virgo, mater pietatis,
Sentiamus bonitatis
Tuae beneficium,
Ut nos serves a peccatis
Et perducas cum beatis
Ad aeternum gaudium.
17. O Maria, tota munda,
A peccatis nos emunda
Per haec septem gaudia,
Et, fecunda, nos fecunda,
Duc nos tecum ad iucunda
Paradisi praemia.

Orat. ms. Caelestinorum saec. 15. Cod. Parisin. 18571. — 7, 6 munera,
gegen den Reim. — 17, 3 Ut per haec septem.

180. De IX Gaudiis BMV.

1. Gaude, virgo singularis,
Virgo mater unica,
Mater veri salutaris,
Salus mundi publica.
Tu de caelo salutaris,
Tu per aurem gravidaris
Et in cella modica
Magnum Deum hospitatis,
Quem nec caeli, terrae, maris
Tota capit fabrica.
2. Gaude, quae, dum honoraris
Voce sic angelica,
Fructu vitae fecundaris
Contra mortis toxica;
Matris infans, quem adfarris,
Scit, quo fructu replearis,
Clausus alvi tunica,
Quo perpenso comprobaris
Via vitae linearis,
Animarum medica.

3. Gaude, quod nec habearis
In conceptu lubrica
Nec in partu torquearis,
Tu porta dominica,
Porta, quae non reseraris,
Tu quae solem stella paris,
Stella non erratica,
Nesciaque parem paris,
In hoc sola praeogaris
Nec instabit aliqua.
4. Gaude, quae dum a praeclaris
Stella duce magica
Reverenter adoraris,
Reges et Arabica
Dona regum admiraris,
Quibus ipsa figuraris;
Murra docet typica,
Quia cruci complantaris,
Auro regnans ostendaris,
Ture mater deica.
5. Gaude, luna transsolaris,
Luna non ecliptica,
Luna, quae non variaris,
Alba, clara, sphaerica,
Quod oblati sacris aris,
Quae offerre tenebaris
Ex lege Mosaica,
Voce lumen, quo lustraris,
Tanti stupet luminaris
Simeon prophetica.
6. Gaude, sinus puellaris,
Maestas authentica,
Quae tyrannum depraedaris
Depraedantem reliqua,
Lupum agno tu venaris,
Qui dum sui fit altaris
Hostia pacifica,
Tuque simul immolaris,
Resurgenti collaetaris,
Soli lux enclitica.
7. Gaude, quae dum consecraris
Divina basilica,
Lapis, supra quem fundaris,
Colla premit hostica,
Lapis quidem angularis,
Reprobatus ab ignaris
In gente Iudaica,
Sed in Christo quae firmaris,
Elevatum contemplaris
Supra quaeque caelica.
8. Gaude, lampas olearis,
Lampas aromatica,
Vas, quod solum non solaris,
Olla spei mystica,
Quod, qua summe replearis,
Exundare merearis
Gratia pneumatica,
Reddendaque largiaris
Tua cara tuis caris
Dona paraclitica.
9. Gaude, quae sic dominaris,
Quod nec habet cantica,
Quibus plene concinaris
Tota mundi musica;
Tu suprema collocaris,
Tu perfecte gloriaris,
Tu potens, tu bellica,
Tu, quae victrix coronaris,
Ne nos vinci patiaris,
Sed pro nobis dimica.

Cod. Londinen. Reg. 7 A VI. saec. 14/15. — 1, 3 salvatoris. — 2, 1 quae sic honoraris. — 2, 4 moris. — 5, 4 Alba clara spica; der Schreiber hat den per-Strich durch das p vergessen. — 5, 5 oblate. — 8, 7 pneumata. — Das Lied bedeutet eine wahre Parforçetour, da derselbe Doppelreim sich durch das ganze Lied hinzieht, u. zw. ohne dasselbe wesentlich zu beeinträchtigen.

181. De X Gaudiis BMV.

- | | |
|---|--|
| 1. Gaude, dulcis o Maria,
Felix et beata,
Prae cunctis mulieribus
Nam es exaltata. | 8. Gaude, quod humanum genus
Per te liberatur
Atque lapsus angelorum
Per te restauratur. |
| 2. Gaude, nam per castitatem
Tuam meruisti,
Quod tu sola saeculorum
Regi placuisti. | 9. Gaude, quia sola tu
Salvatrix miserorum
Es necnon refugium
Et salus peccatorum. |
| 3. Gaude, quia votum tuum
Deus acceptavit
Atque te prae ceteris
Solam adamavit. | 10. Gaude, quia portus es
Et spes desperatorum,
Es quoque solacium
Et mater afflictorum. |
| 4. Gaude, quia mundi rex,
Qui caelum, terram regit,
In sponsam sui thalami
Te solam praelegit. | 11. Gaude, quia Moysi
Legem implevisti
Atque novae gratiae
Vitam inchoasti. |
| 5. Gaude, virgo, quod vocaris
Regina saeculorum
Et in aevum dominaris
Choris angelorum. | 12. Gaude, cunctae creaturae
Te laudant et adorant
Et misericordiae
Matrem te appellant. |
| 6. Gaude, quia splendor es
Et saeculi lucerna
Et glorificata es
Laude sempiterna. | 13. Gaude, pia, gaude, felix,
Vale, iucundare,
Maria, virgo virginum,
Exsultans tu lactare. |
| 7. Gaude, per te christianum
Genus exaltatur,
Atque regnum supernorum
Per te reparatur. | 14. Fac me, tuum servulum,
Tibi congaudere
Ac in tua gloria
In aevum te videre. |

Cod. S. Petri Salisburgen. b II 3. saec. 15. A. — Cod. S. Petri Salisburgen. b VII 10. saec. 15. B. — Orat. ms. Tegurinum anni 1470. Clm. Monacen. 20021. C. — Clm. Monacen. (ol. Tegurin.) 19363. saec. 15. D. — 1, 1 O Maria, felix, gaude D. — 1, 4 eris exaltata D. — 4, 2 caelos BCD. — 5, 1 Gaude, quod vocaberis D. — 5, 3 Atque dominaberis D. — 6, 1 splendor eris D. — 6, 3 Et glorificaberis D. — 7, 1 Gaude, quia per te genus D. — 7, 2 tuum exaltatur D. — 7, 3 Atque germen David regis D. — 8, 2 reparatur D. — 9, 3 Eris et refugium D. — 9, 4 salusque peccatorum D. — 10, 1 portus eris D. — 10, 3 Erisque solacium D. — 11, 2 legem renovabis D. — 11, 3 novam D. — 11, 4 vitam inchoabis D. — 12, 1 Gaude, quia cuncti te D. — 12, 2 mortales adorabunt D. — 12, 3 Et nunc te piissimam D. — 13, 4 Exsultans te laudare AB. — Str. 14 fehlt D. — A giebt die Aufschrift: „Gaudia decem Mariae“; es erscheinen aber deren 12 aufgeführt.

182. De X Gaudiis BMV.

- Gaude, Maria, quae Iesum concipis in te,
Gaude, Maria, Iesum paris, inclita virgo.
Gaude, dant nato tres reges dona beato.
Gaude, quae ducis ad templum gaudia lucis.
5. Gaude, quae caesum vidisti surgere Iesum.
Gaude, cernis eum caelis inferre tropaeum.
Gaude, quae nato sociaris fine beato.
Gaude, quam Jesus fert in sua brachia laetus.
Gaude, quam secum duxit ad aethera Iesus.
10. Gaude, quam sanctos exaltavit super omnes.
Gaude, patrona, quam laudat ipsa corona.
Gaude, quam prope se locat exsultans, rosa, de te.
Gaude, quam trina vestit deitate, Maria.
Gaude, cui laeta cor pandit ad alta secreta.
15. Gaude, quam bina decorat stola pulchra, Maria.
Ad tua nos festa perducito, mater honesta,
Ut Iesum tecum potiamur virgo per aevum.

Orat. ms. SS. Udalrici et Aefrae saec. 15. Cod. Augustin. s. n. —
13. trina nescit deitate.

183. De X Gaudiis BMV.

I.

- | | |
|---|--|
| 1. Gaude, virgo mater Dei,
Firmamentum meae spei,
Ad quam currunt omnes rei,
Sis incola cordis mei,
Et vitiis me purgato
Virtutibusque beato
Reconcilies me nato,
Ne me puniat pro peccato,
Et bis octo promissorum
Confer manus praemiorum
Ob felicem gaudiorum
Denarium hunc tuorum. | Ingum grave tollens, leve
Confer, mutans nomen Evae. |
| 2. Gaude, virgo mater Christi,
Verbum verbo concepisti,
Dum hoc Ave suscepisti,
Quod nos solvit a Vae tristi;
Per hoc Ave tam suave
Nos absolve mortis a Vae | 3. Gaude, fulgens stella maris,
Quae tu nescis thorum maris,
Verum solem Christum paris,
Expers post et ante paris;
Ac per hunc desideratum
Fructum verum ex te natum
Illustres me tenebratum
Vitiorum ob reatum. |
| | 4. Gaude, quae, quem peperisti,
Natum quaerens corde tristi,
Quem nimium dilexisti,
Hunc in templo repperisti;
Sic invento tuo nato
Compatere tribulato
Mihī meque consolato
Non arguas de peccato. |

- | | |
|--|---|
| <p>5. Gaude, quod in trinitate
 Et in tota deitate
 Deum cernis oculate
 Adhuc vivens hic beate;
 Eadem me trinitate
 Contemplata deitate
 Perfrui fac in beatae
 Requiei claritate.</p> | <p>6. Gaude, videns baptizatum
 A Iohanne Dei natum,
 Voce patris nosce datum
 Et pneumate illustratum;
 Per te mihi rivus detur
 Lacrimarum, quo lavetur
 Reatus et baptizetur,
 Christus mente cum tenetur.</p> |
|--|---|

II.

- | | |
|--|---|
| <p>7. Gaude, virgo casta, pura,
 Quod ex omni creatura
 Es electa, genitura
 Christum trinitatis cura;
 Me tibi servum elige,
 Diligentem te dilige,
 Cum electis me collige
 Et ad caelum me dirige.</p> <p>8. Gaude, quod te matrem Dei
 Scis, memento, precor, mei,
 Tu ancora meae spei,
 Qua salvantur omnes rei;
 Memento quoque carorum
 Utroque sexu meorum,
 Vivorum et defunctorum,
 Dans his dona praemiorum.</p> <p>9. Gaude, quod es imperatrix,
 Imperantis Dei latrrix,
 Larga veniae donatrix
 Et maestorum consolatrix;
 Imperatrix, impetrare
 Inimicis tu dignare,
 Qui me quaerunt condemnare,
 Ne me queant superare.</p> | <p>10. Gaude, quod omnipotentis
 Dei mater es et sentis
 Omnipotentem te gentis
 Miseratricem degentis;
 Tuam ostende potentiam
 Tuam atque clementiam,
 Hostis domans saevitiam
 Et iudicis sententiam.</p> <p>11. Gaude, quod assumpta gaudes,
 Cui dignas cano laudes,
 Quod potenter quis et audes,
 Hostis saevi seda fraudes;
 Post te trahe me tuorum
 In odore unguentorum,
 Ut te sequar ad caelorum
 Regna, decus angelorum.</p> <p>12. Per ista decem gaudia
 Dona sedecim praemia,
 Quae promisisti, Maria,
 Virgo, regnans inclita,
 Ac insuper alia
 Concede necessaria,
 Quae mihi scis utilia,
 Orphanorum mater pia.</p> |
|--|---|

Cod. Carolsruhan. Augien. 36. saec. 14/15. — 1, 1 virgo fehlt. — 1, 7 me tuo nato. — 3, 7 me fehlt. — 4, 1 quae dum.

184. De XII Gaudiis BMV.

- | | |
|--|--|
| <p>1. Gaude, mater speciosa,
 Mater Dei regia,
 Iam in caelis gloriosa,
 Benedicta Maria,
 Te laudamus pretiosa
 Per bis sena gaudia.</p> <p style="text-align: center;">* * *</p> | <p>2. Gaude, virgo virginum,
 Maria, mater Christi,
 Quia primum gaudium
 Nobis contulisti,
 Quando velut oriens
 Aurora prodisti,
 Ortu tuo tribuens
 Lucem mundo tristi.</p> |
|--|--|

3. Ad adfatum angeli
Laeta respondisti:
De me ancilla domini
Fiat, ut dixisti;
Quod dum verbi nuntio
Responsum dedisti,
Ventris sub hospitio
Verbum suscepisti.
4. Exsultat Elisabeth
A te salutata,
Exsultat et suboles
Eius nondum nata,
Eo, quod credideris,
Dicta es beata,
Dominum magnificas
Sic magnificata.
5. Gaude, cuius uterum
Decenter ornavit
Et ad opus proprium
Sibi coaptavit
Caeli rex et Dominus,
Qui et te creavit,
Totus novem mensibus
In te repausavit.
6. Stella sole clarior,
Gaude, stella maris,
Ex te clarus exiit
Radius solaris,
Singularis gloriae
Dono gloriaris,
Dum solem iustitiae
Virgo pura paris.
7. Pastores accelerant
Bethlehem tendentes,
Verbum, quod audiverant,
Sanctum requirentes,
Quaerunt et inveniunt
Et inveniunt
Te gaudere faciunt
Tibi congaudentes.
8. Sic et magi de longe
Veniunt dicentes
Verbum, quod audierant,
Sanctum requirentes,
Adorant et offerunt
Dona procidentes,
Laeta magos aspicis
Ista facientes.
9. Gaude, cuius brachiis
Puer deportatur
Ad templum, cum hostiis
Patri praesentatur,
Offertur pro perditis,
Pater sic placatur,
Et pax tuis meritis
Reis redonatur.
10. Cum Christus ad nuptias
In vinum mutavit
Aguas, quibus hydrias
Impleri mandavit,
Signorum primitias
Hoc signo monstravit,
Quo primas delicias
Mundo praeparavit.
11. Ex te vite vitea
Botrus vitae natus,
Crucis trunco figitur
Dirae morti datus,
Cuius sic te cruciat
Cruce et cruciatus,
Mire te laetificat
Hic resuscitatus.
12. Partus tui munere
Perit mors consumpta,
Porta patet gloriae
Vitae spe resumpta,
Cum de morte rediens
Ex te caro sumpta
Ad paternae dexteram
Sedis est assumpta.
13. Quando cum discipulis
Mater consedisti
Et de his, quae fuerant
Facta, contulisti,
De vita, de moribus
Et de morte Christi,
Dona sancti spiritus
Laete suscepisti.

14. Per haec tua gaudia
Memor esto mei,
Virgo plena gratia,
Peccatoris rei,

In Christo primitia,
Alma mater Dei,
Pro tua clementia
Me praesenta ei.

R° Per hoc dulce gaudium,
Virgo mater Dei,
Apud tuum filium
Memor esto mei.

Scala caeli saec. 14. ex. Cod Pragen. XIII. E. 3.

185. De XV Gaudiis BMV.

I. Prologus.

1. Gaude, mundi gaudium,
Mater pietatis,
Spes post tuum filium
Summa desolatis,
Miseris refugium,
Portus naufragatis,
Salutis initium,
Flos virginitatis.

2. Castitatis lilium,
Rosa venustatis,
Pneumatis sacrarium,
Templum trinitatis,
Salus et solacium
Reis, desperatis
Iter ad palatium
Summae claritatis.

3. Virgo virum nesciens,
Decus castitatis,
Rivus indeficiens
Summae bonitatis,
Expers paris pariens
Certam spem renatis,
Singulis compatiens,
Cunctos faves gratis.

4. Summi causa nosceris
Boni, spes reorum,
Salus nostri generis,
Vita perditorum,
Expugnatrix sceleris,
Reformatrix morum,
Abstrahens ab inferis
Regna das caelorum.

5. Quidquid boni fuerit,
Per te constat esse,
Mali nihil oberit,
Quibus vis prodesse,
Tuis tuum aderit
Iuvamen expresse,
Quotiens adfuerit
Opus et necesse.

6. Quidquid hostis suggerit,
Mox per te frustratur,
Quidquid mali ingerit,
Per te reparatur,
Per te, cum ceciderit,
Reus relevatur,
Mortis auctor deperit,
Vita restauratur.

7. Nulli lumen radius
Denegat solaris,
Tu vocata saepius
Nullum aspernaris,
Immo cunctis mitius
Omnes amplexaris,
Nilque negat filius,
Quod pie precaris.

8. Omnibus es omnia,
Singulis solamen,
Maestis es laetitia,
Miseris iuvamen,
Peccantibus venia,
Aegris medicamen,
Captivis fiducia,
Oppressis levamen.

9. Sinus tuus panditur
Pio cunctis more,
Singulos amplectitur
Materno favore,
Quidquid est, perfunditur
Tuo pio rore,
Nec ullus absconditur
A tuo calore.
10. Ad te, qui tot respicis,
Tantis misereris,
Te, quae nullum despicias,
Immo cunctos quaeris,
Ad te clemens redeo,
Licet horis seris,
Commissisque defleo,
Ut propitieris.
11. Tibi, inquam, gratiae
Parens absque pari,
Mea causa veniae,
Mens vult praesentari,
Sed pavet, dum anxie
Se cernit foedari,
Te aversa facie
Se abominari.
12. Horreo, dum video
Sorde me foetere,
Teque coram paveo
Foetens apparere,
Vae mihi, nec valeo
Foetore carere
Sine te, quam horreo
Talem me videre.
13. O saeva fallacia
Misera peccandi,
Dulcia principia
Cuius inchoandi,
Amari per omnia
Exitus nefandi,
Et dum spondet dulcia,
Poena pungit grandi.
14. O fera condicio
Servitutis dirae,
O vindicta vitio
Iuncta gravis irae,
- Quam in me sic sentio
Horrende saevire,
Ut nec miseratio
Debeat audire.
15. O praepotens domina,
Plena pietate,
Quae sanctorum agmina
Vincis sanctitate,
Purga me propitia
Tanta foeditate,
Conferens remedia
Plena pietate.
16. Ne, precor, contineas
Summam pietatem,
Cum iam meam videas
Summam egestatem,
Quae te movet, deleas,
Quaeso, pravitatem,
Ne, quam horres, videas
In me foeditatem.
17. Purgans dele citius
Foetentis livorem,
Nec senties amplius,
Quam horres, foetorem,
Ad te spectat mitius
Tuum ob honorem,
Miseris quantoties
Praebere favorem.
18. Vernant tua merita,
Vernans mundi rosa,
Omni mundo cognita
Nitent pretiosa;
Restaurantur perdita,
Cedit fraus dolosa,
Vita reddit perdita,
Fugit mors exosa.
19. Iuncta namque filio
In sede paterna
Coerces imperio
Infera, superna,
Hostem fraudas pretio,
Spolias inferna,
Solvis a supplicio
Regna dans aeterna.

20. Tu Theophilum pie
Inferis abstractum
Reformasti gratiae,
Irritasti pactum,
Auctorem malitiae
Inter et ipsum factum,
Reddens sub spe veniae
Chirographum actum.
21. Tu tuum Basilium
Attendens rogantem
Per quendam Mercurium
Tibi militantem
Iulianum impium,
Apostatam regnantem,
Te tuumque filium
Perdis blasphemantem.
22. Si tua cuncta quaero
Mira pertractare,
Ei similis ero,
Qui litus vult arare,
Si linguas habuero
Tot ut guttas mare,
Nunquam tamen potero
Ea pernarrare.
23. Ergo, mater gratiae,
Parens pietatis,
Fons misericordiae,
Simul caritatis,
Oculos eximiae
Tuae bonitatis
Ad meae miseriae
Statum verte gratis.
24. Solita succurrere,
Experta mederi,
Docta semper parcere,
Prona misereri,
Officium percipe,
Da, quod das fateri,
Et, quod verum promere,
Vere promereri.
25. Summae vena veniae,
Miserum attende
Et meae miseriae
Clemens condescende,
Consuetae gratiae
Solita repende
In meae nequitiae
Dona redimendae.
26. Regina clementiae
Iure nominata,
Quae deliqui noxie,
Da, sint condonata,
Ut tibi cotidie
Vota solvam grata,
Tandem tua facie
Perfruar beata.
27. Et ut per te gloria
Potiar optata
Impetrata venia,
Labe condonata,
Tibi, plena gratia,
Clemens advocata,
Haec ter quinque gaudia
Offero beata.

II.

1. Gaude, quae progredieris
Ut aurora nata,
Pacem firmans miseris
Vita reparata,
Illustrans, quae inferis
Erant obserata
Et in terris sceleris
Sordibus caecata.
2. Gaude, cuius inclita
Vita illustrata,
Moribus ecclesia
Floret informata,
- Dum virtutum gratia
Omni perornata
Cunctis sanctimonia
Es exemplar data.
3. Gaude, caeli nuntio
Virgo salutata,
Cuius es adloquio
Gratanter adfata,
Certa de mysterio
Modum sciscitata,
Quo gauderes filio,
Mater illibata.

4. Gaude, plena gratia,
Aure impraegnata,
Dei sapientia
In te incarnata,
Intra virginalia
Claustra baiulata
Regem, cui omnia
Serviunt creata.
5. Gaude, cuius gaudia
Necdum proles nata
In ventris angustia
Senserat laetata
Elisabeth, omnibus
Cuius iure fata
Praefert mulieribus
Ex fide beata.
6. Gaude, patrem filia
Gignens fecundata,
Matris habens gaudia,
Sed intemerata,
Quae pascentem omnia
Mamilla lactata,
Stricta cingis fascia
Solventem peccata.
7. Gaude, quod puerpera
Conspicis laetata
Per tres magos munera
Mystice signata,
Numen, regnum, funera
Nati figurata,
In aetate tenera
Ipsi praesentata.
8. Gaude, plena gaudiis
Legem observata,
In templo cum hostiis
Filium oblata,
Simeonis brachiis
Prole baiulata,
Plura vaticiniis
Audis declarata.
9. Gaude, tuo filio
Dolens hilarata,
In doctorum medio
Eius adprobata
Prudenti scientia,
Cunctis admirata,
Quod geris, et alia
Corde conservata.
10. Gaude, quae tot conspicias
Mira perpetrata,
Signorum initiis
Cum nato vocata,
Fit in vinum nuptiis
Aqua commutata,
Cunctis post prodigiis
Signa sunt monstrata.
11. Gaude, quod redemptio
Per te venit data,
Nati tui passio
Dum fit consummata,
Adfixit patibulo
Mortem et peccata,
Omni vitam saeculo
Nece das sublata.
12. Gaude, summo gaudio
Mater incundata,
Resurgente filio
Maesta confortata,
Cuius resurrectio
Omni mundo grata
Mortis est destructio
Vita reparata.
13. Gaude, caelos scandere
Filium spectata,
Causa, quam peragere
Venit, consummata;
O quam laeto pectore,
Quam exhilarata
Ipsam regna petere
Conspicis beata!
14. Gaude, sancti spiritus
Igne perlustrata,
Quo promisso caelitus
Gaudes inflammata
Intus et exterius
Cum grege beata,
Tanto cunctis plenius,
Quanto magis grata.

15. Gaude, iuncta filio
Caelis exaltata,
Sanctorum collegio
Omnium praelata,
Quo pio suffragio,
Clemens advocata,
Cunctorum praesidio
Faves invocata.

16. Per haec ergo gaudia,
Virgo mater laeta,
Dei plena gratia,
Gaudiis repleta,
Omni fac nequitia
Mea me deleta
Tua tecum gloria
Frui sine meta.

III. Epilogus.

1. Virgo munda, quae fecunda
Solem stella paris,
Quae tantorum gaudiorum
Gloria laetaris,
Per haec laeta sorde spreta,
Quam abominaris,
Iungi tibi me fac ibi,
Quo nunc gloriaris.

4. Insolenter neglegenter
Scio me vixisse,
Tam commissis quam omissis
Saepe deliquisse
Nec non donis Dei bonis
Abusum fuisse,
Et id novi, me, quod vovi,
Minus persolvisse.

2. Mater digna, quae tot signa
Clemens operaris,
Condescende et intende
Fletibus amaris,
Quibus oro et imploro,
Ut me tuearis,
Quae cunctorum miserorum
Spes esse probaris.

5. O Maria, potens, pia,
Virtute potenti
Regnans caelis, esse velis
Solamen maerenti,
Medicina sis, regina,
Animae languenti,
Ut peccatis des ablatis
Veniam penitenti.

3. Satis nosti, favens hosti
Quam prava patravi,
Et delicta, facta, dicta
Scis, quae perpetravi,
Intus, foris, cordis, oris
Labe me foedavi,
Deum patrem teque matrem
Peccans provocavi.

6. Scio, spero, hoc, quod quaero,
Per te impetrare,
Cum sit certum et expertum
Te promptam salvare
Et mamillis, quarum stillis
Solebas lactare,
Nunc ostensis in offensis
Natam mitigare.

7. Imperatrix, reparatrix
Humanae miseriae,
Mihi reo coram Deo
Summa spes fiducia,
In te spero, da, quod quaero,
Mihi munus veniae
Et post mortem me consortem
Fac perennis gloriae.

186. De XV Gaudiis BMV.

1. Gaude, virgo gloriosa,
Stirpe nata generosa,
Cuius sancta nativitas
Est gaudiorum novitas
Tam infimis quam superis;
Succurre nobis miseris,
Et tua generatio
Sit digna reparatio
Ortus nostri criminalis,
Tuis fove nos sub alis.
2. Gaude, virgo gloriosa,
Radix lesse speciosa,
Cuius ortus puritas,
Cuius vitae sanctitas
Lucem dedit saeculo,
In te nam ut in speculo
Pura resplendet caritas,
Humilitas et castitas;
Tu per tuam sanctam vitam
Vitam nostram fac politam.
3. Gaude, virgo gloriosa,
Prophetarum vetus prosa,
Quae illud Ave caelicum
Per nuntium angelicum
Sola scire meruisti;
Precor te, o sponsa Christi,
Per hoc sollemne gaudium
Ut id Ave mellifuum
Ad laudem et ad gloriam
Tibi frequenter offeram.
4. Gaude, virgo gloriosa,
Virga Aaron frondosa,
Cuius castis visceribus
De pneumatis operibus
Deus purus et sincerus
Est conceptus homo verus;
Da, ut nobis tuus Iesus
Sit in ore mellis esus,
In aure melos dulcius,
In corde semper iubilus.
5. Gaude, virgo gloriosa,
Miro modo gratiosa,
Elisabeth cum filio,
Cuius salutatio
Magnum infudit gaudium;
Per illud da tripudium,
Ut relictâ fide ficta
Te cum prole benedicta
Puro corde salutemus
Et sincere proclamemus.
6. Gaude, virgo gloriosa,
Terra sancta fructuosa,
Nam tu virgo concepisti,
Virgo manens peperisti,
Eburneis hunc manibus
Tractas, lactans uberibus;
Pro hoc dono singulari,
Virgo, da, ut in altari
Reverenter hunc tractemus
Et condigne manducemus.
7. Gaude, virgo gloriosa,
Iacob stella radiosa,
Ad praesaepe tui nati
Magi veniunt prostrati
Dona ferentes mystica;
Per haec precamur gaudia,
Ut nos tus devotionis
Murraque contritionis,
Aurum fulvum caritatis
Locet regno claritatis.
8. Gaude, virgo gloriosa,
Tu lucerna luminosa,
Quae manna gestans aureum
Ulnis, lumen fidelium,
Christum Dei, tuum natum,
Fers in templum praesentatum;
Per hoc sublime gaudium
Exstirpa fraudes cordium,
Ut in pace Simeonis
Perfruamur caeli bonis.
9. Gaude, virgo gloriosa,
Institutrix studiosa,
Cum filium amiseras,
In templo quem inveneras
In medio doctorum
Docentem vias morum,
Cuius suavi praesentia,
Melliflua scientia
Prae cunctis iucundaris;
Nos rege, stella maris.

10. Gaude, virgo gloriosa,
Scripturarum dulcis glosa,
De filii infantia
Virilique constantia,
De eius baptizatiōe,
Trinitatis ostensione,
De signis et virtutibus,
Quae tu claris obtutibus
Frequenter conspexisti;
Nos salva voce Christi.
11. Gaude, virgo gloriosa,
Condolendo lacrimosa,
Cum vidisti tuum natum,
Captivatum, flagellatum,
Vulneratum, cruentatum,
Diris spinis coronatum,
Mortem crucis sustinentem,
Tamen semper patientem,
Ut nos salvaret miseros;
Fac nos a malis liberos.
12. Gaude, virgo gloriosa,
Paradisi vernans rosa,
Quae tantam post tristitiam
Tam vividam laetitiam
Pio corde concepisti,
Natum tuum cum vidisti
Carne glorificatum,
A morte suscitatum;
Per hoc confer tripudium
Aeternae vitae praemium.
13. Gaude, virgo gloriosa,
Contemplatrix iubilosa
Scandentis super sidera,
Quem tu, stella soligera,
Ventre paris virginali,
O nullius rea mali;
Da nobis illuc tendere,
Quo visus est ascendere
Noster Deus, noster pater,
Nostra caro, noster frater.
14. Gaude, virgo gloriosa,
Quam perfudit copiosa
Deitatis pluvia,
Nam dudum plena gratia
Adhuc in linguis igneis
Cum ceteris apostolis
Repleris sacro pneumate;
Da, virgo, tali dogmate
Nos igniri caritate
Et fulciri castitate.
15. Gaude, virgo gloriosa,
Potens et imperiosa,
Quae corpore et animo
Assumpta es ad aethera,
Ubi nunc tota trinitas
Et velle tui unitas
Sunt unum in consilio;
Pro nobis, mater, filio
Ut imperatrix impera,
Excelsa super sidera.

Orat. ms. Sangallense saec. 15. Cod. Sangallen. 485. A. — Cod. S. Floriani XI 122 saec. 16. B. — 2, 4 vita B. — 3, 2 fatum prosa B. — 3, 6 Prae tot, te et sponsam A. — 3, 8 Ut illud B; Ave fehlt A. — 3, 9 et fehlt B. — 4, 8 mellis Iesus A. — 4, 9 Suave melos dulcius A. — 5, 3 u 4 umgestellt B. — Str. 6 und 7 fehlen B. — 8, 3 Quae cum legi nil debebas B. — 8, 4 Legi tamen te subdebas B. — 8, 5 Quando Deum tuum B. — 8, 7 solemne gaudium B. — 9, 3 Dum natum amisisti B. — 9, 4 Quem tandem invenisti B. — 10, 4 Et virili B. — 10, 5 De baptismi sacramento B. — 10, 6 Trinitatis de ostento B. — 10, 10 Fac libro vitae sisti B. — 11, 4 Captivum B. — 11, 9 solveret A. — 12, 4 Tam mundam laetitiam B. — 13, 3 Scandens AB. — 13, 6 Tu nullius B. — 13, 8 est fehlt A. — 13, 9 noster fehlt das zweitemal A. — 14, 2 perfundit A. — Nach 14, 4 eingeschoben: Damnoosa pellens vitia B. — 14, 8 tali dignitate A. — 14, 9 Nos igitur tali caritate B. — 14, 10 caritate B. — 15, 9 impetra B. — 15, 10 fehlt A.

187. De XV Gaudiis BMV.

1. Gaude, virgo virginum,
namque tuus pater
Ioachim ac domina
Anna, tua mater,
- Gaudium, cum fueras
orta, receperunt,
Qui transacto tempore
dolentes fuerunt.

2. Gaude hac laetitia,
quam te salutante
Habebas ab angelo
et tibi narrante,
Quod de sancto spiritu
esses acceptura
Prolem mater florida
et virgo mansura.
3. Gaude eo gaudio,
quo eras repleta,
Dum in ventre gesseras
tuo mente laeta
Iesum, Dei filium,
qui est consolator
Noster fidelissimus
atque liberator.
4. O Maria domina,
gratia tu plena,
Virgo prudens, nobilis,
mitis ac serena,
Ardentis a baratri
me tuere poena,
Per te fruar gloria
cum sanctis amoena.
5. Gaude, nam laetitiam
Iohannes monstravit
Baptista, in utero
quem mater portavit,
Erat hic tripudians
exultatione,
Quod de tua venerat
salutatione.
6. Gaude eo gaudio,
quod tunc habuisti,
Nocte dum in Bethlehem
mater peperisti
Sine poena puerum,
Iesum benedictum,
Qui nostrum expellere
venerat delictum.
7. Gaude, mater Domini,
nam laeti fuere
Pastores, dum angeli
vocem audiere,
Per quem ortum noverant
nostrum salvatorem,
Christum, caeli dominum,
mundi creatorem.
8. Stella caeli lucida,
o virgo fecunda,
Nulla inter feminas
tibi par secunda,
A te semper proffuit
pietatis unda,
Tu me a criminibus
omnibus emunda.
9. Gaude, nam laetitiam,
Dominus dum natus
De te fuit, mundi rex
caelique beatus,
Domanstrabant angeli,
quando cantilenam
Cantarunt cum gaudio
claram et amoenam.
10. Gaude, flos laetitiae,
nam tres laetabantur
Reges, stellam lucidam
dum contemplabantur,
Adorabant gloriae
regem, quem noverunt,
Aurum, murrā puerō
et tus obtulerunt.
11. Gaude, flos dulcedinis,
nam sanctus gaudebat,
Dum tuum puerulum
in templo videbat,
Simeon, quem manibus
suis acceptavit,
Anna novit vidua
hunc et exaltavit.
12. Virga Iesse florida,
virgo speciosa,
Vel flos atque viola,
lilium ac rosa,
Herba odorifera,
vitis fecundosa,
Caelis fac me perfrui
luce gloriosa.

13. Gaude, nam cum gaudio
filium vidistis
Tu et Ioseph, domina,
dum hunc invenistis
In templo post triduum,
namque quaerebatis
Ipsum prius nimium
atque dolebatis.
14. Gaude, benignissima,
nam erant laetantes
Ad honestas nuptias
simul convivantes,
Aquam dum praesente te
in vinum mutabat
Christus, vim deificam
sic manifestabat.
15. Gaude hac laetitia,
qua, cum superavit
Mortem, surgens filius
te laetificavit,
Amicos ab inferis
suos educebat
Et aeternam gloriam
eis conferebat.
16. O arbor odorifera,
fructum edidisti,
Per quam summum apicem
tu acquisivisti,
Ab inferni protege
me dolore tristi,
Duc ad lumen caelicum
me, o mater Christi.
17. Gaude eo gaudio,
quo cor movebatur
Tuum, Iesus dominus
dum elevabatur
Ad paternam dexteram,
quod tu aspexisti
Cum sanctis apostolis
et laeta vidisti.
18. Gaude, nam laetitia
magna replebantur
Orantes discipuli,
dum illustrabantur
Radio paracliti
eos confortante
Et hos in praesentia
tua consolante.
19. Gaude, caeli domina,
nam rex angelorum,
Iesus, tuus filius,
cum coeta sanctorum
Tibi venit obviam
teque sublimavit
In caelestem patriam
atque coronavit.
20. Alma Dei genetrix,
virgo sine pari,
A cunctis periculis
peto liberari,
In superna patria
me fac gratulari,
Ubi semper valeam
Deum contemplari.

Off. ms. B. Mariae V. sec. usum Romanae curiae saec. 15. Cod. Ros-
sian. VIII 37. — 5, 4 mater fehlt. — 8, 4 tibi par fehlt. — 8, 7 a peccatis. —
9, 3 fuerat. — 9, 4 caeli liberator beatus. — 11, 3 puerum. — 12, 3 Nel
flos. — 14, 5 Aquam de praesente Dominus. — 17, 5 dexteram fehlt. —
17, 8 vidisti fehlt. — 18, 5 Radix. — 18, 6 confortantes. — 18, 8 conso-
lantes. — 20, 2 sine partu.

188. De VII Gaudiis BMV terrestribus et totidem caelestibus.

1. Gaude, virgo, mater Christi,
Quae per aurem concepisti
Gabriele nuntio;
Gaude, quae a Deo plena
Peperisti sine pocna
Cum pudoris lilio.
2. Gaude, quod tres dona ferunt
Nato, quem adoraverunt
In felici gremio;
Gaude, virgo, praesentatus
Per te quod est tuus natus
Legis testimonio.

3. Gaude, quia tui nati,
Quem videbas mortem pati,
Fulget resurrectio;
Gaude, mater, ascendente
Christo caelos, te vidente
Motu fertur proprio.
4. Gaude, quod postipsum scandis,
Et est honor tibi grandis
In caeli palatia;
Gaude, angelis praelata,
Trinitati proximata
Singulari gratia.
5. Gaude, virgo, laus cunctorum,
Super decus angelorum
Fulget tua gloria;
Gaude, dies ut ornatur
Sole, ita iucundatur
In te caeli curia.
6. Gaude, tuae voluntati
Affectus est trinitati
Favere ad omnia;
Gaude, te honorant caeli
Cives affectu fideli
Et oboedientia.
7. Gaude, tibi obsequentes
Terrae et caeli gaudentes
Sumunt per te praemia;
Gaude, honor cuius crescit
Semper atque finem nescit,
Nec hic nec in patria.
8. Ergo, cara mater Dei,
Duc nos reformatos ei
Ad festa caelestia,
Ubi fructus ventris tui
Per te nobis detur frui
In aeterna gaudia.

Scala caeli saec. 14. ex. Cod. Pragen. XIII E 3.

189. De VII Gaudiis caelestibus BMV.

1. Gaude, flore virginali
Quae honore sepeciali
Transscendis splendiferum
Angelorum principatum
Et sanctorum decoratum
Dignitate numerum.
2. Gaude, cara sponsa Dei,
Nam ut clara lux diei
Solis datur lumine,
Sic tu facis orbem vere
Tuae pacis resplendere
Lucis plenitudine.
3. Gaude, splendens vas virtutum,
Cuius pendens est ad nutum
Tota caeli curia,
Te benignam, te felicem
Iesu dignam genetricem
Venerans in gloria.
4. Gaude, nexu voluntatis
Et amplexu caritatis
Iuncta sic altissimo,
Ut ad votum consequaris,
Quidquid totum postularis
A Iesu dulcissimo.
5. Gaude, mater miserorum,
Quia pater saeculorum
Dedit te colentibus
Congruentem hic mercedem
Et fulgentem poli sedem
Sursum in caelestibus.
6. Gaude, pia mater Christi,
Sola quia meruisti,
O virgo piissima,
Esse tantae dignitatis,
Ut sis sanctae trinitatis
Sessione proxima.
7. Gaude, parens virgo pura,
Certa manens et segura,
Quod haec tua gaudia
Non cessabunt nec decrescent,
Sed durabunt et florescent
Per aeterna saecula.

Orat. ms. Carth. Erphesfurten. saec. 15. Cod. Rossian. VIII 56, an zwei Stellen, A und B. — Orat. ms. Salisburgen. saec. 15. Cod. Scotor. Vindobonen 52 d 11 C. — Orat. ms. S. Mariae ad Scotos saec. 15. Cod. Scotor. Vindobonen. 55 g 14 D. — Horae B. M. V. sec. usum Romanum totaliter ad longum sine *requirere* imp. Parisiis (Hardouyn) s. a. (1531). E. — Miss. Romanum imp. Parisiis (Kerver) 1529. — Hortulus animae imp. Nurembergae 1519. G. — Orat. ms. Lehninense anni 1518. Cod. Berolinense. IV^o 29 H.

Ferner: Brev. ms. Tornacense saec. 14. Cod. Tornacen. XXI. H. — Brev. Arremarense saec. 15. Cod. Parisin. 1063. I. — Orat. ms. Cisterciense saec. 15. Cod. Darmstadien. 1228. K. — Orat. ms. Gebennense saec. 15. Cod. Vatican. Palatin. 540. L. — Orat. ms. saec. 15. Cod. Colonien. 91. M. — Orat. ms. saec. 15. Cod. Avenionen. s. n. N. — Orat. ms. Windeshemense anni 1508. Cod. 7955 der KK. Familien-Bibl. Wien. O. — Cod. Casanatén. D. V 26 (311) saec. 15. P. — Collectaneum ms. Hospitalense saec. 15. Cod. Palat. Vindobonen. 4347. Q. — Oration. ms. Patavien. saec. 15. Cod. Gottvicen. 444. R.

Lesarten: 1, 2 Et honore B. — 1, 3 Transcendes D; Transscendens B; luciferum C. — 1, 6 munus F. — 2, 1 sponsa cara BDEFG; sponsa summi C; speciosa cara A. — 2, 2 Nam ut lux clara DFGH; Nam ut claritas lux C. — 2, 3 Sol datur D. — 2, 4 urbem AB; vere fehlt A; mihi vere B. — 2, 5 pace C. — 3, 1 vas fehlt B. — 3, 2 Cuius parens est ACEF; Cuius sedens est D. — 3, 4 et felicem BCDEFG. — 3, 6 Veneratur D. — 4, 3 Iuncta sis CG. — 4, 4 Ut ad nutum AB; Quod ad vocem C. — 4, 5 Quidquid virgo ABCDEFGH; deprecari B. — 4, 6 dilectissimo A. — Str. 5 und 6 umgestellt GH. — 5, 5 Et felicis poli ACGH; Et felicem DEF. — 5, 6 Regnis in caelestibus ACEFG. — 6, 1 Gaude virgo mater AEFHG; Gaude mater virgo C; Gaude humilis beata BD. — 6, 2 Quia sola meruisti ACEFGH; Corpore glorificata B. — 6, 3 Meruisti maxima BD. — 6, 4 Fore tantae BD. — 6, 5 Quod sis G; trinitati ABCDEF. — 7, 1 Gaude virgo mater ABDEFGH; Gaude mater virgo C. — 7, 3 Quia tua gaudia G; Quia haec tua gaudia C. — 7, 4 decrescunt C. — 7, 6 florescunt C. — Cfr. Kehrein No. 257.

Bemerkungen: Haec sunt septem gaudia spiritualia B. M. V. edita a beato Thoma. I. — Septem gaudia a beato Thoma martyre edita K. — Sequuntur septem gaudia virginis Mariae caelestia a beato Thoma martyre super verbis praedictis composita L. — Septem gaudia a beato Thoma martyre composita. M. — Oratio beati Thomae Cantuariensis de gaudiis virginis gloriosae, quibus iam fruitur in caelestibus. N. — Thomas von Canterbury bezeichnen als Auctor auch HPQ.

Legitur quod beatus Thomas Cantuariensis episcopus septem gaudia corporalia beatae Mariae cotidie cum magna devotione recolerebat. Cui eiusdem gaudia in oratorio suo more solito dicenti tandem virgo Maria semel apparet dicit: Cur de gaudiis meis, quae praeterierunt, tantum gaudes et laetaris et de praesentibus, quibus in caelis nunc gaudeo, quae durabunt perpetue, potius non gaudes et laetaris. Et beata virgo dixit ei: Quicunque in his gaudiis mihi congratulando me cotidie honoraverit, in exitu animae ipsius a corpore praesentem consolationem meam obtinebit, et animam suam ab hostibus malignis liberabo et in conspectu filii mei, ut mecum gaudia paradisi possideat, praesentabo. Igitur idem venerabilis pontifex haec eadem gaudia perpetua virginis beatae secundum modum, qui sequitur, rigmice composuit. O. — Quicunque haec gaudia beatae Mariae V. cottidie devote dixerit, quando de hoc saeculo migrare contigerit, in exitu animae ipsius beata virgo ei apparebit, et ab ea consolationem obtinebit, et animam ipsius ab hostibus malignis liberabit et in conspectu filii sui tandem gaudere faciet. Hanc orationem composuit beatus Thomas Cantu[a]riensis archiepiscopus. R.

190. De VII Gaudiis caelestibus BMV.

- | | |
|---|--|
| 1. Gaude, mater divi nati,
Sola plus habens gloriae,
Quam insimul adunati
Cives supernae patriae. | 5. Gaude, quia Deus tuis
Hic devotis dat mercedem,
Prout optas, et in caelis,
Quam tu voles, dabit sedem. |
| 2. Gaude, quia perlustratur
Caelum tua maiestate,
Sicut totus radiatur
Mundus solis claritate. | 6. Gaude, nam ad dextram Christi
Throno sedens in regali
Es propinqua trinitati,
Carne pollens immortal. |
| 3. Gaude, quia sancti omnes
Atque beati spiritus
Tuas implent iussiones
Teque honorant caelitus. | 7. Gaude, quia iam segura
De tam immensa gloria,
In aeternum habitura
Es infinita gaudia. |
| 4. Gaude, quia tibi paret
Imperator angelorum,
Omne, quod vis, et adimplet
Tuus natus, rex caelorum. | 8. Quae et nobis impetrare
Digneris, o virgo pia,
Vel modicum degustare
De hac tua laetitia. |

Offic. BMV. imp. in Castro Lauro anno 1503.

191. De VII Gaudiis caelestibus BMV.

- | | |
|--|---|
| 1. Gaude, Dei genetrix,
quae superas omnes
Dignitatis gloria
paradisi cives. | 5. Gaude, quia, sicut vis,
hic et in futuro
Servos tuos munerat
Iesus corde puro. |
| 2. Gaude, quia sicut sol
illuminat mundum,
Ita tua claritas
illuminat caelum. | 6. Gaude glorificato
corpore amicta,
Trinitati proxima
caelestibus sita. |
| 3. Gaude, mundi gloria,
regina caelorum,
Quam laudant in superis
coetus beatorum. | 7. Gaude, quia gaudia
haec sunt sempiterna,
Quibus gaudes, Maria,
gloria superna. |
| 4. Gaude, cui cum Deo
est una voluntas,
Qui libenter exaudit
preces tuas cunctas. | 8. Qui de tuis gaudiis
gaudemus in mundo,
Praesenta nos filio
[cum] corde iucundo. |

Orat. ms. Caelestinorum saec. 15. Cod. Parisien. 18571. A. — Septem-
plicata septem gaudia imp. s. l. et a. B. — 1, 3 Dignitate et gloria B. —
2, 2 laetificat B. — 2, 4 laetificat B. — 3, 3 Quam collaudant agmina B. —
3, 4 super coetus B. — 4, 2 est tibi una B. — 4, 3 Et ipse exaudit B. —
5, 4 Deus B. — Str. 8 fehlt A. — B hat folgende Note: „Legitur beatam
virginem Mariam haec septem gaudia revelasse cuidam devoto et ut ea co-
tidie diceret monuisse.“

192. De VII Gaudiis caelestibus BMV.

1. Ave, virgo virginum,
Cuius solius gaudium
Et praezellens incanditas
Vincit caeli divitias,
Summaque caeli agmina
Ornat tua praesentia;
Per hoc excellens gaudium
Et meritum eximium
Fac nobis placatum fieri
Dilectum tui uteri.
2. Ave, fulgens ut aurora,
Sicut diem sol tu sola
Cuncta reples gaudiis,
Quae torrente voluptatis
Et abyssu divinitatis
Deliciose iam potaris,
Sine fine gratularis;
Tu pro nobis, mater, ora,
Ut nobis donentur dona
Tuis in deliciis.
3. Ave, mundi imperatrix
Et caelorum gubernatrix,
Digna sceptro gloriae,
Cuius votis praeparantur
Caeli cives et laetantur
Frui tanta principe.
4. Ave, quam sic honoravit
Summus pater et amavit,
Ut cum sancta trinitate
Una sis in voluntate
Et clementer exaudiris
In cunctis, quae tu requiris;
Per haec tam magna gaudia
Et merita insignia
Assis nobis hilariter
Iuvando nos fideliter,
In hora nostri exitus
Fugando nequam spiritus.
5. Ave, mater clementiae,
Nam tuae providentiae
Tuus commisit unicus,
Ut praemiis caelestibus
Dites, ut volueris,
Tuis datos obsequiis;
Cum colimus haec gaudia,
Cordi tuo tam suavia,
Sis nostri memor, domina,
Quos gravat carnis sarcina.
6. Ave, [virgo], quae dignior
Et caelis es sublimior,
Gratia ex te nati
Tu solis luce clarior,
Tu cunctis praezellentior,
Proxima trinitati,
Quo tota iam exuberans
In Deum et exsuperas
Uranicas naturas;
Per hoc excellens gaudium
Et meritum insolitum
Precare nobis veniam
Et requiem perpetuam.
7. Ave, cuius felicitas
Et gaudiorum novitas
Nunquam minoratur,
Et meritorum dignitas
Et praemii iucunditas
Semper augmentatur.
8. Mater Dei castissima,
Mitis, dulcis, piissima,
Propter haec et omnia
Gaudia, nunc in patria
Cum plena cordis laetitia
Confer nobis caelestia.

Orat. ms. Carthus. Hildesheimen. saec. 15. Cod. Iosephini Hildesh. 3
(6). — 2, 3 Cunctis. — 8, 1 O mater Dei. — 8, 4 Gaudia quae nunc.

193. De VII Gaudiis caelestibus BMV.

1. O Maria virgo, gaude,
Tu es digna omni laude,
2. Quia per te angelorum
Chorus gaudet et sanctorum
Perenni laetitia,
Quos praecellis generosa,
Super omnes gloriosa,
Speciali gloria.
3. Gaude, gemma, templum Dei,
Per quam lucet lux diei
Solis de praesentia,
Per te magis illustratur,
Illustrata iucundatur
Tota caeli curia.
4. Gaude, lampas saeculorum,
Cui parent supernorum
Omnes cives curiae,
Vultum tuum deprecantes,
Tamquam matrem venerantes
Sui regis gloriae.
5. Gaude, cella fluens melle,
Cuius votum Christi velle
Sociavit caritas;
Quidquid tuae pietati,
Placet sanctae trinitati,
O pura virginitas.
6. Gaude, virgo, quae decoras
Tuos servos et honoras
Hic et in caelestibus,
Nos cum ipsis ad amoena
Paradisi laude plena
Transfer tuis precibus.
7. Gaude, rosa, princeps florum,
Super choros angelorum
Gloriosis laudibus
Exaltata iucundaris,
Trinitati sociaris
Et sanctorum civibus.
8. Gaude, cuius non marcescit
Laus et honor, non decrescit
Gaudiorum gaudium,
Iam secure iucundaris,
Iuncta Christo gloriaris
Super regni solium.
9. Omni laude, mater, digna,
Te laudanti sis benigna
In hac vita misera,
Imperatrix virtuosa,
Consolatrix viscerosa,
Nos a malis libera,
10. Et cum dies erit irae,
Fac tormenta non sentire
Haec colentes gaudia,
Ut nos tecum gloriemur,
Sine fine collaetemur
In caelesti patria.

Orat. ms. Carthus. Hildesheimen. saec. 15. Cod. Iosephini Hildesheimen.
3 (6). A. — Orat. ms. Carthus. Erfordien. saec. 15. (Privatbesitz). B. — 4, 1
lampas sanctorum A. — 5, 2 stella fluens A. — 7, 6 sanctorum milibus
B. — 10, 1 Ut cum A. — 10, 5 colloce mur A.

194. De XV Gaudiis caelestibus BMV.

- Iam translata polis, aeterni cellula solis,
Gaudia quindena tibi debita, virgo serena,
Suscipe mente pia, caeli regina Maria.
1. Gaude, clara stella maris,
Quae sub nato principaris
Sanctorum collegio;
 - Gaude, mater singularis,
Virgo semper quae probaris
Miro privilegio.

2. Gaude cum ipso locata,
In carne glorificata
Patrum testimonio;
Gaude, stellis coronata
Bis senis et illustrata
Luminis principio.
3. Gaude, regina beata,
Super caelos exaltata,
Mater iuncta filio;
Gaude, spes desiderata,
Ex te fulsit salus data
Pressis in exsilio.
4. Gaude, dextris deitatis
Assistens fons pietatis,
Maestis consolatio;
Gaude, norma sanctitatis,
Speculum humilitatis
Boni propagatio.
5. Gaude, fuga vitiorum,
Solvens vincula reorum,
Iustis praemiatio;
Gaude, doctrix et lex morum,
Ductrix ac lux viatorum,
Lapsis relevatio.
Dona, quod exterminetur
Omne malum, vita detur
Omni carens vitio.
6. Gaude, decus angelorum
Omniumque beatorum
Laeta speculatio;
Gaude, nutrix orphanorum,
Liberatrix oppressorum,
Aegris recreatio.
7. Gaude, parens absque pari,
Quam ferventer contemplari
Dulcis est refectio;
Gaude, praedigna laudari,
Digna tamen laudes fari
Impos est affectio.
8. Gaude, celsae vitae via,
Tibi compar psalmodia
Nulla nec oratio;
Ergo posse da, Maria,
Supple nosse poscens, pia
Caeli honoratio.
9. Et iste, qui non meretur,
Ad has laudes inflammetur
Tuo patrocinio,
Et sic semper veneretur
Nomen tuum, ut tenetur
Sincero praeconio;

Cod. S. Petri Salisburgen. b II 3. saec. 15. A. — Cod. S. Petri Salisburgen. b VII 10. saec. 15. B. — Orat. ms. Tegurinum anni 1470. Clm. Monacen. 20 021. C. — 4, 6 propagatur AB. — 6, 2 que fehlt AB. —

195. De Assumptione BMV.

1. Ave, dies laudabilis,
In qua Deus mirabilis
Venit mirabiliter,
Gratiose exclamavit
Et matrem suam vocavit,
Dicens affabiliter:
2. Veni, mater et domina,
Transcende terrae limina,
Tota plena gratia;
Veni, templum deitatis,
Triclinium trinitatis
In aeterna gloria.
3. Nunquam decet dissolvere
Nec in terram resolvere
Corpus immaculatum,
Nunquam fuit infamia
Foetoris nec miseria,
Nisi propter reatum.
4. Caro tua caro mea,
Talis caro non est rea
Cuiuscunque criminis,
Ergo tua non sentiet
Dolorem nec percipiet
Foetorem putredinis.

- | | |
|---|--|
| <p>5. Veni, mater, veni mecum,
Quia ero semper tecum
Filius tuus Iesus;
Tunc Seraphim exclamavit
Et Cherubim intonuit:
Veni, caeli regina.</p> <p>6. Et sic omnis hierarchia
Adclamavit voce pia:
Veni, nostra domina.
Haec apostoli videntes
Et angelis respondentes
Dixerunt: Amen, amen.</p> | <p>7. Tunc Maria in corpore
Fulgente miro decore
Exivit de tumulo,
Quam statim Christus dotavit
Et mirabiliter ornavit
Regio ex annulo.</p> <p>8. Sic in caelum coronata
Ascendit virgo beata
In regali solio,
Ibi pro nobis exorat
Deum patrem et implorat
Clementer cum filio.</p> |
|---|--|

Orat. ms. Tegurinum anni 1476. Clm. Monacen. 19991 A. — Orat. ms. Underdorfense saec. 15. Clm. Monacen. 7815. B. — Nach 1, 3 schiebt B ein:

Cum caelestium curia
Descendit die tertia
Iesus visibiliter.

3, 3 tam immaculatum A. — 7, 6 Ex regio annulo B.

196. In Assumptione BMV.

- | | |
|---|--|
| <p>1. Ave, quae caeli atria
Summa intrasti gloria,
Tuis astantem crebrius
Attende clemens laudibus.</p> <p>2. Ave, quam vocis organo
Laudo cordeque consono,
Mentem meam illumina
Per lacrimarum flumina.</p> <p>3. Ave, o Dei filia,
Cuius intrans cubilia
Gaudes ineffabiliter,
Ipsam laudans perenniter.</p> | <p>4. Ave, quam honorifice
Turmae laudant angelicae,
Atque creata omnia
Tua dicunt praeconia.</p> <p>5. Ave, quae caeli gloriam
Nacta es per victoriam
Hostis mundi et sanguinis
Vi superni spiraminis.</p> <p>6. Ave, virgo, quam inclitus
Angelorum exercitus
Laudat et conventicula
Beatorum per saecula.</p> |
|---|--|

Orat. ms. Tegurin. anni 1467. Clm. Monacen. 19 991.

197. De Assumptione BMV.

- | | |
|---|--|
| <p>1. O imperatrix regia,
Caeli et terrae domina,
Mater Dei eximia,
Virginumque pulcherrima.</p> <p>2. Supenorum laetitia,
Stupor, festum et gloria,
Laus, decus nostri generis
Salvatricque mirabilis.</p> | <p>3. Ad summum regni solium
Evecta et fastigium,
Nos clarae tuae curiae
Ascribas et familiae.</p> <p>4. Immenso cordis iubilo
Atque laudis tripudio
Nunc Deum benedicimus
Pro tibi datis omnibus.</p> |
|---|--|

Orat. ms. Tegurinum anni 1470. Clm. Monacen. 20021. A. — Cod. S. Petri Salisburgen. b VII 10. saec. 15. B.

198. In Assumptione BMV.

- | | |
|--|--|
| 1. O virgo, Dei genetrix,
o mater veneranda,
O intacta Christi parens,
o domina laudanda. | 4. Ergo benignissimam
te matrem imploramus
Tuamque mellifluam
clementiam rogamus, |
| 2. O redemptrix hominum,
o decus angelorum,
O regina saeculi,
o gloria caelorum. | 5. Ut sicut assumpta es
ad Iesum tuum natum,
Et te caeli credimus
tenere principatum, |
| 3. O spes et desiderium
omnium sanctorum,
O quies laborantium,
o salus miserorum. | 6. Tu pro nobis digneris
Deum exorare
Atque suam gratiam
nobis impetrare, |
7. Ut nos ab hoc exsilio
cito liberare
Velit et in gloria
sua collocare.

Orat. ms. SS. Udalrici et Afrae saec. 15. Clm. Monacen. 4432.

199. In Assumptione BMV.

- | | |
|---|--|
| 1. O virgo prudentissima,
quo progredi disponis,
Quae tantis in virtutibus
coruscas atque donis? | 6. Tu nam desiderabilis
es et affectuosa,
Amabilis, mirabilis
Et nimis gratiosa. |
| 2. Tu es luna clarior
et universis stellis
Et solem tuo lumine
fulgida praecellis. | 7. Per misericordiam
tuam et virtutem
Corporis et animae
impetra salutem. |
| 3. Tu spiritus angelicos
meritis praecedis
Atque sanctos universos
virtutibus excedis. | 8. Et Iesum tuum filium
dulcissimum dignare
Pro me, mater gratiae,
clementer exorare, |
| 4. Ave ergo, genetrix
nostri creatoris,
Mater filii Dei,
mundi redemptoris. | 9. Ut per suam a te sanctam
incarnationem
Atque per sanctissimam
suam passionem |
| 5. Ave, virgo virginum,
dulcissima Maria,
Ave clementissima,
misericors et pia. | 10. Mihi paenitentiam
meorum peccatorum
Tribuat et scelerum
veniam meorum, |
11. Ut mea digne valeam
delicta paenitere
Atque mea, quae commisi,
facinora deflere.

Orat. ms. SS. Udalrici et Afrae saec. 15. Clm. Monacen. 4432. — 4, 3
Ave mater.

200. In Assumptione BMV.

- | | |
|---|---|
| 1. Socie, dic et declara,
Quae est ista tam praeclara?
Ista illa virga Iesse,
Quam praeclaram decet esse. | 4. Quae est tantae speciei,
Ad quam currunt omnes rei?
Haec est salus infirmorum
Et solamen miserorum. |
| 2. Quae est ista stella maris,
Luna plena, lux solaris?
Ista mitis generosa,
Flos regalis, vernans rosa. | 5. Quae est ista lux iustorum,
Saepta choris supernorum?
Haec est, super quam splenduit
Splendor, quem pater genuit. |
| 3. Quae est ista progrediens
Mundo sicut sol oriens?
Haec est virgo, caeli porta,
De qua mundo lux est orta. | 6. Quae est ista mater alma,
Quae florescit sicut palma?
Haec est rosa venustatis,
Virgo mater sanctitatis. |

Cod. Carolrhan. Augien. 96. saec. ^{14/15}. — 1, 3 Ista est illa. — 2, 3 Ista est mitis. — Aufschrift: Interrogationes angelorum, responsiones eorum.

201. In Assumptione BMV.

- | | |
|--|--|
| 1. Thronus David elevatur,
Dum in caelis exaltatur
Virgo, mater gratiae;
Mulier haec, quae monstratur,
Amicta sole levatur
Ut signum victoriae. | Sic excelsiore throno
Sublimatur eius dono,
Quae lactavit hominem. |
| 2. In templo perennitatis
Levant arcam sanctitatis
Caelestes exercitus,
Quae iure maternitatis
Cunctis praesidet beatis
Fecundata caelitus. | 4. Numquid Seraphim miratur,
Quod femina praeferatur
Ierarchiis omnibus?
Sic et mirans contemplatur,
Quo haec iure provehatur
Tam excelsis sedibus. |
| 3. Et ut fuit Deus homo
Praecellentior in domo
Receptus per virginem, | 5. Contemplantur, quanto iure
Veneretur, geniturae
Suae iuncta lateri,
Qui nos iungat mortis durae
Passo transacto secure
Spretis portis inferi. |
| 6. Huius vitae ne procella
Nos submergat, interpella
Iudicem iustitiae. | |

Clm. Monacen. (ol. Emmeramen.) 14343 anni 1351.

202. De Assumptione BMV.

Virgo parens triplici mortis nexu retineri
Non potuit, quamvis naturae lege soluta.
Mors, infernalis lacus, incineratio carnis
Non depressit eam, quia vivere credimus ipsam.
Anne potest credi divino munere plena,
Pulchra vel est tota, si pars iacet incinerata?

Absit, ut incineret illam corruptio carnem,
De qua sumpta fuit unita Dei caro verbo.
Nam caruisse suam decuisset honore parentem,
Cuius decreto patres cumulantur honore?
Pone, quod in terra sint ossa relictā beatā
Virginis et nulla tantus thesaurus in ara
Sit celebris populis: certe solertia regum
Prorsus in abstrusis telluris hiatibus illum
Quaereret et cultu mundo celeberrimus esset,
Nec quasi neglectus ad tempora nostra lateret.
Creditor ergo pie caro glorificata Mariae.

Cod. S. Floriani XI 216. saec. 13.

203. In Assumptione BMV.

Petrus.

1. Salve, mater salvatoris,
Quae Deum deorum paris,
Salve, virgo singularis,
Quae vocaris stella maris.

Paulus.

2. Salve, vitae reparatrix,
Salve, vitae reseratrix,
Salve, verbi praedicatrix,
Salve, sancta legislatrix.

Andreas.

3. Salve, mater Iesu Christi,
Salve, virgo, vita mundi,
Sola digna quae fuisti
Ab angelo salutari.

Iacobus.

4. Gaude, soror insignita,
Gaude, mundi spes et vita,
Gaude, sacra margarita
In corona Iesu sita.

Iohannes.

5. Virga fronde fructuosa,
Virgo prole pretiosa,
Regis sponsa speciosa,
Gaude, gaudens florens rosa.

Thomas.

6. Gaude tu, quae genuisti,
Regem regum Deum caeli,
Quem adorant archangeli,
Quem angeli quemque throni.

Iacobus.

7. O deorum dominatrix,
Angolorum imperatrix,
O maestorum consolatrix,
Esto mihi miseratrix.

Philippus.

8. O domina et regina,
Casta, simplex, columbina,
Quae es mundi medicina,
Ad medendum me festina.

Bartholomaeus.

9. O Maria, gemma caeli,
Lux et luna paradisi,
A fluctibus huius saeculi
Conserva nos et custodi.

Matthaeus.

10. Tu sanctorum psalmodia,
Tu martyrum melodia,
Tu militum letania,
Tu civium symphonia.

Simon.

11. Tu virgo virginum pia,
Tu lux vera, lex et via,
Tu mitis es, o Maria,
Tibi laus est Alleluia.

Thaddaeus.

12. Tu domina angelorum,
Tu regina seniorum,
Tu mamilla parvulorum,
Tu es mater orphanorum.

Simul omnes:

13. Salve, eia, te laudamus,
Te supplices exoramus,
Quia ad te suspiramus,
Te videre valeamus.

Orat. ms. Gelriense saec. 15. Cod. Bremen. c 15. A. — Orat. ms. Corssendoncanum saec. 15. Cod. Leodien. 397. B. — Orat. ms. saec. 15. Cod. Bruxellen. 9798. C. — Brev. ms. S. Clarae Neapolit. saec. 14. Cod. Casanaten. B III 5 (407). add. saec. 15. D. — Orat. ms. S. Mariae ad Scotos saec. 15. Cod. Scotor. Vindobonen. 50 f 27. E.

1, 1 mater salutaris A; salvatoris mater E. — 1, 2 Quae cunctorum Deum C; Quae deorum Deum AE; Quae divorum Deum D. — 2, 2 fehlt E. — 3, 2 Salve fehlt B. — 3, 3 Salve, digna quae E; tu fuisti B. — 3, 4 salutata CE. — Str. 4 und 5 umgestellt D. — 4, 1 infinita D. — 4, 2 fides, spes et BE. — 4, 4 corona regis B. — 5, 1 Salve virgo fructuosa D. — 5, 2 prole E; prolens D; speciosa ACE. — 5, 3 Sponsa regis E; formosa A; gloriosa E. — 5, 4 fehlt A; Gaude, gaude BE. — 6, 1 Salve quae tu D; Gaude, namque B; Gaude, Maria, namque E. — 6, 2 Dominum caeli E. — 6, 3 laudant E; angeli D. — 6, 4 Et angeli quoque throni A; Throni et archangeli D; et quem throni E; die ganze Str. 6 lautet in C:

Gaude, mater tui patris
Et salvatrix Evae matris,
Nostrum generans Dominum
Et salvatorem hominum.

7, 1 Salve caelorum dominatrix D. — 7, 3 Miserorum impetratrix et consolatrix E. — 7, 4 mei miseratrix D. — 8, 1 o regina E; Salve, domina regina D. — 8, 3 Ad medendum me festina B; Ad redimendum E. — 8, 4 Quae es mundi medicina C; Audi nos, o regina B. — 9, 1 Salve, in qua gemma caeli D; 9, 2 Et lumen paradisi E. — 9, 3 Afflictibus D; saeculi BD; huius mundi C. — 9, 4 me E. — 10 Matthias B, Simon D. — 10, 1 Tu fehlt D; psalmorum psalmodia B. — 10, 2 Tu fehlt E. — 10, 4 O civium B. — 11. Barnabas D. — 11, 1 Salve, virginum D; virginum virgo E. — 11, 2 Tu lucerna CD; lux et via AC; lex vera lux et E. — 11, 3 Tu iustis o Maria B. — 11, 4 Tibi laus et gloria E. — 12. Matthaens D. — 12, 1 Salve, domina D. — 12, 3 Tu tutela C. — 12, 4 Tu mater es E. — 13, 1 Salve fehlt ABCE; Simul omnes, laudamus E. — 13, 2 adoramus C. — 13, 3 Atque ad te B; Et ad te E; Omnes ad te C. — 13, 4 Ut te AE. — Nach 13, 4 In saecula saeculorum D.

Vor dem Liede: Ut dicitur, apostoli cantaverunt, quando Maria ascendit in caelum, hos versus A. — In visione de strata florida legitur, quod quilibet de duodecim apostolis cum tribu una versum rigmaticum ante dominam nostram Mariam, reginam caeli et terrae, decantabat. B.

Hierauf in E noch folgendes:

Salve, dulcis mater Domini,
Quem venientem genuisti,
Eum roga pro delictis
Remittendo facinora.

Flos pratorum, o Maria,
Decus mundi, flos hortorum,
Laus [et] honor angelorum,
Solacium tribulatorum.

Dann: Ave, virgo speciosa, clarior sideribus etc; fremde Entlehnung.

204. De Rosario BMV.

- | | |
|---|---|
| 1. Mater nati mirifici,
Aeterni patris lilium
Et pneumatismis alimifici
Mirabile triclinium. | Lassis dat refrigerium,
Lugentibus gaudentiam. |
| 2. Aurora surgens dulciter,
Taetros illustrans homines,
Qui dicunt Ave iugiter,
Damni non sint participes. | 7. Adgravatos alleviat
Dura laxans compendia
Temptatosque tranquillat,
Egentes ab inedia. |
| 3. Rorem infunde gratiae
Dicenti sertum roseum,
Pro hoc stabis in acie,
Qui fert tuum psalterium. | 8. Tenorem observantiae
Religiosis fratribus
Copiamque scientiae
Devotis dat scholaribus. |
| 4. In quinquaginta textitur
Ave sertum virgineum,
In tribus sertis noscitur
Psalterii triclinium. | 9. Excludens est poenalia
Regni et territorii,
Mala fert infernalis
Poenasque purgatorii. |
| 5. A
.
Pater noster quindecies
In psalterio recites. | 10. Recte dictum daemonibus
Infert confusibilia,
Sanctis honorem, omnibus
Largitur perutilia. |
| 6. Mire prodest psalterium,
Nam praestat paenitentiam, | 11. Iesu ergo concinite,
Ut caelum consequamini,
Mariae quoque psallite,
Ut ad polum ducamini. |

R° Eia, cari,
Velle non dispari
Hinc offeramus iugiter
„Ave Maria gratia“,
Ut ad caeli palatia
Tendamus persuaviter.

Pass. ms. Io. Gilemans saec. 15. Cod. 9965. der k. u. k. Familien Fidei-Comiss-Bibliothek. — „Rigmus commendabilis de utilitate ac salubritate psalterii beatae et gloriosae Dei genetricis Mariae semper virginis.“ — 7, 1 Oneratos alleviat, gegen das Akrostich: Maria mater Iesu.

205. Ad beatam Mariam V.

Oratio vespertina.

- | | |
|---|---|
| 1. Ad te clamamus, audi nos,
Virgo, regina saeculi,
Et in nocte custodi nos
Sicut pupillam oculi. | 3. Fessos diurnis aestibus
Nos somno pacis refove
Nobisque quiescentibus
Tu fraudes hostis remove. |
| 2. Iam tibi, mater, septies
In die laudem diximus,
Sit nobis in te requies,
Sub umbra cuius vivimus. | 4. Stella fulgore praedita,
Lux iucunda, lux celebris,
In tuas laudes excita
Nos mane pulsus tenebris. |

Brev. Arremarense saec. 15. Cod. Parisien. 1063.

Blume, Pia Dictamina. IV.

206. Ad beatam Mariam V.

Oratio vespertina.

- | | |
|---|---|
| 1. O Salomonis ferculum,
Amor, amplexus, osculum,
Lectus vallatus liliis
Lampadibusque aureis, | 3. Pax nostra indeficiens
Et custos nunquam dormiens,
Virtute nos modifica,
Custodi et pacifica. |
| 2. Da nobis lectum nobilem,
Id est amorem humilem,
In quo dilecti suavis
Astringamur amplexibus. | 4. Fac nobis novo sidere
In hac nocte diescere
Et sub tua custodia
Dormiamus in gratia |

Orat. ms. Tegurinum anni 1466. Clm. Monacen. 19991.

207. Ad BMV. tempore pestilentiae.

- | | |
|--|---|
| 1. Stella caeli extirpavit,
Quae lactavit Dominum,
Mortis pestem, quam plantavit
Primus parens hominum. | 4. Ipsa virgo nunc compescat
Daemonum insidias,
Ut in nobis nunc virescat
Laus et omnis bonitas. |
| 2. Ipsa stella nunc dignetur
Sidera compescere,
Quorum bella plebem caedunt
Diro mortis ulcere. | 5. Mater Dei amicta sole,
Luna tuis pedibus
Subest, nunc a cladis mole
Serva nos in aedibus. |
| 3. Virga lesse germinavit
Florem veri luminis,
Quem benigne ros rigavit
Septiformis spiritus. | 6. Ipsa mater deprecetur
Filium piissimum,
Ut viventes hunc laudemus,
Patrem et paraclitum. |

Orat. ms. Domus Novae Lucis anni 1477. Cod. Ultraiectin. Scriptt. Eccl. 375. — Diesem Liede gehen in der Hs. einige offenbar nicht hierher gehörige Strophen voraus:

Salve, sancta luminosa
Stella caeli, rubens rosa
Formae deitatis,
Quae per regem Salomonem
Praerogativam rationem
Tenes in beatis.

Ad nos veni(re), propera,
Nostra regas opera,
Ne mors subitanea
Nos invadat vel ea
Improvise irruat;

Tua virtus suppleat,
Quod in nobis deficit
Et veneno inficit
Animae subiectum;
Tu da finem rectum,
Quomodo vixerimus,
Licet peccaverimus,
Ut cum tuo filio,
Tam clementi, tam pio
Valeamus miseri
Nos sic tuae fieri
Gloriae consortes.

Str. 1 und 2 dieses Liedes waren als Antiphon in liturgischem Gebrauch, die andern sind spätere Erweiterung. Von ersteren weiss das Breviarium Romanum, Antwerpiae, Ex Architypographia Plantiniana MDCCXXXIII folgende Legende „ex Chronicis Ordinis Seraphici Fratrum Minorum, conscriptis per R. P. Franciscum Gonzagam, eiusdem ordinis Generalem, Part. 3, de Provincia Portugalliae Monast. VIII.“ zu berichten:

Laborante universa Conimbricensi civitate gravissima peste coepit et hic locus (puta monasterium sororum S. Clarae, quae Urbanistae dicuntur) infici. Cumque abatissa daret operam, ut sorores sibi subiectae alio transferentur, ut vel sic mortem evadere possent, adfuit ex insperato mendicus, qui ab ea tantae tristitiae et sollicitudinis causam sciscitans atque certior de his factus membranulam ei porrexit inquires: Si curaveris, ut Antiphona et Oratio hac in chartula scripta singulis diebus decantetur, hic locus immunis omnino a peste erit; hisque dictis evanuit. Existimarunt sorores huiusmodi mendicum fuisse s. Bartholomaeum. Quidquid tamen sit, indubia res est, coenobium ex eo tempore ab omni pestifera lue, Conimbricensi etiam civitate infecta, liberum fuisse.

Nach Str. 2 folgen in dem Breviere noch die Worte: O piissima stella maris, a peste succurre nobis; dann die Verse der Sequenz Ave praeclara maris stella: Audi nos, domina, nam filius tuus nihil negans te honorat. Salva nos, Iesu, pro quibus virgo mater te orat. Hierauf Versikel und Oration.

208. Letania beatae Mariae V.

R. Iesu mater, audi nos,
Christi mater, salva nos.

- | | |
|---|--|
| 1. O Maria, deitatem,
Caritatem, bonitatem,
Trinitatem o. p. n. | 8. Cella splendidissima,
Stella serenissima,
Sol, luna clarissima. |
| 2. O Maria, dulcis pia,
. . . laus, sophia,
Sacra dia, o. p. n. | 9. Tota candidissima,
Regina dignissima,
Sanctorum sanctissima. |
| 3. O Maria, mater Dei,
Summa spei, salus rei
Cordis mei, o. p. n. | 10. Gratia plenissima,
Spes mundi laetissima,
Caritas iustissima. |
| 4. O Maria, adoptata,
Nobis data, foederata,
Advocata, o. p. n. | 11. Salvatrix mitissima,
Semita rectissima,
Ianua amplissima. |
| 5. O Maria
Ancilla humillima,
Mulier mundissima. | 12. Matrona tutissima,
Nuntia fidissima,
Misericors, piissima. |
| 6. Femina castissima,
Natura piissima,
Virgo ferventissima. | 13. Suavis, amoenissima,
Medulla dulcissima,
Mel, gutta melliflua. |
| 7. Genetrix suavissima,
Mater clementissima,
Prole fecundissima. | 14. Domina carissima,
Pia, dilectissima,
Dulcis, benignissima. |
| 15. Auribus lenissima,
Prece placatissima,
Voce potentissima. | |

209. Iubilus Quindecim Graduum.

1. Ave, mater, quae primaevae
Mala pellis matris Evae,
Quae pepercit nemini;
Ave, virgo, Dei porta,
De qua mundo salus orta,
Salus venit homini.
2. Ave, sacro verbo parens,
Verbo facta verbi parens,
Regis regum omnium;
Ave, summi verbi mater,
Quod de summo misit pater
Pro salute gentium.
3. Ave, virgo, signum rubi,
Rubus ardet nec est, ubi
Flammae sint vestigia;
Ave, virgo, sancto partu
Virgo mater, nulli par tu,
Patrem paris filia.
4. Ave, de qua mons praevisus,
De qua lapis est absclusus
Non manus officio;
Ave, virgo, virga Iesse,
Virgo digna mater esse,
Non corrupta filio.
5. Ave, de qua lex, prophetae
Clarent cuncta dicta de te,
Clarum hoc mysterium;
Ave, quondam repromissa,
Tunc promissa, mundo missa,
Modo plenum gaudium.
6. Ave, per quam salus mundi,
Mundus exit ab immundi
Praedonis dominio;
Ave, cuius ortu nati
Homo primo liberati
Primo redit gaudio.
7. Ave, dulcis, salve, pia,
Nostra tota spes, Maria,
Atque vitae praemia;
Ave, digna salutari,
Quae in tuo salutari
Nato salvas omnia.
8. Ave, summa digna laude,
Summa mater, summe gaude
Paradisi sedibus;
Ave, virgo, lux caelorum,
Lumen nobis beatorum
Confer tuis precibus.

Cod. Carolsruhan. Augien. 36. saec. 14/15. — „Explicit iubilus quindecim graduum.“ Nach jeder Halbstrophe folgt der Anfang eines Gradual-Psalmes.

210. „Te Deum“ Marianum.

1. Te deam digne laudibus
et dominam fatemur,
Te in terris virginem
aeternam veneramur,
Te feminam eximiam
omnes laude famur.
2. Te matrem fertilissimam
elementa dicunt,
Tibi iugiter vocibus
creata benedicunt,
Te non colentes laudibus
se ipsos maledicunt.
3. Tibi omnes homines
sunt semper servientes,
Tibi omnes angeli
sunt semper obsequentes,
Tibi et archangeli
virtutesque canentes.
4. Principatus, potestates
et dominatus sonantes,
Te Cherubim et Seraphim
cum thronis sunt laudantes,
Te cuncta caeli agmina
sunt iugiter dicentes:

5. Sancta, dulcis, inclita,
hierarchiarum domina,
Sanctior, eximia
sanctificata femina,
Sanctissima, ingenua
patrona in patria.
6. Virgo, virgo virginum,
prima abs exemplo,
Mater, mater omnium
matrum, absque viro,
Mulier o mulierum
sexu non coniugio.
7. Te pater altissimus
sibi concreavit,
Te, pia, Deus filius
deifice beavit,
Te sanctus ex hoc spiritus
semper inhabitavit.
8. Plena infernalìa
sunt, caelica, terrena,
Plena caeli curia
est gloria serena,
Plena virtualium
habituum tu vena.
9. Te praedicant apostoli
reginam gloriosam,
Te prophetarum paginae
stellam radiosam,
Te scimus multo carmine
radicem fructuosam.
10. Te scripturali serie
terram germinosam,
Te cruciatus martyrum
dicunt triumphosam,
Te confessorum viola
florum speciosam.
11. Te virginalis turmula
fert sideriosam,
Te caelebs viduitas
concinit flagrosam,
Sanctorum te fraglantia
spiratque fraglosam.
12. Te laudat omnis hominis
beatam hic facesia,
Te timet omnis feminam
victricem haeresia,
Te confitetur undique
sancta nunc ecclesia
13. Matrem Dei hominis
immensae maiestatis,
Matrem Dei plasmatis
intensae pietatis,
Matrem cuncti generis
virtutum dignitatis,
14. Venerandam Christi sponsam
et mariti nesciam,
Venerandam roris concham,
incontactam aream,
Venerandam mannae urnam,
panis, vini tinnulam,
15. Sancto solam impraegnatam,
tamen non generatam,
Sancto solam fecundatam
terram, non aratam,
Sancto solam sublimatam,
summe ubertatam.
16. Tu es aula Iesu Christi,
dos suavitatis,
Tu es caula reo tristi,
flos amoenitatis,
Tuque paula sic crevisti,
ut mons viriditatis.
17. Tu es patri amorosa,
sempiterna filia,
Tu es nata generosa,
mater spernens vilia,
Tu es semper dulcorosa
pneumati cum gratia.
18. Tu ad liberandum mundum
incarnasti Dominum,
Tu ad diligendum Deum
horruisti saeculum,
Tu ad redimendum reum
plantas Iesum genitum.

19. Tu praegnando mortem calcas,
vitam donans saeculo,
Tu, gignendo natum falcas
crimina cum calculo,
Tu fovendo Christum saltas,
gandens eius solio.
 20. Tu ad dextram Dei patris
astas mater filio,
Tu ad morem pie matris
condoles exsilio,
Tu assertum trinitatis
edoces consilio.
 21. Iudex per te mitigatur
vivo, simul mortuo,
Iudex in te complacatur
reo toto morbo,
Iudex tecum consolatur
compassurus populo.
 22. Te ergo, clemens o patrona,
quaesumus, nunc subveni,
Se hinc demens, o matrona,
offert tantae consuli,
Se hinc amens, o corona
virginum, vult dirigi.
 23. Aeterna qui es Dominus
luce trinus unus,
Aeterna nihilominus
vita, via, munus
Aeternum sis in gloria,
Christe, largiturus.
 24. Salvum redde supplicem
populum et audi,
Salva, victrix, triplicem
pugnam et exaudi,
Solum tuae famuli
dent votum verae laudi.
 25. Et hos rege, benedic
rectos te collentes,
Et extolle manu sic
hos fide inter gentes,
Et hosti nostro maledic,
secura nos timentes.
 26. Per singulos dies te,
clemens, benedicimus,
Per singulas noctes te,
pia, flentes petimus,
Per singulas horas, o
dulcis, tibi gemimus.
 27. Et laudamus nomen tuum
semper et in aevum,
Et laudamus partum tuum,
ut nil sit nobis saevum,
Et laudantem vultum tuum
non fac nato laevum.
 28. Dignare, domna, omni hora
per gratiam te cernere,
Dignare nos laudare te
et votum nunquam spernere,
Dignare nos colendo te
tuos hostes sternere.
 29. Miserere miseris,
regina clementiae,
Miserere, diceris
mater indulgentiae,
Miserere miserae
delictis neglegentiae.
 30. Fiat misericordia
nobis, ut speramus,
Fiat benevolentia
nobis, qui clamamus,
Fiat et clementia
nobis, ut amamus.
- Cod. Graecen. 347. saec. 14. — 3, 2 sint. — 5, 4 sanctificatorum. —
15, 2 Spiritu tamen. — 15, 4 Spiritu terram. — 15, 6 Spiritu summe. —
19, 4 crimen cum.

Nachträge und Berichtigungen.

- Nr. 44, welches bei Mone I, 356 unter dem Anfange „Quanta mihi cura de te“ aus einer Karlsruher Hs. mitgeteilt ist, hat allem Anschein nach Thomas a Kempis zum Verfasser. Ebendort lies 1, 6 exsul, ni fluctues statt in fluctu es.
- Nr. 23. 1, 2 lies Regum rex statt Regnum rex.

Inhalts-Übersicht.

I. Real-Index.

1. De Deo.

	Nr.
De ss. Trinitate	1—8
De ss. Trinitate et Sacramento Altaris	9
Ad Deum oratio	10—13
Pater noster	14
In ingressu ecclesiae	15
De divinis operibus	16
De Incarnatione Domini	17—19
De Nativitate Domini	20—23
De Nomine Iesu	24
De Epiphania Domini	25
De Transfiguratione Domini	26
Iubilus alaudae mysticae	27
De Christo Domino	28
De Vita Christi	29; 30
Ad Christum Oratio	31—42
Ad Christum et Mariam oratio	43
Verba Christi ad animam	44; 45
De Passione Christi	46—59
De Passione DN et Compassione BV	60
Ad Faciem Domini	61—65
Ad Latus Domini	66; 67
De Vulneribus Christi	68—72
De Cruce sancta	73—80
De Armis Christi	81—83
De Sepulcro Christi	84
De Resurrectione Domini	85—92
De Corpore Christi	93—108a
De Sanguine Christi	108b—110
De Spiritu Sancto	111—115
„Te Deum“ de Spiritu Sancto	116

2. De Beata.

	Nr.
De Festivitatibus BMV	117
De Conceptione BMV	118; 119
De Nativitate BMV	120—124
De Nomine BMV	125—130
De Nominibus Christi et BMV	131
De Annuntiatione BMV	132—134
De Visitatione BMV	135; 136
Thalamus BMV	137
De Partu BMV	138—146
De Uberibus BMV	147; 148
De Purificatione BMV	149; 150
De Compassione BMV	151—162
Planctus BMV	163
Dialogus Mariae cum populo	164
De V Doloribus BMV	165; 166
De VII Doloribus BMV	167—169
De V Gaudiis BMV	170—175
De VII Gaudiis BMV	176—179
De IX Gaudiis BMV	180
De X Gaudiis BMV	181—183
De XII Gaudiis BMV	184
De XV Gaudiis BMV	185—187
De VII Gaudiis BMV terrest. et caelest.	188
De VII Gaudiis BMV caelestibus	189—193
De XV Gaudiis BMV caelestibus	194
De Assumptione BMV	195—203
De Rosario BMV	204
Oratio ad BMV vespertina	205; 206
Oratio ad BMV tempore pestilentiae	207
Letaniae BMV	208
Iubilus quindecim graduum de BMV	209
„Te Teum“ Marinanum	210

II. Verbal-Index.

	Seite		Seite
Ad honorem nominis tui Iesu		Ave Iesu pastor bone	105
Christe	73	Ave Iesu qui fuisti	56
Adonai magne et mirabilis.	17	Ave luminis imago	130
Adonai rex omnium Salus	51	Ave manna virginale	107
Ad te clamamus audi nos	209	Ave mater quae primaevae.	212
Audi Deus creaturam	18	Ave mirum sacramentum	115
Ave caput gloriosum	91	Ave mundi pretium	105
Ave dies laudabilis In qua.	203	Ave puer amorose	52
Ave divina trinitas Pater	14	Ave quae caeli atria	204
Ave facies Iesu Dei	84	Ave regina angelorum et archang.	156
Ave florens vultus Christi Pro	84	Ave rex o bone Iesu	106
Ave florens vultus Christi Sputa	83	Ave salus nostrae spei	37
Ave fructus o Mariae	90	Ave sanctae crucis signum.	95
Ave Iesu parvule Regum rex.	26	Ave sanguis Iesu Christi	115

	Seite		Seite
Ave thronus maiestatis	128	Gaude stirpe regis nata	182
Aveo salus omnium	125	Gaude virgo concipiens	177
Ave vale o vitale	108	Gaude virgo gaudium	176
Ave verbum incarnatum	109	Gaude virgo generosa	181
Ave verum corpus Christi	111	Gaude virgo gloriosa Stirpe nata	194
Ave virgo genuisti	173	Gaude virgo mater Christi	176
Ave virgo pulchra nimis	128	Gaude virgo mater Christi	180
Ave virgo virginum Ave salus	182	Gaude virgo mater Christi	197
Ave virgo virginum Cuins	201	Gaude virgo mater Dei	186
Ave virgo sponsa nata	127	Gaude virgo singularis	188
Ave vita beatorum	107	Gaude virgo virginum namque	195
Ave vivens hostia	111	Gloria tibi Domine	100
Ave vulnus lateris	87	Grata Deo o ancilla	134
Benedicat me imperialis	14	Gratia excelsa regi referamus	16
Caput honorabile tremendum	102	Meu miser quid faciam	177
Caro Dei vivifica	100	Hostia praeclara cordis	114
Christe fili summi patris	48	Iam laetum mundo promitur	125
Christe via quae perducis	54	Iam nunc matri virgini	156
Christe matris animam	174	Iam translata polis aeterni	202
Christus Deus homo natus	55	Iesu benignissime ad te fiens	50
Coepit Iesus esse maestus	76	Iesu benignissime fons amoris	109
Constat in altari carnem	114	Iesu dulcis et decore	44
Corpus innocentiae datur	103	Iesu dulcis magae Deus	68
Crucifixe Iesu bone	89	Iesu mater audi nos	211
Crux bona crux digna	96	Iesu princeps maiestatis	71
Cum verbum carnem induit	101	Iesu qui de virgine	45
Deus creator omnium	22	Iesu patri obediens	57
Deus creator siderum	13	Iesu virtus deitatis	47
Die Maria quid vidisti	168	Imago trini numinis	100
Dulcis Iesus amor meus	50	In adplausu virginis	130
Dulcis Iesus qui es natus	46	In cruce palma fuit cedrus	97
Et ego quid demerui	53	In templo Ierusalem Christo	158
Ex adflatu divini flaminis	23	In templo Ierusalem Iesu	151
Festum quod nobis imminet	147	Laetare virgo virginum	133
Fidem sanctam orthodoxam	12	Lucis in principio Tempore	38
Fortis ut mors dilectio	134	Magna maior maxima Regalis	131
Gabrielis vox de caelis	149	Maria dulcis miseris nos audet	171
Gaude admirabilis Virgo	141	Mariae matris mammulae	146
Gaudeat omnis homo quia nos	24	Maria quae Iesu Christi	154
Gaude caeli domina	145	Mater alma redemptoris	150
Gaude clara stella maris	202	Mater mirabilis Maria nomine	129
Gaude Dei genetrix quae	200	Mater nati mirifici	209
Gaude dulcis o Maria	185	Mater pia orphanorum	129
Gaude flore virginali	198	Matri dignae non indigne	141
Gaude Maria quae Iesum concipis	188	Mira Dei caritas	142
Gaude mater divi nati	200	Nos regat aeternus custos	28
Gaude mater speciosa	187	O Christe dum nos reficis	106
Gaude mundi gaudium	189	O cor meum confortare	32
Gaude parens contra iura	143	O crux salve pretiosa	98
Gaude quae es obumbrata	143	O crux sancta et praeclara	94
Gaude quae progredieris	191	O Iesu rex caelice	83

	Seite		Seite
O imperatrix regia	204	Salve salve Iesu pie	92
O Maria deitatem	211	Salve sancta civitas	20
O Maria illustrata	147	Salve sancta luminosa	210
O Maria Mater Christi	148	Salve sanguis Christi Dei	116
O Maria virgo gaude	202	Salve sepulcrum nobile	99
Omnibus consideratis	87	Salve stella maris via virgo	178
O nata lux de lumine	31	Salve summum sacramentum	111
O pater alma tuum nomen	19	Salveto sancta trinitas	13
O paternae gloriae splendor	13	Salve verbum incarnatum	110
O pater noster Iesu digne	114	Salve virgo gloriosa	132
O perpulchra domina	171	Sanctae crucis lignum vale	95
O princeps pacis et principium	118	Sancte veni corda leni	120
O pugna mirabilis o tropaeum	61	Sicut tres pueros Dominus	126
O quam pulchrum thalamum	137	Simeonis nuntium matri quod	173
O qui perpetua mundum	17	Socie dic et declara	206
O regalis faciei Forma	85	Splendor patris fons sol ares	36
O regum rex altissime	13	Splendor patris lumen verum	41
O rex pater gentium	48	Stella caeli exstirpavit	210
O Salomonis ferculum	210	Summae fons incunditatis	9
O trinitas sempiterna	14	Tarda gressum o peccator	62
O virgo Dei genitrix	205	Te deam digne laudibus	212
O virgo prudentissima	205	Te Deum laudamus qui carnem	51
O vos omnes qui transitis	58	Te laudamus orphanorum	122
O vultus amabilis Nazareni floris	85	Thronus David elevatur	206
Peccatores quare desperatis	92	Thronus summae clementiae	127
Plange fidelis anima	64	Tibi Iesu creatori	49
Primo die dixit Deus	20	Tibi laudes et gratias	38
Primum fuit gaudium cum virgo	175	Tremendus in potentia	11
Quam venerabilis impretiabilis	96	Tu Christe nostrum gaudium	121
Quanta cura mihi de te	52	Vale Dei genitrix	135
Quid sibi vult clamor validus	96	Vale porta crystallina	143
Qui, nos plasmasti nostri	97	Vale virgo stirpis piae	126
Recordare o Maria	172	Veni creator Domine	121
Regem Christum hodie	34	Veni sancte spiritus	119
Rex cui personae tres sunt	61	Venite mares et feminae	155
Salutemur reverenter	138	Verbum a principio	21
Salve flos qui salvas nos	144	Verbum de patre natum	24
Salve Iesu agne paschalis	99	Verus homo verus Deus	155
Salve Iesu natus de virgine	60	Vidi Iesum adligatum	168
Salve mater salvatoris	207	Virgo Dei genitrix nostrae	136
Salve nomen salvatoris	30	Virgo mater recordare	151
Salve o fructifera palma	135	Virgo munda quae fecunda	193
Salve plaga sancta nostri	85	Virgo parens loquitur	132
Salve praeclara inclita	97	Virgo parens triplici mortis nexu	206
Salve resurrectio sancta	103	Virgo plorans filium	169
Salve sacer Christi Sanguis	116	Virgo thronus Salomonis	139
Salve salvatrix hominum	139	Vulnera corona crux clavi	98

ANALECTA HYMNICA

MEDII AEVI.

Herausgegeben

von

Clemens Blume und Guido M. Dreves.

XXXII.

PIA DICTAMINA.

Reimgebete und Leselieder

des

Mittelalters.

Fünfte Folge.

Leipzig.

O. R. Re i s l a n d.

1899.

PIA DICTAMINA.

Reimgebete und Leselieder

des

Mittelalters.

Fünfte Folge.

Aus

Handschriften und Wiegendrucke

herausgegeben

von

Guido Maria Dreves

S. J.



Leipzig.

O. R. Reisländ.

1899.

VORWORT.

In den einleitenden Worten zum XXXI. Bande dieser Sammlung ist bereits bemerkt, in welcher Reihenfolge und Anordnung die noch erübrigenden „Reimgebete und Leselieder“ zur Veröffentlichung gelangen würden. Demgemäß begreift der vorliegende Band die Marien-Lieder allgemeinen Inhaltes, die sich nicht ausdrücklich auf irgend ein Marienfest des Kirchenjahres oder irgend ein Geheimnis im Leben der Gottesmutter beziehen. Dieselben sind mangels eines anderen durchgreifenden Gesichtspunktes alphabetisch nach den Anfängen geordnet.

Einer wie großen Lebens-Fähig- und Zähigkeit sich das Prinzip der mittelalterlichen Reimdichtung erfreute, erhellt u. a. aus dem Umstande, dass sich dasselbe aller Ungunst der Zeit und aller Unduldsamkeit der Erbpächter eines geläuterten Geschmacks zum Trotz bis in und über die Zeiten des s. g. Humanismus erhalten hat. Andere Beispiele hiefür sind anderen Ortes beigebracht worden. Möge es gestattet sein, hier eine weitere Reliquie dieser Art einzufügen, der wir im Rahmen der *Analecta* einen Platz nicht anzuweisen vermöchten. Der bereits zu den *libri rarissimi* zählende Parnassus Marianus von A. de Balinghem, Duaci 1624, bietet S. 190 ff. das folgende Reimgebet auf Mariä Mitleiden. Balinghem bemerkt zu demselben: „Hymnus sanctissimi Patris Iosephi Anchietae, Societatis Iesu, ad beatissimam virginem Mariam de vulneribus Christi . . . Descriptus est ex auctoris autographo, quo gaudent Patres Societatis Iesu Montibus, quod tanti viri totque a Deo miraculis decorati monumentum ad instar reliquiarum asservant et venerantur.“ Welchen Glauben diese Angabe verdient, bleibe ununtersucht. Das Gedicht lautet:

1. Ave, matris cor benignae,
 Quod crudeles pungunt spinae
 Nati fixae capiti,
 Illi caput perforarunt,
 Tibi pectus lacerarunt
 Mundi culpa perdit.
 Fige meum, ne vegetur,
 Intellectum, sed rimetur
 Plagas tuas dulciter,
 Tu cum Iesu, Iesus tecum,
 Maneatis semper mecum
 Amplexando fortiter.
2. Ave, matris cor lugentis,
 Quod diris clavus tormentis
 Dextrae manus afficit;
 Felix clavus, qui divinum
 Natum simul et benignum
 Matris pectus conficit.
 Pia mater redemptoris,
 Tui leniter amoris
 Mihi manum adhibe,
 Tange lepram, et mundabor,
 Tange vulnus, et sanabor,
 Et peccantem cohibe.
3. Ave, pectus matris almae,
 Cui sinistrae vulnus palmae
 Dirum vulnus imprimit;
 Iste clavus tibi impressus,
 Quo perimitur Iesus,
 Culpae mortem perimit.
 Tuo, genetrix, dolore
 Salutarique timore
 Carnes meas saucia,
 Ut peccata caveantur,
 Dum tremenda formidantur
 Domini iudicia.
4. Ave, matris cor sacratum,
 Quod contemplor cruentatum
 Dextri pedis cuspidem,
 Ad te currit cor amantis
 Animusque singultantis
 Te suspirat avide.
 O si tuae castitatis
 Suavis odor hamatis
 Me sagittis feriat,
 Ut exstincto carnis bello
 Tua pietas in caelo
 Me victorem capiat.
5. Ave, matris cor adflictum,
 Quod cum nato gravem ictum
 Laevi pedis pateris,
 Nullam culpam cum patraris,
 Omni poena cruciaris,
 Omni plaga laederis.
 Ne me culpis maculatum,
 Me sceleribus foedatum
 Poenis dede meritis,
 Ut cum miti humilitate
 Humilique paupertate
 Tuis addar subditis.
6. Ave, matris cor honestae,
 Cuius Simeone teste
 Ensis fudit intima,
 Dum defuncti latus nati
 Rupit militis armati
 Hasta crudelissima;
 In te spinae coniurarunt,
 Clavi, crux et quae foedarunt
 Flagra dura filium,
 Ut cum nato morienti
 Maternae supersit menti
 Nullum refrigerium.

Zu beachten ist neben dem Reime 1, 1 u. f. und 2, 4 u. f. die Elision 3, 4 und 5, 10 sowie der Umstand, daß sämtliche männlichen (jambischen) Reime sich auf zwei Silben erstrecken.

Wien, den 24. November 1898.

Guido Maria Dreves.

DE BEATA MARIA VIRGINE

PIA DICTAMINA.



1. De beata Maria V.

1. Ad aeterni numinis
 cumulum honoris
Dicturus praeconia
 nostri salvatoris
Insigniri gratia
 tam sensus quam oris
Obsecro, nam linguae sum
 impeditioris.
2. Hoc enim miserrimo
 mihi peccatori
Dixisse plus congruit
 quam legislatori,
Cuius sapientiam
 effluentem ori
Placuit infundere
 summo creatori.
3. Ego vero sordida
 plenus actione,
Degens in superbia
 et abusione,
Omnibus dissimilem
 comparatione
Praesumam attollere
 qua praesumptione?
4. Cuius ad imperium
 mundi salutare,
Christus Iesus, subdidit
 caelum, terram, mare,
Quomodo vel qualiter
 audebo laudare,
Quam nec saltem dignus sum
 ore nominare?
5. Ad haec tamen sentiam
 me licet immundum,
Christum Iesum deprecor,
 qui redemit mundum,
Ut meum eloquium
 sit ei iucundum,
Qui potens est facere
 de immundo mundum.
6. Ne, quoniam laudibus
 intento Mariae,
Quae gigantem genuit
 geminac usiae,
Eo, quod indignus sim,
 vel nocte vel die
Accidat, quod accidit
 olim Adoniae.
7. Mariam dilucide
 satis exprimebat
Illa scala, dormiens
 quam Iacob videbat,
Cui innixus Dominus
 Deus apparebat,
Et quae caelum pariter
 et terram tangebatur.
8. Haec est enim pervia
 scala peccatorum,
Qua libet ascendere
 cacumen caelorum,
Huic ipse Dominus
 innixus suorum
Vota pie suscipit
 et preces servorum.
9. Haec ut Saba sapiens
 regina Sybilla,
Sed multum humilior
 utique quam illa,
Gabrieli nuntio
 respondit tranquilla:
Ecce, inquit, cuius es
 angelus, ancilla.
10. O felix humilitas!
 ecce, mater Dei
Ancillam se nominat,
 cum constaret ei,
Quod totius pareret
 conditorem rei,
Qui disponit tempora
 cursusque diei.

11. Videtur Abigail
istam designare,
Quae, cum David placuit
ipsam desponsare,
Volens coram nuntiis
se humiliare,
Pedes eius obtulit
se ipsam lavare.
12. Figuram huiusmodi
Rebecca praetendit,
Quae narrante puero
dum sibi attendit,
Quod per agrum obviam
Isaac ascendit,
De camelo protinus
ad terram descendit.
13. Lia ventris admodum
fructu gratiosa,
At Rachele facie
minus speciosa,
Designari poterit,
ut exponit glosa,
Haec inter Ierusalem
filias formosa.
14. Hesther, per quam reddita
salus est Iudaeo,
Et crux, quam paraverat
Amam Mardochoaeo,
Facta figuraliter
designat ex eo
Gratam singulariter
hanc reginam Deo.
15. Iterum si conspicias
oculis internis,
Spiritus a litera
si bene discernis,
En, Indith alterius
hostis Holofernis,
Eius, inquam, cuius est
locus in infernis.
16. Arcam iussu Domini
Noe construebat,
Quae salvavit intra se,
quidquid continebat,
Homines et pecora,
quae secum tollebat,
Cum aqua diluvii
cuncta consumebat.
17. Si scripturae iunxeris
sensum et sophiam,
Per arcam intelleges
virginem Mariam,
Quae suo continuit
in alvo Messiam,
Ad vitae quo rediit
omnis caro viam.
18. Per columbam etiam
in ore gestantem
Olivam, clementiae
signum, designantem
Gabrielem virgini
fata nuntiantem,
Quod misericordiae
portaret infantem.
19. Abnegat incredulus
haec dicta Iudaeus
Et infelicissimus
ille Manichaeus,
Quos ita corripiet
sequens sermo meus,
Quod adiudicabitur
hic et ille reus.
20. Tibi loquar igitur,
perfide Iudaeae,
Ausculta similiter
et tu, Manichaeae,
Dum transiret Dominus
mare Gallilaeae,
Dixit: „me sequimini“
Petro et Andreae.
21. Ita me sequimini
non gressum movendo
Nec utcumque gressibus
pedum incedendo,
Sed ipsum iustitiae
solem intuendo,
Quem vos pertinaciter
negare perpendo.

22. Vos, inquam, conveniam,
non dico factores,
Sed tantum Mosaicæ
legis auditores,
Qui sunt, quos in invicem
confertis, errores
Adversus catholicæ
fidei cultores?
23. Nonne scriptum legis:
in ore duorum
Stabit testimonium?
sed quid, si multorum
Utar testimoniis
ad robur dictorum,
Credetisne testibus
vel dictis eorum?
24. Isaias siquidem
propheta testatur,
Ieremias asserit
hoc et praelibatur,
Per quos et per alios
patenter probatur,
Quod Iesus ex virgine
Maria nascatur.
25. Labiis quodammodo
vir incircumciscus,
Sed hinc a catholica
fide non divisus,
Quaero; quid significet
Danieli visus
Lapis, sine manibus
de monte praeciscus.
26. Quid designet etiam,
quod rubus ardebat
Et rubum nullatenus
ignis comburebat;
Haec utraque visio
videntes latebat
Et profecto virginis
partum exprimebat.
27. David, cum senuerat,
Abisag fovebat
Et regem, ut legimus,
calefaciebat,
- Sed nec rex carnaliter
eam cognoscebat,
Nec a rege maculam
ipsa contrahebat.
28. Sic, sic Dei genetrix
et incorporavit
Deum et virgineum
florem conservavit,
Quod Iudaeus audiens
hucusque negavit
Et sicut, quæ periit,
ovis sic erravit.
29. Dic, quicumque crederis
esse vel fuisse
Discussor et arbiter
virtutis praemissæ,
Quid est mirabilius
partum concessisse
Virgini, an hominem
de terra fecisse?
30. Si esse contenderis
contra carnis iura,
Quod virgo conciperet
sine genitura,
Dic, si nosti, cuius est
haec ipsa natura,
Qua traxit originem
omnis creatura?
31. Moyses dominicum
mandatum complebat
Et de cunctis tribubus
virgas adferebat,
Inter quas, quæ fuerat
Aaron, frondebat
Et post diem alterum
nucæ producebat.
32. Delectat mysterium
hoc magnum videre
Et contra Iudaicam
haeresim miscere,
Quæ Deum in virgine
denegat complere,
Quod liquet ad oculum
in virga patere.

33. Qui dedit, ut arida
virga pullularet,
Fecit, ut et filium
virgo procrearet,
Qui mortalis propter nos
si non expiaret,
Nunquam nos a debita
morte liberaret.
34. Numquid non de virgine
potuit creare
Deus, quem de pulvere
noluit formare?
Si velle prospicitur,
de posse tractare
Non decet, nam potens est
cuncta renovare.
35. Cesset incredulitas
cuiusve Iudaei
Proinde potentiam
blasphemare Dei,
Cesset, inquam, supplici
voce clamans ei:
Iesu, fili virginis,
miserere mei.
36. Rex Aegypti Pharaon
vidit una vice,
Refert ut historia,
quodque septem spicae
Pullulabant pariter
ex una radice,
Quod exponi poterit
de illa felice.
37. Per formosas etenim
spicas, ut expressit
Ioseph regis somnium,
secura repressit
Famem abundantia,
quam large concessit,
Ex hac sacra virgine
fructus qui processit.
38. Supra tempus capitis
Sisarae ponebat
Iahel clavum ferreum
et clavo transfigebat,
- Quod effectualiter
Maria complebat,
Cum serpentis veteris
caput conterebat.
39. Haec [virgo] est mulier,
quae circumdat virum
Commedentem pariter
et mel et butyrum,
Hoc dixisse dicimus
non esse delirum,
Quod dixit veridicus
propheta, nec mirum.
40. Sarcophaga vidua
Maria signatur,
Cui lechythus olei
non minuebatur,
Et farinae hydria
magis augebatur,
Ut Helias Domini
servus loquebatur.
41. Hanc vocare poteris
etiam, si velis,
Per Annam, quae fuerat
mater Samuelis,
Quem sub Heli voverat,
ut voto fidelis
Servitutum obtulit
Domino de caelis.
42. Haec est nominaliter
dicta maris stella,
Qua sedatur saepius
marina procella,
Haec pudoris thalamus,
haec unguenti cella,
Haec, quae sola dicitur
mater et puella.
43. Haec columna populum
Israel deducens,
Quo tendebat, lucide
de nocte reducens,
Haec ad vitae ianuam
semita perducens,
Haec, per quam seducitur
Satan nos seducens.

44. Haec est arca continens
 manna delicatum,
Haec sancti sacrarium
 spiritus sacratum,
Haec funda proiciens
 petram, qua prostratum
Ab inermi legimus
 Goliath armatum.
45. Haec est virga florida
 Iesse, patris David,
Stella Iacob, Balaam
 de qua prophetavit,
Haec, auditum filii
 cuius auscultavit,
Inter animalia
 Habacuc et pavit.
46. Haec, clausam Ezechiel
 quam consideravit
Porta, vir nec exiit
 per quam nec intravit,
Haec cisterna Bethlehem,
 cuius asservavit
Aquam David, Domino
 Deo quam libavit.
47. Hanc, ut brevis persequar
 seriem sermonis,
Mystice significant
 vellus Gedeonis,
Moysi vas scirpeum,
 thronus Salomonis,
Aureum candelabrum
 et mons visionis.
48. Mulier, sub pedibus
 quae lunam tenebat
Et veste circumdata
 solis apparebat,
Mariam aptissime
 signans innuebat,
Quae verum iustitiae
 solem pariebat.
49. Conquievit populi
 murmur mox aperto,
Quod aqua de silice
 fluxit in deserto,
Virga, qua percutitur
 in saxo reperto,
Virginis est filius,
 ut placet deserto.
50. Illa Ierosolymis
 salutis piscina,
In quam descendantibus
 datur medicina,
Intellegi poterit
 haec mundi regina,
Quae medetur languidis
 virtute divina.
51. His et huiuscemodi
 rebus designata,
Iam supra caeligenas
 omnes exaltata,
Condescende miseris,
 o virgo beata,
Quia nostra diceris
 et es adovocata.
52. Regina, quae praesides
 et primatum tenes
Super omnes virgines,
 iuvenes et senes,
Reos reconcilia
 servos eum penes,
Qui corda diiudicat
 et scrutatur renes.
53. Te commendat gloria
 matrem virginalis
Nec deflorat virginem
 partus filialis,
De te prodit filius
 patri coaequalis
Et ei per omnia
 consubstantialis.
54. Maria, dulcissima
 mater salvatoris,
Quae sanctorum omnium
 es praelata choris,
Recordare, quaesumus,
 tui quod honoris
Summa sit occasio
 culpa peccatoris.

55. Signanter necessitas
quaenam videretur,
Verbum carnem fieri
per quam pateretur,
Si delictum hominis,
quod redimeretur
Sua morte, penitus
non inveniretur?
56. Constat ergo, domina
mundi praelecta,
Quod pro peccatoribus
mater sis effecta,
Quos eidem, cuius sunt
opera perfecta,
Complacere facias
a Deo dilecta.
57. Nos quidem, nos fragiles
et ad malum proni,
Privamur hic, proh dolor,
omnis fructu boni,
Sed tuae committimus
miserationi
Nos et nostra subdimus
tuae ditioni.
58. Ne frustremur igitur
spe, quam reportamus
De te, cuius totiens
nomen invocamus,
Quae si non subveneris
nobis, ignoramus,
Quid in his miseriis
ultra faciamus.
59. Admitte, piissima
mater, hoc dictamen
Et sic te petentibus
impende iuvamen,
Ut cum factum fuerit
ultimum examen,
Vivamus in saecula
saeculorum. Amen.

Cod. Londinen. Reg. 7 A VI. saec. 14/15. — 1, 4 nostre. — 3, 4 et in
abusione. — 6, 3 Qui. — 9, 1 Ut Salu sapiens. — 13, 3 Et Rachele. —
14, 2 salus est in Deo. — 14, 7 Etiam singulariter. — 18, 6 vata oder nata
nuntiantem. — 21, 3 utrumque. — 22, 5 in fehlt; cfr. Luc. 24, 17. — 24, 4 et
fehlt. — 31, 1 sq. mandatum dominicum. — 33, 5 mortales. — 41, 1 Huic. —
41, 3 Peraman quae. — 46, 2 consederavit. — 46, 6 assertavit. — 51, 7 disceris.

2. Ad beatam Mariam V.

1. Assis nobis, virgo pia,
Quae vocata es Maria,
Stella maris rutilans,
Tu pro nobis semper ora
Ad filium sine mora
Veniamque postulans.
2. Ut adiuti gloriemur,
Absoluti liberemur
A peccatis omnibus,
Ne Satan cum suis turmis
Nos congreget in extremis
Poenis infernalibus.
3. Ne damnemur cum impiis,
Sed precibus tuis [piis]
Valeamus scandere,
Ubi manes cum filio,
Cum patre, cum paraclito
Sacrosancto foedere.
4. Tibi, Christe, sit gloria
Cum matre tua Maria
Hic et in caelestibus;
Hymnus iste sit devotus
Tibi semper atque gratus
In Mariae laudibus.

Orat. ms. Combergense saec. 15. Cod. Stuttgartien. 1b. 87. — 1, 5 filium
tuum sine. — 3, 6 Sacrato.

3. Ad beatam Mariam V.

- | | |
|--|---|
| 1 a. Angelorum supernorum
Imperatrix atque datrix
Salvatoris, creatoris
Continentis omnia. | 1 b. Protulisti, quae vicisti,
Mundi florem atque rorem,
Mater alma, dicta palma
Iuste super omnia. |
| 2 a. Balsamata ut es nata,
Virgo grata, es vocata
In honorem atque morem,
Noemi pulcherrima. | 2 b. Nec non Sara es praeclara,
Virgo praegnans, quae es
regnans
Mundum istum, gignens Christi-
stum
Tu eris, sacerrima. |
| 3 a. Collaudaris per scripturam,
Visitaris per picturam,
Honoraris per sculpturam,
Virgo felicissima, | 3 b. Nec formido deformavit
Nec caligo diffamavit
[Nec rubigo] te [foedavit],
Regina mitissima. |
| 4 a. Dona bona nobis dare
Tu digneris, virgo, veris
Flos, amare nos te dona,
Quod mala vitemus.
. | 4 b. En, felicem genetricem,
In qua ista infinita,
Quae quaesita in hac vita
Vere inventutis
Anno prosunt senectutis. |
| 5 a. Forma plena et serena,
Longa virtus, pia myrtus,
Humilitate brevis,
Concepisti, mater Christi,
Christum, qui non levis, | 5 b. Immo gravis in moribus,
Ob quod in campi floribus
Merito laudaris,
Immo stella maris
Iuste nuncuparis. |
| 6. Gloriosum ad nos vultum
Converte speciosum
Splendentem[que] multum,
Nos tu fove nosque move
De lacu miseriae. | |

Orat. ms. Tegurinum saec. 15. Clm. Monacen. 19353. — 4 a, 2 feris.

4. Oratio de Beata Virgine.

- | | |
|--|--|
| 1. Ante thorum tam decorum
Virginis puerperae,
Lingua, prodas novum odas
Mariae christiferae. | 3. Virgo prolem, stella solem
Mundo novum edidit,
Dum fideli Gabrieli
Nuntianti credidit. |
| 2. Patrem nata illibata
Ipsa quippe genuit,
More miro sine viro
Mater esse meruit. | 4. Res divina, una trina,
Utero concluditur,
Virginali forma tali
Deus homo gignitur. |

- | | |
|---|---|
| 5. Quod auscultans vox exsultans
Deum laudat dulcius, | 14. O Maria, mater pia,
Trinitatis cellula,
Quaetam magnum lactas agnum
Dei, virgo parvula. |
| • Pax in terra pulsa guerra,
Caeli canit nuntius. | |
| 6. Pastor certus hoc expertus
Cernit in praesaepio
Christum natum, nobis datum
Nuntiat cum gaudio. | 15. O flos florum, norma morum,
Castitatis lilium,
Mel dulcoris, vas honoris,
Dei ferens filium. |
| 7. Natum regem praeter legem
Laudat bos et asinus,
Se prosternunt, quia cernunt
Christum esse comminus. | 16. Tu lux lucens, nos educens
De gehennae latebris,
Fulgens stella, lux novella,
Viam dans de tenebris. |
| 8. Stella fulget, ut divulget
Hoc orbi mysterium,
Stans innixa ut adfixa
Iuxta puerperium. | 17. Tu fons vivus, a quo rivus
Manat indeficiens,
Hunc qui potat, non aegrotat
Nec est ultra sitiens. |
| 9. Reges credunt et accedunt
Ante thronum virginis,
Dona ferunt, Christum quae-
runt
Ducti signo luminis. | 18. Madens humus, ardens dumus
Te figurant virginem,
Sane puram parituram
Deitatis hominem. |
| 10. O miranda et laudanda
Ista generatio,
Quae perplexo et inflexo
Fulget hoc mysterio. | 19. Te signavit cantus David,
Tui ventris fructui
Ponens sedem, ut heredem
Nostro daret cultui. |
| 11. O stupenda, reverenda
Verbi incarnatio,
Per quam vita morte trita
Datur et salvatio. | 20. Isaiae prophetiae
Intellectum aperis,
Quando paris expers maris
Deum nostri generis. |
| 12. O quam mirum extra girum
Orbis tabernaculum,
In quo Dei virtus ei
Fecit habitaculum. | 21. Evae luctum tu destructum
Prodis almo germine
Et productum vitae fructum
Sine viri semine. |
| 13. O quam rarum et praeclarum
Amoris conubium,
Ubi pura contra iura
Virgo parit filium. | 22. Fers ad templum in exemplum
Viam vitae indicans
Natum regem, implens legem,
Partu te purificans. |

Orat. ms. Lehninense anni 1518. Cod. Berolinen. 4° 29. — 1, 3 Lies: Novas odas oder novem odas? Neun Oden zählen nach der Zahl der biblischen Cantica die Kanones der griechischen Hymnoden. — 11, 1 veneranda.

5. De beata Maria V.

1. Ara Dei, porta spei,
Virgo mater unica,
Per te rei cordis mei
Candidetur tunica.
2. Ve cunctarum feminarum
Tollens tua gloria
Offensarum contractarum
Purget me de scoria.
3. Mater, audi, sed exaudi,
Sit vox licet quaerula,
Os nam claudi tuae laudi
Mors est, vitae ferula.
4. Riga reum, placa Deum,
Iuva, plena gratia,
Da tropaeum et cor meum,
Te quod famet, satia.
5. Alma Iesse virga, fessae
Mentis ingens pausula,
Tutrix esse velis pressae
Carni mortis clausula.
6. Grata morum forma, thorum
Servans absque macula,
Vitiorum tu meorum,
Virgo, stingue iacula.
7. Cinis ego quamdiu dego
Vitae sub hac formula,
Quidquid rego, tibi lego,
Corrigas anormula.
8. Ave, mitis, a vae litis
Inferni me libera,
Ut cum tritis caelo sitis
Vita fruar libera.
9. Plebis numen, vitae flumen,
Cellula nectarea,
Praebe lumen, fer acumen,
Caeli duc in area.
10. Nati nata, quae beata
Mater es et filia,
Nos post fata duc ad grata
Paradisi gaudia.
11. Dolor urget me, nam turget
Mens et ab amentia
Non resurget, nisi purget
Hanc tua clementia.
12. Mira parens, labe carens,
Cui nulla praevia,
Fac, ne parens sit mens arens
Ad quaeque daemonia.
13. Nusquam tutum est hoc lutum
Carnis infra limina,
Ni per scutum tu virtutum
Longe pellas crimina.
14. Te nutricem, te victricem
Summa super aethera,
Iuxta vicem tam felicem
Laudo super cetera.
15. Cum pro vero mane, sero
Sim expertus talia,
Neque spero, sed nec quaero,
Quod sit talis alia.
16. Benignarum feminarum
Rosa, vernans primula,
Animarum spes lapsarum,
Deitatis rimula.
17. Nevum mentis te colentis
Dele, fer piacula,
Taetrae gentis et furentis
Ne adurat facula.
18. Dictu miro paris viro
Sine, muliercula,
Angui diro mundi gyro
Pulso per haec fercula.
19. Tam sincere te decere
Fidei conubia
Scimus vere, nec latere
Quit res nulli dubia.
20. Tuus fructus nostri luctus
Exsiccavit semina,
Mundi fluctus, carnis ructus
Seda, felix femina.

21. In te cursum tendi sursum
Da per tot naufragia,
Stringensursum, neno sursum
Trahat ad contagia.
22. Murus, porta, byssus, sporta,
Virga nitens aurea,
Me supporta, spe conforta,
Dita caeli area.
23. Livor fellis multis bellis
Turbat cordis atria,
In procellis sub flagellis
Gemit carnis patria.
24. Eia, veni tu et leni
Cordis tot contraria,
Aut in caeni tam obsceni
Submergor angaria.
25. Risu fletum, plausu metum
Muta sedans bellica,
Cor quietum sit et laetum,
Longe sint procellica.
26. Busti die tu, Messiae
Mater, dele vitia
Et post viae cursum pie
Nobis sis propitia.
27. Et cum dirae dies irae
Fiet nimis horrida,
Non perire, sed exire
Fac de zona torrida.
28. Belluina carnis vina,
Mentis quae sunt toxica,
Tu, divina medicina,
Misce, ne sint noxia.
29. Ne tantorum me malorum
Obruant pericula,
Commissorum tu meorum
Dissolve reticula.
30. Dic, Maria, virgo pia,
Unde mihi venia,
Nisi dia in sophia
Spei des encaenia?
31. Tu sublimis hera nimis,
Duc nos locis, domina,
Ab his imis in opimis
Dubia post omina.
32. Fructu feta, quo deleta
Constat offendicula,
Auge laeta, da quieta
Temporum curricula.
33. Tu sodalis curialis,
Conductrix egregia,
Nos a malis tuis alis
Tege, virgo regia.
34. Ventus urat, hostis furat
Stringat vel inopia,
Mens non curat, quam securat
Tua dulcis copia.
35. Tristis quivis mundi civis
Culpa de praeterita
Potest, si vis, iungi vivis
Tua per praemerita.
36. Tu, quae menti paenitenti
Sola fers colliria,
Asta flenti vel gementi,
Respice suspiria.
37. Iram nati, tam irati
Mollias, christifera,
Ne peccati perpetrati
Poena sit mortifera.
38. Amen, Amen, per affamen
Hoc et per similia
Praestet flamen sanctum, tamen
Si accedant milia.

Cod. Parisin. 11343. saec. 15. A. — Nach dem Vorsetzblatte einer Breslauer Inkunabel bei Friedr. Haase, *Miscellaneorum philologicorum* lib. V, cap. 4. (Breslau 1863). B. — 3, 2 claudi me vel audi A. — 3, 4 est ante saecula A. — 5, 4 Carnis A. — 9, 4 in patria A. — 11, 2 a dementia B. — 12, 4 Ad quaecunque devia. B. — 13, 2 Inter carnis B. — 14, 1 te iutricem B. — 15, 3 nec gero B. — 17, 1 te tollentis B. — 17, 4 aduret B. — 18, 1 miro sine viro B. — 18, 2 Paris muliercula B. — 19, 4 Quod res A; Quid res B. — 20, 4 Ceda B. — 21, 2 suffragia B. — 21, 3 ne vi rursum B. — 22, 1 Murtis porta B. — 22, 2 Cellula nectarea B. — 22, 4 caeli gaudia A; Caeli duc in area B. — 24, 4 Submergar B. — 26, 2 delens B. — 29, 1 Delictorum tu B. — Str. 31 und 33 vertauscht B. — 31, 2 lucis domina B. — 35, 1 mundi si vis B. — 35, 3 Potest civis B. — 38, 4 accedant B.

6. De beata Maria V.

1. Audi, clemens et benigna,
Te precantum vota digna,
Preces et suspiria,
Ad te, pia, suspiramus,
De profundo clamitamus,
De gravi miseria.
2. Audi, salus nostrae spei,
Mater iudicis et rei,
Fer nobis auxilium,
Culpa gravis nos depressit,
Quae culpa metas excessit,
Exhibe consilium.
3. Audi, mitis, audi, pia,
Tui sumus, o Maria,
Filii miseriae,
Audi, nostra advocata,
In conspectu Dei grata,
O regina gloriae.
4. Memor esto, quam iucundum,
Quam magnum quamque pro-
fundum
Fuit hoc consilium,
Gabriel dum inquit Ave,
Dum per verbum hoc suave
Concepisti filium.
5. Audi nostrum detrimentum,
Posce nobis incrementum
Inclito precamine,
Tutum populum conserva,
Cleri tui cum caterva
Serva sine crimine.
6. Hostes fuga, pelle metum,
Differ iudicis decretum
Mortisque sententiam,
Nobis miseris intende
Et iudicium suspende
Propter paenitentiam.
7. Memor sis, quem genuisti,
Dum ad templum detulisti
Magno cordis iubilo,
Memor esto mortis Christi,
Dum pendentem conspexisti
Crucis in patibulo.
8. Memor esto resurgentis
Et in caelum ascendentis
Multiformis gratiae,
Qui te semper honoravit,
In aevum laetificavit
Sua clara facie.
9. Super gloriam sanctorum,
Super choros angelorum
Te vexit, dignissima;
Statum nos perfectionis
Doce, vas electionis,
Sanctorum sanctissima.
10. Posce nobis fidem rectam
Caritatemque perfectam,
Lumen sapientiae,
Corporis integritatem
Spiritusque puritatem,
Fructum abstinentiae.
11. Virtutum infusione,
Carismatum sanctione
Omne fuga vitium,
Luce contemplationis,
Gustu consolationis
Exhibe solacium.
12. Memor sis universorum,
Vivorum et mortuorum,
Totius ecclesiae,
Posce nobis finem bonum,
Addens singulare donum
Et tuae praesentiae.
13. Audi, clemens, audi, pia,
Audi, dulcis o Maria,
Post praesens exsilium
Offer nobis cum gaudio
In caelesti tripudio
Iesum tuum filium.

7. De beata Maria V.

- Audi, virgo virginum,
Quae lactasti Dominum,
Verum lumen hominum,
Preces supplicantium,
5. Sese accusantium,
Te desiderantium,
Ad te suspirantium,
Per te dimicantium,
Pro te gratulantium,
10. De te praesumentium,
In te confidentium,
Lacrimas fundentium,
Misere gementium,
Amare dolentium,
15. Vere paenitentium.

Cod. Trecen. (ol. Claravallen.) 1612. saec. 15.

8. De beata Maria V.

- | | |
|---|---|
| 1. Aula vernat virginalis,
Cuius pars est integralis
Tectum, pes et paries,
Iungit haec in unum tria
Trinus unus in Maria,
Iuncti pollet series. | 5. In cortina copulatur
Cocco byssus et artatur
Cum iacinto purpura,
Sol stat fixus in hoc caelo,
Sol in stella, stella velo
Vincit maris murmura. |
| 2. Christus petra fundamentum,
Tenax tecti tegumentum
Obumbrator spiritus,
Parietem posse patris
Stipat, ut procellis atris
Obviet oppositus. | 6. Purpuratur, dum sacratur
Virgo, byssus humilis,
In doctrina stat divina,
Iacinto est similis. |
| 3. Parit tectum architectum,
Aula regem, cuius legem
Sua curat curia;
Rubent rosae speciosae
Fundamento, pavimento
Munda candent lilia. | 7. Designatur, quod amatur
Et quod amat firmiter,
Cocco tincto qui iacincto
Conubit perenniter. |
| 4. In se formas angulorum
Fert beryllus et decorum
Parietem circuit,
Cum saphyro stat pyropus,
Virginal signans opus
Caritatem innuit. | 8. Domus aromatica
Nardo, ture, calamo,
Murra, cedro mystica,
Cinnamomo, balsamo, |
| | 9. Funda nos in filio,
In patre suffulcias,
In sancti suffragio
Spiritus operias. |

Cod. Oxonien. Digby. 65. saec. 18. — Diese Hs. enthält die Gedichte Godefridi, prioris ecclesiae S. Swithuni Wintoniensis. Unmittelbar auf dieselben folgt von derselben Hand geschrieben und mit Noten obiges Lied, das höchst wahrscheinlich von demselben Verfasser herrührt. Die Melodie ist trotz der Verschiedenheit des Versmaßes nur eine für alle Strophen.

9. De beata Maria V.

- | | |
|---|--|
| 1. Ave, caeli domina,
Quae transcendis agmina
Caelestis militiae,
Ave, felix femina,
Stola gaudens gemina
Super thronum gloriae. | 4. Regnans iam in superis
Depelle a miseris
Culpae tu caliginem,
Salus nostri generis,
Culpae nobis veteris
Absterge rubiginem. |
| 2. Surge, surge, propera,
Oliva fructifera,
Tuum fundens oleum,
Tua semper ubera
Mea sanent vulnera,
O iubar aethereum. | 5. Nunc te rogo virginem,
Per tuam dulcedinem
Respiret ecclesia,
Cuius pulchritudinem
Atque mansuetudinem
Mirantur caelestia. |
| 3. Tu es virgo sapiens
Et verbo concipiens
Sine viri copula,
Stella solem praeiens,
Lumen indeficiens,
Luna sine macula. | 6. Eia, fac me iugiter
Devotum et puriter
Te semper diligere,
Dignae et sollicitum
Nunc semperque debitum
Laudis tibi reddere. |

Cod. Carollsruhan. Augien. 36. saec. ¹⁴/₁₅. — 4, 2 Depelle hic a. — 6, 4 Digna. — 6, 6 Laudes.

10. Ad beatam Mariam V.

- | | |
|--|--|
| 1. Ave, caelorum ianua,
Mater Dei et filia,
Salutata ab angelo,
Praeelecta a Domino. | 5. Nullus nempe confundetur,
Sicut reor, nec perdetur,
Qui se tibi commendabit
Et te prece invocabit. |
| 2. Ego ad te confugio,
Virgo, mea salvatio,
Salutis spes et veniae,
Mater misericordiae. | 6. O Maria, mater Dei,
Miserere, precor mei
Atque pro me ora Deum,
Ut absolvat tuum reum. |
| 3. Salva ad te fugientem,
Serva me in te sperantem,
Super omnes te exoro,
Super omnes te imploro. | 7. Ego tibi me commendo,
Me in servum tibi trado,
O domina, me respice
Et clementer suscipe. |
| 4. Tu es vere potentior,
Inter omnes dulcior,
Inter omnes humilior,
Inter omnes sublimior. | 8. Respice me, o Maria,
Dei mater, virgo dia,
Et visita me miserum,
Oppressum mole scelerum. |

9. Nam si tu me visitabis,
Visitando me purgabis,
Nam tua visitatio
Mea est salvatio.
10. Serva tibi commendatum,
Tibi servire paratum,
Dono tuae pietatis
Me absolvas a peccatis.
11. Tota enim salus mea
In te est, deorum dea,
Cunctorum, ut creditur,
Ex te salus exoritur.
12. Ille potest desperare,
Qui te non vult amare,
Te Mariam adamare,
Hoc est opus salutare.
13. Nomen tuum dulce nimis
Adamandum est imprimis,
Ubi nomen tuum sonat,
Spem salutis mihi donat.
14. Omne a me perpetratum
Tollit mihi hoc peccatum,
Nunquam possum desperare,
Si te volo invocare,
15. Per te, pia, me salvari,
Per te credo reparari,
O Maria veneranda
Super omnesque laudanda.
16. Si me velis adiuvere,
Quis me cogit desperare,
O domina dulcissima,
Prae omnibus carissima?
17. Omnibus tu praeamanda,
Nulla tibi comparanda,
O Maria, Deo cara,
Virgo nitens et praeclara.
18. Sed mente praeclarior
Moribusque nobilior,
Tota super solem munda,
Omni bono tu fecunda.
19. Virgo semper, ante partum
Et in partu et post partum,
Iure cunctis es praelata,
Super omnes exaltata.
20. Semper casta, semper pura,
Semper Deo placitura,
Nunquam levis, nunquam vana,
Ac si esses inhumana,
21. Domina o dominarum
Et regina reginarum,
Propter tuam pietatem,
Tuam quoque bonitatem.
22. Pauper ego et egenus,
Sum obscenis meis plenus,
Natum tuum irritavi,
In quem graviter peccavi.
23. Hunc tu mihi pacifica,
O mater Dei unica,
Hoc te posse impetrare
Nemo debet dubitare.
24. O praeclara stella maris,
Quae cum Deo gloriaris,
Me ad portum fac venire,
Nunquam sinas me perire.
25. O Maria, lumen vitae,
Mihi, quaeso, imperti te,
Servum iustifica tuum
In peccatis mortuum.
26. O Maria, flos virginum,
Ora pro me Dominum,
Ut ad caeli palatia
Perveniam te praeavia.
27. Ubi miser et sordidus
Possim esse et ultimus
Laudansque Deum deorum
Per saecula saeculorum.

Scala caeli saec. 14. ex. Cod. Pragen. XIII E 3. — 2, 2 salutatio. — 4, 2 fehlt eine Silbe; lies et dulcior? — 7, 4 ebenso; lies Atque clementer? — 9, 4 ebenso; lies salutatio oder gratulatio? — 12, 2 ebenso. — 25, 4 ebenso; lies emortuum? — 27, 2 Lies: vel ultimus?

11. De beata Maria V.

- Ave, Christi mater, ave,
Ave, mundum mundans a vae,
Patris parens et conclave,
Mella caeli stillans fave,
5. Servos fovens servis fave,
Ut in hora sortis pravae
Nobis lapsis hic tam prave
Vindex iure rex ignave
Te rogante ipsa nave
10. Dicat gratia tunc ave,
Verbum bonum et suave.
Ave, Iesu, mater ave.

Orat. ms. Domus Novae Lucis anni 1477. Cod. Ultraiectin. Scriptt. Eccl. 375. — 10 gratia tua. — Nach Vers 11 Iesu Christi miserere. — 12. Iesu Maria Ave. — Nach Vers 12 Amen, ave, amen, ave.

12. De beata Maria V.

- | | |
|---|--|
| 1. Ave, Dei genetrix
et immaculata,
Virgo, caeli gaudium,
toti mundo nata,
Ad salutem omnibus
in exemplum data,
Dignare me laudare te,
o virgo sacrata. | 4. Maria, cum filius
sit suavitas et vita,
Ad eius delicias,
pia, nos invita,
Sua nobis mansio
per te fiat scita,
In qua ipsa requies
consistat munita. |
| 2. Reple cordis intima
spiritu sacrato,
Ut corpus et anima,
lingua cum palato
Laudi sint comparia
dignae tuo nato,
Qui per te conumeret
gregi nos beato. | 5. Omnes morbos animae,
caelica regina,
Sanet, curet, auferat
tua medicina,
Ut quando progredimur
de mundi sentina,
Nos in caelo collocet
dextera divina. |
| 3. Benedictus Dominus
sit, qui te creavit
Et in matris utero
te sanctificavit
Et beata viscera
tua inhabitavit
Atque in caelestibus
te glorificavit. | 6. Cuius celsitudinem
proni supplicamus,
Ut poenas et laqueos
mortis evadamus
Ac tuis obsequiis
sic nos innectamus,
Ut per te caelestia
regna conscendamus. |

7. Virgo, sancta trinitas
fecit mansionem
Tecum, praebens gloriae
praegustationem,
Et virtutum omnium
dat perfectionem,
Matrem Christi faciens
per electionem.
8. Benedicta, benedic
te benedicentes,
Fac in tuis laudibus
sint proficientes,
Affice dulcedine
tua nostras mentes
Ut in tuis laudibus
semper sint ferventes.
9. Honor tibi semper sit
virginum reginae,
Quae in aula caelica
regnas sine fine,
Prece tua subveni
genti peregrinae,
Ne in fine saeculi
pateat ruinae.
10. O flos pudicitiae,
mater pietatis,
Sidus castimoniae,
dos virginitatis,
Plenitudo gratiae
forma aequitatis,
Exordium laetitiae,
hortus voluptatis.
11. Arcanis dominicis
virgo tota plena,
Exstirpatis vitiis
intus nos serena,
Ut nostrorum scelerum
hic indulta poena
Nos caelestis patriae
ducas in amoena.
12. Nato nunc virgineo
cordibus intensis
Assistamus iugiter
et manibus extensis
Resonemus labiis
nostris in condensis
Actionis gratiae
pro donis impensis.

Orat. ms. Tegurinum anni 1467. Clm. Monacen. 19991. — Die 1. und 8. Strophe ist dem Glossenliede gleichen Anfangs, Annal. XXX, 274, entnommen, Str. 7 unter Anlehnung an dasselbe zusammengekommen.

13. De beata Maria V.

1. Ave dic ad virginem,
Genetricem gratiae,
Salutis dulcedinem,
Fontem patientiae.
2. Haec est aula regia,
Regina prudentiae,
Virgo plena gratia,
Aurora laetitiae.
3. Haec est melle dulcior,
Castitatis lilium,
Iaspide splendor,
Gaudii solacium.
4. O fons admirabilis,
Fidei principium,
Mater amabilis,
Vas odoris pretium.
5. Tu es regis speciosi
Mater honestissima,
Odor nardi pretiosi,
Rosa suavissima.
6. Arbor vitae, digna laude,
Stella fulgentissima,
Generosa mater, gaude,
Virginum sanctissima.
7. Tu es via peccatorum,
Regina consilii,
Quae concepit florem florum,
Christum, fontem gaudii.
8. Virga lesse, lux sanctorum,
Donatrix auxilii,
Memor esto miserorum
In die iudicii.

9. Tu es mundi gaudium,
Caritatis regula,
Tu chorus caelestium,
Aromatum virgula.

10. Sit tibi, flos omnium,
Virgo sine macula,
Honor et imperium
Per omnia saecula.

Orat. ms. Domus Novae Lucis anni 1477. Cod. Ultraiectin. Scriptt.
Eccl. 375. — 5, 1 regis sponsi.

14. De beata Maria V.

R° Ave, dulcis, ave pia,
Plena gratia Maria.

1. Ab aeterno praeparata,
Verbi Dei mater grata,
Per prophetas nuntiata,
Caeli ianua, Maria.

2. Benedicta praedicaris,
Antequam concipiaris,
Utero sanctificaris
Annae matris, o Maria.

3. Caelibatus honestatis,
Habitus humilitatis
Deo placent maiestatis
Super omnes in Maria.

4. Defert angelus suave
Deo missum illud Ave,
Per quod Evae iugum grave
Relaxatur in Maria.

5. Erubescat nunc natura,
Fit creator creatura,
Vili mensus sub mensura
Homo Deus de Maria.

6. Gestat sinus virginalis,
Quem non capit mundialis,
Non est unquam factus talis
Nisi tantum in Maria.

7. Hora partus imminente
Omni lege stupecente
Virgo parit remanente
Semper virgine Maria.

8. In praesepe collocatur
Et in caelis adoratur,
Cum iuentis socimatur
Deus natus de Maria.

9. Kanit echorus angelorum
Super vigiliis pastorum,
Natum nuntiant decorum
Iesum Christum de Maria.

10. Letum mundi terminantem,
Lavât crimina lavantem,
Gestat vulnus sagittantem
Beatissima Maria.

11. Mater natum contrectabat
De eoque non dubitabat,
Quidquid mente cogitabat,
Semper Deus cum Maria.

12. Nam cum Deus occurrebat
Mente praesens et vigeat,
Quam perscire . . flebat
Impensando de Maria.

13. O dulcedo singularis,
Quae tu, virgo, si membraris
Deo nato, virginalis
Fuit osculum Maria.

14. Paret legi legislator
Circumciscus ut peccator,
Deus sit propitiator,
Deus noster, o Maria.

15. Quaerunt reges regem natum
Stella duce revelatum,
Muneratum, adoratum
In aeternum cum Maria.

16. Rite ergo expiatur,
Cum in templo praesentatur,
Simeon congratulatur
De promisso cum Maria.

- | | |
|--|--|
| <p>17. Simeon munus praesentatur,
Verbum perfectum inspiratur,
Minime hoc est relatum
Contingenter, o Maria.</p> | <p>20. Xristus redit iam defunctis,
Qui quaerebant cunctis
.
.</p> |
| <p>18. Transit puer in Aegyptum,
Per angelum ut est dictum,
Filiumque benedictum
Defert Ioseph cum Maria.</p> | <p>21. Yesus via est et vita,
Salus, virtus infinita,
Per quem nunc sit exaudita
Nostra laus de Maria.</p> |
| <p>19. Ubi venit rex deorum,
Canit turba angelorum,
Cadit ritus Iudaeorum
Coram nato de Maria.</p> | <p>22. Zelus tuae pietatis
Et purgatos a peccatis
Nos conducat cum beatis
Suppliciter, o Maria.</p> |

Orat. ms. Italicum saec. 15. Cod. S. Ignatii Londinen. s. n. A. — Str. 1—5 auch auf einem Vorsetzblatte einer Hs. saec. 14., wovon ich Abschrift Herrn Petit von der Bibliothéque de Bourgogne verdanke. B. — 1, 2 Caeli Dei mater A; Dei verbo mater B. — 2, 4 Verbum caro de(o) Maria A. — 3, 2 habitum A. — 4, 3 iugum pravae B. — 5, 3 Fit immensus sub mensura B. — Nach Str. 5 ist eine Str. (F) ausgefallen. — 3, 2 habitum A. — 10, 1 Leta mundi A. — 12, 3 fehlen zwei Silben: in der Handschrift ist eine Lücke gelassen. Ergänze mori? Lies praescire? — Str. 13 verdorben. — 14, 1 Parit, legi fehlt A. — 14, 2 ut a peccata A.

15. De beata Maria V.

1. Ave, laetitia, Ioachim dulcedo, Maria,
Vitae munditia, caelesti plena sophia,
Eiciens vitia largire charismata dia.
2. Murus honestatis, thalamus summae deitatis,
Aura voluptatis, tellus promissa beatis,
Regula recta ratis, virguncula florida satis,
Infula praelatis, stola candida sanctificatis,
Ablue peccatis infectos, fons pietatis.
3. Gemma salutatis, spes nostra, Sion specularis
Regina solaris et regni clavicularis,
Aula puellaris et aperta scientia gnaris,
Tu decor altaris, puteis tu dulcor amaris,
Ianna templaris, quae clausa Deo generaris,
Aurea stella maris, placamare, cui dominaris.
4. Pura Dei matrix, ovis amissae miseratrix,
Lampadis ornatrix, decimae drachmae cumulatrix,
Enoch servatrix et Eliae, Iob relevatrix,
Nostra reformatrix, Domini Sabaoth mediatrix,
Assis, mundatrix animae, mundi reparatrix.

5. Dux gregis aetheri, gaza solis, stella diei,
 Olla lebesque spei, speculum nostrae faciei,
 Munda farina Dei sine fermento pharisaei,
 Iusta medela rei, portus nostrae requiei,
 Norma sacrae fidei, damnas haeresin Manichaei,
 Urna capax olei, flos egregie Nazaraei,
 S
6. Tellus fecunda, sacri baptismatis unda,
 Egregia, facunda, rosa mundi, rosa munda
 Cumque gemebunda sustinens et sanguinis unda
 U
 Mundos circumda maculosaque pectora munda.

Cod. Carollsruhan. Augien. 36. saec. 14/15. — 6, 2 mundi tu rosa munda. —
 6, 3 verdorben. — Nach Ausweis des Acrostichons: Ave Maria, gratia plena,
 Domini[us] tec[u]m wohl unvollständig.

16. De beata Maria V.

- | | |
|---|---|
| 1. Ave, lumen gratiae,
Fons misericordiae,
Virgo fecundata,
Radix pudicitiae,
Spes aeternae gloriae,
Regina beata. | 5. Ave, ros dulcedinis,
Nitor, pulchritudinis,
Rosa sine spina,
Via rectitudinis,
Turris fortitudinis,
Vitae medicina. |
| 2. Ave, venerabilis,
Mater admirabilis,
Per quam lux est orta,
Flos incomparabilis,
Splendor ineffabilis,
Felix caeli porta. | 6. Ave, spes fidelium,
Castitatis lilium,
Victoriae palma,
Spiritus sacrarium,
Dulce refrigerium,
Dei mater alma. |
| 3. Ave, novum gaudium,
Salutis exordium,
Lumen veritatis,
Caeli luminarium,
Languoris remedium,
Forma sanctitatis. | 7. Ave, beatissima,
Magna, maior, maxima,
Praelata caelorum,
Virgo clementissima,
Gemma fulgentissima,
Vera lux sanctorum. |
| 4. Ave, lucis speculum,
Christi tabernaculum,
Virgo benedicta,
Quae salvasti populum
Pariendo parvulum,
Per quem mors est vieta. | 8. Ave, stella fulgida,
Virga Iesse florida,
Radix virtuosa,
Cuncta sanans morbida,
Labe carens sordida,
Mater generosa. |

- | | |
|--|--|
| <p>9. Ave, summa domina,
Quae desuper agmina
Caeli sublimaris,
Cor meum illumina
Et ab hostis machina
Semper tuearis.</p> <p>10. Ave, o puerpera,
Surge, veni, prospera,
Tua sancta prece
Mea dele scelera
Ac me prorsus libera.
De peccati faece.</p> <p>11. Ave, hospes animae,
Mibi, precor intime,
Iter para tutum,
Hostis fraudes reprime
Et peccata dirime,
Domina virtutum.</p> | <p>12. Ave, salus omnium
Dulceque solacium,
Pro me semper ora
Et post hoc exilium
Apud tuum filium
Veniam implora.</p> <p>13. Ave, meque visita
Atque sursum excita,
Dulcis mater Dei,
Pietate solita
Pro me natum rogitā,
Semper memor mei.</p> <p>14. Meisque reatibus
Tuis parcat precibus
Auctor pietatis
Ac mandatis sordibus
Mihi det cum civibus
Vivere beatis.</p> |
|--|--|

Cod. Carlsruhe. Augien. 36. saec. 14/15. A. — Brev. Arremarense saec. 15.
Cod. Parisin. 1063. B. — Orat. ms. Cluniacense saec. 15. Cod. Parisin.
Couv. acq. 333. C. — Orat. ms. Caelestinorum saec. 15. Cod. Parisin. 18571.
D. — 1, 4 Radix innocentiae BC. — 1, 5 Sedes sapientiae BC. — 1, 6 Mater
illibata C. — Str. 2 u. 3 umgestellt B, Str. 3 steht an achter Stelle C. —
3, 3 Forma sanctitatis C. — 3, 4 Divinum sacrarium C. — 3, 6 Hortus
voluptatis C. — 4, 1 salutis speculum A. — 4, 5 Pariendo filium A. —
4, 6 Per quem est vita A. — 5, 2 Iter pulchritudinis A. — 5, 6 Stella matutina
C. — 6, 1 Ave salus omnium C. — 6, 2 Spes ad te clamantium C. — 6, 4
Caeleste sacrarium B; Castitatis lilium C. — 6, 5 refugium B. — Nach
Str. 6 schiebt C ein:

Ave, morum regula,
Omni carens macula,
Vitae reparatrix,
Florens leae virgula,
Solve culpa vincula,
Mundi consolatrix.

Str. 7 fehlt C. — 7, 3 Praeclara A. — Nach Str. 7 schaltet C ein:

Ave, flos munditiae,
Regina clementiae,
Vinculum amoris,
Vitis abundantiae,
Portus indulgentiae,
Mater redemptoris.

Str. 8 fehlt C. — 8, 5 Carens labe B. — 8, 6 Virgo generosa B. — 9, 1
O praecellens domina BCD. — 9, 5 Et sordes elimina C. — 9, 6 Virgo singu-
laris C. — 10, 1 O felix puerpera BCD. — 10, 2 Me iuvare prospera C. —
10, 4 Mea terge vulnera C. — 11, 1—3 und 4—6 umgestellt BCD. — 11, 1
Dulcis spes animae B; Dulcis hospes CD. — 11, 4 comprime BC. — 11, 2
Peccataque C. — Str. 12 fehlt C. — 12, 1 O verum solacium B O; dulce
solatium C. — 12, 2 Virgo salus omnium BC. — 12, 5 Apud mitem filium
B. — 13, 1 Eia me visita BCD. — 13, 4 Pro me Christum rogitā B; Ipsum
pro me exora B, rogitā C. — 13, 5 Pietate solita B; Mundi salus inclita
D. — 14, 1 Ut meis reatibus BCD. — 14, 3 Ductor A, Actor B, Victor C. —
14, 4 Mundatisque C; Ut mundatis B.

17. De beata Maria V.

1. Ave, magni patris agni
 Parens benignissima,
 Perquam cessit, quae nos pressit,
 Mors inferni pessima.
2. Vae mutasti, nam fugasti
 Evae matrimonium,
 Dum portasti et lactasti
 Summi patris filium.
3. Emendare me dignare
 Tuum per auxilium,
 Quae cum magis ipsis magis
 Tuum oras filium.
4. Mente prona tu, matrona,
 Repraesentas filium
 Ulnis senis, virgo lenis,
 In templi sacrarium.
5. Aduvare me dignare
 Nunc in hoc corpusculo,
 Mater Christi, quem vidisti
 Adfixum patibulo.
6. Reginarum flos cunctarum,
 Vides natum, filia,
 Resurgentem ac pergentem
 Ad caeli palatia.
7. Illum vere nos videre
 Per te fac in aethera,
 Qui nos lavit et sanavit
 Per tormenti vulnera.
8. Adiutorem, redemptorem,
 Ora natum inclitum
 Me mundari et salvari
 Suum per paraclitum.
9. Generosa fulgens rosa,
 Terge, quaeso, vitium,
 Ne districtum per delictum
 Sentiam iudicium.
10. Rosa florum, fons hortorum,
 Hinc de carnis cellula
 Praeter aequum fac ut mecum
 Nulla pergat macula.
11. Alma Dei mater, mei
 Ita curam habeas,
 Ut post mortem me consortem
 Beatorum facias.
12. Castitatis, pietatis
 Virtutisque lilium,
 Tribulatis, naufragatis
 Confer adiutorium.
13. Increatum tuum natum
 Tuo nunc precamine
 Fac placatum, ne iratum
 Cernam in examine.
14. Adiutricem te felicem
 Nunc habere merear,
 Cum damnatis pro peccatis
 Ne a vita delear.
15. Plena bonis atque donis,
 Vernans inter lilia,
 Contemplaris, amplexaris
 Gubernantem omnia.
16. Legem doce, per quam voce
 Moribusque prosequar
 Tuam laudem, fac et fraudem
 Semper hostis persequar.
17. Eia, decus mundi, caecus
 Per quam lumen recipit,
 Fac, sim purus ac securus
 Ab hoste, qui decipit.
18. Ne malorum vel reorum
 Tormentis afficiar,
 Per te piam nunc ad viam
 Veritatis erigar.
19. Ac in usum vitae fusum
 Per cruorem Domini
 Me conforma, vitae forma,
 Vitae, precor, ordini.
20. Dei parens sorde carens,
 Mihi, rosa virginum,
 Sis tutela contra tela
 Venenosa daemonum.

21. O flos florum, vitiorum
Cunctam terge maculam,
Mater regis, omnis legis
Meque doce regulam.
22. Mundi rosa, plus formosa
Cunctis caeli civibus,
Fac, te deam digne queam
Venerari laudibus.
23. Ierusalem nata, talem
Genuisti filium,
Quo captivi redivivi
Evadunt supplicium.
24. Nunc in pugna pro me pugna
Hostis rumpens caveas,
Bello forti, quaeso, morti
Ne succumbam, caveas.
25. Virgo casta, semper asta
Mihi nunc auxilio,
Stella maris, mater maris
Ignara consortio.
26. Sanctitatis, deitatis
Gloriosa cellula,
Me dignare te laudare
Per aeterna saecula.
27. Tu per prolem pelle molem
Pravae consuetudinis
In me sitam daque tritam
Viam rectitudinis.
28. Et me grato te cum nato
Cultu fac exquirere,
Saevientes me quaerentes,
Semper hostes vincere.
29. Caeli rosa speciosa,
Per te me custodiat
Caeli princeps ac deinceps
Me a malis eruat.
30. Ut venenum me terrenum
Fac amorem spernere
Ac secura sorde pura
Christum vita cernere.
31. Mater Christi, quem pavisti
Inter tua brachia,
Contemplaris, stella maris,
Regem nunc in gloria.
32. Benedicta, quae amicta
Es virtutum floribus,
Tu spes reis, precor, meis
Succurre doloribus.
33. Eternorum fac bonorum,
Quaeso, me participem,
Quae supernum et aeternum
Genuisti principem.
34. Nata ducis, tu perducis
De terrena patria
Tibi notos ac devotos
Ad caelorum atria.
35. Equitatis, sanctitatis
Confer abundantiam,
Qua collata, virgo grata,
Da perseverantiam.
36. Da timentem mihi mentem
Et amantem Dominum,
Paenitentem ac deflentem
Pravitate criminum.
37. Inter fluctus atque luctus
Praesentis exsilii
Nunquam sinas me per spinas
Interire vitii.
38. Casta, pia nunc in via
Per te fac ut habeam
Fidem rectam, spem perfectam,
Caritatem igneam.
39. Tu decora, precor, ora,
Ut det mihi filius
Finem bonum, quod est donum
Omni dono melius.
40. Ave, nata Deo grata,
Per te turis virgulam
Me virtutis et salutis
Fac implere regulam.
41. Tu, benigna, Deo digna,
Fac, ut bonis fulciar,
Precor, meo, da, ne Deo
Per tonsuram mentiar.
42. Vas pudoris et honoris,
Tua me clementia
Sic praecedat, ne me laedat
Hostis insolentia.

43. Inter bella pro me bella
Carnis immunditiae
Versus castra, tu me castra
Ferro pudicitiae.
44. Ne subtiles nunc hostiles
Incidam in foveas,
Meos gressus ad congressus
Pugnae rege, foveas.
45. Meis dona, virgo bona,
Pacem debitoribus,
Caritate bonis a te
Ornentur et moribus.
46. Virgo pura, me sub cura
Tui nunc regiminis
Fac benignum, Christi dignum
Corporis et sanguinis.
47. Larga mater, tibi pater
Doni plenitudinem
Procuravit, cum sanavit
Per te primum hominem.
48. Iacta, quaeso, mihi laeso
Partem plenitudinis,
Ne inferno in aeterno
Laedar vento turbinis.
49. Exstirpare tu dignare,
Mater veri luminis,
Nati dextra intus, extra
Sordem mei criminis.
50. Rex elegit te, qui regit
Supernorum agmina,
Cum quo gaudes, cui laudes
Promis atque carmina.
51. Incundare, quae portare
Meruisti Dominum,
Qui sanavit et salvavit
Per te genus hominum.
52. Beata es millesies,
Plus quam dici valeat,
Natum ora, ut in hora
Mei curam habeat.
53. Virgo, dona, nunc ut bona
Seminare satagam,
Virga Iesse, ut in messe
Cum electis colligam.
54. Spiritalem nuptialem
Vestem da per filium,
Ne seducar vel perducas
Mortis ad exsilium.
55. Et, flos verni, ut interni
Fruar dono gaudii,
Purga mentem, tolle dentem
Furoris et odii.
56. Temporalis, corporali
Me nunc poena corripe,
Virgo lenis, sed a poenis
Me post mortem eripe.
57. Benedicta, tu invicta,
Tu es sanctis sanctior,
Lux divina, ut cedrina
Cunctis arbor altior.
58. Estivalis et vernalis
Tu lucis amoenitas,
Pulchra florum, decus morum,
Tu virtutum claritas.
59. Nunc fac recto et perfecto
Incedamus tramite,
Ut ad chorum supernorum
Te ducamur comite.
60. Evae luctus pellit fructus
Tui ventris, domina,
Dum per crucem mundo lucem
Dat lavando crimina.
61. Deviare vel errare
Me non sinas, filia,
Ne supernae et aeternae
Priver vitae gloria.
62. Impregnaris, verum paris
Deum necnon hominem,
Qui in caelo dulci zelo
Te coronat virginem.
63. Castitatis, sanctitatis
Et virtutum filia,
Lumen clarum tu sanctarum
Et sanctorum gloria.
64. Tua lege sic me rege
In hac vita positum,
Vas decoris, ut furoris
Evadam interitum.

65. Vas insigne, tibi digne
Semper Ave canitur,
Quia solis tuae prolis
Poenis poena solvitur.
66. Sancta, casta, tu devasta
Hostis fraudulentiam,
Lux superna, me gubernata
Tuam per clementiam.
67. Fructuosa, generosa
Virgo, mater Domini,
Me nunc totum fac devotum
Tuo sancto nomini.
68. Reformatrix, vitae datrix,
Fac me sic praesentibus
Uti bonis, ut non donis
Priver aeternalibus.
69. Veritatem, puritatem
Omnemque iustitiam
Ad quaerendam et implendam
Fac ut semper sitiam.
70. Cunctis bona nunc matrona,
Errantem me corrige,
Ad rectorum iter morum
Gressus meos dirige.
71. Terrenorum me bonorum
Purga desiderio
Et cor meum fac sit plenum
Spiritali gaudio.
72. V
.
.
. ✓
73. Sanctissima, piissima,
Omni plena gratia
Et formosa plus quam rosa,
Confer vitae spatia.
74. Vere, nata, coronata
Coram nato rutilas,
Mater laeta, sine meta
Nunc in throno iubilas.
75. Emendentur et salventur
Tuo nunc iuvamine,
Qui adorant et honorant
Te psalmorum carmine.
76. Nunc, matrona, largas dona
Mihi, quaeso, lacrimas,
Quarum unda sordes munda
Peccatorum pessimas.
77. Temporalem et carnalem
Pelle curam caelitus
Per amorem et fervorem
Doni sancti spiritus.
78. Rex caelorum angelorum
Super omnem ordinem
Exaltavit, honoravit
Te decoram virginem.
79. In hac vita, fac, ut ita
Cuncto vivam tempore,
Ut finita caelos trita
Possim via scandere.
80. Sis lapsorum sauciorum
Salutaris medica,
Quae in throno nati dono
Cantas caeli cantica.
81. Tu serena, Deo plena,
Noli me deserere,
Hic sis mecum meque tecum
Fac in aevum vivere.
82. Vas dulcoris, fons honoris,
Tu praecellis gloria
Omnes rectos et electos
In caelesti curia.
83. Impetrare tu dignare
Mihi, precor, omnia,
Quae petivi, Dei vivi
Mater atque filia.
84. Trinitati, unitati
Laudis sit memoria
Et Mariae, matri piaae,
Fine carens gloria.

Orat. ms. S. Mariae ad Scotos anni 1410. Cod. Sector. Vindobon. 54 h 8. —
2, 1 Te mutasti gegen das Acrostichon. — 3, 4 Tamen oras. — 16, 1 Regem
doce per quem. — 53, 1 et bona. — 55, 1 et interni. — 64, 3 et furoris.

18. De beata Maria V.

1. Ave, maris stella clara,
Praelecta patris cara,
Almi sponsa spiritus.
2. Ave, mater summi regis,
Miserere tui gregis,
Nato reconcilia,
Ave, splendor prophetarum,
Regina patriarcharum,
Angelorum domina.
3. Evangelistarum doctrix
Et apostolorum ductrix,
Confortatrix martyrum,
Plenitudo confessorum,
Solamen universorum
Et corona virginum.
4. Ave, virgo, decus mundi,
Pelle dolos furibundi,
Mater invictissima,
Patriarcharum filia,
Odore vincens lilia,
Aurora pulcherrima.
5. Egressa stirpe regia
De David egregia,
Puella nobilissima,
Concepta sine macula,
Serpentis fugas iacula,
Era potentissima.
6. Ave, virgo, mater Christi,
Solo verbo concepisti,
Sponsa praeclarissima,
Deum verum genuisti,
Quem sincere nutrivisti,
Parens sacratissima.
7. Sola nam es verbigena,
Manna caeli urna plena,
O speciosissima,
Gaude, virgo gratiosa,
Mater prole generosa,
Radix fecundissima.
8. Sola tu fuisti digna,
Dei filium, benigna,
Gestare, electissima,
Conclave tu trinitatis
Cellulaque deitatis,
Virtutum plenissima.
9. Porta clausa, fons hortorum,
Restauratrix perditorum,
Mater benignissima,
Tu caelestis paradisus
Libanusque non incisus,
Virgo clementissima.
10. Hortus es vere conclusus,
Incombustus Mosis rubus,
Genetrix dulcissima,
Fons uberrimus signatus
Flaminique sancto gratus,
Maria purissima.
11. Tu flos campi convallium
Et singulare lilium,
Virgo serenissima,
Viventis aquae puteus,
Circulus solis aureus,
Regina clarissima.
12. Tu thronus es Salomonis,
Te collaudat sexus omnis,
O gloriosissima,
Tu convallis es humilis,
Es terra non arabilis,
Maria castissima.
13. O virga Iesse florida
Et porta lucis fulgida,
Stella lucidissima,
Tu sol luna lucidior,
Maria [cunctis] dignior
Et pretiosissima.

- | | |
|--|---|
| <p>14. O virgo caelis altior,
Omnibus stellis clarior,
Mater ornatissima,
Abyssu tu profundior
Sanctisque cunctis sanctior,
Maria sanctissima.</p> <p>15. Laudem praeferens singularem,
Nec in caelis habes parem,
Virgo spectatissima,
Gloria humani generis,
Purgatrix omnis sceleris,
O matrona altissima.</p> <p>16. Tu maestorum consolatrix
Lapsorumque relevatrix,
Spes nostra suavissima,
O Christi mater, ave,
Dele nostrum crimen grave,
Misericordissima.</p> | <p>17. Accipe melos hoc suave,
Precanti veniam fave,
Domina piissima,
Ave, Dominus est tecum,
In adversis tu sis mecum,
O benedictissima.</p> <p>18. Ave, paradisi porta,
In exsilio conforta
Nos lapsos, mitissima,
Esto, mater illibata,
Miserorum advocata,
Virgo prudentissima.</p> <p>19. Assistentes tuae laudi
Propitia nos exaudi,
Maria dignissima,
In hac tu necessitate
Rigidaque tempestate
Iuva, dilectissima.</p> |
|--|---|
20. Ne Simonis navicula
Et filii tunicula
Scindantur, carissima,
Ac haereses interime
Haec schismataque reprime,
O mater suavissima;
Tunc impetra, quod gaudia
Possideamus caelica,
Maria largissima.

Cod. S. Floriani (ol. Wiblingen.) XI 210. anni 1578. — 4, 4 Patriarchae Abrahæ filia. — 12, 4 et humilis. — 15, 4 Eine Silbe zu viel; lies: Gloria nostri generis? — 16, 4 Eine Silbe zu wenig; lies: Iesu Christi mater? — 20, 3 Scindebantur. — Nach 20, 4 sq. ist das Lied aus der Zeit des Papstschismas.

19. De beata Maria V.

I.

- | | |
|---|--|
| <p>1. Ave, maris stella,
Verbi Dei cella,
Veri solis aditus,
Maris aufer bella,
Sopita procella
Da securos transitus.</p> | <p>2. Inter tot flagella,
Lux semper novella,
Fer opem divinitus,
Pro nobis compella,
Mitis ut agnella,
Missum agnum caelitus.</p> |
|---|--|

3. Naufragis tabella,
Manna dans capsella,
Templum sancti spiritus,
Virtutum castella,
Bases, capitella
Tenes in te penitus.
4. Virgula tenella,
Permanens puella
Post partum et primitus,
Sacra per labella
Natum interpella
Pro nobis medullitus.
5. Tu pro nobis bella
Potenter debella,
Malignorum fremitus,
Plue pacis mella,
Fac pedum scabella
Pulsos hostes funditus.
6. Tuos nos appella,
Tua sub ascella
Muni nostros obitus;
Ave, maris stella,
Sed prae stellis bella
Per caelorum ambitus.

II.

1. Ave, stella maris,
Virgo singularis,
Flos et forma virginum,
A Deo donaris,
Esse comprobabis
Vera salus hominum.
2. Se pro suis caris
Lapis angularis
Mons infudit culminum
Sedibus praeclaris
Vetri puellaris
Velut imbrem graminum.
3. Concipis et paris
Sine tactu maris
Regem fortitudinum,
A quo tu crearis,
Quae ipsa miraris
Florem pulchritudinum.
4. Regina vocaris,
Gemma declararis
Supernorum ordinum,
Ubique laudaris,
Splendor praedicaris
Beatorum agminum.
5. Aurora solaris,
Aura salutaris,
Noctem pelle criminum,
Quotiens rogaris,
Ut miserearis,
Ne exspectes crastinum.
6. Pravis et ignaris
Et in bono raris
Prece placa Dominum,
Gratia ditaris,
Ut exaudiaris
Iuxta morem pristinum.
7. Lampas specularis
Summi luminaris,
Vena fontis luminum,
Fac, ut tuearis
A poenis amaris
Vitae nostrae terminum.
8. Quibus memoraris,
Fac, ut videaris
In regno dulcedinum,
Ave, stella maris
Et prae stellis claris
Iubar claritudinum.

III.

1. Stella maris, ave,
Germen tam suave
De Iesse progrediens,
Sed plebis ignavae
De felle spinave
Nil omnino capiens.
2. Evae damnum rave
Restaurans per ave,
Luctum Evae nesciens,
At intra conclave
Tam iucundum ave
Gabrielis audiens.

- | | |
|---|---|
| <p>3. O mellite fave,
 Vigor semper gnave,
 Virtus indeficiens,
 Tuae precis clave,
 Ne nos laedat, cave,
 Leo nequam rugiens.</p> | <p>5. Mater Christi, fave,
 Sis nobis pro ave
 Miseris compatiens,
 Et quos premit, ha, vae
 Pondus insuave
 Liberes adveniens.</p> |
| <p>4. Mentis nostrae pravae
 Iugum rumpe grave,
 Nos ab hoste muniens,
 Viae dux et clave,
 Destrue fugave
 Saevientem totiens.</p> | <p>6. Corda nostra lave,
 Nos ut salvet a vae
 Patri compar oriens,
 Stella maris, ave,
 Tibi semper ave
 Super omne quotiens.</p> |

Cod. Trecen. (ol. Claraevallen.) 990. saec. 12. add. saec. 12/13.

20. Ad beatam Mariam V.

1. Ave, mater et virgo virginum,
Ave, rosa et candens lilium,
Ave, spes et solamen miserorum,
Ave, gemma dulcedoque bonorum.
2. O regina, caeli imbuta nectare,
O imperatrix siderum et caelestis curiae,
O Maria, summi regis filia,
O speciosissima et vellus madens area.
3. Ave, cella septiformis spiritus,
Ave, parens electa divinitus,
Ave, reatrix et regina,
Virga florens, tu piscina,
Quam commovit spiritus.
4. Omni laude virgo digna,
Nos reforma, tu benigna,
Maris unda fluctuantes,
Paene mersos, sed laudantes
Te, quae nulla laude cares
Et laudari nulli vales,
Quem mortalis pungit spina,
Nam perfudit te divina
Virtus sua gratia.

Clm. Monacen. 24804. saec. 15.

21. Ad beatam Mariam V.

Ave, mater gloriosa,
Sponsa regis speciosa
Et de partu gaudiosa,
Quae es virgo virtuosa,

Benedicta, pretiosa,
Super omnes gratiosa,
Virgo Iesse generosa,
Pulchra nimis et formosa,
Humilium mitissima,
Sublimium altissima,
Simplicium purissima,
Prudentium doctissima
Et omnium beatissima,
Sis mihi reo benignissima
Miseroque piissima,
Egenti dulcissima,
Petenti gratissima,
Angelorum imperatrix.

Orat. ms. Metense saec. 15. Cod. Meten. 570.

22. De beata Maria V.

- | | |
|---|---|
| 1. Ave, mater sine labe,
Nostrum melos gratum habe,
Quamvis sit insipidum,
Nos informa pacis lege,
Mores orna, linguam rege,
Cor accende tepidum. | 3. Per te enim, quam laudamus,
Ut in luce maneamus,
In spe veri gaudii,
Datur nobis munus gratum,
Munus vere delicatum
Divini susurrii. |
| 2. Quamvis sumus peccatores,
Tui sumus laudatores,
Cuius dulce gremium
Nos astringit, nos demulcet,
Ne nos perdat, nos conculcet
Fraus subtilis hostium. | 4. Tu es lima vetustatum,
Scaturigo novitatum,
Oliva pinguedinis,
Hic elimans nostras mentes,
Ut pinguescant non habentes
In se naevum criminis. |

Orat. ms. Domus Novae Lucis anni 1477. Cod. Ultraiectin. Scriptt.
Eccl. 375. — 2, 5 Ne fehlt.

23. De beata Maria V.

- | | |
|--|---|
| 1. Ave, mater verbi pia,
Virgo dulcis, o Maria,
Mundum ornans verbo tali,
Caelum flore virginali. | 4. Unde rogo, mater mea,
Tu cor mundum in me crea,
Fac habere fidem rectam
Caritatemque perfectam. |
| 2. Ergo triplex hierarchia
Suavi laudat harmonia
Miris te praelatam donis
Cunctis angelorum thronis. | 5. Laudo ventrem gloriosum,
Qui thesaurum pretiosum,
Praeclarum munimine,
Miro clausit ordine. |
| 3. Laudo tuum cor sincerum,
Quod sincera fide plenum
Credidit, hoc posse Deum,
Quod excedit nosse meum. | 6. Haec me beata pondera,
O genetrix christifera,
Fac amore sedulo
Ferre cordis vasculo. |

7. Tuum collaudo spiritum,
Qui per dulcem paraclitum
Novo gaudet tripudio
Tuo dilecto filio.
8. Unde, mater laetitiae,
Perfunde risu gloriae
Flentes in hoc exsilio
Tuo felici gaudio.
9. O beati oculi,
Quibus lucem saeculi
Meruisti cernere
Tuo tectam vellere.
10. Ergo, mundi domina,
Meum cor illumina,
Ut in Iesu faciem
Totam figat aciem.
11. Ulnas laudo venerandas
Atque manus adorandas,
Quae gestant Iesum parvulum,
Verbum tractant infantulum.
12. Ipsum, rogo, nutrix pia,
Mihi confer in hac via
Complecti mentaliter,
Tractare fideliter.
13. Os collaudo tenerum,
Quod praedulcem puerum
Osculatur saepius
Et adfatur dulcius.
14. Unde peto, mater Dei,
Puer Iesus cordis mei
Thesaurum possideat,
Et os laude repleat.
15. Laudo beata ubera,
Quibus virgo puerpera
Vagiente Iesulo
Fundis lac puerulo.
16. Ergo precor, o regina,
Te precanti tu propina
Lacrimarum rivulos,
Riga mentis oculos.
17. Aures laudo virginales,
Quibus voces doctrinales
Christi, mater, audiebas
Et in corde conferebas.
18. Ipsas aures nunc inclina,
Virgo, meis precibus,
Tua prece vox divina
Meis sonet auribus.
19. Vultu te laudo virginem,
Ad tuam pulchritudinem
Solis stupescit radius,
Patris occurit filius.
20. Per hunc aspectum floridum
Vultum mentis fac lucidum
In castitatis lilio
Et intellectus radio.
21. Pedes laudo sanctitatis,
Qui fervore caritatis
Agnum sequuntur caelicum,
Novum canentem canticum.
22. Hinc, quaeso, mater virtutis,
Nos columna tuae lucis
Duc per viam iustitiae
Ad statum dulcis patriae.

Orat. ms. Carth. Hildesheimen. saec. 15. Cod. Iosephini Hildesheimen. 3(6).
A. — Orat. ms. Carth. Erfordien. saec. 15. (Privatbesitz). B. — 2, 2 Sua
laudat B. — 4, 4 Ac tu vivam et perfectam B. — 5, 3 Et praeclarum B. —
6, 2 O fehlt B. — 7, 4 In tuo A, Et tuo B. — 11, 3 Iesum gestant B. —
14, 4 Et os meum laude AB. — 15, 3 Vagiente parvulo B. — 15, 4 Lac
fundis B. — 19, 1 In vultu te AB. — 22, 1 Unde quaeso AB. —

24. De beata Maria V.

1. Ave, mundi spes Maria,
Ave, mitis, ave, pia,
Ave, plena gratia,
Ave, virgo singularis,
Quae per rubum designaris
Non passum incendia.
2. Ave, rosa speciosa,
Virgo nimis generosa,
Ave, Iesse virgula,
Cuius benedictus fructus,
Iesus Christus, nostri luctus
Relaxavit vincula.

- | | |
|--|---|
| <p>3. Ave, cuius viscera
Contra mortis foedera
Ediderunt filium,
Ave, carens simili,
Mundo diu flebili
Reparasti gaudium.</p> | <p>6. Ave, sidus, lux dierum,
Mater lactans regem rerum,
Genitorem filia,
Ave, verbi sacra parens,
Per te mundus viget arens,
Per te datur venia.</p> |
| <p>4. Ave, virginum lucerna,
Per quam fulsit lux superna
His, quos umbra tenuit,
Ave, virgo, de qua nasci
Et de cuius lacte pasci
Rex caelorum voluit.</p> | <p>7. Ave, verbi Dei cella,
Salva reos a procella
Mundi huius noxia;
Mundum pingis novo flore,
Florem paris miro more
Novi floris gratia.</p> |
| <p>5. Ave, caeli luminarium,
Spiritus sancti sacrarium,
In te fulsit fecunditas;
O quantum mirabilis,
O quantum laudabilis
Est et haec virginitas.</p> | <p>8. Mater regis et regina,
De malorum nos sentina
Perduc ad caelestia;
Dele culpas, o Maria,
Per te nobis detur via
Ad aeterna gaudia.</p> |

Scala caeli saec. 14. ex. Cod. Pragen. XIII E 3. — 2, 4 Cuius fructus benedictus. — 5, 5 O fehlt. — Das Lied ist bearbeitet aus Teilen von Mone Nr. 518, 519 und 520.

25. De beata Maria V.

- | | |
|---|--|
| <p>1. Ave, plena gratia,
Virgo singularis,
Vena fluens venia,
Dulcor in amaris,
Erue, propitia,
De profundo maris
Miseros, quos propria
Dextra tuearis.</p> | <p>Ablue nos sceleris
Faece tu, benigna,
Cuiuscunque generis
Amove maligna.</p> |
| <p>2. Arce fraudes hostium,
Fraudis inimica,
Robur te querentium
Pacis et amica,
Imminentem terminum
Lucis tuae mica,
Absit lues sordium,
Sitque mens pudica.</p> | <p>4. In caelestis patriae
Sede stabilita,
Ad tuae clementiae
Fontem nos invita,
Potum nobis gloriae
Parans in hac vita,
Laus tibi laetitiae
Patet infinita.</p> |
| <p>3. Gratior prae ceteris,
Ferre Christum digna,
Reginarum praeteris
Cuncta laudum signa,</p> | <p>5. Eia, sancti spiritus
Fecundata rore,
Nati tui caelitus
Reple nos amore,
Animusque concitus
Sit eius timore,
Diro quo sit penitus
Liber a furore.</p> |

6. O beata virginum
Mater et regina,
Morbos aufer criminum,
Vitae medicina,
Imminentem terminum —
Mortis es ruina —
Notum fac et Dominum
Pandere festina.
7. Valetudinarium
Languidis paratum,
Sanans aegrotantium
Morbum et reatum,
Tecum geris pretium
Pro salute datum,
Egris post remedium
Dans felicem statum.
8. Carens omni carie.
Nutrix Deo cara,
Vas misericordiae,
Datrix non amara,
Mater esto veniae,
Spes et lux praeclara,
Beataeque curiae
Nobis iter para.
9. Exsules ad proprium
Solum reduxisti
Nati per supplicium,
Passum quem vidisti,
Eius mortis gladium
Undique sensisti,
Demum hic in gaudium
Cuncta convertisti.
10. In te confitentibus
Fons auxiliorum,
Confer lumen cordibus
Honestatis morum,
Tuis tuens precibus
Agmina tuorum,
A te postulantibus
Dans regna caelorum.
11. Tu puella nobilis
Nimis et formosa,
Vitae venerabilis
Luce radiosa,
Iubar sine nubilis
Lustrans tenebrosa,
Nudo vestis habilis
Contege probrosa.
12. Mulierum omnium
Summa dignitate,
Vigor invocantium
Mentis illustratae,
Libera cor noxium
Culpae caecitate
Innuens consilium
Nitens veritate.
13. Ergo, felix condita
Mater es ancilla,
Rutilus ut edita
Flamma de scintilla,
In qua spes est posita
Mundi, tu es illa
Bona dans abscondita
In aede tranquilla.
14. Visita nos saepius
Compassiva cura,
Sensus ut sit sobrius
Actioque pura
Evitando cautius
Cuncta nocitura,
Teneas superius
Gaudia futura.
15. Benedictus uteri
Sacri tui fructus
Evae crimen conteri
Praestitit et luctus,
Ne mergantur posterī
In tam saevos fluctus,
Ex quo solet conqueri
Vir Adam seductus.
16. Dulci merce veniens
Navis onerata,
Imple cor esuriens
Prole per te data,
Cuius plebs concipiens —
Ergo tu laetata —
Tota vi perficiens
Caelica mandata.

- | | |
|---|--|
| <p>17. Vitae de te promitur
 Potus sitibundo,
 Sitis ex quo tollitur
 Universo mundo,
 Faciamus igitur
 Opere secundo,
 Recte quod praecipitur
 Pectore iucundo.</p> <p>18. Veritatis tramitem
 Famulis ostende,
 Caritatis fomitem
 Cordibus accende,
 Te fac nostrum limitem
 Rei peragenda
 Viarumque comitem
 Te nobis impende.</p> | <p>19. Scala tu perpetua
 Et caelorum via,
 Vitae patens ianua
 Et legis sophia,
 Elige melliflua,
 Precum virgo pia,
 Nos ad tua pascua,
 Dulcis o Maria.</p> <p>20. Turris o tutissima,
 Tuos intuere,
 R

 In dierum ultima
 Curam nostri gere,
 Saevos, o fortissima,
 Hostes manu tere.</p> |
|---|--|
21. Tua sic nos regula
 Regat ad certamen,
 Ut post fracta vincula
 Carnis et luctamen
 In sublimi specula
 Det nobis solamen,
 Qui vivit in saecula
 Saeculorum. Amen.

Cod. Parisin. 11343. saec. 15. — 9, 7 Deus hic in. — 12, 7 Innuans. —
 20, 7 Saevos o felicissima. — Acrostichon: Ave, Maria, gratia plena etc.

26. De beata Maria Virgine.

- Ave, porta poli, noli te claudere mota,
 Vota tibi grata data suscipe, dirige mentem
 Entem sinceram, veram non terreat ater,
 Mater virtutum, scutum, via, semita clara,
5. Ara Dei, per te certe datur hostia vitae,
 Rite deflenti genti fert gaudia mira,
 Iraque cessatur, datur et pax, carmina laudis
 Audis, non spernis, cernis, pia, labe gravatos,
 Gratos hosque Deo, leo ne voret, efficis; aegis,
10. Regis stirpe sata, data nobis, sis pia faulrix,
 Aulrix mercedis, caedis regem tenebrarum,
 Clarum vas mellis, fellis sine crimine pura,
 Iura foves plene, lene lucas frangis et hastas,
 Astas turbatis, statis offers te fore matrem,
15. Patrem redde pium, dium per saecula numen,
 Lumen adoptatum, gratum das, quod tibi saeva
 Eva tulit temere, vere reddis, trabeata,
 Nata David regis, legis lux, thema suave,
 Ave, tuos rape tu fletu, rege, virgo benigna,

20. Digna Dei nutrix, tutrix orbis tibi nomen,
Omen in aede, bonum donum, dos larga modestis,
Maestis succurris, turris salvans bona cuncta,
Iuncta Deo gaudes, laudes tribuat tibi tota
Nota cohors cleri; mihi redoles quasi myrtus,
25. Virtus es morum, florum flos, regia cella,
Stella, Maria, maris, paris hunc, qui te tibi fecit,
Te scit ab aeterno verno de stipite Iesse
Esse rosam puram, curam gere termino faecis,
Caecis recta via, pia mundo, nosque gubernas,
30. Verna poli, soli, portat quod trinus et unus,
Munus; ave suave misit tibi digna puella,
Bella remota facis, pacis tu foedera praestas,
Estas iam flores, flores ut murraque Tempe,
Nempe veni, leni zephyrus [cum] flamine ventus,
35. En, tus, formosa rosa, sacra veni, veneranda,
Danda tibi dona bona suscipe mille, propinqua,
In qua [turtur] avis suavis vocem dat aperte,
Certe sponsa, soror, moror, assis, surge, columba,
Tumba referta rosis, dosis es, regina, monarcha,
40. Arca novae legis, tegis intus manna salutis,
Tu tis nos ducis, lucis civitas, ad amoena.
Vena fluentis aquae da, quae sunt gaudia, tristi,
Isti gaudia fer, vafer resistat ut hosti.
Nosti, grata Deo, fleo, sim sine perpete fletu,
45. Me tu solare, mare placa, noxia munda,
Undaque me volvat, solvat tua gratia mites,
Lites complanans, sanans das pocula vitae.
I, te sponsus amat, clamat, conscende, capescas
Escas sanctorum, quorum medio dominaris.
50. Raris caelestes vestes variis cape signis,
Ignis amor dius pius ex te lucet, amanda,
Blanda sunt alloquia, quia lumine lucis amicta.
Victa morte tua sua regna tibi dat in aevum,
Saevum qui pressit gessitque crucem sibi tergo.
55. Ergo fine sine tegit et regit omnia nutu.
Tutu dulcis ita sita praeferens ubera vino,
Bino cum fructu luctu cor dirige maestum.
Estum tu releva, leva, dextraque det, decet hoc te,
Nocte die sequi te qui vult, prodiga vera
60. Era sibi pandis, scandis quasi virgula fumi,
Dumi te signum dignum designat opimam.
Imam te rexit, vexit super aethera Iesus,
Caesus verberibus, cibus angelicus, speciali
Tali nos recrea, dea caeli, nectare, mitis
65. Vitis, nos pota, nota virga, quam tulit Aaron,
Saron tu decor es, mores nostros rege, iacta

- Facta nefanda retro, taetro ne laedar ab hoste.
 Ros te sacravit, pavit te pneuma beatum,
 Vatum materia, tria regem munera laudant.
70. Claudant os stulti fulti falsique sophistae,
 Triste cor horum, quorum sunt ista superba
 Verba: paris maris ex tactu seu semine prolem,
 Solem caelestem; pestem tu pelle potenter.
 Venter clausus erat sacer, at nunc integra quaeque
75. Eque, virginitas, ditas nos rore suavi,
 Navi iam mersae, versae da prospera vota.
 Tota puellaris, paris inscia, protege clerum,
 Rerum servatrix, datrix veniae, mala punge,
 Inge coronatis gratis nos hos, era digna.
80. Signa qui poscunt, noscunt te, sic quoque sume
 Tu me, Maria pia, protege [tu] meque tuere.
 Vere Praepositus, situs in Glogav Ioha scripsi,
 Ipsi salvamen mihi praesta caelitus. Amen.

Collect. ms. Hermanni de Nova Civitate saec. 15. Cod. Vindobonen.
 5191. — 15 reddis. — 18. In der Hs. scheint trahe zu stehen. — 56 Über
 Tutu steht „geminatio“. — 36 diripe. — 80 sicque sume. — Nach Vers 82
 ist Verfasser dieser Künstelei Iohannes, praepositus Glogaviensis.

27. De beata Maria V.

I.

- | | |
|--|--|
| 1. Ave, regina caelorum,
Clarum iubar supernorum,
Mater Dei, virgo vera,
Pia, mitis et sincera. | 3. Dona mihi cor contritum,
Rege visum et auditum,
Atque gustum et olfactum,
Dulcis mater, rege tactum. |
| 2. Virgo Dei, Deo digna,
Nato prece me consigna,
Preces audi, praesta votum,
Cor in bono fac immotum. | 4. Ut in cunctis te regente
Vivam Deo pura mente
In consortio sanctorum
In saecula saeculorum. |

II.

- | | |
|--|---|
| 1. Ave, virgo columbina,
Babylonis de sentina
Mihi tutum da ducatum,
Plasmatorem fac placatum. | 3. Superare fac me mundum,
Ne demergat me profundum,
Ne me sinas naufragari
In peccatis in hoc mari. |
| 2. Esto mihi consolatrix,
Pro me sis interpellatrix,
Pro me natum interpella,
Salva mortis de procella. | 4. Potens in conspectu Dei,
Memor esto, precor, mei,
Memor esto supplicantis,
Audi preces lacrimantis. |

III.

1. Ave, sancta, sanctissima,
Omnium beatissima,
Nunc in caelis sublimata,
Esto mihi semper grata
2. Et ab omni malo tutrix,
Pia mater et adiutrix,
Vivendo hic humiliter,
Tandem tecum perenniter.
3. Tuam, precor, pietatem
Et immensam sanctitatem,
Ut in mea paupertate,
Animae fragilitate,
4. Mihi velis subvenire
Et ne sinas me subire
Ulla causa laesionis
Vel perversae suasionis.
5. Heu, in quantis constitutus
Sum peccatis et pollutus,
Foedae faece culpaе foedor,
Cerne, quantis, virgo, laedor.
6. Intus, foris culpaе spinis,
Fac securum me de minis
Corruentis huius mundi,
Virgo, iuva, ne contundi
7. Ictu sinas me draconis
Infernalis Babylonis,
Sed da locum et ducamen
Ad caeleste regnum. Amen.

IV.

1. Ave, lucis tu aurora,
Esto praesens mortis hora,
Decumbentem fove, leva
Et a morte solve saeva.
2. Ut te duce lucis via
Migrer tecum, o Maria,
Et caelesti fruar dono
Iubilando dulci sono.
3. Laudans Iesum voce digna,
Per quam mira fiunt signa,
Duplex mors me ne infestet,
Natus tuus idem praestet,
4. Tua prece exoratus,
Idem pater qui et natus,
Idem utriusque flamen,
Trinus unus Deus. Amen.

V.

1. Ave, vera humilitas,
Caritas et benignitas,
Tu sol mirae fulgentiae
Et fons supernae gratiae.
2. De caritatis lumine
Libera nos a crimine,
De splendore veri solis
Da gratiam chisticolis.
3. Tu pro nobis omni hora
Iesum natum sic exora,
Ut a malo eruamur
Et ad vitam perducamur.
4. A delictis mundi toti,
Sic confessi et devoti
Requiescamus in pace,
Ne damnemur in fornace.

VI.

1. Ave, legis plenitudo,
Sanctorum beatitudo,
Tu actus munda noxios
Et pelle adversarios.
2. Et cum tua familia
Da mihi beneficia,
Ut in morte non pavescam
Neque reus erubescam.

3. Et post hoc exsilium
Possim tuum filium
Contemplari cum beatis
In conspectu deitatis.

VII.

- | | |
|--|--|
| 1. Ave, templum Iesu Christi,
Digna tollere fuisti
Miseriarum gemitus,
Dum facta es divinitus | 3. Quae das lapsis relevamen
Et infirmis medicamen,
Mihi dona sanitatem
Atque cordis puritatem. |
| 2. Vera mater honestatis
Summaeque benignitatis,
Tu laudanda omni hora,
Adoranda sine mora. | 4. Pro me semper intercede,
Ut et caelesti mercede
Ditet Deus cum beatis
Regno suae claritatis. |

VIII.

- | | |
|---|--|
| 1. Ave, putens aquarum
Tu omnium gratiarum,
Mihi semper administra
Dona pelleque sinistra. | 8. Nomen tuum dulce nimis
Memorandum est imprimis;
Ubi nomen tuum sonat,
Spem salutis verae donat. |
| 2. Ecce, ad te confugio,
Virgo, mea salvatio,
Spes salutis et veniae,
Mater misericordiae. | 9. O Maria, mater Dei,
Miserere semper mei,
Tolle a me hic peccatum,
Quidquid male perpetratum. |
| 3. Serva ad te fugientem,
Salva in te confidentem,
Tene tibi commendatum,
Leva servum conquassatum. | 10. Per te vere me salvari
Credo atque reparari,
Ergo pro me roga Deum,
Ut absolvat suum reum. |
| 4. Dono tuae pietatis
Fac, ut solvar a peccatis
Et a poenis, quas merui,
Quibus perpetrando rui. | 11. Exaudi me et suscipe
Meque clementer respice
Et visita me miserum,
Oppressum mole scelerum. |
| 5. Super omnes te adoro,
Super omnes te imploro,
Tu es enim potentior,
Inter omnes sublimior. | 12. Nam si tu me visitabis,
Visitando me purgabis,
Tua enim visitatio
Est scelerum ablutio. |
| 6. Nullus enim confundetur,
Qui te rogat, non perdetur,
Qui se tibi commendabit,
Vere tecum conregnabit. | 13. O domina veneranda
Super omnes et amanda,
Si me velis adiuvere,
Quis me coget desperare? |
| 7. Qui te invocabit pure,
Salvabitur vero iure,
Nomen tuum invocare,
Hoc est opus salutare. | 14. Ille potest desperare,
Qui te non vult invocare,
Tota enim salus nostra
Ex te sola est progressa. |

IX.

1. Ave, vera salus nostra,
Domans inimici rostra
Atque eius dominium
Per salutis mysterium.
2. Mentem meam tu sic gyra,
Non vincatur ulla ira,
Atque linguam sic refraena
Ne sit verbis ea plena.
3. Ut proferat per te verba,
Non tamen mente superba,
Ecce, me tibi commendo,
Guberna, rege tuendo.
4. Per te, precor, sim purgatus
Nec plus peccare paratus,
Tandem sic valeam sisti
Deo, quem tu genuisti.
5. O domina gloriosa,
Super omnes speciosa,
Tutricem tu mihi da te,
Quaeso, ut protegar a te.
6. Assis mihi supplicanti
Et te saepe invocanti,
Hoc mihi solum dignare
Te et natum adamare.
7. O virgo nobilissima,
Dulcissima, dignissima,
Fac me digne te laudare,
Tecum semper habitare.
8. Tu omnium dignissima
Et virginum castissima,
Fac me digne confessorum
Et virginum tenere chorum.
9. O domina Deo cara,
Stirpe decens ac praeclara,
Sed meritis praeclarius
Moribusque nobilior,
10. Mihi omnia damnosa
Pelle, virgo generosa,
Tuis meritis praeclaris
Me salva, o stella maris.
11. O domina gratissima,
Virtutibus dignissima,
Omni bono tu fecunda,
Quod nulli es hinc secunda.
12. Virgo semper, ante partum
Et in partu et post partum,
Iure cunctis es praelata,
Super omnes exaltata.
13. Semper casta, semper pura,
Semper Deo placitura,
Nunquam levis, nunquam vana,
Ac si esses inhumana.
14. Dona mihi hic sincere
Deum iugiter timere,
Ut cum venerit Messias,
Me ducat ad melodias.

X.

1. O domina dominarum,
Tu regina reginarum,
Propter tuam dignitatem
Et meam malignitatem
2. Pravitatem cordis pelle,
Quod abundat omni felle.
Ego pauper et egenus
Et a Deo alienus
3. Adversum me irritavi
Deum meum, dum peccavi,
Quem tu mihi pacifica,
Dei mater et unica.
4. Ut in eius maiestate
Regar tua bonitate
Et valeam tecum vere
Caelum in aevum retinere.
5. Hoc te posse impetrare
Credo firmiter et clare,
Quapropter haec mihi dona,
Sola spes atque patrona.
6. O Maria, flos virginum,
Ora pro me ad Dominum,
Ut ad caeli palatia
Perveniam te praevia.

7. Fac me sine periculo
Sic migrare de saeculo,
Ut occurens cum angelis
Me suscipias in caelis.

8. Ibi tecum sine fine,
Ubi quies, nullae minae,
In aeternum aeternorum
In saecula saeculorum.

XI.

1. O praeclara stella maris,
Quae in aevum gloriaris,
Me ad portum fac venire
Neque sinas me perire.
2. Et perduc me, ubi gratae
Caeli portae reseratae,
Ut coniungar salvatori
Hic in forma meliori.

3. O Maria, lumen vitae,
Fac me audire Venite
Absque ulla gravi fraude,
Sicque vitam meam claude,
4. Tandem tecum contemplari,
Contemplando gratulari
Laudando Deum deorum,
Quem laudant caeli caelorum.

XII.

1. Ave, stella matutina,
Peccatorum medicina,
Mundi princeps et regina
Esto nobis disciplina.
2. Sola virgo digna dici,
Contra tela inimici
Clipeum pone salutis
Tuae titulum virtutis.
3. Tu es enim virga Iesse,
In qua Deus fecit esse
Aaron amygdalum,
Mundi tollens scandalum.

4. Tu es area compluta,
Caelesti rore imbuta,
Sicco tamen vellere;
Tu nos in hoc carcere
5. Consolare propitia,
Dei plena gratia,
O sponsa Dei electa,
Esto nobis via recta
6. Ad aeterna gaudia,
Ubi pax et gloria,
Et nos semper aure pia
Dulcis exaudi Maria.

Cod. Carolsruhan. Augien. 36. saec. 14/15. — III. 4, 2 sq. Entweder ist subire im Sinne von perire (untergehen) zu nehmen oder 4, 3 zu lesen ullah causam. — IV. 3, 3 ne fehlt; infestat. — 3, 4 praestat. — VI. 2, 3 non fehlt. — VII. 2, 3 fehlt eine Silbe; Tu ergänzt. — VIII. In diesem Abschnitt finden sich mehrere Strophen, die auch in dem Liede Ave caelorum ianua vorkommen, welches man vergleiche. — IX. 7, 2 et dignissima. — X. 4, 4 Lies: Caelum semper retinere? — XI. 2, 1 Et perduc ibi me gratae. — XII. 1, 4 fehlt; ergänzt nach Mone II, 321. — 5, 3 fehlt eine Silbe; O ergänzt. — 6, 4 exaudi virgo Maria.

28. De beata Maria V.

1. Ave, rosa tu caelestis,
Vera glosa, quae scelestis
Numen es latura;
Ave, prosa novae legis,
Nam dulcosa verba legis,
Lumen paritura.
Ave, latrrix summi regis,
Superatrix es quae regis,
O praedulcissimum ave,
Miseros nos solve a vae.

2. O regina, caeli porta,
Tu crimina nostra porta,
Consolatrix pia,
O divina stella maris,
Tu propina opes maris,
Miseratrix dia.
Cella sacrata tu vera,
Bella celata, quae fera
Mundo tulit virgo, dele
Pugna caelestis tutelae.

3. Tu velata satis velis,
Ut placata fore velis,
Precor, gratiose,
Adornata poli sedes,
Supportata fessis sedes,
Posco, sis dulcose,
Praelucida signo canis,
Quae florida verbo canis,
Saporem donans malorum,
Mater dulcis sis malorum.
4. O figella suavis toni,
Dona mella sacri doni,
Dulcis harmonia,
O prae-mella sumi facis,
Non rebella, quae nam facis,
Pacis analia.
Tu capella Dei et vas,
Tormella Dei, quod est pas,
Tu femella, quae non pellis,
Saeva fella, mater, pellis.
5. Tu arcana Dei vides,
Nulla vana constat fides
In te nunc visura,
Lapsis sana sacra Venus
Non inana prout fenus
Per te fit usura,
Gratiosa semper venis,
Sis formosa nostris venis,
Tu nos pota sacris vinis,
Praesta, quod bonus sit finis.
6. Sanctitatis verus liber,
Libertatis magne liber,
Reorum lorica,
Sanitatis confer lectum,
Trinitatis opus lectum,
Piorum amica,
In caelico throno iaces,
Famelico mel tu iaces,
Fave, quod lenis sit natus
Malis nostris a te natus.
7. In aurora lucis mane
Tu, dulcora, mecum mane,
Maria tutatrix,
- Indecora, quae nam sero,
Sine mora, sine sero
Sis pia purgatrix,
Dieculam salubrem fer,
Plebeculam ornans ut ver,
Ignosce nunc, quod non novi
Normulas praecepti novi.
8. Mente pura Christum ora,
Quod futura mortis hora
Det mite solamen,
Laesis cura verax eris,
Corda dura non sis heris
Sed suave salvamen;
Tu salva nos in hoc festo
A daemone tam infesto,
Miseris non polum claudis,
Sis medela sacra claudis.
9. Mortuosis vitam paris,
Tu exosis non es par his,
Fidei columna,
Tu damnosis multum prodes,
Me verbosis nunquam prodes,
Alvei alumna,
Donatrix es summi dotis,
Sis stirpatrix malis totis,
O salutifera caro,
Soboli nos apta caro.
10. Veniis es nunquam parca,
Vitiis nostris nunc parca,
Casa Dei diva,
Medelis nos sacris munda,
Immundis tu confer munda
Corda templativa,
Generosa alma regis,
Sis dulcosa, virgo, reis,
Tuae acquiesce irae
Et nos fac ad prolem ire.
11. Ave, mater summi ducis,
Nam quemvis ad prolem ducis,
Ave, tu templaris vita,
Devotos tibi non vita.
O Diana celsae aedis,
Nam profana nulla edis,
Vera lux prae-fulgens soli,
Tu nos iunge nato soli.

29. De beata Maria V.

1. Ave, sancta, sanctis sanctior,
Tu angelis felicior,
Virtutibus sublimior
Et thronis [es] excelsior.
2. Tu Cherubim prudentior,
Tu Seraphim ardentior,
Tu sola cunctis altior,
Deo tantum inferior.
3. Solus Deus excipitur,
Cetera vincis omnia,
Dignitas tua vincitur
A sola Dei gloria.
4. A me, virgo, si lauderis,
Indigno non indigneris,
Sed habere me maiorem
Te laudando fac amorem.
5. Ave, ergo suavitatis
Nostrae tympanistria,
Via vitae, vera vitis
Et cella vinaria.
6. Ave, sponsa Salomonis,
Fermentatrix femina,
Qua vetusta Pharaonis
Relevatur sarcina.
7. Tu lucerna paradisi,
Ostium et ianua,
Tu vervecis os occisi,
Genetrix ingenua.
8. Ave, scala, qua descendit
Inclinata deitas,
Ave, litus, ad quod tendit
Nostrae molis gravitas.
9. Ave, mundi medicina,
Mundi purgans lolium,
Ave, rosa sine spina,
Castitatis lilium.
10. Ave, turris, quam vallavit
Incorrupta firmitas,
Ave, castrum, quod intravit
Sola verbi veritas.
11. Ave, scirpea fiscella,
Parvulum excipiens,
Ave, parens et puella,
Sine pari pariens.
12. Virga, virgo, nuncuparis,
Templum, vas, sacrarium,
Porta clausa, lux solaris,
Caeli luminarium.
13. Rubus ardens, madens vellus,
Gedeonis area,
Fons signatus, ferax tellus,
Granum sine palea.
14. Gemma, iubar, lar, talentum,
Spes et laus prophetica,
Cinnamomum, ros, unguentum,
Radix aromatica.
15. Palma, palmes, pavimentum,
Piscina probatica,
Botrus, hortus, uva, favus,
Thalamus, triclinium.
16. Arca, navis, aura, portus,
Luna, lampas, atrium,
Porta, manna, vallis, nubes,
Tus, muscetum, balsamum.
17.
.
Murra, murtus, thronus, ced-
rus,
Ovis, apis, oleum.
18. Vitrum, uva, claustrum, cella,
Domus, aula, civitas,
Flos, fenestra, lumen, stella,
Sol, aurora, claritas.
19. Tu columba, tu columna,
Tu vitta coccinea,
Tu alatrix, tu alumna,
Tu Engaddi vinea.
20. Tu es laurus, tu oliva,
Tu peccati venia,
Tu patris es genetiva,
Mater es et filia.

21. Ergo patri, mater pia,
Natos reconcilia;
Per decus horum nominum
Da paenitendi spatium,
Confer salutem corporum
Veramque pacem cordium.

Cod. S. Floriani XI 172. saec. 15. — 1, 1 Lies O sancta sanctis? —
6, 3 venusta. — 7, 4 Genetricis. — 10, 3 Ave castellum. — 16, 1 auram. —
16, 3 valles. — 20, 3 Tu patris es maria.

30. Oratio de Beata Virgine

ad modum serti facta.

- | | |
|---|---|
| 1. Ave, signis figurata,
Fide dignis adprobata,
O deitatis forma,
Ab aeterno praeparata,
In scripturis figurata,
O sanctitatis norma. | 6. Ave, vellus Gedeonis,
Purum vas electionis,
Aromatizans cella,
Ardens rubus visionis,
Mater veri Salomonis,
O rosula bella. |
| 2. Ave, alvo consecrata,
Mediatrix nobis data,
O sancta propago,
Gabriele salutata,
Patris dono obumbrata,
O dulcis imago. | 7. Ave, mater illibata,
Virgo mire impraegnata
De cellula mellis,
Aula regis adornata,
Caritate deaurata,
O nescia fellis. |
| 3. Ave, pneumate rigata,
Trinitate fecundata,
O vitis fructuosa,
Christi mater, soror, nata,
Imperatrix Deo grata,
O immaculata rosa. | 8. Ave, sidus matutinum,
Fletum tergens vespertinum,
O lux tenebrarum,
Caelum purum crystallinum,
Pietatis pande sinum,
O pulchra rosarum. |
| 4. Ave, trinitatis stilla,
Dei mater et ancilla,
O filia prolis,
Casta, humilis, tranquilla,
Grandis, lenis et pusilla,
O ianua solis. | 9. Ave, Christo consecrata,
Rosa rosae copulata,
O flos sine spina,
Hesther mire sublimata,
Nostra clemens advocata,
O stella marina. |
| 5. Ave, grata margarita,
Solo tecta, sed quaesita,
Purissima puella,
Manu Dei expolita
Et virtute redimita,
Clare micans stella. | 10. Ave, virgo, mater, parens,
Stella micans, labe carens,
O virgo serena,
Caeli porta cunctis patens,
Fons salutis large scatens,
O mater amoena. |

11. Gaude, clavis carcerum,
Medicina vulnerum,
O dux animarum,
Pauperum solacium,
Mundi sanctuarium,
O sacra sacrarum.
12. Gaude, palma gloriae,
Signum tu victoriae,
O cedrus odora,
Rosa patientiae,
Murtus temperantiae,
O gemma decora.
13. Gaude, nubes lucida,
Divo rore gravida,
O virgula turis,
Virga Iesse florida,
Austro flante rorida,
O praevia iuris.
14. Gaude, innocentiae
Sedes, sapientiae
Nivea columba,
Aula regis aurea
Ac virtute florida,
O deitatis tumba.
15. Gaude, Dei balsamus,
Caeli ingens iubilus,
O virgo pudica,
Prophetarum calamus,
Tu conclusus hortulus,
O regis amica.
16. Gaude, mater humilis,
Virgo Christi nobilis,
O summa columna,
Tu lucerna luminis
Et vas purum numinis,
O pacis alumna.
17. Gaude, vas munditiae,
Vena scatens veniae,
Veniam propina,
Invicta dux iustitiae,
Serena lux laetitiae,
Caelica regina.
18. Gaude, regis solium,
Virtutum viridarium,
O flos dominarum,
Dei promptuarium,
Pneumatis sacrarium,
O sancta sanctarum.
19. Gaude nunc, stellifera,
Regina sceptrifera,
Stella matutina,
O alma christifera,
Oliva fructifera
Et flos sine spina.
20. Gaude, clavis caelica
Et dulcedo mellica,
Clavis carceralis,
Mater tu virginea,
Tis natus verbigena,
Virgo maternalis.
21. Salve, ebur castitatis,
Thronus summae maiestatis,
Auro circumdatus,
Sacer sponsi thalamus,
Claritate fulgidus,
Floribus ornatus.
22. Salve, caeli porticus,
Hortus aromaticus,
Flamine rigatus,
Amoenitatis rivulus,
Iucunditatis flosculus,
Liliis stipatus.
23. Salve, lux scientiae,
Inventrix clementiae,
Gratiae pincerna,
Rosa rubens facie,
Stans firmiter in acie,
Subventrix aeterna.
24. Salve, porta aurea,
Fenestra caeli pervia,
Porta clausa ducis,
Ore facundissima,
Vultu devotissima,
Maestos introducis.

- | | |
|--|--|
| 25. Salve, caelum reserans,
Elementa superans,
Tis fecunditate,
In supernis imperans
Et prae cunctis iubilans
Tua sanctitate. | 28. Salve, angelis subtilior,
Spiritus agilior,
Sanctior creatis,
Cherubim prudentior,
Seraphim ardentior
Ardore caritatis. |
| 26. Salve, forma virginum,
Fortitudo flaminum,
Martyrum corona,
Verbis efficacior
Herbisque salubrior,
Dans aeterna dona. | 29. Salve, caelo altior
Atque sanctis sanctior,
Prona trinitatis,
Gemmis es acceptior
Regnisque praestantior,
Paradisus deitatis. |
| 27. Salve, terra latior
Abyssoque profundior,
Summa pietate,
Mente sole purior,
Lunari globo clarior
Divina claritate. | 30. Salve caeli imperatrix,
Nostri casus reparatrix,
Subleva gravamen,
Regem clemens supplica,
Ad parcendum provoca;
Omnes dicant Amen. |

Orat. ms. Lehninense anni 1518. Cod. Berolinen. IV° 29. — 11, 4 solarium. — 13, 2 Divino rore. — 20, 5 Tuus natus. — 20, 6 O virgo. — 28, 1 Zwei Silben zu viel; Salve zu kassieren? — 29, 6 Zwei Silben zu viel; lies: Hortus deitatis? — Die Aufschrift „ad modum serti facta“ würde 50 Strophen erwarten lassen; vielleicht ist das sertum oder rosarium unvollständig.

31. De beata Maria V.

- | | |
|---|--|
| 1. Ave, sponsa Dei patris,
Miserorum miseratrix,
Misericors Maria. | 6. Salve, templum deitatis,
Triclinium trinitatis,
Virgo stirpe regia. |
| 2. Ave Iesu Christi mater,
Te honorat Deus pater
In caelesti curia. | 7. Salve, lumen beatorum,
Consolatio maestorum
In ista miseria. |
| 3. Ave, cognata spiritus
Sancti facta divinitus,
Te laudant caeli spiritus. | 8. Salve, salus adffictorum,
Refugium peccatorum,
Mundum replens gratia. |
| 4. Ave, regina caelorum,
Mater regis angelorum,
Virgo beatissima. | 9. Salve, mater generalis,
Advocata specialis
Fidelium in via. |
| 5. Ave, lucerna gloriae,
Ave, piscina gratiae,
Ave, clementissima. | 10. Salve, vita devotorum
Laetitiaque sanctorum,
Dulcissima Maria. |

- | | |
|--|--|
| <p>11. Gaude, virgo sine sorde,
Munda corporeque corde
Ab omni contagio.</p> <p>12. Gaude, mater singularis,
Incorrupta Deum parisi
Cum pudoris lilio.</p> | <p>13. Gaude, vita creatorum,
Redemptio redemptorum,
Imperatrix omnium.</p> <p>14. Gaude, gloria naturae,
Flos et honor creaturae,
Hominum praesidium.</p> |
|--|--|
15. Gaude, misericordiae
Fons, rivulus clementiae
Dulceque refugium,
Ora pro nobis Dominum.

Orat. ms. Eberspergense saec. 15. Clm. Monacen. 6053. A. — Orat. ms. Tegurinum saec. 15. Clm. Monacen. 19363. B. — Orat. ms. Carthus. Hildesheimen. saec. 15. Cod. Iosephini Hildesheimen. 3 (6). C. — 7, 2 iustorum C. — 9, 3 Fidelis C. — 13, 1 creatoris BC. — 13, 2 redemptoris BC. — 15, 1 Gaude fons misericordiae AB. — 15, 2 Rivulus clementiae AB. — 15, 4 fehlt AB.

32. De beata Maria V.

- | | |
|---|--|
| <p>Ave, stella, o Maria,
Praedicaris vitae via,
O Maria, stella maris,
Complanato nobis callem</p> <p>5. Transitoris per hanc vallem,
Ad hoc opus praesignata
Et a Deo nobis data,
Preme pede praevalenti
Caput anguis virulenti,</p> <p>10. Qui felices nos seduxit
Et in mare nos induxit.
Tu Abrahae iam promissa
Et per Iesse nobis missa,
Virga florens, produc fructum,</p> <p>15. Qui excludat Evae luctum
Signo virgae sine unda.
Sis honesta mitibus,
Corda nostra tu fecunda
Fronde, flore germinis.</p> <p>20. Mater Dei, Deo plena,</p> | <p>Caro quibus est in poena,
Pravos motus hic refrena.
Et legatus hoc praedicat,
Deum esse tecum dicit,</p> <p>25. Te cum fructu benedicit.
Et tu, vere benedicta,
Exinani maledicta,
Quae donavit mater dicta.
Nos per Evam captivati</p> <p>30. Ad poenarum praevia,
Per te sumus revocati
Ad superna gaudia.
Virgo munda, virgo pia,
Templum Dei, caeli via,</p> <p>35. Dona nobis caritatem
Et cum sanctis unitatem.
Nati tui praesta visum,
Redde nobis paradisum,
Ubi finis est laborum,</p> <p>40. Plenitudo gaudiorum.</p> |
|---|--|

Orat. ms. Domus Novae Lucis anni 1477. Cod. Ultraiectin. Scriptt. Eccl. 375. — 40. Et plenitudo. — Das Lied steht in der Hs. an zwei Stellen. An der einen Stelle beginnt es mit Vers 3 Nunc Maria stella, und schließt sich an dasselbe unmittelbar noch andere unzugehörige Zeilen abweichenden Baues und verschiedenen Inhalts. An der andern Stelle schließt es mit Vers 32.

33. De beata Maria V.

1. Ave, summi regis nupta,
Ave, parens incorrupta,
Ave, plena gratia.
2. Super omnes o decora,
Reus ego sine mora
Ad te tremens propero,
Dum peccata, quae commisi,
Nec non bona, quae omisi,
Flens ego considero.
3. Ad te curro, quam turbavi,
Quam iniuste laceravi
Horrendis periuriis,
Quam ex corde non amavi
Et quam parum honoravi
Debitis obsequiis.
4. Ad te curro, me peccasse
Recognoscens et errasse,
Ut sis locus veniae,
Me quam dure remordente
Et ad istud impellente
Verme conscientiae.
5. Curro factus non iam durus,
Curro vulnus ostensurus,
Medicantis opera
A te sperans reportare,
Ista cures ergo dare,
Dum requirunt tempora.
6. Dum est recens, vulnus cura,
Ne putrescat et iactura
Causetur desidia;
Vulnus meum est peccatum,
Tu dignare perpetratum
Tua delere gratia.
7. Si peccavi, non excuso,
Unde reum me accuso,
Prosit haec confessio.
.
.
.
8. Haec instanter a te peto,
Ne praeventus forte leto,
Quod absit, ad inferi
Domum mittar, ubi metus,
Ubi dolor est et fletus,
Ubi degunt miseri.
9. Iam plus locus ne molestus
Dici possit vel infestus,
Non permittit ratio;
Misereri potes mei,
In hoc ergo, mater Dei,
Nulla sit dilatio.
10. Tu, cui me non occultavi,
Cui causam revelavi
Meam, mihi filium
Placa tuum hora mortis,
Ut iustorum consors sortis
Sim post hoc exsilium.
11. Dicam tandem illative,
Nil adponens exclusive
Sed includens omnia:
Quia salus es cunctorum,
Sit per tempus saeculorum
Tibi laus et gloria.

Orat. ms. Carthus. Hildesheimen. saec. 15. Cod. Iosephini Hildesheimen. 3 (6). —

34. De beata Maria V.

1. Ave, virga ferens fructum,
Primae matris tollens luctum,
Nobis confer gaudia;
Haec est summi mater Dei,
Quae pudoris virginei
Servat privilegia.
2. Ut vitrum solis radio
Non laeditur nec filio
Matris castimonia;
Decantemus omnes ei,
Corde, voce, quamvis rei,
Laudes et praeconia.

- | | |
|---|---|
| <p>3. Haec est nardus dans odorem,
Cuius odor salvatorem
Traxit ad humilia,
Fons signatus, clausus hortus,
Ex quo Christus est exortus
Corporis praesentia.</p> <p>4. Flos campi atque lilium,
Singulari convallium
Vitae praeminentia,
Humilitate viola,
Mundi continens frivola
Virtutis constantia.</p> <p>5. Tu murtus temperantia,
Tu rosa patientia,
Oliva clementia,
Fons hortorum et puteus
Aquae vivae, non luteus,
Fluens abundantia.</p> | <p>6. Voluptatis paradisus
Libanusque non incisus
Spirans beneficia,
Cedrus fugans venenata
Haereticorum dogmata
Odoris fragrantia.</p> <p>7. Balsamus et cinnamomum,
Ex te sibi fecit domum
Deus creans omnia,
Tu civitas refugii
Spes totius remedii,
Tu caeli porta pia.</p> <p>8. Turris, quae nequit deici
A facie inimici,
Diceris, o Maria;
Nunc, virgo venerabilis,
Per te sit excusabilis
Nostra iniustitia.</p> |
|---|---|
9. Ne nos pro nostro vitio
Deputemur supplicio,
Tu, pia, nos libera
Hostis a nequitia,
Ut gaudiis tecum frui,
Nos quaesumus, servi tui,
[Tecum super aethera]
Queamus in gloria.

Orat. ms. Domus Novae Lucis anni 1477. Cod. Ultraiectin. Scriptt. Eccl. 375. — 5, 1 Tu virtus. — 7, 5 Spes totius saeculi, gegen den sonst beobachteten Reim und die festgehaltene Silbenzahl. — 7, 6 Tu pia porta. — Vielleicht Sequenz.

35. Ad beatam Mariam V.

- | | |
|--|--|
| <p>1. Ave, virgo gloriosa,
Mater Christi speciosa,
Virgo admirabilis,
Ave, Deum genuisti,
Regem regum peperisti,
Virgo ineffabilis.</p> <p>2. Te collaudant et angeli,
Te adorant archangeli,
Cives omnes angelici
Te videntes benedicunt,
Precidentes tibi dicunt:
Ave, mater Domini.</p> | <p>3. Ante partum tu fuisti
Et in partu permansisti
Et post partum castitas,
Sponsa Christi, mater Christi
Es et eris et fuisti,
O summa virginitas.</p> <p>4. Assis nobis, virgo pia,
Quae vocata es Maria,
Stella maris rutilans,
Tu pro nobis semper ora
Ad filium sine mora
Veniamque postulans.</p> |
|--|--|

- | | |
|--|---|
| <p>5. Te adiuti gloriemur
Absolutique laetemur
A peccatis omnibus,
Ne Satan cum suis turmis
Nos congreget in extremis
Poenis infernalibus.</p> | <p>6. Ne damnemur cum impiis,
Sed dignis precibus tuis
Valeamus scandere,
Ubi manes cum filio,
Cum patre, cum paracrito,
Cum sacro tuo foedere.</p> |
|--|---|
7. Tibi, Christe, sit gloria
Cum matre tua Maria
Hic et in caelestibus;
Hymnus iste sit devotus
Tibi semper atque gratus
In Mariae laudibus.

Orat. ms. Italicum saec. 15. Cod. Londinen. Add. 10826. — 1, 4 Ave, quae Deum. — 4, 5 filium tuum sine. — 5, 2 fehlt eine Silbe; que ergänz. — „Hanc orationem composuit quidam monachus Claraevallensis, et apparuit ei beata virgo Maria dicens: Si quis hanc orationem semel in die dixerit, apparebo ei in fine suo.“

36. De beata Maria V.

I.

- | | |
|---|---|
| <p>1. Ave, virgo gloriosa,
Paradisi vernans rosa,
Super omnes speciosa,
Dei genetrix Maria.</p> <p>2. Ave, mundi dominatrix,
Peccatorum liberatrix,
Nobis sis auxiliatrix
Et semper propitiatrix,
Dei genetrix Maria.</p> <p>3. Ave, consurgens aurora,
Fulgens et aurea hora,
Virgo dulcis et decora,
Pro nobis miseris ora;
Ora semper, semper ora,
Ora regem et implora,
Ut nos ducat sine mora
Ad regna sereniora,
Dei genetrix Maria.</p> <p>4. Ave, virgo veneranda,
Dulcis semper et amanda,
Prae omnibus collaudanda,
Inter omnes admiranda,
Super omnes exaltanda,
Dei genetrix Maria.</p> | <p>5. Ave, fulgens et praeclara,
Ave, sponsa Dei cara,
Ave, dulcis et benigna,
Ave, super omnes digna,
Dei genetrix Maria.</p> <p>6. Ave, lucens in praeclaris,
Quae lux Dei appellaris,
Ave, virgo singularis,
Duc nos, ubi delectaris
Sine fine et laetaris,
Dei genetrix Maria.</p> <p>7. Ave, lumen scientiae,
Lumen intellegentiae,
Decor prudentiae,
Via iustitiae,
Spes salutis, fons veniae,
Mater misericordiae,
Dei genetrix Maria.</p> <p>8. Ave, lumen veritatis
Et supernae claritatis,
Ave, fons benignitatis
Et immensae bonitatis,
Ave, templum sanctitatis
Et verae humilitatis,
Dei genetrix Maria.</p> |
|---|---|

9. Ave, gemma puritatis
Et summae integritatis,
Ave, rosa caritatis
Et lilium castitatis,
Ave, flos virginitatis,
Singularis dignitatis,
Ave, mater pietatis,
Dei genetrix Maria.
10. Ave, fons veri luminis,
Verae beatitudinis,
Vas aureum, vas floridum,
Vas mirae pulchritudinis,
Vas spiritalis gratiae,
Vas caelestis dulcedinis,
Tu regis magni nominis
Mater, tu salus hominis,
Dei genetrix Maria.
11. Ave, templum Salomonis,
Ave, vas electionis,
Vas pulchrae dilectionis,
Lux supernae visionis,
Tu supernis gaudes donis,
Nulla tibi par in thronis,
Dei genetrix Maria.

II.

1. Salve, Dei mater pia,
Salve, virgo, lucis via,
Salve, templum sanctum Dei,
Salve, lumen nostrae spei,
Fulgens aurora diei,
Virga Dei, placens ei,
Miserere huius rei,
Memor esto semper mei,
Dei genetrix Maria.
2. Salve, prae cunctis praelata,
Deoque praeordinata,
A regibus expectata,
Et diu desiderata,
A patriarchis optata,
A prophetis praedicata,
Et mundo praenuntiata,
Salve, feliciter nata,
Mirabiliter creata,
Piis moribus ornata,
Virtutibus decorata,
Prae omnibus Deo grata,
Dei genetrix Maria.
3. Salve, lux candidissima,
Lux caeli serenissima,
Stella fulgens clarissima,
Stellarum splendidissima,
- Margarita purissima,
Lux intima,
Dulcedo suavissima,
Dei genetrix Maria.
4. Salve, virgo piissima,
Salve, dulcissima,
Salve, sanctissima,
Salve, Deo carissima,
Salve, beatissima,
Omni laude dignissima,
Dei genetrix Maria.
5. Salve, nive candidior,
Lacte mundior,
Auro fulgentior,
Gemmis pretiosior,
Caelo purior,
Sole praeclarior,
Luna, stellis splendidior,
Dei genetrix Maria.
6. Salve, splendor mirabilis,
Virtus inenarrabilis,
Post Deum ineffabilis,
O virgo venerabilis,
Super omnes laudabilis,
Tu sis nobis placabilis,
Dei genetrix Maria.

- | | |
|--|--|
| <p>7. Salve, regina caelorum,
Laus angelorum,
Gaudium supernorum,
Via iustorum,
Spes omnium electorum,
Dei genetrix Maria.</p> <p>8. Salve, lumen fidelium,
Lumen humilium,
Lumen lucem quaerentium,
Lumen Deum timentium,
Lumen pium,
Dei genetrix Maria.</p> <p>9. Salve, lux vera mentium,
Vera spes, verum praemium,
Vera pax, verum gaudium,
Vera salus credentium,
Dei genetrix Maria.</p> | <p>10. Salve, pium refugium,
Pietatis incendium,
Dulce remedium,
Caeleste desiderium,
Bonum consilium,
Verum Dei auxilium,
Veni in adiutorium,
Ora pro nobis filium,
Dei genetrix Maria.</p> <p>11. Salve, dulce consolamen,
Nostrum tolle desolamen,
Salve, caeli relevamen,
Aufer a corde velamen,
Salve, pium inspiramen,
Caelesteque medicamen,
Sana me, tolle gravamen,
Sentiant tuum levamen,
Qui tuum quaerunt invocamen,
Ad verum Dei solamen
Per te veniamus. Amen.</p> |
|--|--|

III.

- | | |
|--|---|
| <p>1. Gaude, salus nobis data,
Ab angelo salutata,
Salutando obumbrata,
O vere sanctificata,
O vere illuminata,
O vere glorificata,
Mater Dei es vocata
Et virgo immaculata;
O virgo intemerata,
Tu nostra es advocata,
Tu piis es declarata,
Dei genetrix Maria.</p> <p>2. Gaude, prae cunctis laudata,
Inter omnes admirata,
Super omnes exaltata,</p> | <p>Super sanctos elevata,
Super choros coronata,
Super thronos sublimata,
Dei genetrix Maria.</p> <p>3. Gaude, prae cunctis dilecta,
Gaude, via caeli recta,
Electa et praelecta
Et super omnes electa,
Dei genetrix Maria.</p> <p>4. Gaude, sponsa Dei electa,
Esto nobis via recta,
Ad aeterna gaudia,
Ubi pax est et gloria,
Et nos semper aure pia
Dulcis exaudi Maria.</p> |
|--|---|

Orat. ms. SS. Udalrici et Aefrae saec. 15. Cod. Augustan. s. n. — II. 1, 5 Salve fulgens aurora. — 2, 1 praelata fehlt. — III. 2, 1 Gaude, Dei mater pia, prae cunctis laudata. — An manchen Stellen z. B. I. 7, 3 u. f., am häufigsten in II., erscheint die Silbenzahl des sonst beobachteten Versmaßes nicht erreicht. Nicht selten, wenngleich nicht immer, ließe sich dieser Mangel durch Wiederholung des Grußwortes Ave, salve oder gaude beheben. Hievon ist indes im Texte Umgang genommen, da die Häufigkeit dieser Stellen die Berechtigung der Emendation zweifelhaft erscheinen läßt.

37. De beata Maria V.

- | | |
|---|--|
| 1. Ave, virgo, mater Christi,
Templum salvatoris,
Stella solem genuisti,
Vasculum pudoris,
Nata patrem protulisti,
Medela languoris,
Natum nata peperisti
Nostri conditoris. | 3. Ave, digna praemio,
Verbo fecundata,
Caeli nitens solio,
Gemmis coronata,
Quem lactasti, filio
Proprio dotata,
Tui patris gaudio
Prae cunctis ditata. |
| 2. Ave, virgo, laude plena,
Vita defunctorum,
Sitienti potus, cena,
Mensa pupillorum,
Pietatis fontis vena,
Via, lux caecorum,
Per te coepit mortis poena,
Finis delictorum. | 4. Ave, florum flos, Maria,
Flos virginitatis,
Docta, prudens, mitis, pia,
Mater bonitatis,
Naufraganti portus, via,
Vena pietatis,
Rosa teste Ieremia,
Gemma venustatis. |

Cod. Oxonien. Digby 166. saec. 14/15.

38. De beata Maria V.

- | | |
|---|--|
| 1. Ave, virgo singularis,
Gemma pudicitiae,
Fluctuantis stella maris,
Fons misericordiae,
Stella, quae, dum solem paris,
Patrem tibi filiae,
Caelo digne coronaris,
Iuncta regi gloriae. | 4. Ave, quies viatoris,
Te sequentis praevia,
Favus intimi dulcoris
Satians praecordia,
Pia mater salvatoris,
Reduc ad caelestia,
Quos antiqui temptatoris
Expulit invidia. |
| 2. Ave, mater gloriosa,
Verbi Dei cellula,
Tota pulchra et formosa,
Tota sine macula,
Tu es lilium et rosa,
Rectrix in navicula,
Qua transimus procellosa
Saeculi pericula. | 5. Ave, decor firmamenti
Sidusve errantium,
In salutem paenitenti
Tu stagnum probaticum,
Tu es arca testamenti
Portans manna caelicum,
Quo pascuntur in praesenti
Corda tibi supplicum. |
| 3. Ave, nubes matutina,
Roris stillicidium,
Quibus gratia divina
Poros pluit cordium,
Imperatrix et regina
Caeli, terrae, marium,
Serva vitam a ruina
Tibi supplicantium. | 6. Ave, templum trinitatis,
Pudoris signaculum,
Plenitudo caritatis,
Miseris umbraculum,
Solve salvans a peccatis
Istum tuum populum,
Pro quo Iesus Christus gratis
Subiit patibulum. |

7. Ave, quam praeconizavit
Prophetarum contio,
Quam scriptura praesignavit
Omnis ab initio,
Rubus, quem consideravit
Moyses [in invio],
Tuum partum praemonstravit
Sui non incendio.
8. Ave, templum Salomonis,
Sed non manu conditum,
Turris vallis visionis,
Castrum muris insitum,
Leva signum unionis
Gratiae ad spiritum,
Ut hostilis stationis
Terreas exercitum.
9. Ave, quae, dum credidisti
Caelesti spiritui,
Incorrupta concepisti
Dei parens nutui;
Ergo, mater Iesu Christi,
Confer opem coetui,
Cuius causa mervisti
Hoc honore perfrui.
10. Ave, per quam est collata
Prophetia puero,
Ut te voce non prolata
Salutet in utero,
Ut Elisabeth, adflata
Flatu salutifero,
Dei matrem est testata
Te clamore libero.
11. Ave, genetrix effecta
Nullo viri foedere,
Sola virgo praelecta
Sine poena parere,
Luna de te nube tecta,
Sol prodit de sidere,
Luna, inquam, sed perfecta,
Nesciens deficere.
12. Ave, virgo, de qua natus
Deus verus creditur,
Idem creans et creatus,
Actor est et agitur,
In praesaepe reclinatus
Pannis circumcingitur,
Sed in caelis adoratus
Sine fine colitur.
13. Ave, quam honorant reges
Mysticis muneribus,
Suos dum observant greges,
Cognita pastoribus,
Quae cum veteris non eges
Legis baptismatibus,
Sponte tamen imple leges,
Non ligata legibus.
14. Ave, decus mulierum,
Quae in templo Dominum
Obtulisti, lumen verum,
Salvatorem hominum,
Et nunc populum et clerum
Salva, virgo virginum,
Dans in ultimo dierum
Veniam peccaminum.
15. Ave, quae Iesum infantern
Cum dolens quaesieras,
Invenisti disputantem
Non edoctum literas,
Tuum populum peccantem,
Quaesumus, ne deseras,
Sed requirens aberrantem
Tecum caelo transferas.
16. Ave, per architriconum
Invitata nuptiis,
Ubi fecit aquam vinum
Christus in conviviis,
Color aquae in citrinum
Transit sine mediis,
Tua fide fit divinum
Opus hoc in hydriis.
17. Ave, videns tui nati
Flagellari latera,
Videns et in cruce pati
Mortis dira vulnera,
Aperitur dum rimati
Pectoris pars dextera,
Aqua, sanguis dirimati
Nostra lavant scelera.

18. Ave, fidem quae sustentas
Passionis triduo
Hancque sola repraesentas
Fervore continuo,
Modo haereses inventas
Sic elide denuo,
Ut has fides turbulenta
Devitet perpetuo.
19. Ave, laeta versa vice,
Quando nostri generis
Salus manu cum victrice
Rediit ab inferis,
Unde patet cicatrice
Visa sui lateris,
Quod pro plebe peccatrice
Poenam tulit funeris.
20. Ave, videns corpus idem
Factum impassibile,
Quod de te assumpsit pridem,
Scandens caelum agile,
Creatori tale quidem
Competit mirabile,
Non natura, sed per fidem
Cuiquam credibile.
21. Ave, caelos quae transcendis
Singulos per ordinem,
Dei donec apprehendis
Throni celsitudinem,
22. Ave, quae iam Deo plena,
Sed modo plenissima,
Quondam particeps in poena,
Nunc regnanti proxima,
Nostra canit te camoena,
Laudat vox et anima,
Quia tu es vitae vena
Laudeque dignissima.
23. Ergo, pia mater Dei,
Laudes has suscipito,
Quas innixus de te spei
Reus tibi recito,
Me reatus rodunt mei
Cordis in abscondito,
Sed medelam huius rei
Ratus te recogito.
24. Credo namque, quod non perit,
Qualiscunque fuerit,
Qui commissa fiendo terit
Et peccare deserit,
Sed si te devote quaerit
Tuique meminerit,
In aeternum salvus erit
Nec perire poterit.

Cod. Londonen. Reg. 7 A VI. saec. 14/15. — 7, 6 Ergänzen in invio? — 12, 4 Auctor; die Form actor fordert das Wortspiel; est fehlt.

39. De beata Maria V.

1. Ave, virgo singularis,
Mundi portus salutaris
Singulari gloria,
Porta solis orientis,
Orbis sidus occidentis
Speciali gratia.
2. Paradisus voluptatis
Thalamusque castitatis,
Cella pigmentaria,
Hortus clausus, fons signatus,
Ager florens, irrigatus
Spiritali pluvia.
3. Rorans vellus Gedeonis
Ferculumque Salomonis,
Angelorum gloria,
Domus Dei, quam fundavit,
In qua thronum collocavit
Patris sapientia.
4. Ave, rosa spina carens,
Virga Iesse, virgo parens,
Viri tamen nescia,
Tu, regina, regem paris,
Cuius sola nuncuparis
Sponsa, mater, filia.

5. Stella caeli, cuius ortus
Nos ad vitae traxit portus
Post mundi naufragia,
Paradisi tu fenestra,
Non quod tuos feras extra,
Sed intra palatia.
6. Tu specular verae lucis,
Quae ad veram lucem ducis
Nostrae noctis taedia;
Ave, sidus matutinum,
Fletum tergens vespertinum,
Dans post luctus gaudia.
7. Deitatis sacramentum,
Novae legis argumentum,
Vitae pandens atria,
Carta Dei, quam inscripsit,
In qua verbum suum scripsit
Patris providentia.
8. In qua verbum substantivum
Fecit pater adiectivum
Adiecta substantia,
Lectus rosis praeparatus
Et multorum candidatus
Liliorum copia.
9. In quo sibi copulantur
Et se simul osculantur
Christus et ecclesia,
Novum genus nuptiarum,
In quo nova naturarum
Parantur coniugia.
10. Ave, mater, virgo tamen,
Quam fecundat verbo flamen
Non viri materia,
Ergo rivus parit fontem,
Virga cedrum, vallis montem
In magnificentia.
11. Flos pudoris, non efflorens,
Cedrus alta, palma florens,
Vallis gignens lilia,
Flagrans domus unguentorum,
Aula Dei, divinorum
Secretorum conscia.
12. Mirus odor in hac domo,
Plena ture, cinnamomo
Omnique fragrantia,
Ergo, nostri mediatrix,
Nostra salus et salvatrix,
Nobis sis propitia.
13. Nos abiectos pro peccato,
Nata, patri, mater, nato
Clementer concilia,
Via vitae, duc ad portum,
Stella maris, duc ad ortum
Per tot maris devia.
14. Dulcis mater Iesu Christi,
Quae Satanam devicisti
Miranda potentia,
Nato iube, regem ora,
Ut peccati sine mora
Nobis detur venia.

Orat. ms. Caelestinorum saec. 15. Cod. Parisin. 18571.

40. De beata Maria V.

1. Ave, virgo, stella maris,
Ave, mater expers maris,
Sola parens patrem paris
Fecundata caelitus.
Salve, virgo, spes reorum,
Salve, mater, spes lapsorum,
Per quam mundo rex caelorum
Illuxit humanitus,
Miserere peccatorum
Consolando gemitus.
2. Gaude, virgo generosa,
Gaude, mater gloriosa,
In hac valle procellosa
Nobis esto praevia.
Vale, virgo, sponsa Christi,
Vale, mater, quae dedisti
Et lac illi praeuisti,
Per quem vivunt omnia,
Per Christum, quem genuisti,
Trahe nos ad gaudia.

3. Amen dicat, qui mendicat
In hac valle flebili,
Ut solamen et iuvamen
Plebi detur humili.

Orat. ms. Domus Novae Lucis anni 1477. Cod. Ultraiectin. Scriptt.
Eccel. 375. — Nach 1, 8 Miserere miserorum. — 3, 3 Et solamen.

41. De beata Maria V.

- | | |
|---|--|
| 1. Ave, virgo, verbi mater,
Quam signavit Deus pater
Suo sancto flamine;
Ave, virgo, virga Iesse,
In qua Deus coepit esse
Sub carnis velamine. | 6. Ave, mater pietatis,
Quam laudare nemo satis
Vel potest vel potuit;
Ave, certa spes salutis,
Per quam luce destitutis
Vera lux innotuit. |
| 2. Ave, lampas veri solis,
Nova mater novae prolis,
Castitatis lilium;
Ave, virga nusquam arens,
Per quam suum Deus parens
Mundo misit filium. | 7. Ave, deitatis arca,
Quam creator patriarcha
Clausit et aperuit;
Ave, caeli lux et terrae,
Summam lucem digna ferre,
Quae te non deseruit. |
| 3. Ave, mutans nomen Evae,
Per quam nobis iugum leve
Christi dedit veritas;
Ave, per quam lux est data,
Per quam nobis dulcorata
Legis est austeritas. | 8. Ave, navis institoris,
Portans manna peccatoris
Et panem angelicum,
Ave cella summi regis,
Dans de botro prisco legis
Nectar evangelicum. |
| 4. Ave, virga veri turis,
Per quam sumus nostri iuris
Dei dante gratia;
Ave, mater benedicta,
Partu cuius est devicta
Mortis contumacia. | 9. Ave, castrum Bethaniae,
Marthae domus et Mariae,
Ut castrorum acies;
Ave, mater nostrae spei,
Per quam nobis verbi Dei
Visa carne facies. |
| 5. Ave, lumen fundens mundo,
Quod nos traxit de profundo
Ex lacu miseriae;
Ave, parens summi floris
Et superni plena roris
Virtutum congerie. | 10. Ave, summi regis thronus,
In qua Deus summe bonus
Incarnari voluit;
Ave, parens sine pari,
Per quam mortem captivari
Vetus hostis doluit. |
| 11. Ergo nobis, mater pia,
Sis in huius vitae via
Dux et consolatio,
Ut post huius vitae statum
Videamus tuum natum
In caeli palatio. | |

Cod. Londinen. Reg. 7 A VI. saec. 14/15.

42. De beata Maria V.

- | | |
|---|--|
| 1. Ave, virgo virginum,
Decus castitatis,
Ave, salus hominum,
Mater pietatis,
Ave, sidus lucidum,
Sidus claritatis,
Flos cuius dat floridum
Florem defloratis. | 5. Ave, mater caelica,
Sumens illud Ave,
Quod tulit angelica
Tibi vox suave,
Ave, plena gratia,
Stella maris, ave,
Assit tua gloria,
Meis votis fave. |
| 2. Ave, candens lilium,
Nostra spes, Maria,
Ave, dulce gaudium,
Veritas et via,
Salus, spes, remedium,
Gemma, lux, sophia,
Mihi des auxilium,
Voce posco pia. | 6. Ave, flos clementiae,
Ave, fulgor stellae,
Ave, pudicitiae,
Ave, flos puellae,
Ave, mater regia,
Mala mea pelle,
Tua sunt officia
Dulciora melle. |
| 3. Ave, domus regia,
Porta salvatoris,
Mater atque filia
Summi creatoris,
Ave, mundi claritas,
Ave, flos odoris,
Ave, casta castitas,
Casti fons amoris. | 7. Ave, dulce lilium,
Rosa sine spina,
Ave, dans auxilium
Et caeli regina,
Ave, mater gloriae,
Mater et divina,
Ave, lux iustitiae,
Stella matutina. |
| 4. Ave, virgo pariens
Natum absque pari,
Ex te fulgor oriens
Dignus exaltari,
Ave, fovens gremio
Florem puellari,
Cuius mundus pretio
Meruit salvari. | 8. Ave, virgo florida,
Mater pupillorum,
Ora tuum filium
In choro suorum,
Ave, gemma splendida,
Virtus miserorum,
Ut me cum familia
Collocet sanctorum. |
| 9. Ave, decus virginum,
Audi me clamantem,
Audi, salus hominum,
Audi me precantem
Teque tuum filium
Audi me clamantem,
Sic et in perpetuum
Ave decantantem. | |

Orat. ms. saec. 15. Cod. Londinen. Harl. 917. — 1, 7 fehlt eine Silbe;
dat ergänzt. — 8, 7 Ut me tuum famulum. — 9, 5 Tuum teque filium.

43. De beata Maria V.

1. Ave, virgo, virtutis speculum,
Salomonis thronus et ferculum,
Salva, rege fidelem populum
Et extolle usque in saeculum.
2. Benedicta Mariae viscera,
Caput, manus, pectus et ubera,
Crura, pedes et membra cetera,
Quae gestarunt regentem supera.
3. Ave dicunt caelorum numina,
Ave, mater, virtutum domina,
Ave semper, perfelix femina;
Per te nostra replentur culmina,
Per te mundi delentur crimina,
Tuas laudes et tua carmina
Nulla potest portare pagina.
4. Benedicta tua progenies,
Benedicta sit tua facies,
Benedicta tua caesaries,
Totum corpus et tota species;
Te saluto in die centies,
Flecto genu in nocte sexies,
Benedicta sis mille milies.

Orat. ms. Caelestinorum saec. 15. Cod. Meten. 571. — 4, 6 Et flecto
te genu in.

44. De beata Maria V.

- | | |
|--|---|
| 1. Beata Dei genetrix,
Virgo inaestimabilis,
Te spem meam constituo,
Me tibi servum offero. | 3. Praesta mihi subsidium,
Dum hoc relinquo saeculum,
Et cum recedet spiritus,
Meis adesto precibus. |
| 2. Fide tua me suscipe,
Nato tuo restitue,
Mea infelix anima
Non sit in fine perdita. | 4. Nam te orante, domina,
Sanctorum surgent milia,
Si tu sola tacueris,
Vox erit nulla ceteris. |
| 5. Noli silere, domina,
Esto mihi propitia,
Cunctis locis me protege,
In viam pacis dirige. | |

Cod. Trecen. (ol. Claravallen.) 1612. saec. 15.
Dreves, Pia Dictamina. V.

45. De beata Maria V.

- | | |
|--|---|
| 1. Benedicta
regina virginum,
In qua sine
concursu seminum
Homo verus
fit factor hominum. | 2. Virgo viri nescia,
Parens expers paris,
Tu filii filia,
Nata patrem paris,
Ad filium praevia
Duc nos, stella maris. |
| 3. Cordis amor, oris clamor
Matrem laudet, per quam gaudet
Omnis homo se de domo
Servitutis ad salutis
Statum renovatum. | |
| 4. Stirpe David genita,
totum me, virgo, tibi do,
Per te sit domita
dominans in carne libido. | 6. Virgo Maria, ave,
misero, qui te rogat a vae,
Orantique fave,
qui tibi mittit ave. |
| 5. Eva, parens saeva,
fundens in prole sua vae,
Illud ave suave,
per quod convertitur Eva. | 7. A me tolle grave
peccati pondus et a vae
Illi, virgo, cave,
qui tibi mittit ave. |

Cod. Duacen. 355. (ol. Marchianen.) saec. 14. — Ob vorstehendes ein ursprüngliches Ganze oder ob mit Str. 4 ein zweites Gedicht beginnt, erscheint zweifelhaft.

46. De beata Maria V.

- | | |
|--|--|
| 1. Bonitatis
totius femina,
Sancta virgo,
caelorum domina,
Quae nos premunt,
dissolvens crimina,
Nostra clemens
audi precamina. | 3. O aeterna
salus credentium,
Caro nitens
magis quam lilium,
Sicut turis
est odor vestium,
Os dulcius
quam favus mellium. |
| 2. O regina
caelestis curiae,
Dignitatis
et excellentiae,
Per te nobis,
o mater veniae,
Remittatur
pondus nequitiae. | 4. Si gens omnis
in unum coeat
Laudes fari
tuasque studeat,
Ferri quisque
si linguam habeat,
Nunquam dicet,
quantum oporteat. |

5. Tua rosam
superat facies,
Columbarum
luminis acies,
Nulli rei
tam pulchra species,
In te splendet
carnis materies.
6. Flos rosarum,
lux orbis inclita,
Stella maris
fulgore praedita,
Per quam salus
est mundo reddita,
Ad salutem
sis nobis semita.
7. Te nascente
lux ingens oritur,
Tenebrarum
minister laeditur,
Ululando
de te conqueritur,
Triumphante
nato convincitur.
8. Gemma, sidus
splendoris nimii,
Luna fulgens
immensi radii,
Desolatis
plena spes gaudii,
Portus nobis
sis refrigerii.
9. Nulli ante
tua natalia
Tanta fuit
data potentia,
Te nascente
venit victoria,
Nobis autem
summa laetitia.
10. Per te nobis
spes attribuitur,
Infernorum
limes destruitur,
- Peccatorum
culpa remittitur,
Et caelestis
palma promittitur.
11. O salvatrix
humani generis,
Interemtrix
totius sceleris
Gaude, virgo,
quae tanti muneris
Donatrix es
et portus miseris.
12. Gaude, mater,
tuoque gaudio
Nos colloca
precis auxilio,
Salvatori
concordans filio
Nos sanctorum
iunge consortio.
13. Benedicta
tua conceptio,
Benedicta
Christi progressio,
Crux, sepulcrum
et resurrectio,
Benedicta
eius ascensio.
14. Benedictus,
qui fecit sidera,
Mare, terram
et quaeque cetera,
Qui se clausit
in tua viscera,
Ut locaret
nos super aethera.
15. Benedictus
natus puerperae,
Qui redemit
membrorum vulnere
Pro parentis
damnatos scelere,
Qui lugebant
aeterno carcere.

16. Sancta parens,
 nostra redemptio,
Spes miseris
 et relevatio,
Per te nobis
 fiat remissio,
Ne Satanae
 vincat illusio.
17. O regina,
 decus caelestium,
Miserorum
 spes et refugium,
O adiutrix
 te deprecantium,
Tuum ora
 pro nobis filium.
18. Flos candoris,
 flos pulchritudinis,
Non marcescens
 prae vento turbinis,
Turris nobis
 sis fortitudinis,
Ne mergamur
 antro formidinis.
19. Qui pugillo
 mundum complectitur,
Virginali
 ventre concluditur,
O quam laeta
 mater efficitur,
A qua tantus
 infans concipitur.
20. Nulla stella
 fulgoris radium
Tantum tulit
 per orbis spatium,
Nam stellarum
 rerumque omnium
Lumen profers,
 cum paris filium.
21. Cum te caeli
 suscepit curia,
Angelorum
 gaudet militia,
- Quantus plausus,
 quanta laetitia,
Nulla capi
 potest scintia.
22. Tibi, virgo,
 laetantur omnia,
Gaudet Deus,
 gaudet ecclesia,
Gaudet homo
 ductus ad propria,
Sed infernus
 agit suspiria.
23. Ave, mater
 misericordiae,
Pietatis
 et indulgentiae,
Ora natum,
 qui fons est veniae,
Ut nos dono
 confirmet gratiae.
24. Decus orbis,
 sublimis femina,
Placa nobis
 tonantis numina,
Creaturae
 totius domina,
Tuae plebis
 audi precamina.
25. Pia virgo,
 pro peccatoribus
Es locata
 in caeli sedibus,
Recordare
 hoc te precantibus,
Subvenire
 prompta fidelibus.
26. Humanarum
 rerum condicio
Est attrita
 culpae naufragio,
Sed tu, mater,
 tuo suffragio
Supernorum
 iunge consortio.

27. Prophetarum
praedicta carmine,
Expectabant
sub mundi cardine
Res in suo
deformes ordine
Relevari
tuo iuvamine.

28. Te caelestis
exspectans curia
Exspectabat
tua natalia,
Nam per tua,
virgo, suspiria
Restauratur
eius militia.

29. Sicut rosa
de spinae germine
Nascens ornat
hanc pulchritudine,
Sic in tuae
gentis origine,
Virgo, nites
virtutum semine.

30. Virgo, gaude,
mater fidelium,
Orphanorum
salus, refugium,
Per quam culpa
deletur omnium,
Sempiternum
da nobis gaudium.

31. Auxilio
succurre celeri,
Nostro finem
imponens sceleri,
Ut de nostra
salute superi
Gratulentur,
ululent inferi.

32. Pulchra luna,
sidus eximium,
Solis vincens
fulgore radium,

Audi preces
te invocantium,
Sine mora
praebe auxilium.

33. Ave, mater
immensi pueri,
Benedictus
sit fructus uteri,
Qui destruxit
catenas inferi,
Quibus erant
oppressi miseri.

34. Arbor sancta,
plena virtutibus,
Liliorum,
rosarum floribus,
Quae dedisti
fructum fidelibus,
Ex quo vita
donatur omnibus.

35. Eva dedit
cunctis exsilium
Paradisi
excludens gaudium,
Reserasti
caeli palatium
Castitatis
per privilegium.

36. Salve, iubar
caelestis sideris,
Per quam patet
lux orta miseris,
Ordinibus
praelata superis,
Esto nobis
ductrix itineris.

37. Lux solaris,
lumen fidelium,
Salus ad te
confugientium,
Virgo sancta,
salvatrix omnium,
Caeli nobis
dona consortium.

38. Audi nostram
vocem, piissima,
Virgo mitis
et clementissima,
Delictorum
vi pressi maxima
Te precamur,
sanctorum optima.
39. Dei mater,
o virgo virginum,
Quae portasti
salutem hominum,
Vera cunctis
spes medicaminum,
Nos expurga
a labe criminum.
40. In te, virgo,
spes nostra ponitur,
Per quam daemon
ex toto vincitur,
Nam illius
caput conteritur,
Tuo pede
captiveus premitur.
41. Erubescit
humani generis
Hostis nequam
et auctor sceleris,
Qui coniunctus
primum cum superis
Lapsus ruit
in ima carceris.
42. Et tu, virgo,
laetare maxime,
Quae sic thronum
sedis altissimae
Es adepta
vivens humillime,
Hostes nostros
potenter comprime.
43. Miraculum
magnum ostenditur:
Terra surgit,
spiritus labitur,
- Illa gaudet,
iste confunditur,
Illa vivit,
et iste moritur.
44. Stella micans
plena fulgoribus,
Viam praebens
te intuentibus,
Emundatos
culparum sordibus
Nos catervis
iunge caelestibus.
45. Virgo sancta,
quae non ex semine
Concepisti
sed sancto flamine
Iesum Christum,
sanctorum agmine
Nos colloca
tuo iuvamine.
46. Virga Aaron,
quae tabernaculo
Floruisti
tanto miraculo,
Fructum praebens
captivo saeculo
Vitam tuo
largire populo.
47. Virga Iesse,
regali genere,
Cuius gaudet
redemptus munere
Totus mundus,
in Christi vulnere
Vitam velis
nobis acquirere.
48. Deprecare,
sanctorum gaudium,
Tuum, sancta
puella, filium,
Ut nos iungat
gregi caelestium
Bonus pastor
sanctorum ovium.

49. Mater, ope
succurre celeri,
Ne inferni
tradamur carceri,
Ut possimus
beati fieri,
Caeli nobis
ianuam aperi.

50. Nulla mala
in te cupiditas,
Nulla prorsus
laesit hostilitas,
In te mansit
perfecta sanctitas,
Vera fides
et vera caritas.

51. Plenitudo
divini muneris,
Quae per partes
praestatur ceteris,
Venit in te,
virgo, spes foederis,
Sicut imber
in lana velleris.

52. Nulla tibi
virtutum defuit,
Quarum in te
rex domum posuit,
Te caelestis
doctrina docuit,
Salvatoris
ut matrem decuit.

53. Novum quiddam
in mundo cernitur,
Nam de stella
sol fulgens oritur,
Tenebrarum
horrori ponitur
Finis, via
caelorum panditur.

54. Creatura
totius ordinis
Te fatetur
immensi nominis

Sublimatam
in throno naminis
Sine fine
beatitudinis.

55. Porta caeli
per Evam clauditur,
Gens humana
tormentis traditur,
Per te, virgo,
libertas redditur,
Et caeleste
regnum conceditur.

56. Hostis telo
livoris figitur,
Cum in caelum
plebs tua ducitur,
Vulnerando
maestus atteritur
Et de tuo
posse conqueritur.

57. Inde plaudit
caelestis curia
Exsultando
pro tua gloria,
Laudans Iesum,
qui fecit talia,
Admirando
eius magnalia.

58. Nostris, virgo,
faveto vocibus,
Angelorum
nos iungens coetibus,
Ut laudantes
te magnis plausibus
Exsultemus
cum sanctis omnibus.

59. Sanctitatis
ornata moribus,
Praemunita
virtutum floribus,
Virgo decens
et digna laudibus,
Creatoris
refulgens opibus.

60. Totam, virgo,
te sapientia
Perlustravit
sua potentia,
Cum descendit
divina gratia
In te monstrans
sua magnalia.
61. Carnem in te
cum Christus induit,
Nihil in te
tunc boni defuit,
Virginitas
tua sic floruit,
Creaturae
quod omni profuit.
62. Virgo, tuo
redempti munere
Non cessamus
psallendo reddere
Grates tibi
pro tanto foedere,
Quo nos Christus
dignatur visere.
63. Natos tuos,
o mater, libera,
Virgo manens
Christi puerpera,
Ne nos damnet
infernī vipera,
Quae in multos
exercet scelera.
64. Iamque tui
sumus nos filii,
Quos de luctu
trahens exsilii
Reduxisti
ad plausum gaudii
Per angelum
magni consilii.
65. Virgo manens
et mater regia,
Te beatam
fatentur omnia,
- Meritorum
tot privilegia
Explicare
nequit ecclesia.
66. Angelorum
laudata modulis,
Universis
miranda populis,
Virgo cunctis
praelata saeculis,
Vitam tuis
acquire servulis.
67. Delictorum
compressa pondere
Mens humana
nequit sufficere,
Laudes tuas
ut possit dicere,
Quae nos ditas
divino munere.
68. Tu salutem
humano generi
Edidisti
de claustro uteri,
Per te, virgo,
vincuntur inferi,
Per te gaudent
in caelo miseri.
69. Cum creata
rex benediceret,
Tunc providit,
quod in te fieret
Deus homo,
qui nos redimeret
Et aeternos
in bono faceret.
70. Benedixit
in te tunc omnia,
Ex qua salus
et beneficia
Processerunt
et vera gaudia,
Paradisi
portus et gloria.

71. Quid dicemus
defecti viribus
Et compressi
delictis gravibus?
Si res omnes
resonent vocibus,
Tuis victae
succumbent laudibus.
72. Laudes tuae
momenta temporis
Et arenas
excedunt aequoris,
Renovatis
da vires corporis
Sensum mittens
in arcam pectoris.
73. Bonum nobis
confer ingenitum,
Ut possimus,
virgo, spes omnium,
Te laudare
tuumque filium
Et habere
caeli consortium.
74. Peccatorum
nos terge macula,
Nostra prece
tonantem sedula,
Ut nos sua
sustentans ferula
Vitae donet
caelestis pabula.
75. Nostrum decus
et nostrum gaudium,
Virgo sacra,
candoris lilium,
Rosa vernans
et potens omnium,
Sedem dona
nobis caelestium.
76. Eva dedit
pomum mortiferum,
Ex quo mundus
se sensit miserum,
- Superasti
factorem scelerum,
Fructum vitae
dans salutarum.
77. Quid valeret
nostra fragilitas,
Quam decepit
hostis caliditas,
Nisi esset
tua humilitas,
In qua sumpsit
carnem divinitas?
78. Ecce, pulchrum
bellum componitur,
Inter Satan
et te configitur,
Sed captivus
ille vincitur,
Et pars tua
victrix efficitur.
79. Victrix gaudes,
et victus ululat,
Dolor eius
in dies pullulat,
Inde caelum
exsultans inibilat,
Plausum vero
mundus adcumulat.
80. Evam nequam
hostis admonuit,
Unde genus
humanum doluit,
Adam miser
in culpam corrui,
Dum praeceptum
servare noluit.
81. Ut per Evam
nostra perditio,
Sic per te fit
nostra redemptio,
Ut per Adam
mortis illatio,
Sic per Christum
fit restauratio.

82. Te laudare
beatam cupimus,
Sed in laude
tua deficimus,
Sensus noster
adhuc est minimus,
Cum nos de te
tanta conspiciamus.
83. Nam si mundus
pagina fieret,
Et res omnis
in ea scriberet,
Laudes tuas
non comprehenderet,
Quia tot sunt,
quod non sufficeret.
84. Ergo quantum
movet invidia
Hostem saevum,
qui pro superbia
De supernis
lapsus in vilia
Vilis factus
est super omnia,
85. Cum te cernit
praelatam omnibus
Et se videt
mersum foetoribus!
Quantis, putas,
movetur tristibus,
Nobis nocens
in cunctis actibus?
86. Sed succurre
nobis celerrima,
Ne nos damnet
pars impiissima,
Argumenta
quae fraudum plurima
Tendit multos
ducens ad infima.
87. Benedicta
in mulieribus,
Te rogamus
immensis precibus,
- Ne nos claudat
infernī faucibus
Daemon, suis
obsiste fraudibus.
88. Quando potest
quemquam decipere,
Tunc laetatur
pro tanto scelere,
Noli, pia
virgo, concedere,
Plebem tuam
quod possit laedere.
89. Tueatur
nos tua dextera,
Qua donabas
panem et cetera
Tuo nato,
qui rerum genera
Creavit reg-
nans super aethera.
90. Totus orbis
est tibi subditus,
Opem illi
confer divinitus,
Ne nos laedat
poenalis exitus
Nec malignus
infernī spiritus.
91. Super tua
plebe non gaudeat
Tuus hostis,
sed magis doleat,
Tua nobis
virtus praevaleat
Et in bono
semper nos teneat.
92. Theophilus,
o mater veniae,
In foveam
lapsus malitiae
Argumentis
misericordiae
Tuae nobis
adest potentiae.

93. Virtus nostra
iam paene deficit,
Saxa fraudis
et hostis obicit,
Mentem nostram
in multis inficit,
Gaudens cum nos
adfectos conspicit.
94. Tu illius
destrue gaudium
Donans nobis
Christi consortium,
Ut lugeat
inventor fraudium,
Et tu salves
gregem fidelium.
95. Tuam, mater,
serva ecclesiam
Omnem pellens
ab hac tristitiam,
Sempiternam
praebe laetitiam
Ad sanctorum
conducens gloriam.
96. Huius laudis
quisquis memoriam
Celebrabit
poscendo veniam,
Tu fac illi
misericordiam
Beatorum
donando gratiam.
97. Et nos tibi,
virgo, consocia,
Ut gaudentes
in tua gloria
Coram summi
patris praesentia
Decantemus
eius magnalia.
98. Trinitati
sit laus, potentia,
Honor, virtus
et excellentia,
Tibi, virgo,
summa laetitia,
Nobis autem
perfecta gloria.

Orat. ms. Caelestin. saec. 15. Cod. Parisin. 18571. — 4, 9 Laudesque tuas fari. — 77, 1 nostra humilitas. — Eine kürzere Fassung dieses Liedes findet sich Anal. VI, 53 ff. Dieselbe ist wohl aus den WW. Ulrich Stöcklins zu streichen.

47. Oratio ad beatam Mariam V.

1. Clemens et dulcissima regina caelorum,
Humanum praesidium, solamen dolorum,
Spes post Deum unica, sis memor tuorum
Et fac, ut in numero simus salvandorum.
2. Sis nostra protectio, mater illibata,
Fac, ut vita nostra sit nato tuo grata,
Et per te nos societ angelorum choris,
Qui nos emit pretio proprii cruoris.
3. Cunctorum peccaminum nobis impetrare
Apud Deum veniam, domina, dignare,
Cum Christus voluerit hinc nos transmigrare,
In caeli palatio fac nos habitare.

Cod. Londinen. Reg. 7 A VI. saec. 14/15.

48. De beata Maria V.

- | | |
|--|--|
| <p>1. Cor ad instar philomenae
Gaudens amet et amoene
Laudet matrem Domini,
Sonent voces ut sirenae,
Modulentur et serenae
Solvant laudes virgini.</p> <p>2. Haec est porta paradisi,
Vas virtutis, vas obrizi,
Manna servans caelicum,
Haec est arca testamenti
Continentis et contenti,
Typum gerens mysticum.</p> <p>3. Haec est rosa puritatis,
Lilium humilitatis,
Epicinum gratiae,
Haec est fomes caritatis,
Fons et rivus puritatis,
Antidotum veniae.</p> | <p>4. Haec est summa sanctitatis,
Summo gradu dignitatis
Mater regis gloriae,
Haec est decus honestatis,
Post decorem deitatis
Decor caeli curiae.</p> <p>5. O caelestis philomena,
Vernans, amans et amoena
Dilecti phylacium,
O paradisi sirena
Mente modulans serena
Seraphinum gaudium!</p> <p>6. Stella maris, Maria,
Portus paris nescia,
Sola spes post filium,
Tu transfer duce gratia
Nos ad beata gaudia
Post carnis exsilium.</p> |
|--|--|

Cod. Trecen. (ol. Claravallen). 1612. saec. 15. — 3, 3 Epycinum. —
5, 3 phylorticum. — Der Haltung nach vielleicht Sequenz.

49. Ad beatam Mariam V.

- | | |
|---|--|
| <p>1. Cum iubemur et tenemur
Deum in sanctis colere,
Matris laudem praeter fraudem
Nos decet eius molere
Molis oris cunctis horis,
Nam laudum est dignissima,
Vas honoris, flos pudoris
Et stella lucidissima.</p> <p>2. O Maria, pyxis pia
Apothecae caelicae,
Ex qua dia theoria
Ceu fecit angelicae
Mellicatum zinzibratum
Incarnati filii,
Cuius dosis plus est rosis
Et fraglans odor lillii.</p> <p>3. Tu divina medicina,
Virgo benigna, crederis,
Nam syropum et hysopum
Novi ministras foederis,</p> | <p>Apothecae sine faece
Vas pulchrum sine macula,
Da claretum cordi letum
Livoris absque facula.</p> <p>4. Tu languores et errores
Aufer, apothecaria,
Ad medendum et delendum
Hos fer electuaria,
Unguentorum sanandorum
Vas aperi, cellaria,
Aegrotorum devotorum
Ut curetur lipparia.</p> <p>5. Nos inflexat et invexat
Febrilis castrimargia,
Apoplexat et convexat
Corporalis letargia,
Hos rigores et tremores
Rosarum encathismate
Molli, mitis virgo, litis,
Nos et ab omni schismate.</p> |
|---|--|

6. O, piatis fove gratis
Legis et aporimate
Ac obscura cordis dura
Madescens epitimate,
Spei satis, caritatis
Ac fidei colliriis
Tuos vernas hic gubernas
Et a falsis suspiriis.
7. Omēcastrum, facēmplastrum
Nostrae mentis vulneribus,
Cura spasmus et thenasium
Noxae tuis muneribus,
Nos praeservet et conservet
Clementia tis nimia,
Ne succidat et collidat
Nos celer epidimia.
8. Sion nata, salve, grata,
Confectum, philanthropos,
Post te gyrat et suspirat
Gemens et flens anthropos,
Te honorat et implorat
Christicolarum natio
Et exorat, ut his rorat
Caeli dulcis potatio.
9. Tibi iunge, quos et unge
Cum oleo rosaceo,
Quos hic munge et compunge
In huius vitae spatio,
Ut purgemur et curemur
Ab omni peste criminis,
Quod vocemur et locemur
In arce caeli luminis.
10. Cum clysteri tu severi
Cordis purga serpiginem,
Esu lata dosi grata
Sanans mentis vertiginem,
Tu guttosis, calculosis
membra madescas horrida,
Ne brancosis tremulosi
Gutta notescat torrida.
11. Nam egentes et degentes
Peccati nos disuria
Nimis urget atque turgent
Omnis boni xemiria,
- Linitivo quodam divo
Aufer omnem lentiginem,
Mentis nigrae atque pigrae
Poli cunctam rubiginem.
12. A morbillis et scintillis
Muni nos herisipillae,
Cladis fortis atque mortis
Ne nos captent decipulae,
Tu staporem et tremorem
Aufer a podagricis,
Operandi quoque dandi
Vim confer chiragricis.
13. Mel rosatum, degustatum
Circa dilectum filium,
Impertire nobis mire,
Mater, post hoc exsilium,
Ut utamur et fruamur
Zuccarae fiolatio,
Panis vitae sine lite
In caelesti palatio.
14. O Maria, virgo pia,
Tolle meas aporias,
In hac via dextra dia
Mis cordis purgans scorias,
Impolitae, maestae vitae
Quod post huius stadium
Cernam statim oculatim
Sceptritenentis radium.
15. Mater lustrī, me perlustrī,
Cum medicina satia,
Ne palustrī seu amplustrī
Satan regar fallacia,
In me tument et consument
Vitam acrocordines,
Ne me caedant atque laedant,
Christifera, sic ordines.
16. Nam me festant ac infestant
Morbosa flagitia,
Quaenonlavant, sed megravant
Per multa supplicia;
Informare me dignare
In virtutum topicis
Et curare me salvare
A pestibus hydropicis.

17. Iera pigra laxa nigra
Cordis atque catholicon,
Ut compungar, satis ungar
Confessus apostolicon,
Ad agalma quod cum palma
Conscendamsanus caelicum
Et in dia theoria
Manna mandens angelicum.
18. Me fecundes et emundes
Contritionis vomere,
Ut ficosum et venosum
Possim phlegma evomere,
Sparaginas in me sinas
Radices non excrescere,
Verbum Dei, regis mei,
Quae faciunt arescere.
19. Sed meorum vitiorum
Stringatur diffidentia,
Phlegetontis, Acherontis
Ut evadam cantheria,
Fervor luxus, irae fluxus
Incendunt cardiacam,
Interpolam quam te sola,
Ne procuret hyliacam.
20. Cor adflictum et constrictum
Peccatorum asmate,
Mater, cura et secunda
Sacro cataplasmate;
O benigna, laude digna,
Vulneribus pestiferis
Sauciatus, mutilatus
Et pestibus mortiferis,
21. Te imploro et exoro
Complosis meis manibus,
Ut aegrotum me iam totum
Eruas a manibus
Et per vanum mundi sanum
Me serves temporaliter,
Post conamen tecum, Amen,
Ut vivam aeternaliter.

Cod. Londinen. (ol. Vratislavien.) Add. 18922. saec. 15.

50. Oratio devota ad BVM.

1. Cur peccator desperem veniam,
Cum Mariam dulcem recogito,
Qui Mariae colo memoriam
Et Mariae sacra revisito?
Meam novit mater miseriam,
Et ad matrem ire non haesito,
Nosco matris immensam gratiam
Et ad mensam maternam mussito.
2. Cerne, virgo, cur Dei filius
In te verum se fecit hominem
Et te, virgo, qua nihil sanctius,
Puram semper reliquit virginem;
Cur cor tuum pertransit gladius,
Cum pro nobis effudit sanguinem
Et per tuum ave suavius
Vitae reddit Evae propaginem?

3. Cur, regina, caelis praesideas
Assueri iuncta coniugio
Et terrarum iura possideas
Angelorum iuncta collegio?
Si, regina, nostri non egeas,
Dum regali sedes in solio,
Te promotam pro nobis videas,
Qui vexamur in hoc exsilio.

4. O Maria, clientes respice
Et supporta gravamen oneris,
Felix mater, suggesto iudice
Tuis natis succurre miseris;
Semper, virgo, nos castos effice
Tela frangens serpentis veteris
Et, regnatric, nos tuos refice
Dulci fructu, quo dulcis frueris.

Clm. Monacen. (ol. Emmeramen.) 14343. saec. 14.

51. De beata Maria V.

1. De spineto nata rosa,
Arbor vitae speciosa,
Ave, plena gratia,
Nos ad lucem verae lucis
Levas, trahis et perducis
Ducens via regia.

2. Specialis eminenter,
Singularis excellenter
Emines virtutibus,
Flos et lumen es sanctorum,
Sed et luce angelorum
Praemines ordinibus.

3. Aaron virga tu fuisti,
Florem, fructum protulisti
Stupendo miraculo,
Deum paris illibata
Post et ante sigillata
Veri regis annulo.

4. Ergo, virgo tam beata,
Multis signis praemonstrata,
Nobis sis propitia,
Aufer iras et dolores,
Mentes fove, forma mores
Pietatis gratia.

5. Piae matris pia proles,
Hic purgato, quando voles,
Transfer nos ad supera,
Piae matris pia prece
Tu nos a secunda nece,
Pie Iesu, libera.

Orat. ms. Domus Novae Lucis anni 1477. Cod. Ultraiectin. Scriptt. Eccl. 375, an zwei Stellen A u. B. — 1, 1 Vale de spineto nata rosa A; Vale virgo nata rosa B. — 1, 2 Arbor fehlt A. — 1, 3 Vale plena B. — 3, 4 paris eius nata A. — 4, 4 et languores B. — 4, 5 Mentem munda forma B. — 5, 4 matris fehlt A. — Vielleicht Sequenz.

52. De beata Maria V.

- | | |
|--|--|
| 1. Digna laudum carmina,
Vocum modulamina
Nostra sonent agmina
- Tibi, caeli domina. | 5. Deleant et crimina;
Insultus extermina,
Reatus elimina
Mundique molimina. |
| 2. Vera cuius nomina,
Patris parens femina,
Supra caeli culmina
Stola gaudens gemina. | 6. Contra fastus fulmina,
Motuum discrimina,
Babylonis flumina
Da salutis omina, |
| 3. Luce vincens lumina,
Vere videns numina,
Revelans velamina
Legis et volumina. | 7. Spei delectamina,
Fidei regimina,
Caritatis tegmina,
Virtutis libamina, |
| 4. Fac pro nobis famina,
Ut tua precamina
Sint nobis iuvamina,
Quae nostra peccamina | 8. Panis vitae fragmina.
Caecum cor illumina,
Tristi luctum termina,
Sere morum semina, |
| 9. Rege, fove germina;
Post mundi certamina
Lucis intra limina
Pia prece nos mina. | |

Orat. ms. Domus Novae Lucis anni 1477. Cod. Ultraiectin. Scriptt. Eccl. 375. — 2, 4 Stella gaudens. — 6, 3 fulmina. — 7, 4 Virtuti. — Dem Liede geht in der Hs. folgende nicht zugehörige Strophe voran:

Vale, plena gratiae,
Fons misericordiae,
De caelis nos respice,
O Maria.

53. De beata Maria V.

- | | |
|---|---|
| 1 a. Dulci voto, laeta fide
Festo mentis cor arride, | 1 b. Suavis soni vox sapore
Epuletur et dulcore. |
| 2 a. Laudum melos citharizet,
Risu mentis cor hymnizet
In concentus iubilo, | 2 b. Flores mentis vox peroret,
Cordis auster os irroret
Flatu rigans nubilo. |
| 3 a. Cordis clamor solvat ora,
Et erumpens vox sonora
Aurem melle compluat, | 3 b. Et exclamans mens canora
Ab interna cordis hora
Laudis horas induat. |
| 4 a. Mentis hiems et algores
Cordis [luctus] et languores
Cedant et tristitiae, | 4 b. Cordis aestas det vigores,
Et ver mentis alat flores
In risu laetitiae. |
| 5 a. Sensus laudis in feturam
Floreat,
Virginalem genituram
Proferat. | 5 b. Vagientes belli iura
Dimicant,
Clara fides et natura
Litigant. |

- | | |
|---|--|
| 6 a. Hic in partu castam videt,
Virginalem hic deridet
In parente flosculum, | 6 b. Hic expulsa mentis lite
Virgo, matris nomen mite
Pacis tenent osculum. |
| 7 a. Artem fides superavit
Et humanam proculcavit
Rationis meritum, | 7 b. Vis occurrit hic naturae,
Nam divino fracto iure
Suum flet interitum. |
| 8 a. Huius partus in censura
Silet ergo ratio,
Tacent leges, cadunt iura,
Logicae probatio, | 8 b. Nec rhetoricae pictura
In ornatu proficit,
Argumenti vis impura
Citra metam deficit. |
| 9 a. Exceptatam iuris formam
Virgo mater recipit,
Dum in prole partus normam
Et naturam decipit. | 9 b. Sensualis hic anihela
Latet inquisitio,
Quomodo fit haec quaerela,
Deficit editio. |
| 10 a. O rosae flos,
Quam caeli ros
Tam mire irrigavit,
In fructum fecundavit. | 10 b. O vitae dos,
Qua felix mos
Te praeglorificavit,
In partu decoravit. |
| 11 a. O vas divini numinis,
Quae solem veri numinis
In orbem produxisti, | 11 b. O Gedeonis area,
Rore Dei nectarea,
Quem virgo genuisti. |
| 12 a. Tu virga Iesse florida
Per rubum praesignata,
Tu cella Dei rorida
De David stirpe nata. | 12 b. Tu turea, purpurea,
Tu pudor virginialis,
Tu gemmea, pampinea,
Tu decor festivalis. |
| 13 a. O vernalis,
Dulcedo sensualis, | 13 b. O lustralis,
O spes fiducialis. |
| 14 a. O flagrantia,
Spiraculum odoris, | 14 b. O praestantia,
Signaculum pudoris. |
| 15 a. Empyrea, siderea,
Vestibulum decoris, | 15 b. Tu stelling, tu mellea,
Latibulum fervoris. |
| 16 a. Amabilis, orabilis,
Tu mitis consolatrix,
Tu pacis mediatrix. | 16 b. O vera pax, ignita fax,
O veniae donatrix,
Humilium salvatrix. |
| 17 a. Tu thymiana gloriae,
Tu murra festivalis,
Tu cinnamomum gratiae,
Tu nardus genialis. | 17 b. Tu cinnamum fragrantiae,
Tu balsamus vitalis,
Tu sapor odorabilis,
Tu odor olivialis. |
| 18 a. Dulcis amor nuptialis
Et amplexus tu legalis,
Formae decor matronalis,
O mentalis levitas. | 18 b. Dulcor cordis tu nativus,
De quo fonte rubor vivus
Prodit, tu salutis rivus,
O veris amoenitas. |

- 19 a. O diescens per inane
Caeli fulgor, rubrum mane,
Cordis nubes et profanae
Mentis umbras abige,
- 19 b. Ut in corde te vidente
Moto voto, mente flente
Lamentemur et intente
Locum demus veniae.
- 20 a. Salve, veris flos decorans,
Favus stillans ac dulcorans,
Liquor caeli melle rorans,
Praedulcis securitas.
- 20 b. Ave, gemma candidata,
Tu crystallus inaurata,
Labe nulla deflorata,
Semper florens puritas.
- 21 a. Matutina lux rubescens
Et aurora refulgescens,
De qua mundo sol ignescens,
Deus homo prodiit:
- 21 b. Fulgor noctis tu lunaris
Et in luce lux solaris,
Solem mundo stella paris,
Per te salus rediit.
- 22 a. Auri prima redit aetas
Et decursas quaerit metas,
Hanc, virgo, reciprocas;
- 22 b. Per te sidus ioviale
Mundo praebet se pacale,
Tu austerum revocas.
- 23 a. O in matre permansura,
Nulla sua perdens iura,
Augusta virginitas;
- 23 b. Rosa florens in rubore,
Flos humescens vivo rore,
Quem rigavit trinitas.
- 24 a. Virga Iesse te vitalis,
Fructu, flore genialis,
Res quondam prodigialis
Praesignavit typice.
- 24 b. Nam per florem figuraris,
Virgo mater appellaris,
Cum in fructum complantaris
Per Ave mirifice.
- 25 a. Ave, verbum actuale,
Sempiterna lande vale,
Tu conclave virginale
Regi regum fecunditas.
- 25 b. O miranda partus iura,
O quam digna, o quam pura,
Quam miratur et natura
Et sensus profunditas.
- 26 a. Hic altiloqui Platonis
Sensus hebet, Ciceronis
Et vox Publii Maronis
In loquendo deficit.
- 26 b. Nulla prosunt artis tela,
Nihil agit hic loquela,
Sed arcana Dei vela
Sola fides perspicit.
- 27 a. Novum opus geniturae
Sibi sumit opifex,
- 27 b. Artem fallit hic natura
Ipse summus artifex.
- 28 a. O digna credulitas!
- 28 b. O credenda dignitas!
- 29 a. Res probanda, mira iura,
Quod humana sub figura
Deus homo latuit,
- 29 b. Quod sub alga rosa lux
Gemmam lutum quod obducit
Quae non minus pa-
- 30 a. Caelum terrae se conclinat,
Petra caeli mel propinat,
Umbra soli iungitur,
- 30 b. Cedrus latet sub hyso
Lux in fumo, tali tr
Terra caelo fungit
- 31 a. O scintillans lux in caelo,
Non caligans umbrae velo,
Omni puro purior;
- 31 b. Planta rore tu imbut.
Imbre Dei tu perluc.
Secura securior.

- 82 a. Vena fontis expers limi,
Rosa rubens, vigor thymi,
Tu cella vinaria,
- 82 b. Quae distillas caeli rorem,
Dei nectar et liquorem,
Plena laude varia.
- 33 a. Planta dulcis adoptiva,
Fructu, flore, fronde viva,
Fel antiquum et nociva
Primae stirpi temperas.
- 33 b. Nata patrem, parens natum,
Homo Deum humanatum,
Ante tempus generatum
Virgo manens generas.
- 34 a. Deum paris, virgo pura,
Ut praedixit in figura
Isaias primitus.
- 34 b. Salve, decus virginale,
Te signavit figurale
Vellus madens caelitus.
- 35 a. Flos pudoris non marcescit,
Quem post partum bruma nes-
cit
Et humana vanitas,
- 35 b. Sed qui fuit, idem manet,
Nec excessus aestu canet,
Prima manet sanctitas.
- 36 a. Florens hortus et conclusus,
Dulcis fructus gerens usus,
Fons signatus,
Vitae status,
Tu oliva germinans.
- 36 b. Mitis, decens, elimata,
Igne Dei tu flammata,
Purpurata,
Sublimata,
Evae cladem terminans.
- 37 a. Tu frondosa tilia,
Dans umbracula milia,
Fonte vivo rigua;
- 37 b. Eia, virgo decorata,
Fronte, genis, ore grata,
Tu Deo contigua.
- 38 a. Tu Dei sacrarium,
Noctis luminarium,
Tu illustris claritas,
Tu veris hilaritas,
Lux soli contermina.
- 38 b. Tu rosa candidula,
Austro caeli stridula,
Cuius rorans folium
Vile nescit lolium
Et sinistra germina.
- 39 a. Tu post ventos hiemantes
Aestiva serenitas,
- 39 b. Post procellas fluctuantes
Tu pacis amoenitas.
- 40 a. O sub umbra grata quies,
Fontana viriditas,
- 40 b. Vernans radiosa dies,
Fervoris algiditas.
- 41 a. Tu fervoris aestuosi
Opacans temperies,
- 41 b. Mundi salus ruinosi,
Post maerorem requies.
- 42 a. Flante terris aquilone
Tu lenis caliditas,
- 42 b. Cum sol ardet in leone,
Tu grata frigiditas.
- 43 a. Odor floris, flos odoris,
Dulcis odoramine,
- 43 b. Flos in rore, ros in flore,
Vernans Austri flamine.
- 44 a. Ave, rosa vigorosa,
Tu columna pietatis
Et alumna deitatis,
Tu candoris lilium.
- 44 b. O si mentem vox sequatur,
Si per linguam constringatur,
Quod cor intus meditatur,
O mater humilium.
- 45 a. Quos ad ortum tuae laudis
Mundi dulcor suae fraudis
In occasu nubilat,
- 45 b. Duc in pacis orientem
Post terrarum occidentem,
Ubi vita iubilat.

- 46 a. Quos adversans caro laedit
Et ferrugo criminis,
- 47 a. Laudem tibi mens progignit,
Amor nutrit et insignit,
Quae vox extra parturit.
- 48 a. Tu naturae suavis,
Auctorum felicitas,
Dulcis morum gravitas.
- 49 a. O solamen, temperamen
Gratiae,
- 50 a. Aura caeli flatu lenis,
Siccis plue cordis venis
Vigorem germinum,
- 51 a. Casta, decens, fructuosa,
Tua prole gloriosa,
Pia mater generosa,
Da salutis praemium;
- 52 a. Nominosa caeli dea,
Dei mater et idea,
Caeli clara lumine,
- 53 a. Ach, quissapor, quamsaporas,
Qualis vapor, quam vaporas,
Irrigamen gratiae,
- 54 a. Uva mellis, plena rore,
Ventilata rosae more,
Uberratis satio,
- 55 a. Duc ad litus nos de ventis,
Lux serenans diem mentis,
Convivatrix animae,
- 56 a. Ave, decens et festiva,
Semper felix et votiva,
Melos te glorificet;
- 56 c. Cordis fonte, da, promanans
Rivus, carnis morbum sanans,
Animam vivificet.
- 57 a. Eia, precum imbre natum
Redde mitem et placatum,
Virgo, lex emphatica,
- 58 a. Arce remo castitatis
Nos ab esu vanitatis
Et caenosis fluctibus,
- 59 a. Oris candor spondens risum,
Te videntis pascens visum,
Serenatrix cordium,
- 46 b. Quos ab horto culpa cedit
Paradisi liminis.
- 47 b. Quod concepit mens fetosa,
Foris lingua dulci prosa
Loquens melos scaturit.
- 48 b. Regalis humilitas,
Tu dulcis moralitas,
Viva sensualitas.
- 49 b. Tu medela et tutela
Veniae.
- 50 b. Mundi vanos tolle flores,
Labyrinthum et errores,
Tu decus virgineum.
- 51 b. Virga veris genetiva,
Imperatrix caeli diva,
Plue tuis donativa,
Pandens opis gremium.
- 52 b. Radix vento, rore lento,
Madidata, fecundata,
Plena Dei numine.
- 53 b. Decor formae puellaris,
Decens pudor tu sponsalis,
Clara rubens facie.
- 54 b. Stella maris, favi stilla,
Fluctuantes nos tranquilla,
Portuosa statio.
- 55 b. Eia, veris temperamen,
Leni corda dans spiramen
Et decus magnanime.
- 56 b. Laus sit tibi, Deo grata,
Cuius parens es et nata,
Mundus te magnificet.
- 57 b. Inventutis nostrae ratem
Duc per mundi tempestatem,
O mater probatica.
- 58 b. Redde portum vitae sanctae,
Vento caeli nos perflante
Duc de mundi luctibus.
- 59 b. Tu aurora, mentis risus,
Vernans cordis paradisi,
Salutis exordium.

- 60 a. Cibus cordis epulantis,
Nectar mentis iucundantis,
Quod decorem procreat,
- 60 b. Da inundans fletus rivo
Cordis vultus te votivo
Plangore demulceat.
- 61 a. Dei nata, natum roga,
Ut nos pressos carnis toga
Veste caeli poliat,
- 61 b. Quos Dione dulci felle
Et fellito luxus melle
Visu mentis spoliat.
- 62 a. Algescentes crimine
Nos dulci nutrimine
In salutem corrige,
- 62 b. Anxiatos onere
Da mundana ponere,
Fessis opem porrige.
- 63 a. Pravis subveni,
Abigail virtutis,
- 63 b. Regis iram praeveni
Precibus virtutis.
- 64 a. Vera Iahel gloriae,
Sisaram pertunde
- 64 b. Et clavo victoriae
Spem tuis refunde.
- 65 a. Novae Iudith gratiae
Nos ab Holoferne
- 65 b. Salves, hostem animae
Gladio prosterne.
- 66 a. Nos in fine, virgo, nosce,
Sanctum manna nobis posce,
Dulcem alimoniam,
- 66 b. Ne qui fluctu nunc iactamur,
Tunc infernae patiamur
Luis acrimoniam.
- 67 a. Nos in mortis agonia,
Caeli dea, vitae via,
Luctantes non deseras,
- 67 b. Post mundi calamitosa
Caeli semper radiosa
Da, quae caelum reseras.
- 68 a. O quae mentem Dei sentis
Et in libro Dei mentis
Cursus mundi prospicis,
- 68 b. O quae vides vitae metas,
Tam futuras quam impletas,
Tu quae noym conspicias.
- 69 a. Tolle mitis variam
Poenam carcerariam,
Nec gementes despice,
- 69 b. Luctuosum, labilem,
Mundum inamabilem
Pio vultu respice.
- 70 a. Tu, regina, caeli domo
Nunc elata, quondam homo
In delicti nostri pomo,
Summo regno fungeris.
- 70 b. Nos in pomo culpa stravit,
Casus noster te beavit
Et in regnum sublimavit,
Ubi Deo iungeris.
- 71 a. Ergo iura pietatis
Redde, mater, tuis natis,
Labe carnis infuscatis,
Sic te matrem induis.
- 71 b. Tuos natos dissentire
Per quemcunque motum irae
Si concedis, potes scire,
Quod te matrem exuis.
- 72 a. Turris David clippeata,
Labe nulla superata,
Neque flamma devastata
Nec carnis incendio,
- 72 b. Da, praelata caeli thronis,
Ne tyrannus rationis
Placans felle laesionis
Et tristi dispendio,
- 73 a. Amor carnis intestator,
Castitatis expugnator,
Visum mentis debriet,
- 73 b. Ne iuventae sensus hebens
Et iocorum dona praebens
Male cor inebriet.

- | | |
|---|---|
| <p>74 a. Da, quod luctum risus [pendat],
Quod timorem spes defendat,
Desperare prohibe,</p> | <p>74 b. Quod primaevamens senescat,
Quod a labe cor desuescat,
Carnis iura prohibe.</p> |
| <p>75 a. Ne vitandum auris bibat,
Nec os animam proscribat
In infando fame,</p> | <p>75 b. Stultum visus ne venetur,
Nullo vili superetur
Naris odoramine.</p> |
| <p>76 a. Nos in cymba pietatis
Et in transtro sanctitatis
Per fluctus humanitatis
[Duc ad portum deitatis]
Post haec transitoria,</p> | <p>76 b. Post iacturas tempestatum
Portum caeli redde gratum;
Posce nobis sanctum pneuma,
Ut per laetum te celeuma
Canamus in gloria.</p> |

Cod. Londinen. Arundel 374. saec. 13/14. — 2b, 3 rigam. — 4b, 1 Cordis hostas. — 5b, 1 Vagentes. — 7a, 3 Rationi. — 22b, 4 austeram. — 25b, 2 o fehlt. — 44a, 3 dei pastis. — 46b, 1 ab orto. — 50a, 2 Sicce plue. — 53a, 1 saporans. — 53a, 2 vaporans. — 55b, 2 Lene. — 59a, 2 videntes. — 60b, 1 fletis. — 63a, 1 Pramis subveni. — 73a, 2 descendat.

54. Oratio ad beatam Mariam V.

- Felix mater, ave, qua mundus solvitur a vae,
Quae genetricis Evae vae facis esse breve.
Salve, sancta parens, virgo mundi reparatrix,
Omni labe carens, clemens hominum miseratrix.
5. Salve, munditiae speculum, flos virginitatis,
Caelestis patriae splendor, templum deitatis.
Salve, flos florum, rosa primula, virgo suavis,
Spes peccatorum, fons vitae caelica clavis.
Sacra pincerna veniae, regina superna,
10. Solis lucerna, precibus nos, virgo, gubernas.
Virgo Deo digna, virgo pia, [virgo] benigna,
Contra luctamen hostis mihi ferto iuvamen,
Ut sanctum flamen hic assit, funde precamen.
Sancta maris stella, felix fecunda puella,
15. Hanc cellam signa, propellens cuncta maligna.
Fac me sub cella sic omnia ferre flagella,
Ut vitiis purus teneam, quem sum petiturus,
Et cruce securus pergam sub ea moriturus,
Et cum decedam mundo, cum laude recedam,
20. Ne Belial praedam capiat de me sibi foedam,
Hoc praestet munus, qui regnat trinus et unus.

Orat. ms. Tegurinum saec. 15. Clm. Monacen. 20002. — 19. Das Wort mundo ist in der Hs. unleserlich und ruht auf Coniectur.

55. De beata Maria V.

Flos florum, fons hortorum, regina polorum,
Spes veniae, lux laetitiae, medicina dolorum,
Virga recens, virgo decens et forma bonorum,
Parce reis, opem fer eis, in pace piorum
Pasce tuos, succurre tuis, miserere tuorum.

Collect. ms. Hemmenrodense saec. 15. Cod. Vindobonen. 4781. —
4 pacem Hs.

56. De beata Maria V.

- | | |
|---|---|
| 1. Gaude, casta mater Dei,
Decus mundi, lux diei,
Angelorum gloria,
Porta patens, aula caeli,
Quae fideli Gabrieli
Credidisti nuntia. | 3. Regem regum tu lactasti,
Hic te fecit, quem portasti
Tuis in visceribus;
Inter omnes collaudaris
Benedictaque vocaris
Tu in mulieribus. |
| 2. Deo patri placuisti,
Dum ancillam te dixisti,
Virgo clementissima,
Salvatorem concepisti
Et intacta permansisti,
Virgo prudentissima. | 4. Fidem sola conservasti,
Morientem, quem portasti,
Tu vidisti, Maria;
Temporalem pertulisti
Mortem, virgo, dum vidisti
Vexilla regalia. |
| 5. Virgo mater pietatis,
Fidem sanctae trinitatis
In nobis corrobora,
Ne post sensus naturales
Inimici speciales
Nostra premant pectora. | |

Orat. ms. Domus Novae Lucis anni 1477. Cod. Ultraiectin. Scriptt.
Eccl. 375. — Vielleicht Sequenz.

57. De beata Maria V.

- | | |
|--|--|
| 1. Gaude, felix Maria,
Tota plena gratia
Conceptus exordio;
Gaude, felix regia,
Tota plena gloria
Ventris tui medio. | 3. Gaude, felix nesciens
Virum et concipiens
Dominum cum gaudio;
Gaude, felix pariens
Integra, non sentiens
Poenam puerperio. |
| 2. Gaude, felix gemmula,
Refulgens per saecula,
Flos sine contagio;
Gaude, felix virgula,
Sanctitatis regula
Carens omni vitio. | 4. Gaude, felix civitas,
In qua sancta trinitas
Trino sedet solio;
Gaude, felix deitas
Et caro sunt unitas
Caelesti coniugio. |

5. Gaude, felix fecunda,
Tibi non est secunda
Cum pudoris lilio;
Gaude, felix et munda,
Carnis curans immunda
Castitatis radio.
6. Gaude, felix femina,
Caeli claudens limina
Ventris in sacrario;

- Gaude, felix domina,
Cuius caeli culmina
Flectuntur imperio.
7. Gaude, felix, ubera
Per caelorum munera
Plena praebens filio;
Gaude, felix, dextera
Dei super sidera
Sedens throno regio,

Ubi, virgo tenera,
Purget nostra scelera
Tua intercessio.

Orat. ms. Carth. Hildesheimen. saec. 15. Cod. Iosephini Hildesheimen.
3 (6). A. — Cod. Carlsruhan. Augien. 36. saec. 14/15. B. — 1, 4 regina A. —
4, 4 Sic ventre deitas A. — 4, 5 Cum carnem sumit unitas B. — 4, 6 In
beato gaudio B. — 5, 4 Nam caro tua A. — 5, 5 curat A; Carne carens
B. — Statt Str. 7 hat B die folgende:

Gaude, felix, ex more
Divino plena rore
Ubera dans filio;

Gaude, felix, honore
Sedens cum creatore
In caeli palatio,

Ubi Christi dulcore
Fruamur et amore
Dono tuo regio.

58. De beata Maria V.

- 1 a. Gaude, gemma virginum,
Prima salus hominum,
Nondum nata consecraris;
- 2 a. Gaude, Maria, laetaris
Verbo, per quod fecundaris,
Gabriel quod edidit;
- 3 a. Gaude, virgo venerata
Tribus magis, adorata
Tribus donis et personis,
Nato sollemnissima.
- 4 a. Gaude, regina caelorum,
Tibi paret angelorum
Cunctorumque dominus
- 5 a. Gaude, Maria, quae natum,
Iesum tuum, morti datum,
Post mortem glorificatum
Partum das laetitiae.
- 6 a. Gaude, mortis calcans statum
Caeli transis ad ornatum,
Corpus gerens cumulatam
Sempiterna gloria.

- 1 b. Gaude, quae dum nasceris,
Sancto mox depasceris
Spiritu, quo obumbraris.
- 2 b. Gaude, Maria, quae paris
Filiū, quo tu crearis,
Quique cuncta condidit.
- 3 b. Gaude, templo praesentata
Dudumque desiderata,
Consecraris et laetaris
Prole sacratissima.
- 4 b.
.
.
- 5 b. Gaude, felix advocata,
Nobis miseris parata,
Arrha vitae nuncupata,
Fons misericordiae.
- 6 b. Gaude, caelos ut intrasti,
Tu Seraphim decorasti,
Tu Cherubim illustrasti,
Supernorum domina.

7 a. Eia, pia mater Dei
Et hominis quoque rei
Vivum patrociniū,

7 b. Tuis natis tuum natum,
Bona mater, da placatum
Nunc et post hoc exsilium.

Orat. ms. Carthus. Hildesien. saec. 15. Cod. Iosephini Hildesheimen. 3(6). —
1, 6 umbraris. — 6, 7 Tu fehlt. — 7, 2 hominisque rei.

59. Oratio ad beatam Mariam V.

- Gaude, maris stella, Iesse de stirpe puella,
Quam de gente David virtus divina vocavit,
Ut verbo patris fieres substantia matris,
Et pareres Christum, qui mundum solveret istum,
5. Sic etiam pareres, ne virginitate careres.
Foedere digna pari genetrix tibi virgo vocari,
Te voco, virgo pia, supplexque requiro, Maria,
Ut miseri curas divinis ignibus uras.
Sum miser, obscaenus nimiaque putredine plenus,
10. Complue peccatis caelestis aquas pietatis
Facque tuo lotum dulci medicamine totum,
Quidquid post sacrum commisit culpa lavacrum,
Qui per me labor, nunquam sine te revocabor.
Porrige, virgo, manum subito me faciens sanum,
15. In partem laevam, quem traxit culpa per Evam.
Placare irae, quibus illam vis aperire,
Cum sub extremo poterit succurrere nemo.
Quis faciet tutum turpissima quaeque secutum,
Ni mihi tutelam des iudicis ante quaerelam?
20. Cum mundus flebit, cum terra polusque timebit,
Sola potes terrae miseris suffragia ferre.
Sors ubi sanctorum desperat opem miserorum,
Flectitur irati per te sententia nati.
Illud ad examen misero concede iuvamen,
25. Sentio damnari, si differs auxiliari.
Iam datus ad mille tormenta Theophilus ille
Per te salvatur Christoque reconciliatur.
Hic ita peccavit, quod Christum teque negavit,
Nec caruit venia te virgo iuvante Maria.
30. Ego peccator, non corde vel ore negator;
Credo salvari per teque reconciliari,
Propter peccantem si vis orare tonantem.
Hoc, sacra, dispone, quod transferar ex Babylone,
Fac, pia, Ierusalem conscendere spiritualem,
35. Pax ubi succedat, quam nulla calumnia laedat,
Rex ubi virtutis fit potus et esca salutis,
Lux ubi reginae sit aperta mihi sine fine.
Ante redemptorem sortita sedis honorem,

- Vox peccatoris te flagitat, aula pudoris,
40. Ad caeli numen metuentis flectere lumen
Et nil audentis de nomine cunctipotentis.
Audi clamantem, te, virgo beata, vocantem,
Sed ne turberis, quod ab illius ore voceris,
Qui vitiis foedus mollis pertransit ut hoedus,
45. Penitus errorum iam foetet ineptia morum.
Labilis et vanus sum plus quam quatrividuus,
Suscipe conversum, noviter Babylone reversum,
At male deceptum fac cum pietate receptum.
Si veniam posco, si flens mea crimina nosco,
50. Non ego damnari, non debeo iam reprobari;
Nam decet auctorem non exercere furorem,
Iam debet pietas odiis imponere metas.
In te sperantem non vidi, virgo, vacantem,
In te iactatum non vidi ludificatum.
55. Me tibi commendo, reus ad te, spes mea, tendo,
Erige labentem, culpae absolve foetentem,
Offensum natum mihi redde reconciliatum.
Si merso mundo tenebris mortisque profundo,
Sancta parens Christi, dare praesidium potuisti,
60. Si plures stellis animas a morte revellis,
Quam vetus illorum transfundit culpa duorum,
Ergo mihi soli „non possum“ dicere noli.
Par tibi maiestas et adhuc manet ipsa potestas,
Post tantum munus levius salvabitur unus.
65. Nec dicas natum fessum tam saepe rogatum,
Vult mediatricem Deus esse suam genetricem,
Qui se pulsari, pro peccatore rogari
Non indignatur, sed cum petitur, miseratur.
Qui super errantium gaudet revocamine tantum,
70. Quo miserante bonis sors est coniuncta latronis,
Qui Lazarum flevit, triduana morte quievit,
Praeda superbiorum cum sit pro morte reorum
Perlatae fortis Iesu de munere mortis.
Dans mundo pacem fac me, regina, capacem,
75. Simque redemptorum per te concivis eorum,
Pro quibus est Iesus mortali corpore laesus.

Orat. ms. Domus Novae Lucis anni 1477. Cod. Ultraiectin. Scriptt.
Eccl. 375.

60. De beata Maria V.

- | | |
|--|--|
| 1. Gaude, mater salvatoris,
Mater salutifera,
Spes Maria peccatoris,
Virgo et puerpera. | 2. Salve, rosa sine spina,
Salve, Iesse virgula,
Cuius fructus nostri luctus
Relaxavit crimina. |
|--|--|

3. Virga, rubus appellaris,
Flos, fenestra, ianua,
Mater Dei, lux solaris,
Iesse stirps ingenua.

4. Digna Deo, interpella
Pro nobis, o Maria,
Prece tua ut ad sua
Nos ducat palatia.

Orat. ms. Domus Novae Lucis anni 1477. Cod. Ultraiectin. Scriptt.
Eccl. 375. — 4, 1 Digna nobis. — 4, 2 nobis ora Maria.

61. De beata Maria V.

1. Gaude, mater, vitae portus,
Ex qua mundo sol est ortus,
Qui salvavit saecula,
Virgo semper tu fuisti,
Virgo Deum genuisti
Sine viri copula.

3. Ave, summi mater regis,
Quae cum nato cuncta regis
Mira cum potentia;
Ave, quae cares simili,
Isti catervae debili
Sis semper propitia.

2. Salve, per quam aperitur
Caeli porta et finitur
Mundana tristitia,
O quam bonum idem Ave,
Quam praeclarum, quam suave,
Per quod datur gratia.

4. Per te, virgo, conferatur
Nobis salus, concedatur
Peccatorum venia;
Pie Iesu piae matris,
Dona nobis regna patris
In caelesti gloria.

Orat. ms. Domus Novae Lucis anni 1477. Cod. Ultraiectin. Scriptt.
Eccl. 375. — Vielleicht Sequenz.

62. De beata Maria V.

1. Gaude, mitis, gaude, pia
Dei genetrix Maria,
Gaude, dulcis et serena,
Gratia, gloria plena.

3. O regina coronata,
Cunctis gemmis adornata,
Gaude semper et laetare
Et in Deo gloriare

2. Tota pulchra, tota bona,
Summi regis in corona
Gemma fulgens ut formosa,
Super omnes gloriosa.

4. Eo, qui te coronavit
Et in caelis sublimavit,
Summo throno collocavit,
Gloriose coronavit.

5. Laus, honor Deo deorum
In saecula saeculorum,
Uni trino sempiterno
Benedicamus Domino.

Cod. Palat. Vindobonen. (ol. Lunaelacen.) 3335 anni 1451, als Conclusio
pretiosissimae coronae, eines in Reimprosa oder Knüttelversen geschriebenen
Gebetes. — 3, 4 Deo fehlt. — 4, 1 Ei qui. — 4, 3 In summo. — 4, 4 Et
gloriose. — 5, 1 honor fehlt.

63. De beata Maria V.

1. Gaude, plaude, clara rosa,
Esto maestro cara prosa,
Salutanti, supplicanti,
Te roganti dic amanti:
In Christo te servavero.
Colens volens te sentire,
Quod sis praesens, fac me scire,
Intuentem intueri,
Sinum tuum da pateri,
Me totum tibi offero.
2. Gaude, mea speciosa,
Cui clamo: Rosa, rosa,
Pulchra nimis et formosa,
Super omnes amorosa,
Tu sola sine compare.
Gaude, mea tu dulcedo,
Vere dulcis plus quam medo,
Tu cor meum dulcorare
Et me debes debriare
Voluptuoso nectare.
3. Gaude, cuius ad aspectum
Meum patet imperfectum,
Hoc tu, pia mater, vides,
Vides quidem nec derides,
Misericors compatiens.
Ad me vultu vide laeto,
Cum te clamans inquieto,
Da despecto, da neglecto,
Quod affecto, quod exspecto
In multis insufficiens.
4. Gaude, felix et decora,
Gaude, gaude omni hora,
Cuius amor caret felle,
Plus dulcescit omni melle,
Quo nihil sapit dulcius.
Gaude, cuius vultus ridet,
O quam felix, qui hunc videt,
Hunc qui videt, admiratur,
Gaudet, ardet, inflammatur
Amore tui saucius.
5. Gaude, mea mediatrix,
Mea sola consolatrix,
Mea mater et amatrix,
Mei hostis expugnatrice,
O felix, quem inhabitas.
Gaude semper et exsulta,
Auro, gemmis bene culta,
Mea mens ad te suspirat,
Qui non amat te, delirat,
O amor, o amoenitas.
6. Gaude laeta sine meta,
Mitis, suavis et quieta,
Eia, cara mater, vide,
Vide me in tua fide,
Te diligentem dilige.
Gaude, festum cordis mei,
O festiva sponsa Dei,
Quod de corde meo meat,
In cor tuum, fac, ut eat,
Huc aurem tuam porrigere.
7. Gaude, cuius post odorem
Cor movetur ad amorem,
Foves illud, ne frigescat,
Moves illud, ne lentescat,
Dicens: tamen non curritis?
Gaude, cuius vox est illa,
Quae nos lactat ut mamilla:
Ad me omnes vos transite,
Me gustate, me sentite,
Vos, qui me concupiscitis.
8. Gaude, quae ad tuos clamas,
Quos ut pia mater amas;
Ego mater sum amoris,
Magnae spei et timoris,
Et caritatis speculum.
Gaude, pura tu puella,
Dominantis domicella,
Cuius tuto sub mantello
Nullus timor est misello,
Sed timido latibulum.
9. Gaude, mater, quam qui audit,
Contra carnem aurem claudit,
Quam audire nulli grave,
Quam sentire o quam suave,
Tu omnibus es omnia.
Gaude, festa, nunquam maesta,
Tu honesta, tu modesta,
Gaude, gaude, bona mater,
Cum qua gaudet Deus pater,
In cuius gaudes curia.

10. Gaude, gaudens sine fine,
O magistra disciplinae,
Cuius scholam frequentare,
Cuius virgam supportare
Non gravat tuos filios.
Gaude, valde diligenter
Diligentes te ardentem
Si quid errant negligenter,
Nescienter aut scienter
Fac poenae, culpaenescios.
11. Gaude plus quam vehementer,
Te amamus tam libenter,
Salutamus tam frequenter,
Veneramur reverenter,
Attende, o carissima.
Gaude pro maerore tristi,
Quem in morte Iesu Christi
Illa dura in tortura
Et clavorum in fixura
Tulisti, amantissima.
12. Gaude, clara multis signis,
Cuius amor globus ignis,
Lampas ardens, fax, scintilla,
Tu insignis, tu pusilla,
Tu talis, qualem quaerimus.
Gaude, cuius dulcis amor
Est in corde fortis clamor,
Qui dum praesens experitur,
Cor et pectus aperitur,
Aegrotat ardens animus.
13. Gaude, suavis, amorosa,
Consolatrix fructuosa,
Sapis nobis o quam bene,
Cuius venae melle plenae,
Dulcedo iubilantium.
Gaude, virgo verecunda,
Rubicunda, laetabunda,
Cuius vultum quisquis videt,
De te gaudet, de te ridet,
Nam formas vincis omnium.
14. Gaude cum his, qui te amant,
Tibi gaude qui proclamant,
Quorum cor te contemplatur,
Complexatur nec vexatur,
Sed totum in te rapitur.
- Gaude, gaude dico tibi,
O quam dulce est, quod bibi,
Qui te quaerit, nunquam perit,
Quem tu amas, tuus erit,
Quam felix, qui te sequitur.
15. Gaude, cuius a fervore
Cor ebullit in amore
Quod a motu vix quiescit,
Ingemiscit, si frigescit,
Quem tangis, ardet dulciter.
Gaude mecum tu in mente,
Tecum ero te favente,
Non inanem me transibis,
Immo in me tota ibis
Mansura mecum iugiter.
16. Gaude, rosa speciosa,
Super rosam tu formosa,
Tu es rosa singularis,
Sola rosa tu vocaris,
Tu lilium et viola.
Gaude, suavis, plena favis,
Blanda caris, nulli gravis,
Cordi meo coniungaris
Et cor meum adloquaris,
Nam ardet iam ad oscula.
17. Gaude, pura creatura,
Gaude, semper gavisura,
Pulchra nimis intus, foris,
Fons dulcoris, fax amoris,
Et pectoris incendium.
Gaude, laude infinita
Redimita margarita,
In regali throno sita,
Tuus amor mea vita
Et cordis desiderium.
18. Gaude, tota purpurata,
Vivis stellis constellata,
Tu caelorum es praelata,
Elevata non elata,
Subiecta regens aethera.
Gaude, cuius in corona
Perfectorum lucent dona,
Cuius splendor est ut ignis,
Cuius honor est insignis,
Quis posset fari cetera?

19. Gaude, cuius in aspectum
Vivit amor in defectum,
Cordis mei patet bulla,
Cuius scatet iam medulla,
O cara, veni, propere.
Intra meum vile tectum,
Tuum tecum fer dilectum,
In me tuum sterne lectum,
Quia meum scis affectum,
Te diligo, considera.
20. Gaude, cuius ardet sinus,
Inde lucet sol divinus,
Tuos caros huc invita,
Mei tamen non oblita
Tu trahe me, non altera.
Dulce nimis est, quod sapit,
In quo tuus amor capit,
Lingua carnis obmutescit,
Clamor cordis non quiescit,
Mens languet amorifera.
21. Gaude nunc, dilecta mea,
Cuius vadunt in chorea
Omnes tui speciales,
Speciosi curiales,
Qui tuum canunt canticum.
Gaude, dulcis philomena,
Cuius vox amore plena,
Tua suavis cantilena
Laus sanctorum est amoena
Et gaudium angelicum.
22. Gaude, clara lux solaris,
Quae nos quaeris, ut quae-
raris,
Lassos pie praestolaris,
Accurentes amplexaris
Compassionis brachio.
Ad te vado corde laeto,
Tibi loquor in secreto
Hoc, quod peto, mihi dabis,
Temet ipsam non negabis,
Ut dixi: ecce, venio.
23. Gaude, semper pia, gaude,
Habe me in tua laude,
Mire gaude, gaude mere,
Inbe tecum me gaudere,
Gaudentium materia.

- Gaude, gaude, modo miro
Tu es mater sine viro,
Te amantem audi, precor,
Sine causa te non sequor,
O dulcis amicitia.
24. Gaude propter illud Ave
Cordi meo tam suave,
Totus manet Deus tecum,
Tota secum, tota mecum
Et mea tecum anima.
Gaude, cuius cor oblectat,
Quod te nostra mens affectat,
Salutata gratularis,
Assum, dicis, dum vocaris,
O mater amantissima.
25. Gaude, fons qui non siccaris,
O quam suavis, dum gustaris,
Tuus rivus amor vivus,
Per medullas transitivus,
Beatus, quem inebrias.
Te qui bibit, non peribit,
Nam amare quis te quibit?
Te qui edit, non abscedit,
Sitibundus sponte redit,
Me foras non eicias.
26. Gaude, mea dives era,
Tota mea spes revera,
Audi me in veritate
Et in vera caritate,
Da totum, quod desidero.
Vives, vives, semper dives,
Cuius clari sunt concives,
Is, qui dicit tibi gaude,
Semper tecum sit in laude
In electorum numero.
27. Gaude, sedens in decore,
Semper ardens in dulcore,
Cuius vultum concupiscunt,
Qui amare semper gliscunt
Te solam et non aliam.
Gaude, rosis coronata,
Omni flore purpurata,
Cuius fulvum indumentum
Est caelorum ornamentum,
Decorans caeli curiam.

28. Gaude vernans paradisus,
In quo viret noster visus,
In quo surgit flos decoris,
De quo fluit fons dulcoris
Et omne, quod est optimum.
O amoena vitae vena,
Languet mea mens egena,
Nil est valens te non habens,
Perit valens male tabens,
Frigentem fove animum.
29. Gaude, cara, valde clara,
Tu Maria, non amara,
Mihi, precor, applicare,
Et quam dulcis sis, appare,
Nam satur est, quem satias.
O regina, sis vicina,
O dilecta, non declina,
Temet ipsam non absenta,
Me frequenta et sustenta
Nec debilem proicias.
30. Gaude, mater, ad te curro,
Tu ausculta, quod susurro,
Ave, gaude tibi clamo,
Te, ut possum, totus amo
Et cum omnibus viribus.
Ante thronum, o decora,
Dulcem prolem pro me ora,
Quod rogaris, prosequaris,
Datur tibi, quod precaris
Prae angelorum milibus.
31. Gaude, mea procuratrix,
Peccatorum excusatrix,
Meas sordes terge, lava,
Tege, dele facta prava,
Da caste, munde vivere.
Gaude, virga nunquam arens,
Aret autem tui carens,
Tuo florens in amore
Stet cor meum in virore,
Te meditetur libere.
32. Gaude, clara stella maris,
Mater magni luminaris,
Rotam solis specularis,
Trinum Deum contemplaris
In omni pulchritudine.
- Tu in Deo vere tota
Fixa manens et immota,
Deum vivum intueri,
Quem iucundum est videre
In suo claro lumine.
33. Gaude, lux indefectiva,
Tenebrarum expulsiva,
Nutritiva caritatis,
Christi caris cara satis,
Supra modum amabilis.
Gaude meum favens audi,
Hoc inscribe tuae laudi,
Ut sit dulce, ut sit suave
Tuum ave, mihi fave,
Mater desiderabilis.
34. Gaude, parens carens pari,
Quae sit digna sic amari,
Quam amarem, ad quam irem,
Tam suavem cum te scirem,
Quae nullam habes similem.
Gaude, mundi clara dies,
Cordis mei grata quies,
Ne te amen sine causa,
In hac nocte mecum pausa,
Da mentem castam, humi-
lem.
35. Gaude, rosa caritatis
Admirandae suavitatis,
Toto corde complectenda
Et nequaquam dimittenda,
Sed salutanda dulciter.
O dilecta, meum lectum
Purga purum per affectum,
In quo simul collocemur
Et in Christo conectemur
Ardens et sinceriter.
36. Gaude, gaude, cara mea,
Mentem sanctam in me crea,
Ut sopiti cordis vapor
Sit amoris dulcis sapor
Et suave desiderium.
O iucunda, me circumda,
Caritatis manu munda,
Ut amare te assuescam
Et amando non quiescam,
Te mihi da in praemium.

37. Gaude, gaude tota mecum,
Audi, audi vota precum,
Gaude, gaude plus quam satis,
Laudes meae parvitatibus
In tuis clament auribus.
Cara, mecum requiesce
Et ut sol in me diesce,
Tibi totum me commendo,
Tu excusa, quod offendo
Diebus atque noctibus.

Scala caeli saec. 14. in. Cod. Pragen. XIII E 3 A. — Cod. Carolus-
ruhan. Augien. 36. saec. 14/15. B. — Cod. Palat Vindobonen. (ol. Campen.
883. saec. 14/15. C. — Cod. Scotorum Vindobonen. 50 f. 27. saec. 15 D. —
Cod. Palat. Vindobonen. (ol. Lunaelacen.) 3835. E. — Cod. Lambacen. 452.
saec. 15. F. — Cod. Mellicen. 935. saec. 15. G. — Cod. Hilarien. 7. saec. 15.
H. — Cod. Paulan. Sanblasian. memb. 45. saec. 15. I. — Cod. Paulan.
Hospitalen. cart. 326. saec. 15. K. — Orat. ms. Lehninense anni 1518. Cod.
Berolinen. IV° 29. L. — Orat. ms. Campense anni 1462. Cod. Darmstadten.
521. M. — Orat. ms. Heilsbronnense saec. 15. Cod. Erlangen. 770. N. —
Orat. ms. S. Wilperti saec. 15. Cod. Quedlinburgen. 75 O. — Cod. Graecen.
1588. saec. 15. P. — Orat. ms. Ambergense anni 1476. Clm. Monacen 2990 Q.

BP sind unvollständig; B beginnt in Folge Verstümmelung der Hs. erst
mit Str. 27; P enthält nur Str. 17—21 einschließend. Mehrere Hss. geben
dies Lied in Tagzeiten abgeteilt; diese Einteilung ist dem Liede nicht ur-
sprünglich und verschieden in verschiedenen Quellen. Ad Matutinum
Str. 1—6 oder 7. In einigen Hss. folgt ad Laudes Str. 6 und 7; die
meisten haben für die Laudes keine eigene Abteilung, sondern beginnen mit
Str. 7, andere mit Strophe 8. die Prim, mit Str. 12 die Terz (D mit 11, 6),
mit 17 die Sext, mit 22 die Non, mit 27 die Vesper, mit 33 die Complet.
AI haben eine eigentümliche Anordnung der ersten 15 Strophen, nämlich:
9, 10, 11, 12, 13, 14, 15, 16, 2, 3, 4, 5, 6, 7, 8.

Str. 1 fehlt ABCHMO; steht hinter Str. 5 FG. — Str. 1 lautet in M:

Gaude, mea specialis,
Pulchra, suavis, curialis,
Non est tanta nec est talis,
.....
Tu omnium pulcherrima;

Ave, mater, audi, cara,
Sancta parens, aurem para,
Salutanti, supplicanti,
Te roganti, te amanti
Tu esto semper proxima.

1. 2 esto mihi cara N; cara rosa D. — 1, 3 Salutari supplicari F. —
1, 4 sic amanti K. — Nach 1, 5 haben DF:

D. Gaudens ibique, Maria,
Es cum trinitate pia
Et omni choro sanctorum,
Haec corda movet tuorum
Et me, qui te desidero.

F. Ex quo nunquam es, Maria,
Absque trinitate pia
Et praeclara es sanctorum,
Move corda famulorum
Et meum, ut desidero.

1, 6 Volens nolens te FG; Gaudens vellem te D. — 1, 7 Quod sis parens
F. — 1, 10 Peccatori misero D. — Nach Str. 1 schiebt M ein:

Tu imago Dei viva,
Sanctitatis expressiva,
Vultum tuum rosulentum,
Adorantem, luculentum
Recogito, considero.

Vellem, vellem te sentire,
Quod sis praesens, fac me scire,
Tuam aurem huc inclina,
Caeli mitis es regina,
Me totum tibi offero.

2, 1 Gaude, mire I; Gaude, Maria speciosa O. — 2, 2 clamo rubens rosa I; glomerosa rosa G. — 2, 3 et speciosa D. — 2, 5 Tu fehlt I. — 2, 7 Dulcis vere H; Vere cordis dulcis medo G. — 2, 8 Tu dignare dulcorare G. — 2, 9 Nunc debes et debriare C; Et me debes debriare DK; Et me velis debriare I; Meum cor deebriare G. — 2, 10 Voluptatis nectare I. — 3, 1 conspectum CGK. — 3, 3 Quod tu pia D; Quid tu pia CK. — 3, 5 Misero compatiens K. — 3, 6 vide vultu CDGL. — 3, 7 Ut sim corde da quieto H. — 3, 8 Vide, bona mater, vide D. — 3, 9 Quod exspecto, quod affecto, K; Et me dulciter arride D. — 3, 10 Tristem laetum faciens D. — 4, 1—5 und 6—10 umgestellt und vor Str. 3 gesetzt D. — 4, 3 Cuius amor est ut mel CGHK. — 4, 4 Cuius sapor nescit fel CGHK. — 4, 5 Qua nil CGK; Sapor, quo nil G. — 4, 7 qui hoc videt CD; hoc qui videt IK; felix est qui videt G. — 4, 8 Hoc qui videt CDI; Quem qui videt G; Hunc qui videt fehlt H; animatur C. — 4, 9 Gaudet, ridet DG; Ardet, amat C. — 4, 10 Amore tuo CDGIK. — 5, 3 fehlt K. — 5, 4 Hostis mei expugnatrix I u. z. vor 5, 2. — 5, 5 O fehlt DG; O felix, cum quo habitas G; Sancta Dei civitas C. — 5, 7 bene fehlt D; fulta DG. — 5, 10 O amor et amoenitas K; O mater, o amoenitas A; O mea amoenitas DG. — 6, 3 Cara mater, tu me vide DG. — 6, 7 O sollemnis sponsa DK; mater Dei I. — 6, 8 Quod ab ore meo CDGHK. — 7, 2 in amorem C. — 6, 3 Fovens GH; Foves tibi ne D. — 7, 4 Movens GH. — 7, 5 Dicens: cur non curritis CDGHIK; bei dieser Lesart fehlt eine Silbe am Verse. — 7, 7 lactet GK. — 7, 8 Omnes vos ad me CGK. — 7, 10 Vos fehlt ACD. — 8, 1 Gaude tu, ad nos quae G. — 8, 4 Spei magnae et CGK. — 8, 5 Et fehlt ACDFG. — 8, 9 est nasallo! D. — 8, 10 Sed fehlt A. — 9, 3 Quam audire est suave A. — 9, 4 o fehlt DGHK; tam suave GH; Oboedire non est grave A. — 9, 5 Tu fehlt A. — 9, 6 festa plus quam maesta K. — 9, 8 Gaude, virgo, bona A. — 9, 9 In qua gaudet CDK. — 10, 1 Gaude, gaude D. — 10, 5 Dei filios H; tuos famulos G. — 10, 8 errat C. — 10, 9 fehlt K; ac scienter A. — 11, 2 quam libenter DI. — 11, 3 und 4 umgestellt CDGIK. — 11, 3 te frequenter CDGHK. — 11, 4 Venerantes reverentes H. — 11, 6 prae mae- rore A. — 11, 7 in morte tui Christi CDK. — 11, 8 Dura illa in G. — 11, 9 Clavorumque in G. — 11, 10 altissima A. — 12, 3 Carbo, lampas, fax CDGHK. — 12, 4 insignis et pusilla C. — 12, 7 Fortis est in corde G. — 12, 10 ardet I. — 13, 1 amoroso A. — 13, 2 Consolamen luctuoso A; Consolamen fructuosa C; Consolamen luctuosa I. — 13, 3 Sapit G. — 13, 5 Tu cordis mei gaudium G. — 13, 7 Laetabunda, rubicunda H; Reve- renda, rubicunda G. — 13, 9 atque ridet A. — 13, 10 Corda vincis omnium A; Nam corda vincis H. — 14, 2 De te gaudent qui D. — 14, 4 Amplexatur GH; non vexatur CG. — 14, 5 Totum in te capitur A; Sed totus in te D; Et totum in te CGHK. — 14, 9 Tu quem amas CHK. — 14, 10 O felix, qui te H; Beatus, qui te CK; Laetus, qui te D. — 15, 3 Quod a motu vix fehlen H; conquiescit H. — 15, 4 Et gemiscit G; et frigescit D; non frigescit K; nec frigescit I. — 15, 6 Mea mecum tu A; Eia mea sim in G; Tota mea tu in H. — 15, 7 Tuus ero te DGHK; Tua ero te C. — 15, 9 Immo tota mecum eris C. — 16, 4 Sola ipsa tu G. — 16, 5 Tu fehlt G; fiola D. — 16, 7 Planda I. — 16, 10 Fac ut spernam frivola CDK; Ut semper spernam frivola G. — 17, 3 Plena rosis intus H. — 17, 4 Fons decoris D; Vox decoris P. — 17, 5 Et fehlt A. — 17, 6 laudum P. — 17, 10 Et meum desiderium CDHK. — 18, 1 Gaude, rota H. — 18, 2 Vivis gemmis AP; coronata P. — 18, 3 es praeclara C. — 18, 7 lucet D. — 18, 9 Cuius honor est CK. — 18, 10 Quis potest C; fari singula G. — 19, 1 aspectu CH. — 19, 2 Amor vivit in P; Ardet amor in K; Amor ardet in D; defectu CH. — 19, 3 Mei cordis patet DK; Qui te amat corde fuit P. — 19, 4 Mea scatet iam A; Ad te fugit, post te ruit P. — 19, 5 iam propria K. — 19, 6 vile meum I; Intra, dulcis, meum lectum D. — 19, 7 Tuum natum fer D. — 19, 8 sterne tuum G. — 20, 2 In quo lucet CDK. — 20, 3 Tuos semper huc C; Tuos servos hic D; hac in vita

I; hic in vita P. — 20, 4 Egressurum hac de vita CDK. — 20, 5 Tu fehlt AD; Trahe me in altera CFGK. — 20, 6 Dulce nobis est D; O quam dulce est G. — 20, 8 Lingua tamen obmutescit I. — 20, 9 Sed vox cordis non K; Et vox cordis CP. — 21, 3 tui spiritales G. — 21, 4 Sponsi commensales D; Sponsi tui curiales I; Tui sponsi curiales G. — 21, 5 Canentes novum canticum CGK; Cantantes novum D; Canentes laetum H. — 21, 8 Suavis tua D. — 22, 1 Gaude, quae vis, ut quaeraris H. — 22, 2 Diu tamen non moraris H. — 22, 5 Caritatis brachio A; Cum caritatis I. — 22, 6 vadam CDHK. — 22, 7 loquar C; Ubi loquimur[!] in secreto D. — 22, 8 Haec, quae peto, dabis H; Hoc, quod peto, prompte dabis CK. — 22, 10 Dicens: ecce, venio K. — 23, 1 Gaude, mater, gaudens plaude CDFGKM; Gaude mire, gaude, gaude G; Gaude semper, gaude, gaude I. — 23, 2 Habens me C. — 23, 3 Gaude, cui est gaude mere A; Gaude gaude mire, plaude D; Gaude mire, gaude mere GIK; Gaude mere, gaude vere H. — 23, 4 me tecum D. — 23, 5 Gaudentium laus, Maria D. — 23, 6 more miro CDHIK; Gaude, more miro D. — 23, 7 absque viro CK. — 23, 8 iuva precor H. — 23, 9 te non sequor CDGHK; Nam sanctorum tu es decor I. — 23, 10 Allectis amicitia A; Paris salva materia I. — 24, 1 super illud Ave D. — 24, 2 Cordi tuo CHK. — 24, 3 Totus Christus Deus A; Totus, totus Deus I. — 24, 4. Totus tecum G; Tota secum D; totus mecum H; tota secum G. — 24, 5 Tecum mea anima A. — 24, 7 Cum te nostra CDK: Quod cor nostrum te H. — 24, 9 Assis dictis dum A. — 25, 1 quae non D. — 25, 2 O quam dulcis C; cum gustaris H. — 25, 3 Amor tuus rivus vivus D; Amor vivus tuus rivus I; Rivus tuus amor vivus K. — 25, 4 diffusivus G. — 25, 5 O felix, quam inebrias A. — 25, 7 Sed amare CDK; Scit amare H; quis nequibit G. — 25, 10 Me famis K; abicias CDGK. — 26, 1 nostra dives D. — 26, 3 Et non mera caritate A; Et in veritate D. — 26, 5 Scis, quia te desidero CGK; Scis quod te D. — 26, 6 Vivas, vivas A; Vivens, vivens G; Dives vives K; Dives vivens vives semper D. — 26, 8 Is fehlt D; dicet A; tibi dicet CK. — 26, 9 stet in laude A. — 26, 10 In sanctorum numero A. — 27, 2 in amore CDHK. — 27, 4 Qui amare te addiscunt BCHK; Qui amare post te gliscunt D; Qui amare plus te gliscunt I. — 27, 5 non alteram K. — 27, 7 Omni flore adornata B. — 27, 8 Cuius fulgens D; Cuius sol est indumentum I. — 27, 9 Est candoris blandimentum CDK; Et candoris blandimentum B. — 27, 10 Honorans caeli CGK; Adornans caeli B; Tu decorans caeli H. — 28, 2 In qua ACK; nitet noster I. — 28, 3 und 4 umgestellt G. — 28, 3 De qua A; Ex qua G; flos decorus A. — 28, 4 De qua A. — 28, 6 O amoena A; O Maria, vitae vena F; Gaude, amoena vitae H. — 28, 7 mens amoena D. — 28, 9 Perit vadens male cadens A. — 28, 10 Surgentem fove H. — 29, 1 Gaude, clara DFG; Gaude gara C; valde cara FG. — 29, 2 Tu Maria, tu amara C [lies tu non mara?]; Tu suavis non B. — 29, 4 O quam dulcis A. — 29, 5 Non satur est K; Nam satis est, quod satias I. — 29, 9 Me frequenta, me DGK; Me sustenta me frequenta C. — 29, 10 abicias CGK. — Str. 29 fehlt B. — 30, 1 O Maria ad te B. — 30, 3 Ave, tibi gaude A; Gaude, tibi Ave D. — 30, 5 Totis meis viribus A; Et totis sequor viribus B; Et cum totis viribus CDGK; Sed non meis meritis I. — 30, 7 Iesum natum pro me B. — 30, 9 Tibi datur quod CD. — 30, 10 Pir angelorum C; angelorum incilitis I. — 31, 2 expurgatrix A; expiatrix H. — 31, 3 Lapsus leva, foedum lava GH; Lassus leva, foedum B; Leva lassum, foedum CK; Leva fessum, foedum D. — 31, 4 Terge, dele A; Terge, terge GH; Tege, tege D; Terge, rege CK; Terge, tege B. — 31, 5 Da caste, caute CDH; Da caste semper G; Da casta carne K. — 31, 6 Gaude, viror D. — 31, 7 autem tantum carens I. — 31, 8 Tuo fervens in A. — 31, 10 Et meditetur D. — Strophe 32 fehlt DGK. — 32, 2 magni humi maris I. — 32, 3 speculare I. — 32, 4 Natum Deum B; contemplare I. — 32, 5 Cum omni H; In sua BC. — 32, 10 In suo vivo B. — 33, 3 Incentiva A; castitatis D. — 33, 4 Christo caris sacris D; Christianis cara satis A; Exemplar humilitatis B. — 33, 5 Super modum K; Nimis nam amabilis A. — 33, 6 Meum gaude N; Gaude meum audi, audi A; gaudens audi BH; fovens

audi F. — 33, 7 Haec inscribe H; inscribo G; inscribens I. — 33, 8 sit dulce, sit suave D; dulce et suave A. — 33, 9 Te ut laudem, mihi fave B. — 33, 10 Virgo desiderabilis B. — 34, 1 Gaude, virgo carens D; Gaude, cara carens FGK. — 34, 2 Quae sis digna sic A; Quae es digna sic K; Quae sic digna sit CD. — 34, 3 Quam amare, quam sitire D. — 34, 4 Tantam, talem ut te scirem A; cum hoc scirem B. — 34, 5 Quod nullam H. — 34, 7 Mundi cordis grata B. — 34, 8 Ne sit amor sine A; Ut sit amor sine H. — 34, 9 In hac vita mecum A; Hac in nocte CGK; In hac hora B. — 35, 1 puritatis H. — 35, 3 amplectenda A. — 35, 5 Sed fehlt AI; Salutata I. — 35, 6 sqq. fehlen H. — 35, 7 dans affectum CDK. — 35, 8 simul collaetemur B; — 35, 9 Te et Christum deprecemur A; Te et natum complectemur B; In quo Christum contemplemur G; Et cum Christo conectemur CD; Et in Christo conectemur K. — 35, 10 et perenniter B. — 36, 1 Gaude, plaude, cara CBF GK; Gaude semper, cara M. — 36, 3 somni vapor G. — 36, 4 Sit amandis dulcis A; Et amoris dulcis GI; Dulcis sit amoris H. — 36, 5 Et fehlt G; Et dulce D. — 36, 6 Me circumda, o iucunda C. — 36, 7 Manu caritatis D; Virtutibus et cor B. — 36, 8 Ut amore A; consuescam D. — 36, 9 Te amando C; Et cessare non D. — 36, 10 Te da mihi in H; Da modo te in D. — 37, 1 Gaudens gaude tota B; Gaude semper tota CDGK. — 37, 2 Audi supplex vota C; Audi clemens vota DGK; Libens audi vota B. — 37, 3 Gaude, laeta plus CGK; plus et satis I; Virgo generositatis B. — 37, 4 meae puritatis K. — 37, 5 In tuis sonent BCDGK. — 37, 6 Cara mea requiesce IK; Clara mea D; Cara mater A; Iam dilecta BM. — 37, 7 Fac me tecum semper esse B. — 37, 8 Totum me tibi CK; Totum tibi me D. — 37, 9 Excusa, virgo, quod offendo H. — Nach Str. 37 hat B noch folgende anderwärts entlehnte Strophen:

38. Gaude, virgo principalis,
Atque decor virginalis,
Per quam amor emicuit
Et in mundo floruit
Ut lilium inter spinas.
Gaude, virgo, decus moris,
Cuius nomen est flos floris,
Amoris flos et gaudii,
Flos aeterni palatii
Flagrans super angelicas[!]

39. Gaude, decus ecclesiae,
Mater misericordiae,
Virgo mitis et benigna,
Sola bona, sola digna
Omni laude et honore.
Gaude, regina nobilis,
Virgo incomparabilis,
Cuius corpus est puritas,
Novitatum novitas,
Salvans omni tempore.

FG schliessen mit den Versen:

O fons dulcoris, rutilans pia virgo Maria,
Omnibus his horis suavis haec tibi sit melodia.

„Incipit iubilus beati Bernhardi abbatis de gaudiis Mariae“ A; „Dulciloquium beati Bernhardi ad beatam virginem“ L; „Incipit soliloquium beati Bernhardi, abbatis Claraevallensis de laude beatissimae ac gloriosissimae semperque virginis Mariae“ D; „Dulciloquium beati Bernardi ad beatam virginem ad singulas diei horas“ N; „Item quidam presbyter devotus, nomine Iosephus, composuit sequentem orationem de beata virgine“ K. — Das Gedicht Bernhard zuzuschreiben, geht um so weniger an, als dasselbe nur in deutschen Handschriften vorkommt und zweifellos deutschen Ursprungs ist; mehr Vertrauen verdient die Angabe von K. Ist das Ursula-Lied O vernantes Christi rosae von Hermann Ioseph von Steinfeld, dann möchte man versucht sein, in ihm auch den presbyter devotus, nomine Ioseph, zu suchen; so verwandt erscheinen die Lieder.

64. De beata Maria V.

- | | |
|--|--|
| Gaude, rosa speciosa,
Gemma splendens pretiosa,
Virga Iesse fructuosa,
Deum caeli peperisti, | Ne in mundo hoc cadamus,
Te iuvante evadamus,
Lapsi per te resurgamus.
Virgo dulcis parens, |
| 5. Mundo lapso succurristi,
Nexum mortis denexisti.
Virgo Dei sanctissima,
Tu pax mundi tutissima
Et vitis fecundissima. | 40. Tactu viri carens,
Miro modo peperisti,
Deum caeli genuisti,
A quo facta tu fuisti,
Per quem virgo remansisti. |
| 10. O mater virtutum,
Servis tuis scutum
Semper praebe tutum,
Ut hostes pravae sortis
Ipsi vincant fortes, | 45. Tu in mundo es electa
Et ab ipso es protecta,
Cuius mater es dilecta.
O res mira, virtus mira,
Illibata permansisti, |
| 15. Ne malorum sint consortes.
O Maria, mater pia,
Mundi salus, vitae via,
Opem a te quaero,
Mater, non despero, | 50. Natum tuum praemisisti,
Ad cuius dextram resedisti,
Quando mundum reliquisti.
Ibi semper veneraris
Et cum ipso gloriaris. |
| 20. Sed iuvamen spero.
Solve tu meorum
Vincla peccatorum,
Lumen angelorum.
O fons indeficiens, | 55. O quam pium est laudare
Matrem Dei et amare,
Quae laudantem protegis
Nec plorantem despicias,
Sed quasi mater respicias. |
| 25. Ad te curro sitiens,
Dulcis et reficiens,
Imple desiderium
Cordis et suspirium,
Dulce refrigerium. | 60. Gaude, mater pietatis,
Gaude, norma caritatis,
Gaude, via sanctitatis,
Gaude, virgo castitatis,
Gaude, templum trinitatis. |
| 30. In me robur insere,
Ut hostem possim vincere
Et semper tecum vivere.
Mater dulcis, nos dignare
Tua laude confirmare | 65. In manus tuae pietatis
Me lux commendo claritatis,
Ut me mundes a peccatis
Ac me loces cum beatis
In caelis glorificatis. |
| 35. Et virtute roborare, | |

Orat. ms. Domus Novae Lucis anni 1477. Cod. Ultraiectin. Scriptt. Eccl. 375.
— 6. Nexumque. — 7. O virgo. — 10. O virtutum mater. — 56. Te Matrem.

65. De beata Maria V.

- | | |
|---|---|
| 1. Gaude, salve, misso rore
Exortus est flos de flore,
Fructu cuius et odore
Respirant caelestia.
Ius naturae permutatur,
Cum flos flore fecundatur,
Et de flore fructus datur,
Per quem vivunt omnia. | 2. Hoc nescivit ius natura,
Ut naturae contra iura
Mater esset virgo pura
Absque viri semine.
Haec est mater singularis,
Mater veri salutaris,
Iure dicta stella maris,
Quod illustrat lumine. |
|---|---|

3. Flos de flore procreatus,
Hic est puer nobis natus,
Sceptrum sui principatus
Ferens sine crimine.
Hoc prophetae praeviderunt
Et in scriptis redegerunt
Futurumque praedixerunt
De Iesse propagine.
4. Benedicta sit propago,
Ex qua nata est virago,
Per quam datur, ut imago
Reformetur hominis.
Sed et caelum obscuratum
Protoplasti per peccatum
Iustis patet reseratum
Nunc per partum virginis.

5. Haec est mater illibata,
Porta semper obserata,
Post et ante consignata,
Summi regis annulo.
Virgo fuit fecundata,
Virgo mansit prole data
Nec in partu est privata
Castitatis cingulo.
6. Gloriosa mater Dei,
Fundamentum nostrae spei,
Huius attende diei
Preces et praeconia.
O praeclara maris stella,
Natum tuum interpella,
Ut de mundi nos procella
Perducat ad gaudia.

Orat. ms. Domus Novae Lucis anni 1477. Cod. Ultraiectin. Scriptt. Eccl. 375. — 1a, 1 ist offenbar verändert; lies: De supernis misso rore oder ähnliches. — 4b, 4 per fehlt. — Vielleicht Sequenz.

66. Ad beatam Mariam V.

1. Gaude, salve, templum Dei,
Mater veri Nazarei,
Tu, quam matrem vocant rei,
Da mihi, quod cupio.
2. Creatoris creatura,
Pia, dulcis, casta, pura,
Tu, quae boni es datura,
Da mihi, quod cupio.
3. Digna laude angelorum,
Lux et vita peccatorum,
Tu, quae mater es reorum,
Da mihi, quod cupio.
4. Mater nostri creatoris,
Quae es clemens cunctis horis,
Tu, quae plena es dulcoris,
Da mihi, quod cupio.

Orat. ms. Domus Novae Lucis anni 1477. Cod. Ultraiectin. Scriptt. Eccl. 375.

67. De beata Maria V.

1. Gaude, sanctae trinitatis
Templum sacrum, puritatis
Turris tu fortissima,
Plus quam nectar est amandum
Tuum nomen venerandum,
O virgo pulcherrima.
2. Est exorta veritas
De te et benignitas,
O spes animarum,
Fructus venit nobilis
De te, terra fertilis,
O pulchra rosarum.
3. Tu es regis civitas,
Nostra tu es claritas,
O flos sine spina,
Ortus est altissimus
De te ac altissimus,
O stella marina.
4. Gemma fac nos o decora
Te laudare omni hora,
Quae cum Deo iubilas,
Carne pulchra, o devota,
Magis mente grata tota,
Quae prae cunctis rutilas.

- | | |
|--|---|
| 5. Iustus orta lux aeterna
Est per te, porta superna,
Quae in caelis habitas,
Hinc de manu peccatorum
Animabus sit tuorum
Libera securitas. | 6. O mira quae multa facis,
Felix tu alumna pacis,
Audi nos hilariter
Novum melos iubilantes,
Corde, voce te laudantes
Adiuvata tu dulciter. |
| 7. In hac vita impugnamur
Crebrius et debellamur
Nos ab hoste fortiter,
Sis columna nubis tegens
Nos cadentes sisque regens,
Ne damnemur iugiter. | |

Orat. ms. Domus novae Lucis anni 1477. Cod. Ultraiectin. Scriptt.
Eecl. 375. — 1 a, 1 sancta. — 6a, 1 O Mariae quae.

68. De beata Maria V.

- | | |
|---|--|
| 1. Gaude, trina hierarchia
Deum laudet, o Maria,
Sol, stellae, luna, sidera
Pro te, virgo puerpera. | 3. Nix, imbrium stillamina,
Flores, fructus et gramina
Deo pro tua gloria
Dent laudum dona varia. |
| 2. Aer cum volatilibus,
Fretum cum natatilibus
Et terra cum reptilibus,
Cunctis cum animantibus. | 4. Omne genu caelestium,
Infernorum, terrestrium
Flectatur caeli Domino
Locanti te in gaudio. |
| 5. Omne momentum transiens
Mille millenis gradibus
Trinum Deum glorificet
Pro te tam digna laudibus. | |

Orat. ms. Domus Novae Lucis anni 1477. Cod. Ultraiectin. Scriptt.
Eecl. 375. — 1, 2 laudat. —

69. Ad beatam Mariam V.

- | | |
|---|---|
| 1. Gaude, virgo, et respice
Precesque nostras suscipe,
Peccata iam praeterita
Remitti nobis obsecra. | 3. Aeternae vitae ianua,
Aurem nobis accommoda,
Per quam spes vitae rediit,
Quam Eva peccans abstulit. |
| 2. Mole gravati criminum
Ad te reginam omnium
Confugientes poscimus,
Adesto nostris precibus. | 4. O virgo, mater iudicis,
Vitam deposce famulis
Et paenitendi spatia
Nobis, oramus, impetra. |

5. Exora, virgo, filium,
Praesens confer solacium,
Ut perpetrata nequiter
Purgemus efficaciter.

Orat. ms. Domus Novae Lucis anni 1477. Cod. Ultraiectin. Scriptt.
Eccl. 375. — 1, 1 Gaude, virgo, respice, wo die Änderung zu Tage liegt.
Lies etwa: Maria virgo oder Beata virgo, oder ähnliches.

70. De beata Maria V.

- | | |
|--|---|
| 1. Gaude, virgo, mater Christi,
Castitatis lilium,
Gaude, quia meruisti
Generare filium,
Quo nascente mundo datur
Salus et remedium,
Et pudoris conservatur
In te privilegium. | Sed da mihi promereri
Lacrimarum flumina,
Quibus possint aboleri
Mea prorsus crimina. |
| 2. Ex te mundo protulisti
Novae legis gratiam,
Primae matris qua lavisti
Inoboedientiam,
Tuae dignum, laude digna,
Laudi quid adiciam?
Omnis tuam laus, benigna,
Decet reverentiam. | 6. Prava multa perpetravi
Post baptismi gratiam,
Mortem mihi comparavi
Per incontinentiam,
Credo tamen, quia Deus
Dat libenter veniam,
Quando veram quisque reus
Agit paenitentiam. |
| 3. O pudicum, o intactum
Deitatis vasculum,
Tuum verbum caro factum
Elegit corpusculum,
Per hanc capis unionem,
Quem non capit saeculum,
Nam per carnis livionem
Non novisti masculum. | 7. Omni regnas creatura
Post Deum sublimius,
Nam in eius te factura
Nihil constat dignius,
Quando tuam precem audit,
Gaudet honor regius
Et in cunctis te exaudit
Sicut matrem filius. |
| 4. Tibi virtus obumbravit
Septiformis spiritus,
Alvum tuum fecundavit
Verbum missum caelitus,
Liberare per te venit,
Quos premebat servitus,
Sed intactam, ut invenit,
Te reliquit penitus. | 8. Pro me ergo deprecereis,
Qui ad te confugio,
Tibi enim, si digneris,
Deservire cupio,
Sed quod casto ad incestum
Nulla sit conventio,
Constat esse manifestum
Pauli testimonio. |
| 5. De profundo vitiorum
Ad te clamo, domina,
Quia scio delictorum
Me gravari sarcina, | 9. Tu es sancta et intacta
Ab omni spurcitia,
Summi regis mater facta
Pro tua munditia,
Te non decent incestorum
Horrenda servitia,
Sed castorum, mores quorum
Non sequuntur vitia. |

- | | |
|---|---|
| <p>10. Ego vero sum pollutus
 Peccatis innumeris
 Atque adhuc involutus
 Pannis Adae veteris,
 Sed servare quamvis sero
 Redeuntem poteris,
 Et immundus iam non ero,
 Si pro me rogaveris.</p> | <p>18. Qui tot passus est dolores
 Pro humano genere,
 Mori non vult peccatores,
 Sed conversos vivere,
 Quibus dulcem potionem
 Suo fudit latere,
 Per quam possint laesionem
 Culparum evadere.</p> |
| <p>11. Patris ora maiestatem,
 Iube unigenito,
 Matris illum dignitatem
 Audire non dubito,
 Sed me ipsum dum attendo,
 Quisve sim, recogito,
 Meam esse deprehendo
 Vitam sine merito.</p> | <p>14. Ad te ergo fugientem
 Admitte, piissima,
 Ne repellas paenitentem
 A misericordia,
 Munda, quaeso, meam mentem
 Ab omni spurcitia,
 Iuva semper recurrentem
 Ad tua suffragia.</p> |
| <p>12. Sed qui tradi se permisit
 A suo discipulo,
 Quem iniqua plebs irrisit
 Adfixum patibulo,
 Hic latronem non despexit
 In mortis articulo,
 Sed ad caelum tunc provexit
 De carnis ergastulo.</p> | <p>15. Fac me castum et devotum
 In tuo servitio,
 Tua carnis in me motum
 Exstinguat oratio,
 Nulla meum inhumana
 Cor vincat temptatio,
 Sed resistat pravae sana
 Voluptati ratio.</p> |
16. Illud mihi frequentare
 Digne da mysterium,
 Per quod mundo salutare
 Provenit remedium,
 Ut inferni devitare
 Possim infortunium
 Et post mortem habitare
 In terra viventium.

Cod. Trecen. (ol. Claravallen.) 1612. saec. 15. — 1, 1 sq. sind beim Binden der Hs. halb weggeschnitten; der Text ist nicht mit voller Sicherheit festzustellen. — 2, 7 tua. — 2, 8 Docet. — 3, 6 Quam. — 15, 3 motus.

71. De beata Maria V.

- | | |
|--|---|
| <p>1. Gaude, virgo o Maria,
 Gaude, mater Christi pia,
 Gaude, paradisi via,
 Gaude,</p> | <p>2. Gaude, mater prophetata,
 Gaude, virgo salutata,
 Gaude, sancta mundo nata,
 Gaude, iucundissima.</p> |
|--|---|

- | | |
|---|--|
| 3. Gaude, virgo singularis,
Gaude, mater salutaris,
Gaude, clara stella maris,
Gaude, praeclarissima. | 12. Gaude, mater salvatoris,
Gaude, virgo, vas honoris,
Gaude, balsamus odoris,
Gaude, felicissima. |
| 4. Gaude, mater
Gaude, virgo speciosa,
Gaude, pulchra velut rosa,
Gaude, splendidissima. | 13. Gaude, virgo veneranda,
Gaude, mater, adoranda,
Gaude, semper imitanda,
Gaude, solemnissima. |
| 5. Gaude, virgo, consolatrix,
Gaude, mater, mediatrix,
Gaude, mater, adiuvatrix,
Gaude, benignissima. | 14. Gaude, mater summa Dei,
Gaude, virgo, lux diei,
Gaude, salus nostrae spei,
Gaude, clementissima. |
| 6. Gaude, mater orphanorum,
Gaude, virgo, decus morum,
Gaude,
Gaude, sacratissima. | 15. Gaude, virgo, lux iustorum,
Gaude, mater peccatorum,
Gaude, spes desperandorum,
Gaude, prudentissima. |
| 7. Gaude, virgo, maris stella,
Gaude, mater, Dei cella,
Gaude, sapiens puella,
Gaude, discretissima. | 16. Gaude, mater pietatis,
Gaude, virgo, flos aetatis,
Gaude, templum trinitatis,
Gaude, suavissima. |
| 8. Gaude, mater honorata,
Gaude, virgo desponsata,
Gaude, nostra advocata,
Gaude, devotissima. | 17. Gaude, virgo verecunda,
Gaude, mater Dei munda,
Gaude, electa, iucunda,
Gaude, |
| 9. Gaude, virgo reverenda,
Gaude, mater metuenda,
Gaude, semper diligenda,
Gaude, amantissima. | 18. Gaude, mater
Gaude, virgo sine mora,
Gaude, pulchra et decora,
Gaude, lucidissima. |
| 10. Gaude, mater virtuosa,
Gaude, virgo gratiosa,
Gaude, pulchra et formosa,
Gaude, candidissima. | 19. Gaude, virgo, mundi cura,
Gaude, mater Dei pura,
Gaude, pulchra creatura,
Gaude, perfectissima. |
| 11. Gaude, virgo, imperatrix,
Gaude, mater, dominatrix,
Gaude, mater, reparatrix,
Gaude, dilectissima. | 20. Gaude, mater exaltata,
Gaude, virgo coronata,
Gaude, felix et beata,
Gaude, beatissima. |

Cod. Vallicellan. B. 75. saec. 14. — 11, 1 steht hinter 11, 4 u. z. Gaude mater imperatrix gegen den sonst durchgeführten Wechsel in der Stellung von virgo und mater. — 17, 3 electa et iucunda.

72. De beata Maria V.

Incipiam nec deficiam laudare sophiam,
Egregiam sine fine piam laudabo Mariam.

- Gaude, virgo pia, gaude cum prole, Maria,
Gaude, formosa de stirpe David generosa,
5. Gaude, pulchra rosa, plus sole nites speciosa.
Gaude, morosa, mater Christi pretiosa,
Gaude, spe plena, prolem pariens sine poena,
Gaude, virgo bona, tete me, quaeso, corona.
Gaude, matrona, cor contritum mihi dona,
10. Gaude, fecunda, miseros a crimine munda,
Gaude, divina lux, stella vocata marina.
Gaude, laetare, venerantes te venerare,
Gaude, dignare, tecum me glorificare,
Gaude, mel dulce, saevissima pectora mulce,
15. Gaude, cum melle favus, a me noxia pelle,
Gaude, gaudere mihi non licet, immo maerere.
Gaude, cui vere cupio sine fine placere,
Gaude, plaude, vale, scelus ignorans veniale,
Gaude, quae Christi mater fieri meruisti.
20. Gaude, stella, favi me pascis odore suavi,
Gaude, fons fidei, me iunge tuae requiei,
Gaude, plena spei, virgo mirae speciei,
Gaude, sancta Dei genetrix, aurora diei.
Gaude, plena favo, succurre, precor, mihi pravo,
25. Gaude, gaudeto, te laudo pectore laeto,
Gaude, quae fructu potiris, sed sine luctu,
Gaude, quae Christum mundum producis in istum,
Gaude, sanctarum sanctissima, lux tenebrarum,
Gaude, flos florum, consolatrix miserorum,
30. Gaude, quae cleris sicut mater misereris,
Gaude, quae miseris misereri iure teneris.
Gaude, iustorum speculum, medicina reorum,
Gaude, stella maris, nos protege, nos tuearis,
Gaude, rosa rubens, Ioseph virguncula nubens,
35. Gaude, salvatrix, tu nostra reconciliatrix,
Gaude, virgo, datrix morum, virtutum amatrix.
Gaude, iustitiae solem pariens sine menda,
Gaude, tristitiae succurre meae, reverenda.
Gaude, virgo pia, tecum cupio mimis esse,
40. Gaude, casta parens, sperni vereor nimis a te.
Gaude, quae laeta Christo sine fine fruieris,
Gaude, discreta virgo, miseris misereris.
Gaude, forma decens, totius fons bonitatis,
Gaude, virgo recens, vere tibi servio gratis.
45. Gaude, terra ferens fructum testante propheta,

- Gaude, virgo maerens Christo mortem patiente,
 Gaude, virgo querens nimium nato moriente.
 Gaude, virgo terens colubri caput inveterati,
 Gaude, virgo gerens verbum patris immaculati,
 50. Gaude, quam quaerens reus invenit acta gemendo,
 Gaude, virgo ferens fructum vitae patiando.
 Gaude, virgo doli nimis expers, rosa decora,
 Gaude, tuae soboli pro me misero, precor, ora,
 Gaude, filioli, pia virgo, tui miserere.
 55. Gaude, cui vere reges tria dona dedere,
 Gaude, porta poli, succurre, precor, mihi tristi,
 Gaude, virgo, soli regina, Deum genuisti,
 Gaude, cui soli cum prole placere laboro,
 Gaude, digna coli, memor esto mei, reus oro.
 60. Gaude, Davidica de stirpe satis generosa,
 Gaude, morosa mater virgoque pudica,
 Gaude, formosa sponsi caelestis amica
 Gaude, delens crimina, sis peccati medicina,
 Gaude, quae redoles sicut thymiaa suave,
 65. Gaude, mater, ave, sanctissima regia proles,
 Gaude, dulcedo maestorum, me tibi dedo,
 Gaude, quam spreto mundo colo pectore laeto.
 Gaude, virgo pia, dictis credens Gabrielis,
 Gaude, laetitia maestorum, virgo fidelis.
 70. Gaude, melliflua mater, regina polorum,
 Gaude, perpetua virgo, miserere reorum.
 Gaude, quae reprimis, quos fallax gloria pascit,
 Gaude, virgo nimis humilis, si dicere fas sit.
 Gaude, quam laeta colo mente libidine spreta,
 75. Gaude, sanctorum sanctissima, lux tenebrarum.
 Gaude, mamilla stillans mellis quasi stilla.
 Gaude, pacifica sponsi caelestis amica,
 Gaude, Davidica proles virgoque pudica,
 Gaude, nos salva, paradisi pervia valva,
 80. Gaude, solamen miseris maestisque levamen,
 Gaude, quos flamen impugnat, tolle gravamen,
 Gaude, peccamen delens fundendo precamen,
 Gaude, certamen contra carnale iuvamen,
 Gaude, proles regia, gaudeto, virgo, Maria.
- Orat. ms. saec. 13/14. Cod. Bruxellen. 4588—91. — 26. fehlt eine Silbe;
 sed ergänzt. — 63. fehlt eine Silbe; sis ergänzt. — 84. regia gaude virgo.

73. De beata Maria V.

- | | |
|-----------------------|---------------------|
| 1. Gaude, virgo, | 2. Gaude, virgo, |
| ut stirps Davidica | porta prophetica |
| Flos fecundus, | Per quam splendor |
| fructus iucunditatis; | transivit deitatis; |

3. Gaude, virgo,
arca levitica,
In qua latet
manna suavitatis;

5. Gaude, sceptrā
tenens monarchica,
Virgo, regnans
in regno claritatis;

4. Gaude, virgo,
virga Mosaica,
Qua sedatur
hoc mare tempestatis;

6. Gaude, virgo,
mater deifica,
Nulli claudens
viscera pietatis,

7. Fac nos carne
contrita lubrica
Tranquillari
pace securitatis.

Orationale ms. Campoliliense saec. 15. Cod. Campolilien. 2. — 2, 4
divinitatis. — 4, 3 hoc more. — Das Lied ist eingetragen als Antiphone ad
Benedictus.

74. Oratio ad beatam Mariam V.

1. Genus sacrum
et proles regia,
Patris mater
et nati filia,
Stella maris
ad portum praevia,
Feminarum
super tot milia
Benedicta
et plena gratia,
Te moveant
nostra suspiria.

3. Parem tibi
qui fecit neminem,
Te sibi rex
elegit virginem,
Quae nescires
viri libidinem,
Ex qua carnis
sumpsit originem,
In qua totum
vestivit hominem,
Angelorum
restaurans ordinem.

2. Tibi, caeli
regina, primitus
Mei cordis
contriti penitus
Cum lacrimis
effundo gemitus,
In quam summus
descendit spiritus,
Per quam mundo
Christus est editus,
Verbum patris
et unigenitus.

4. Ex te natus
est Dei filius,
Deus idem
homo nec alius,
Dicat ergo,
qui sentit melius,
Cuius opem
quaeram fidentius,
Ut sit ipse
mihi propitius,
Quam virginis
et matris ipsius?

5. O sedibus
 locata superis,
Restauratrix
 humani generis,
Cunctis semper
 succurens miseris,
Audi, precor,
 clamorem pauperis,
Funde preces
 et ne tardaveris,
Quas si fundas,
 nunquam frustraberis.
6. Virgo semper,
 sola puerpera,
Cuius ipsum
 portarunt viscera,
Quem capere
 non possunt aethera,
Nato tuo
 precando impera,
Mei cordis
 ut sanet vulnera,
Quae commisi,
 remittens scelera.
7. Terrae, mari
 qui solus imperat,
Caelos regit,
 et stellas numerat,
Malos punit,
 iustos remunerat,
Tibi favet,
 paret, obtemperat,
Quos diligis,
 a morte liberat,
Quibus claudis,
 ipse non reserat.
8. Mundi salus
 et caeli gaudium,
Tuum nimis
 offendi filium,
O heu, miser,
 infelix nimium,
Quis se dabit
 mihi propitium,
Si desistat
 salvatrix omnium,
Cui parcere
 semper est proprium?
9. Cor igitur
 levans cum manibus
Meis terrae
 fixis poplicibus,
Tuis, ecce,
 prosternor pedibus,
Fundens preces
 plenas gemitibus
Non cessabo
 diebus omnibus,
Donec caeli
 me iungas civibus.
10. Amen dicat,
 quae pedes fletibus
Iesu lavit
 et tersit crinibus.
Et rediit
 munda criminibus,
Post haec fragrans
 eius muneribus
Sublimatur
 caelorum sedibus,
Sub te regnans
 regnis caelestibus.

Orat. ms. Caelestinorum saec. 15. Cod. Parisien. 18571.

75. Oratio ad beatam Mariam V.

1. Gloriosa mater Dei,
 Memor esto semper mei,
Mei semper esto memor,
 Quem peccati terret amor.
2. Quae ad dicta Gabrielis,
 Paranymphi tam fidelis,
In auditu oboedisti,
 Quando Christum concepisti,

3. Verbum illud, verbum Dei,
Per quod salvarentur rei.
Audi, virgo, verba mea,
Spes et salus, vita mea,
4. Audi vota supplicantis
Te devote reclamantis;
Audi, inquam, paenitentem,
Prae peccatis iam foetentem.
5. Pro peccati nam sentina
Instat mea iam ruina,
Sis ruenti medicina,
Assis, clemens o regina.
6. Ab aetate puerili,
Et, quae fervet, iuvenili
Incentivo velle tremor,
Criminali mole premor.
7. Haec est via peccatorum
Et voluptas vitiorum,
Quae ad portas ducit mortis
Me sub huius rosa sortis.
8. Instat serpens inimicus
Ille fallax et antiquus,
Qui me quaerit absorbere
Et absorptum retinere.
9. Sed tu, stella maris pia,
Peccatorum spes, Maria,
Flos et odor beatorum
Super choros angelorum,
10. Munda, quaeso, criminali
Me squalentem sorde mali
Dignitate speciali,
Qua fulges sic, virginali.
11. Age, precor, age, sancta,
Quia vides, mala quanta
Nunc invadunt corpus meum,
Super omni reo reum.
12. Conculcatum hostis planta
De draconis fauce tanta
Libera me, mater Dei,
Hora mortis et diei.
13. Fac me Deo vas pudicum,
Vastransgressumperantiquum
Seductorem inimicum,
Ne me trahat in Avernum.
14. Pietate, qua redundas,
Lacrimarum flentis undas,
Virgo, cura sic discerni,
Ne me claudat os inferni.
15. Non despero de salute,
Licet mea inventute
Mea fuit semper vita
Vitiorum mole trita,
16. Si ob tuam genetricem
Animam vis peccatricem
Exaudire, pie Deus,
Qui compungor culpae reus.
17. Nam si fides adprobatur,
Quies sacra praedicatur,
Est insanus christianus,
Qui non credit, quia manus
18. Dei clemens est et praesto,
Si contritus corde maesto
Interpellat pietatem
Per Mariae dignitatem.
19. Quia multis argumentis
Licet horis et momentis
Sacra docet nos scriptura
Paenitentis semper cura
20. Ad exemplar creatorum
Dominator angelorum
Ostendit se ipsum Deum,
Non condemnans statim reum.
21. Nam qui Petrum se negantem
Non despexit lacrimantem,
Non despexit, sed respexit,
Cum se reum flens detexit,
22. Et latroni pro Memento,
Quod clamavit in momento,
Dedit locum paradisi,
Mea culpa quem amisi,

- | | |
|--|--|
| 23. Heu, mihi nisi Deus
Reddat illum, pater meus,
Et Mariae Magdalenae,
Delictorum labe plenae, | 28. Sibi clemens indulgebat,
Cum peccasse paenitebat.
Ad hoc ergo, rex, exemplum,
Pietatis fons et templum, |
| 24. Omne crimen condonavit,
Quando pedes eius lavit,
Quas rorarat intimarum
Pio rore lacrimarum. | 29. Quem adoro, quem imploro,
Omni laude quem honoro,
Cui pronus genuflecto,
Cui totum me committo. |
| 25. Nunc tergebat, nunc rigabat,
Veniam sic postulabat,
Cum sub mensa pharisaei
Degustaret verba Dei. | 30. Dele meam pravitatem
Per maternam pietatem
Atque ultra publicanum
Ingementem christianum |
| 26. Ubi Deus phariseo,
Pharisaeus quidem Deo,
Deus autem ut benignus,
Pharisaeus ut malignus, | 31. Ab hostili laesione
Et a mortis regione,
Qui peccanti misereris,
Liberare me digneris. |
| 27. De submissa peccatrice
Concertabant versa vice.
Nostrae actor bonitatis,
Radix tantae caritatis, | 32. Miserere mei, Deus,
Tot malorum qui sum reus,
Adonai Iesu Christe,
Ad te clamat miser iste; |

Ad te clamat timor meus,
Miserere mei, Deus.

Clm. Monacen. (ol. Tegurin.) 19824. saec. 15. A. — Orat. ms. Tegurinum
saec. 15. Clm. Monacen. 20001. B.

76. De beata Maria V.

- | | |
|--|---|
| 1. Imperatrix angelorum,
Regina archangelorum,
Mater regis saeculorum,
Salve, virgo virginum. | 5. Ave, Dei gloriosa,
Mater Dei pretiosa,
Stella maris luminosa
Sicut solis radium. |
| 2. Ave, salus peccatorum,
Consolatrix miserorum,
Salve, spes desolatorum,
In te confidentium. | 6. O benigna gratiosa,
Multum virgo speciosa,
In hac valle lacrimosa,
Da nobis auxilium. |
| 3. O regina mirabilis,
Clemens et ineffabilis,
Mater Dei et hominis,
Ora pro nobis filium. | 7. Ave, vas munditiae,
Fons misericordiae,
Portus indulgentiae
Via navigantium. |
| 4. O Maria laudabilis,
Sanctissima et humilis,
Succurre nobis miseris
Ad nostrae mortis exitum. | 8. O puella virginalis,
Sponsa Dei specialis,
Non fuit in mundo talis
Inter choros virginum. |

- | | |
|---|---|
| <p>9. O regina singularis,
Quae Maria nominaris,
Salva nos a cunctis malis
Et da verum gaudium.</p> <p>10. Ave, virgo castissima,
Mater Dei sanctissima,
Spes nostra o dulcissima,
Confer nobis remedium.</p> | <p>11. O virgo sacratissima,
Super omnes purissima,
Esto nobis propitia
Pro salute fidelium.</p> <p>12. Pia mater amabilis,
Ora pro tuis famulis,
Ne pereant cum miseris
In inferni supplicium.</p> |
|---|---|
13. Christe, fili Dei patris,
Pro amore tuae matris
Colloca nos cum beatis
In caeleste palatium.

Cod. S. Floriani XI. 172. saec. 15. — 3, 2 et fehlt. — 4, 4 Ad mei mortis. — 7, 3 Et portus. — 7, 4 Et via. — 9, 4 Et da nobis vera gaudia. — 10, 3 o fehlt.

77. De beata Maria V.

- | | |
|---|---|
| <p>1 a. Imperatrix gloriosa,
Tu de spina candens rosa,
Genuisti lilium,</p> <p>2 a. Tu es stella matutina,
Claritatis lux divina,
Castitatis lilium,</p> <p>3 a. Miseratrix, larga mater,
Cum nos temptet hostis ater,
Miserere supplicum;
Mediatrix, Deus pater
Te fecit vas publicum
Suo nato, quem rogato
Pro nobis maerentibus,</p> | <p>1 b. Virginalis famae glosa,
Pro gente facinorosa
Tuum ora filium.</p> <p>2 b. Nos a sceleris sentina
Mundans et mala vicina
Fuga, laus humilium.</p> <p>3 b. Ut prostrato hoste lato
Det pacem pereuntibus.
O regina mundi pia,
Adiuvā nos in hac via
Miseros et exsules,
Columbina tu Maria,
Fac nos caeli proceres.</p> |
|---|---|

Clm. Monacen. (ol. Alrispacen.) 2548. saec. 12. add. 13/14.

78. De beata Maria V.

- | | |
|---|---|
| <p>1. Impudenter circuiui
Solum, quod mare terminat,
Indiscrete concupiui,
Quidquid amantem inquinat.</p> <p>2. Si amo, forsā non amor,
Tunc pro mercede crucior,
Aut amor, nec in me amor,
Tunc ingratus efficior.</p> | <p>3. Porro, cum amor et amo,
Mater aenea media,
In momentaneo spasmo
Certaminis materia.</p> <p>4. Ex quo caro longe foetet
Ad amoris aculeos,
Quos igitur ultra petet
Veri amoris aereos.</p> |
|---|---|

- | | |
|--|--|
| <p>5. Fas est vel non est amare?
Fas est. Quam ergo virginem?
Quae mernit baiulare
Verum Deum et hominem.</p> <p>6. Meruit quae virtuosa,
Prae cunctis plena gratia,
Potens, munda, speciosa,
Dulcis humilis et pia.</p> | <p>7. Cum quis hanc amat, amatur,
Est ergo grata passio
Sui amor, quo beatur
Amans amoris bravio.</p> <p>8. O Maria, virgo parens,
Meum sic ure spiritum,
Quod amoris tuo parens
Amorem vitem irritum.</p> |
|--|--|

Cod. Palat. Vindobonen. (ol. Canpen.) 883. saec. 14/15. — 1, 4 Quidquid amat coinquinat. — 2, 1 Sic amo. — 3, 2 enea; vielleicht ist der unverständliche Vers verschrieben.

79. De beata Maria V.

- | | |
|--|---|
| <p>1. In camino crepitans
artae paupertatis,
Scelere sub proprio
venundatus gratis,
Pretium, quo consequar
statum libertatis,
A te supplex flagito,
mater pietatis.</p> <p>2. Tutus tibi supplico,
neminem cum spernas
Nec poscentis veniam
merita discernas,
Nam te invocantium
maculas veternas
Consuevit tergere
gratia, qua vernas.</p> <p>3. Quidquid petit indigus,
praebes affluenter,
Circumventum nequiter
eripis prudenter,
Captum iam ab hostibus
liberas potenter,
Restaurando perdita
cunctis competenter.</p> <p>4. Omnis adversantium
dolus illi cedit,
Qui tuae clementiae
se et sua credit,
Dulcem habet medicam,
quisquis ad te redit,
Quia tua pietas
sanat, quidquid laedit.</p> | <p>5. Manus unguentarias
habes, virgo mitis,
Quibus pie subvenis
cordibus contritis,
Nam cum in dulcedine
larga sis et ditis,
Opem ferre miseris
quasi semper sitis.</p> <p>6. Hinc est, quod multiplices
trahis post te praedas,
Nec personas despicias
quantumcunque foedas,
Et quia petentibus
incunctanter te das,
Omnibus subveniens
omnem pestem sedas.</p> <p>7. In te nihil asperum,
nihil est austerum,
Omnibus antidotum
exhibes sincerum,
Et, ut cunctis liqueat
illud esse verum,
Libet hoc exprimere
per figuras rerum.</p> <p>8. Tu es hortus germinans
hysopi virorem,
Qui letalem reprimat
pectoris tumorem,
Tu es rosa rutilans
super omnem florem,
Carnis more lili
mitigans ardorem.</p> |
|--|---|

9. Tu es mentis sauciae
nardicum unguentum,
Marra probatissima
membris paenitentum,
Tu es melos tristium
leniens lamentum,
Tu amoris pabulum,
virtus et fomentum.
10. Tu es caecis oculus,
tu es pes claudorum,
Tu es aegris baculus,
tu es vox mutorum,
Tu es portus naufragis,
tu es spes lapsorum,
Tu es nutrix sedula
Christi parvulorum.
11. Tu es mensa pauperum
panibus referta,
Civitas refugii
profugis aperta,
Fons fecundans arida
cordium deserta,
Palma dans victoriae
paenitenti sarta.
12. Vellus es virtutibus
vestiens algentem,
Area, quae tritico
sacro pascis mentem,
Rubus ardens animam
faciens ferventem,
Thronus reis providens
iudicem clementem.
13. Tu amoris fornax es
vitia cremando,
Pietatis fluvius
castos dealbando,
Tu es David cithara
daemones fugando,
Tu eiusdem clavis es
caelos reserando.
14. Tu es tabernaculum
in deserto stratum,
Quod in monte fuerat
Moysi monstratum,
- Tu cortina praefrens
mysticum ornatum,
Tu retorta byssus es
signans caelibatam.
15. Tu es sicca virgula
dans repente nuces,
Tu ascendens puteus,
quem parabant duces,
Tu lucerna Domini,
nam exemplis laces,
Monstrans, per quam semitam
tuos hinc educes.
16. Tu es Sara pariens
risum mundo flenti,
Tu Rebecca fidem dans
Isaac cernenti,
Rachel Iacob attrahens
facie decenti,
Lia gratam subolem
addens tuae genti.
17. Tu es Iudith auferens
caput Holoferni,
Esther pati nesciens
suam gentem sperni,
Iael, per quam novimus
Sisaram prosterni,
Debora, qua populi
victi sunt externi.
18. Tu es illa Noëmi
valde speciosa,
Tu es Ruth humillima,
cunctis gratiosa,
Virum Dei hospitans
in te gloriosa,
Per quam reparata sunt
monstra ruinosam.
19. Et quis posset scribere
verba, res et signa,
Quibus praesignata es,
virgo Deo digna,
Vere qui te colere
studet, o benigna,
Illum nunquam fallere
potest ars maligna.

20. Hac de causa veniens
ad te, virgo clemens,
Pro commisso merito
pavidus et tremens,
Toto corde deprecor,
ut me iuves premens
Dolos, quos multiplicat
in me hostis fremens.

21. Inexhausta bonitas,
quae gementes audis
Et ad vocem pauperis
nunquam aures claudis,
Per te si recesserit
commentator fraudis,
Tibi sacrificium
immolabo laudis.

22. Ha, quid dixi putridus
et foetidus vermis,
Quasi tibi pariat
aliquid honoris,
Si te commendaverit
mei flatus oris,
Cum adpretianda laus
non sit peccatoris.

23. Vere non sufficerem
ego, scurra vilis,
Laudes tuas scribere,
licet mille stilis,
Sed in tabernaculo
placuit exilis
Pauperum oblatio
de caprarum pilis.

24. Sic est, dulcis domina,
nihil dignum dare,
Nihil meritum
possum allegare,
Tamen more pauperum
discam mendicare,
Si quas forte miculas
possim impetrare.

25. Ecce, virgo regia,
potens imperatrix,
Cum pulsatur ad ostium
anima peccatrix,

Illam ne despicias,
pia mediatrix,
Quae es confidentium
in te propugnatrix.

26. Sane non inveniā
in sanctorum vico,
Qui det elemosynam
pauperi mendico
Aut ostendat hilarem
vultum ut amico,
Si me fons clementiae
spernat, de te dico.

27. Sed cum in te gratiae
summa sit ubertas,
Per quam servis perditis
redditur libertas,
Mea te largissimam
sentiat paupertas,
Cum a nullo paupere
faciem avertas.

28. Caeli cellularia,
pietas immensa,
Qua sustentas pauperes,
nunquam est expensa,
Tua quippe dextera
semper est extensa
Ad pascendum pauperes
de caelesti mensa.

29. O quam multos habeo,
sacra virgo, testes,
Quod abunde miseris
hoc, quod petunt, praestes,
Nullus enim amat te,
quem tu non honestes,
Sanans efficaciter
cordis eius pestes.

30. Hoc est, benignissima,
tibi quod allego,
Scilicet quod miserum
esse me non nego,
Nam misericordiae
matrem cum te lego,
Cum sim miser, mereor
esse tuus ego.

31. Tuus dico, domina,
qui sum tui iuris,
Cuius est succurrere
cunctis perituris,
Homicidis, furibus,
moechis et periuris,
Ad radicem quorum est
posita securis.

32. Dulcis virgo, talibus
dedit te patronam
Ille, qui non hominum
accipit personam,
Te demonstrat pauperi
caeli dans annonam
Et merenti despici
gloriae coronam.

33. Talium te flebilis
sequitur caterva,
Sicut currunt hinnuli
praeceunte cerva,
Istum miserabilem
gregem tu conserva,
Ne laedatur rabie
daemonum proterva.

34. Unus sum de miseris
ego, qui mundanum,
Heu, non cavi laqueum
habens cor insanum,
Cum mendicis ceteris
ad te tendo manum,
Cuius nemo gratiam
quaesivit in vanum.

35. Et quis unquam Mariae
nomen invocavit,
Qui non a doloribus
suis respiravit,
Aut quis ab incursibus
daemonum expavit,
Si se dulci nomine
virginis armavit?

36. Quid nomen Mariae est,
nisi quoddam scutum,
Quod repellit undique,
quidquid est versutum,

Eo qui protegitur,
sic se sentit tutum,
Quod non timet daemonis
iaculum acutum.

37. Si Mariam nominas,
daemon expavescit,
Si Mariam invocas,
caro conticescit,
Si Mariae supplicas,
mundus hic vilescit,
Si Mariae iubilas,
tuum cor ignescit.

38. In Mariae nomine
caeli fluunt mella,
Cessant maris turbines,
cedit et procella,
Si te fluctus presserint,
ipsam interpella,
Ad hoc enim dicitur
virgo maris stella.

39. Si te forte senseris
taedio languere,
Ad virtutum opera
mentem non fervere,
Stude nomen virginis
huius recensere,
Et te statim senties
spiritu vigere.

40. Cum istius nominis
mentem sapor tangit,
Intus et exterius
cessat, quidquid angit,
Porro cum vocabulum
pie lingua pangit,
A reatu solvitur
culpa, pro qua plangit.

41. Sed iam metra finiens
precor, virgo pia,
Ut sis in his tenebris
mihi lux et via,
Misero solacium,
maesto melodia,
Donec te, dulcissima,
videam, Maria.

80. De beata Maria V.

- | | |
|---|---|
| <p>1. In hac die gratiae
 Tuae et clementiae
 Matrem te ostende,
 A qua fluit pietas
 Quaevis et benignitas,
 Quam, quaeso, impende.</p> <p>2. Cunctis te colentibus
 Cunctis te petentibus
 Da desiderata,</p> | <p>Ob hoc ad te confluit
 Mundus, cui influit
 Pietate grata</p> <p>3. Bonitas mirabilis
 Cunctis et amabilis
 Tua gratiosa,
 Veniat celeriter,
 Dans nobis feliciter
 Cuncta virtuosa</p> <p>4. Et sursum ascendere
 Donet et arripere
 Loca gloriosa.</p> |
|---|---|

Orat. ms. Montis S. Georgii (extra muros Goslarienses) anni 1464. Cod. Guelfenbyteran. Helmst. 1391. — Das Lied steht auch bei Milchsack I, 64 nach unbekannter Quelle ohne andere Abweichungen, nur daſs 4, 1—3 ihm fehlen.

81. De beata Maria V.

- | | |
|---|--|
| <p>1. In te, per te, de te, ex te
 pax venit hominibus,
 Sub te, ob te, prae te, cum te
 fax lucet hominibus,
 Laeve, dextre, retro, ante
 mox subvenis hominibus,
 Infra, supra, ima, summa,
 media sis omnibus,
 Prima, terna et secunda
 semper es in omnibus.</p> <p>2. In te Deus homo de se
 ortus est hominibus,
 In te Deus fecit esse
 foedus cum hominibus,
 In te Deus fructum messe
 maturat hominibus.</p> <p>3. Per te carnem maculosam
 mundavit copiose,
 Per te vitem generosam
 plantavit fructuose,
 Per te matrem amorosam
 salvemur gloriose.</p> <p>4. De te, vitae medicina,
 resinam stilla debili,
 De te fluunt, o piscina,
 rivi dure flebili,</p> | <p>De te salus a sentina
 tuens crescit famuli.</p> <p>5. Ex te cedrus speciosa
 crevit pudicitiae,
 Ex te nardus odorosa
 fert murræ paenitentiae,
 Ex te floret dulcorosa
 palma patientiae.</p> <p>6. Sub te luna luminosa
 lucens splendidiflue,
 Sub te cuna germinosa
 lactatur melliflue,
 Sub te tellus herbida
 virescit fluctiflue.</p> <p>7. Ob te palmes verae vitis
 nectar fudit gratiae,
 Ob te rivus fontis mitis
 caret omni glacie,
 Ob te cesset horror litis
 pugnanti in acie.</p> <p>8. Per te caeli lapsum zeli
 restaurare poterant,
 Per te casti ruptum veli
 nullae integraverant,
 Per te fasti mundi zeli
 salvari non voluerant.</p> |
|---|--|

9. Cum te Deus, pater meus,
 primitus genuerat,
Cum te Deus, natus eius,
 mundum composuerat,
Cum te Deus, pneuma verus,
 hominem docuerat.
10. Laeve stantes pravitatis
 trahe de conamine,
Laevae manus pietatis
 dextrent nos oramine,
Leve onus gravitatis
 fit tuo adiuvamine.
11. Dextrae fac assistere,
 cui tu assistis,
Dextrae da resistere,
 cui tu obsistis,
Dextrae Dei sistere
 digito nos histis.
12. Retro pressi pondere
 molis perimmensae,
Retro puncti crimine
 cordis sat intense,
Retro tecti dominae
 sint vi valde tense.
13. Ante cernunt tremuli
 delicta iam commissa,
Ante matrem Domini
 actant nunc omissa,
Ante strati famuli
 salventur ab admissa.
14. Infra te sunt agmina
 caeli famulosa,
Infra nos sunt fragmina
 valde criminosa,
Infra trahunt barathra,
 o virgo, luctuosa.
15. Supra caelos residens
 attrahe gementes,
Supra te, o praenitens,
 sunt stellae resplendentes,
Supra nos est insidens
 horror mortis fientes.
16. Ima si despexeris
 in lacrimosa valle,
Ima si respexeris
 in argillosa calle,
Ima si adduxeris
 in gaudiosa valde,
17. Summa sumunt gaudia
 a te, iubilosa,
Summa nostra scelera,
 turpe nubilosa,
Summa princeps, rogita,
 ut fiant luminosa.
18. Media cum terminis
 eiusdem sunt naturae,
Media hinc cerneris
 Deo et creaturae,
Media nos, virginis
 potestas geniturae.
19. Prima, quae non similem
 habere potuisti,
Prima, quae Deum hominem
 fore voluisti,
Prima reum hominem
 purgare meruisti.

Cod. Graecen. 347. saec. 14. — 4, 3 cops piscina.

82. De beata Maria V.

1. Iubilose resonando,
Serenose promulgando,
Amorose decantando
 Laudum excellentiam,
Optans rite puritatem,
Commendare dignitatem,
Amatricis caritatem
 Nec non confidentiam.
2. Honestate decorata,
Caritate penetrata,
In amore solidata,
 Venustatis flosculum,
Alligatrix animosa,
Amplexatrix speciosa,
In vinetis vernans rosa,
 Dulce praebens osculum.

3. Nitens vultu coruscante,
Visu gyrans illustrante,
Ore patens mellicante
Rubicundis labiis,
Nympha luce praefulcita,
Praemoena margarita,
In amantis corde sita,
Fando dulciloquiis.
4. Effusiva mellicorum,
Incentiva frigidorum,
Transfigentem ocellorum
Clare ferens radium,
Salutaris amor scatet,
Tota fraus dolosa latet,
Aestuante corde patet
Amabundum lilium.
5. Confortatrix intuentis,
Infirmatae calor mentis,
Coadiutrix desinentis,
Pulchrior sideribus;
Affectanda corde plaudens,
Gemma candens, risu gaudens,
Praeferens sum cunctis audens
Lapidum generibus.
6. Languet cor nec satiatur,
Risus tepet, heu, tristatur,
Dum hoc flore non utatur
Caret et intuitu;
Iucundatur, hilaescit,
Delectatur, cor fervescit,
Ex aspectu invenescit
Sempiterno fruitu.
7. Sanativa corde rata,
Genis pulchris figurata,
Albens dente, fronte grata,
Praeformosa crinibus;
Singularis es puella,
Fulgurosa picta cella,
Nec est visa talis stella
In terrarum finibus.
8. Eminentis lumen rerum,
Claritatis hoc procerum
Gestat corpus praesincerum
Abundans laetitia;
Redimita philomena,
Dulcisonans cantilena,
Elongati summa poena,
Letali maestitia.
9. Paradisus proclamatur,
Pullulans flos protestatur,
Redolens vas reseratur
Nulla tincta macula;
Recumbentis cor transcendens
Incessanter est intendens,
Radiosa luna splendens
Ceu ardens facula.
10. Viret modo virginali,
Fulget modo magistrali,
Circumdata curiali,
Fragrans viridarium;
Tueatrix adoptiva,
Nocivorum ablativa,
Sanitatis causativa,
Crimen pellens varium.
11. Exoriri symphonia,
Citharoedi melodia,
Canticorum harmonia
Cernitur amplexibus,
Nectar merum os largitur,
Ut scriptum in petra scitur,
Mea spes nunc exauditur,
Ne morar ambagibus.
12. Virtuosa nominata
Fusca veste est stipata,
Rubicunda combinata
Absque zyma scoriae,
Stabilita, coronata,
Mater pura conservata,
Tandem, cara Iesu nata,
Caeli data gloriae.

Cod. Maihingen. II. 1. Fol. 104. saec. 15. — 7, 1 Sanatina. — 10, 4 Flagrans. — 11, 1 Exorivi. — 11, 6 scriptum peto. — Acrostichon: Io-
hannes Calisser Prutenus.

83. De beata Maria V.

- | | |
|---|--|
| <p>1. Laude humani generis
Plus digna virgo ceteris,
Sponsas castas transgrederis
Alte sedens in superis.</p> <p>2. Vitis abundans gratiae,
Mater spei et veniae,
Gaude, misericordiae
Mater, Dei et gloriae.</p> <p>3. Sancta sanctarum omnium,
Maria caput virginum,
Christi sacrum palatium,
Trinitatis triclinium.</p> <p>4. Creavit te ingenitus,
Obumbravit te. genitus
Et fecundavit spiritus,
Es facta tota deitus.</p> | <p>5. Fecit Deus mirabilem,
Respexit servam humilem,
Sponsam quaerens amabilem,
Tibi non fecit similem.</p> <p>6. Deum cum digna parere
Sis, gaudens eius munere,
Nemo potest concipere
Digne nec satis promere.</p> <p>7. Te collaudare cupiunt
Cuncti, sed non sufficient,
Nam laudes tot conveniunt,
Laudantes quod deficiunt.</p> <p>8. Virgo dulcis et sapiens,
Boni fons indeficiens,
Nobisque sis compatiens,
Quos ferit hostis saeviens.</p> |
|---|--|

Orat. ms. Domus Novae Lucis anni 1477. Cod. Ultraiectin. Scriptt. Eccl.
375. — 1, 1 Gaude humani. — 4, 2 Obumbravit unigenitus. — 5, 1 Te fecit.
— 8, 3 sis fehlt.

84. Commendatio BMV.

- | | |
|--|--|
| <p>1. Laudes beatae virginis
Promat dulcedo carminis,
Vox laeta laudes intonet,
Et mens sincera resonet.</p> <p>2. Quid eius laude dulcius,
Quid Maria pulchrius,
Quae clausa gestans viscera
Effecta est puerpera?</p> <p>3. Eius excellens gloria
Mira perfert insignia
Et praefulget omnibus
Humanae vocis laudibus.</p> <p>4. Sola Dei potentia
Et non naturae gloria,
Sola fide, quae credidit,
Virgo conceptum edidit.</p> <p>5. Nam virginis fecunditas
Est inaudita novitas,
Dum virgo prolem generat,
Naturae iura superat.</p> | <p>6. Sic rubus ardens cernitur
Et igne non comburitur
In signum sacrae virginis,
Matris Dei et hominis.</p> <p>7. Virga florescit arida,
Virgo tumescit gravida,
Flos candet lucis germine
Signans partum ex virgine.</p> <p>8. Rore vellus infunditur
Nec tactu roris laeditur,
Sic virgo sine onere
Laetatur prolis munere.</p> <p>9. Virgo prudens eligitur,
David in thoro iungitur,
Sed pro Mariae laudibus
Foedis caret amplexibus.</p> <p>10. Virum circumdat femina,
Dum virgo, mundi domina,
Regem caeli amplectitur
Et gravida efficitur.</p> |
|--|--|

11. Princeps, qui cuncta providet,
In clausa porta residet,
Dum virginis in utero
Dei verbum considero.
12. Lapis de monte scinditur,
Et manu mons non tangitur,
Dum absque viri semine
Christus prodit de virgine.
13. Hoc testamenti veteris
Figurat arca foederis,
Quod verius ostenditur,
Dum manna ibi conditur.
14. Castum Mariae gremium
Figurat grande solium,
Quod Salomon ex ebore
Suo perfecit tempore.
15. In quo noster pacificus,
Christus rex, patris unicus,
Dum carnem sibi sociat,
Nos Deo reconciliat.
16. Hesther, regina humilis,
Iudith virtute similis,
Dum hostes Dei conterunt,
Mariae laudes praeferunt.
17. Nam draco, sicut legitur,
Mulierem persequitur,
Sed caput eius conterit
Virgo, quae Deum peperit.
18. Haec sunt Mariae gaudia,
Haec virginis praeconia,
Quae, sicut terra lilium,
Sic est enixa filium.
19. Maria virgo nobilis,
Decora et amabilis,
Maria, virgo regia,
Regis mater et filia.
20. Maria solis nuntia,
Veri splendoris praevia,
Aurora innocentiae
Et gemma pudicitiae.
21. Maria, stella lucida,
Nubes levis et candida,
Viam praebet errantibus
Et portum naufragantibus.
22. Magnum Mariae meritum,
Omni virtute praeditum,
Fulget immenso iubare
Omni remota compare.
23. Mariam si aspexeris,
Nil adaequare poteris
Ipsius privilegio,
Quod meruit in filio.
24. Maria cunctis praeminet,
Quae totus orbis continet,
Nil dignius mens reperit
Excepto hoc, quod peperit.
25. Maria sole clarior
Et angelis sublimior,
Flos omnis pulchritudinis
Et manna est dulcedinis.
26. Et quamvis sic praemineat,
Ut omnibus praeferat,
Nec peccatores despicit
Nec paenitentes abicit.
27. Ipsa thesaurus gratiae
Et fons misericordiae,
Solamen paenitentium
Et nostrae spei gaudium.
28. Ipsa virgo perpetua,
Caelestis vitae ianua,
Caelum nobis aperuit,
Dum regem caeli genuit.
29. Ipsa suis supplicibus
Et pie se quaerentibus
Non deest in auxilio
Nec deerit in praemio.
30. Ibi regina virginum
Regem regum et dominum
Ostendet in laetitia
Et sempiterna gloria.
31. Nunc ergo dicant singuli,
Qui sunt Mariae servuli:
Ave, salus humilium,
Nostrae salutis bravium.
32. Tua, virgo, praesentia
Gaudet caelestis curia,
Tu supernorum civium
Corona et tripudium.

- | | |
|---|--|
| 33. Tu aspectu pulcherrima
Et throno Dei proxima,
Regnas ibi feliciter
Et Iesum amas dulciter. | 39. Cum ergo tibi gratia
Non desit nec potentia,
Omnes ad te confugimus
Et opem tuam quaerimus. |
| 34. Cuius immensa claritas
Atque amoris suavitas
Te replet ac inebriat
Et omni bono satiat. | 40. Tu, virgo beatissima,
Tu omnium sanctissima,
Dignanter omnes respice
Et ope tua refice. |
| 35. Quidquid ibi volueris
Aut quod benigne iusseris,
Hoc praestat voluntarie
Ipse auctor clementiae. | 41. Tu votis nostris annue
Et larga manu tribue,
Nam tibi non minuitur,
Quidquid nobis tribuitur. |
| 36. Nam matris ad imperium
Se recognoscit filium
Nec denegare poterit,
Quodcunque imperaverit. | 42. Tu abundas divitiis,
Tu fruere deliciis,
Quae vetustatem nesciunt
Nec detrimentum sentiunt. |
| 37. Cuius relinquit gratiae
Sceptrum suae potentiae,
Ut omnes, quos vult, liberet
Et, quantum vult, remuneret. | 43. Propter amorem filii,
Propter decus imperii,
Quo sublimata crederis
Adesto nobis miseris. |
| 38. Eia, virgo, considera
Collata tibi munera,
Nostra omnium redemptio
In tuo stat arbitrio. | 44. Tu nostra tege scelera
Nato praetendens ubera,
Ut, cum iudex advenerit,
Se filium meminerit. |
| 45. Tu mater veri luminis,
Ad laudem tui nominis
Fac nos electis omnibus
Consortes in caelestibus. | |

Orat. ms. Lehninense anni 1518. Cod. Berolinen. IV° 29. — 2, 2 Quid Maria pulcherrima; da auch 3, 3 des Auftaktes entbehrt, ist pulcherrima gesetzt worden. — 20, 1 solis micantia. — 20, 2 pervia. — 20, 3 Aureola. — 44, 3 Ut fehlt.

85. De beata Maria V.

- | | |
|---|---|
| Laudes sacrae virginis
Mariae vox canat humilis,
Haec est melliflua,
Omnibus favens sedula, | Flos florum,
Refugium peccatorum,
Culparum remissio,
Virtutum augmentatio, |
| 5. Oliva gratiae,
Mater misericordiae,
Regina caelorum,
Disciplina morum,
Spes miserorum, | 15. Invicta protectio,
Triumphantium gloriatio.
O virgo nobilis,
Orta stirpe Davidis,
Succurre miseris, |
| 10. Vera lux sanctorum, | 20. Pro peccato perditis, |

- | | |
|---|---|
| <p>Noxam purgans sceleris.
 Sponsa laudabilis,
 Dei atque hominis
 Parens mirabilis,
 25. Nulli comparabilis,
 Caelestis genetrix luminis,
 Vales prae omnibus
 In virtutibus cunctis.
 Plena charismatibus,
 30. Tu es martyribus,
 Confessoribus sacris
 Stuporque virginibus.
 In caelis tu singularis
 Gloriaris
 35. Et a superis
 Veneraris
 Et in terris</p> | <p>Ab humilibus salutaris.
 O magna, maior, maxima,
 40. Gloriosissima Maria
 Virgoque prudentissima,
 Mater suprema,
 Omni laude dignissima,
 Confer vitae sanctitatem,
 45. Puritatem mentis,
 Corporis sanitatem,
 Auge fidem,
 Spem tribue,
 Nobis influe
 50. Caritatem perfectam
 Et duc ad gloriam
 Post praesens exsilium,
 Ut nos tuum filium
 Iesum laudemus per aevum.</p> |
|---|---|

Orat. ms. Domus Novae Lucis anni 1477. Cod. Ultraiectin. Scriptt.
 Eccl. 375. — Vor Vers 1 geht vorher:

Salve, praeoptabilis,
 Virgo peramabilis,
 Mater admirabilis,
 Casta, nunquam labilis.

86. Oratio ad beatam Mariam V.

- | | |
|---|---|
| <p>Magistra religionis,
 Regula perfectionis,
 Fac, u nobis summe bonus
 Leve rteddat suum onus.
 5. Mater digna regis regum,
 Doctrix summa legis legum,
 Per arta regis mandata
 Nos ad regna duc optata.
 Fac, ut animam spernamus,
 10. Spornendo magnipendamus,
 Fac, ut animam perdamus,
 Perdendo custodiamus;
 Fac, ut ipsam odiamus,
 Odiendo diligamus,
 15. Nos et nostra relinquamus,
 Ut Deum recipiamus
 Et divinis affluamus,
 Sic omnia deseramus,
 Ut cuncta possideamus
 20. Et in regno fulgeamus.</p> | <p>Christi crucis asperitas
 Per te sit nobis lenitas,
 Sit nostrum per te studium
 Sacratum evangelium,
 25. Ut sit crux et martyrium
 Dulce nobis solacium.
 Vivamus evangelice,
 Ut vivamus angelice,
 Sic vivamus cum infimis,
 30. Ut iungamur altissimis,
 Sic utamur terrestribus,
 Ut fruamur caelestibus,
 Sic curramus in stadio,
 Ut gaudeamus bravo.
 35. Fac, ut os a deliciis,
 Mens ieiunet a vitiis,
 Os ieiunet a carnibus,
 Cor a votis carnalibus.
 Ieiunia, vigiliae
 40. Nobis fiant deliciae,</p> |
|---|---|

- Fiant planctus et lacrima
Nobis dulcedo maxima,
Gemitus et suspiria
Fac nobis esse gaudia.
45. Labor sit nobis requies
Ac thesaurus pauperies,
Fames sit nobis fercula,
Sitis sit nobis pocula,
Sit nobis vestis pannosa
50. Carior quam pretiosa,
Nos delectet vilis status
Plus quam mollis et ornatus,
Nobis vile tugurium
Sit regale palatium.
55. Gloriam declinatio
Sit nostra gloriatio,
Voluptatis expulsio
Sit nostra delectatio,
Carnis morificatio
60. Sit mentis vegetatio.
Fac nos amicos hostibus
Mansuetos crudelibus,
Servire saevientibus,
Subvenire nocentibus,
65. Nos omnia fac omnibus.
Contemptus, probra, verbera,
Victus et vestis aspera.
Frigus, aestus et cetera
Adversitatis genera
70. Per se sint nobis prospera.
Nam si crux mundi totius
Esset viri crux unius,
Si vir unus posset ferre
Poenam Orci, poenam terrae,
75. Nihil fere pateretur,
Si Christo compararetur,
Nam collata Christi poenis
Poenam quaelibet est lenis.
Nos ergo fac mundo mori
80. Et vivere creatori,
Sic vitiis exuamur,
Ut gratiis induamur
- Et gaudiis repleamur.
Pauperes efficiamur,
85. Ut ditari mereamur
Et aeternis perfruamur.
Omne, quod est mundo
festum,
Fac nobis esse molestum,
Brevem mundi laetitiam
90. Reputemus tristitiam,
Stultam mundi prudentiam
Iudicemus insaniam,
Letalem mundi gloriam
Vocemus ignominiam,
95. Fallacem mundi copiam
Nominemus inopiam.
Sit vanae laudis oleum
Nobis virus vipereum,
Quod est mundo nectareum,
100. Fac nobis esse felleum.
Quod est mundo luminosum,
Fiat nobis tenebrosum,
Quod est mundo pretiosum,
Fac nobis esse probrosum.
105. Deus sit nobis omnia,
Vilescent nobis alia,
Nam creatori collata
Nihil sunt cuncta creata.
Ergo nos omnes et totos
110. Ab omni crimine lotos
Soli Deo fac devotos,
Omnes sensus corporales,
Omnes sensus spiritales,
Virgo, redde virginales.
115. Fac nos peccatis irasci,
Fac nos lamentis renasci,
Gaudere, potari, pasci,
Renasci, rebaptizari,
Satiari, debriari
120. Fac nos fletu salutari.
Nos lacrimis rebaptiza,
Nobis caelum thesauriza,
Nos in regnum inthroniza.

Cod. Parisin. (ol. Victorin.) 15163. saec. 15. — 76. compateretur. —
Aufschrift: „Incipit oratio. Specialiter congruit religiosus.“

87. Oratio ad beatam Mariam V.

- Maria, sole clarior
Omniq̃ue gemma carior,
Caeli nive candidior,
Ip̃soq̃ue caelo mundior;
5. Tu, quam creavit Dominus,
Consecravit altissimus,
Repleta sancto flamine
Fers florem claro germine.
Ille te fecit gravidam,
10. Qui suam dedit gratiam,
Ut esses habitaculum
Semper illi mundissimum.
Audi, Maria domina,
Audi, precum suspiria,
15. Virgo mater cum filio,
Caelorum rege proprio,
Fer opem nobis miseris,
Quos turbat caro fragilis
Et subveni quantocius,
20. Quos premit hostis pessimus.
Et nunc mihi praecipue,
Dans me vitae perpetuae
Per tua sancta merita,
Christo Deo gratissima.
25. Qui malo meo merito
In omnem culpam subito
Infelix nimis corruo
Atque in morte iaceo.
Non est, qui manum porrigat
30. Vel succurrendo erigat,
Nisi, o tu dulcissima,
Quae mater es piissima.
Consurge pro me, domina,
Funde pro me precamina,
35. Si scis, quod sit necessitas,
Funde planctus et lacrimas.
Puella nobilissima,
Virgo elegantissima,
Ingenua, clarissima
40. Atque speciosissima,
Pro nimium me misera,
Multum infelicissima,
Plangentem te cum lacrimis
Numquid is ferre poterit,
45. Qui natus est in tempore
De tuo sancto corpore?
Nam si surgis, o domina,
Ut mihi des iuvamina,
Surgit tecum clarissima
50. Caelestis tota curia;
Si pro me rogas veniam,
Pietatem inveniam.
Maria, honor virginum,
Christi norma fidelium,
55. Esto mihi refugium
Nunc et semper auxilium.
Fac mundam mente, corpore,
Fac subditam iustitiae,
Fac vivere virtutibus
60. Et mundam fac sceleribus.
Sit iter placidissimum
Caelorum ad palatium,
Sis mihi lumen praeivum
Ad paradisi gaudium.
65. Benedicta, sanctissima,
Quae reparasti saecula,
Quae genuisti filium,
Regem victorem hostium.
Quibus verbis te invocem
70. Aut quibus nunc te postulem,
Quas tibi fundam lacrimas,
Quas voces promam intimas,
Ut me indignam audias
Et, quod precor, pericias?
75. Audi, Maria domina,
Audi, mater dulcissima,
Terret me trepidatio
Et mortis expectatio,
Ob hoc ad te confugio,
80. Quae nostra es redemptio.
Nam quando Christum videro
Nec non et in iudicio
Ante suam praesentiam
Ad te, mater, confugiam.
85. Ad te currens, o domina,
Ante tua vestigia
Abs te quaeram praesidia
Et, si facultas fuerit
Aut si forte licuerit,
90. Tuis adhaerens pedibus

- | | |
|--|---|
| Strictis tenebo manibus,
Altis dicendo vocibus
Cum ingentis clamoribus
Ac lacrimosis planctibus | Festina, ut eripias.
Nam quia nunc te invoco
Et valde multum diligo
Diligereque sitio |
| 95. Et cum duris singultibus:
O Maria dulcissima,
O Maria carissima,
Adiuva me, o domina,
Succurre mihi miserae, | 115. Ac plus amare cupio
Et servire desidero,
Si pro me supplicaveris,
Si pro me exoraveris,
Christum pro me rogaveris, |
| 100. Succurre mihi perditae
Et noli me despicere
Nec orphanam relinquere,
Quae te ut matrem colui,
Te dominam perhibui, | 120. Si tu me tunc eripies
Et abstrahendo proteges
A malignis spiritibus
Et poenis infernalibus,
Non erit desperatio |
| 105. Amorem in te habui,
Tibi servire studui,
Cum non servirem, dolui.
Flecte aures, ut audias,
Fac, mater, ut exaudias, | 125. Nec ulla dubitatio,
Nec a tuo auxilio
Recedam in iudicio,
In illo tunc gravissimo,
Donec des mihi requiem |
| 110. Ne tardes, ut subvenias, | 130. Ante quaerentis faciem. |

Orat. ms. Gallicum saec. 15. Cod. Hagen. AA 175. — 44. Numquid non
ferre. — 50. Caelesti. — 70. Cuius verbis. — 80. Et ob hoc. — 82. Nam
quocunque videro.

88. De beata Maria V.

- | | |
|---|---|
| 1. Maria, te recolere
Est nobis salutiferum,
Quae sine carnis Venere
Fecundum gerens uterum
Digna fuisti parere
Verbum ante luciferum
Et hoc ex tuo munere,
Conditor alme siderum. | 3. Maria, nominaliter
Te stella maris personat,
Et in te singulariter
Hoc duplex nomen resonat
Mater et virgo pariter,
Per eum, qui celsithronat,
In laudem cuius iugiter
Vox clara, ecce, intonat. |
| 2. Maria, magnitudine
Virtutum parem nesciens,
Nos in hac vita sustine
Deo placere faciens,
Ortum est de te virgine
Ex alto lumen oriens,
Hoc est a caeli cardine
Verbum supernum pro-
diens. | 4. Maria, quae prae ceteris
Hoc habes privilegium,
Quod, dum mater efficeris,
Servas pudoris lilium,
Hunc, quem lactasti miseris
Nobis in adiutorium,
Sic adloqui memineris:
Veni, redemptor gen-
tium. |

5. Maria, stella praevia
Vocaris navigantium,
A fluctuum saevitia
Nos salva saevientium,
Eius mater et filia,
Cui ex ore psallentium
Hic hymnus laus est propria:
Veni, redemptor gentium.
6. Maria, mundum perditum
Primi parentis crimine
Salvas per unigenitum,
Patri parem in numine,
Suum tuumque libitum
Ad usque mundi machinae
Fines fit per circuitum
A solis ortus cardine.
7. Maria, quae sic affluis
Deliciis clementiae,
Quae neminem destituis
Ope misericordiae,
Per hunc nobis restituis
Hereditamen gloriae,
Quem tu venire metuis,
Hostis Herodes impie.
8. Maria, laus et gaudium
Nostrum per Iesum penitus,
Cuius est ad imperium
Hic totus mundus subditus
Et cui sacrificium
Contribulatus spiritus,
Tuum se dedit filium
A patre unigenitus.
9. Maria, te magnificant
Magna virtutum opera,
Mirandamque mirificant
Miranda Christi munera,
Nam omnia glorificant
Te, felix o puerpera,
Per hunc, colunt et praedicant
Quem terra, pontus,
aethera.
10. Maria, tuis laudibus
Tam angelorum culmina
Intendunt in caelestibus,
Quam angelorum agmina,
- In terris quae cum avibus
Pisces, fontes et flumina
Tuis subduntur pedibus,
O gloriosa domina.
11. Maria, per quod deceat
Efferri te praeconium,
Instruere complaceat
Tibi corda fidelium,
Et ne nos is absorbeat,
Qui absorbebit fluvium,
Culpas nobis indulgeat
Deus, creator omnium.
12. Maria, te deposcimus
Pro tua celsitudine,
Qua praesides, ut credimus,
Sanctis in caeli culmine,
Ut preces, quas offerimus,
Admittat pro libamine
Is, cui soli psallimus:
Salvator mundi, Domine.
13. Maria, plena gratia,
Tu maiestatis solium,
Virgo, mater et filia
Manens, dum paris filium,
Ipsi nos reconcilia,
Qui finis et principium
Futura novit omnia
Primo dierum omnium.
14. Maria, tuae doluit
Fuisse prolis proditor
Post, medius dum crepuit,
Eiusdem Iudas traditor,
Res mira, quae non rapuit,
Exsolvit cordis cognitor,
Ita nam tibi placuit,
Aeternae rerum conditor.
15. Maria, famulatui
Tuo servire libere
Per te tuos nos instrui
Requirimus summopere,
Tuo subduntur nutui
Terra, pontus cum aethere,
Hinc te precamur cernui
Iam lucis orto sidere.

16. Maria, sine Venere
Mater effecta caelitus,
Partus tui puerperae
Latebat hostem penitus,
Te decet nos attollere,
Sed petimus medullitus,
Ad hoc clemens illabere
Nunc sancte nobis
spiritus.
17. Maria, cuius abstulit
Fructus ventris virgineus
Vae, primus Adam intulit
Quod Evae consentaneus,
In anima te perculit
Doloris tunc aculeus,
Cum mortem crucis pertulit
Rector potens, verax
Deus.
18. Maria, te laudantibus
Insidiantes reprime,
Et esse qui dat omnibus,
Affectus nostros exprime,
Ut luceat obtentibus
Suae matris sanctissimae
Lucem veram quaerentibus,
Lucis creator optime.
19. Maria, cui similis
Non est in mundi tribubus,
Irae Dei terribilis
Tuere nos ab arcubus,
Tu portus infallibilis,
Nos redde vitae portubus,
Quibus es memorabilis
Somno reffectis artu-
bus.
20. Maria, tu quae coetibus
Caelestis praees curiae,
Nos tuis iuva precibus
Apud regem clementiae,
Illuminet ut gentibus
In umbra mortis hodie
Et tenebris sedentibus
Splendor paternae
gloriae.
21. Maria, fac propitia,
Sit nobis ut propitius
In qualibet angustia
Rex noster, tuus filius,
Quos ad tua praeconia
Surgentes omnes ocuis
Invitat huius gratia
Ales diei nuntius.
22. Maria, quam ad gloriam
Vexit rerum dispositor,
Ad cuius complacentiam
Est omnis homo debitor,
Ne talentorum quispiam
Suorum sit absconditor,
Tui det ad instantiam
Telluris ingens con-
ditor.
23. Maria, digna laudibus
Suavitatis intimae,
In generationibus
Beata cunctis apprime,
Devotis interventibus
Offensas nostras adime,
Assis et hic petentibus,
Deus creator optime.
24. Maria, sine semine
Prole gaudens virginea,
Pro tuo sancto nomine
Nos in virtute recrea,
Carens amaritudine
Crescat ut ex his vinea,
Quibus pulsa caligine
Lux, ecce, surgit
aurea.
25. Maria, per quam patuit
Porta perennis patriae,
Cuius ventrem non horruit
Rex aeternalis gloriae,
Sic, per te quod imposuit
Finem nostrae miseriae,
In te sibi complacuit
Magnae Deus poten-
tiae.

26. Maria, porta patriae,
quam non turbat adversitas,
Fac ita nos iustitiae
Perambulare semitas,
Ut illuc sit cotidie
Nova nobis incunditas,
Quo praemium das gloriae,
Tu trinitatis unitas.
27. Maria, quae totaliter
Es dicta plena gratia
Atque particulariter,
Nos tuo vultu satia,
Quo perfruuntur iugiter
In summa regis curia,
Quorum est aeternaliter
Aeterna caeli gloria.
28. Maria, memorantibus
Tuae magnificentiae
Pulsis procul doloribus
Inest causa laetitiae,
Una cum participibus
Quos secum suae gloriae
Caeli coniungat civibus
Summae Deus clementiae.
29. Maria, luce clarius
Relucet, quod diabolus
Tuus devicit filius
Mille maeandros subdolum,
Ipsius dolum longius
Tam in nocte malevolum
Fuga quam et lucidius,
Aurora iam spargit
polum.
30. Maria, te non credimus
Latere, quia septies
Omnes in die cadimus
Delinquimusque pluries,
Sed placa, quem offendimus,
Plus benedicta milies,
Hunc, inquam, cui canimus:
Christe, qui lux es
et dies.
31. Maria, tu quae spiritus
Praeventa dono caelico
Mater es facta caelitus
Verbo favens angelico,
Quod Deus ex te genitus
Eloquio prophetico
Foret dixerunt primitus
Ex more docti mystico.
32. Maria, tantum facias
Laudantium te coetui,
Ipsorum ut adicias
Laetitiam auditui,
Quo per tuas propitias
Preces ipsius vultui
Astantes Deo gratias
Dicamus omnes cernui.
33. Maria, vere diceris
Et es pes indulgentiae,
Tu nobis nostri sceleris
Implora munus veniae,
Quod dare ne tardaveris,
Dicator abstinentiae
Honorque nostri generis,
Iesu, quadragenariae.
34. Maria, cuius uterum
Non horruisse dicitur
Lunae, solis et siderum
Is per quem cursus regitur,
Oriri fac luciferum,
Occasum qui non patitur,
Horis cum lux ad vesperum
Iam ter quaternis
trahitur.
35. Maria, quae praeficeris
Supra sanctorum cunenum,
Adversum nos, tu noveris,
Quod hostis parat laqueum,
Sed cadat auctor sceleris
In quem effodit puteum,
Nam miserendi miseris,
Ecce, tempus idoneum.
36. Maria, mulieribus
Dispar in partu filii,
Nobis inhabitantibus
Vallem huius exsillii

- Tuis praestetur precibus,
Ut in die iudicii
Nos praemiet caelestibus
Summi largitor prae-
mii.
37. Maria, sic disposuit
De te Deus auxilli,
Quod fieri te voluit
Sui thronum imperii,
A quovis hic abstinuit
Esu diu cibarii
Ac observandum docuit
Clarum decus ieiunii.
38. Maria, causa veniae
Te peccatores adeunt,
Per quam adepti gratiae
Munus mandati redeunt,
His utique materiae
Gaudendi non depereunt,
Quibus signum victoriae
Vexilla regis prodeunt.
39. Maria, de te nascitur
Rex Christus, salus populi,
Super iustos, ut canitur
In psalmo, cuius oculi,
A quo solo dum vincitur
Fraus inimica zabuli,
Soli de iure dicitur:
Iesu, salvator saeculi.
40. Maria, diligentibus
Ignis amoris fervidi
Amoreque languentibus
Medela cordis languidi,
Concede nuptialibus,
Ut apparentes candidi
Introeamus vestibus
Ad cenam agni pro-
vidi.
41. Maria, pulsa precibus
Aures regis iustitiae,
Ut expiati sordibus
Et actibus nequitiae
Puris castisque mentibus
Auctori castimoniae
Cum ceteris fidelibus
Hymnum canamus
gloriae.
42. Maria, prosit omnibus
Tua sic intercessio,
Ut in supernis aedibus
Tandem sit nostra portio
Beatisque spiritibus
In caeli iuncti solio
Altis canamus vocibus:
Iesu, nostra redemptio.
43. Maria, persequentium
A manibus nos exime
Et in nos insurgentium
Malorum motus comprime,
Ut videamus filium
Tuum, hic hymnus maxime
Quem decet et non alium:
Aeternae rex altissime.
44. Maria, pudicitiae,
Totius domicilium,
Laudare te cotidie
Novum est nobis studium,
Per te simus, quo facie
Ad faciem est omnium
Haec una vox laetitiae:
Tu, Christe, nostrum
gaudium.
45. Maria, quae virginibus
Ingis honor et gloria,
Sed et electis omnibus
In caelis es laetitia,
Hoc tribuat supplicibus
Tuis Christi clementia,
Ut dentur in caelestibus
Beata nobis gaudia.
46. Maria, te prae omnibus
Dei virtus impleverat,
Dum tuis ex visceribus
Assumpsit, quod non fuerat.
Ut tibi locum sedibus
Matri, prius descenderat,
Pararet in caelestibus,
Iam Christus astra as-
cenderat.
47. Maria, sola gemitu
Carens, dum sis puerpera,
Tuis nunc et in obitu
Servis adesse propera,

- Patente tunc ut aditu
Nobis ad regna supera
Simus, quo sancto spiritu
Impleta gaudent vis-
cera.
48. Maria, mundi diluens
Suspiriorum gemitus,
Gaudendi causam tribuens
Est ex te fructus editus,
Hic nos a culpis exuens
Ad caeli ducat aditus
Nostrique votis annuens
Veni, creator spiritus.
49. Maria, persolventibus
Pro posse laudes debitas
Nobis tuis conspectibus
Reddas coronas perditas,
Super quo deprecantibus
Te, qui in caelis habitas,
His inclinata precibus
Adesto, sancta tri-
nitas.
50. Maria, recognoscimus
Te decus esse virginum
Et advocatam dicimus
Te specialem hominum,
Hincest, quod, cum offendimus
In multis Christum Do-
minum,
Multoties requirimus
Te lucis ante ter-
minum.
51. Maria, quam ingenuae
Prolis attollit dignitas,
Tu nobis es continuae
Laetitiae causalitas,
Nos a peccatis erue,
Ut, ubi lex est veritas,
Dicamus omnes cernue:
O lux, beata trinitas.
52. Maria, gravaminibus
Pressis levamen mulcebre,
In cunctis nostris gressibus
Praecedant tuae palpebrae,
- Ne nos in infernalibus
Locis involvant tenebrae,
Sed simus in caelestibus
Festum colentes cele-
bre.
53. Maria, pro peccantibus
Preces Deo multiplica
Et pro nostris excessibus
Instanter ei supplica
Eductosque de fluctibus
Maris ad portum applica,
Tu stella navigantibus,
O gloriosa domina.
54. Maria, puerperio
Dicata prolis inclitae,
Per quam facta redemptio
Nobis est vitae perditae,
Fac, ut caelestis contio
Laudi non vacans debitae
Hic moneat alloquio:
Caeli cives, adplaudite.
55. Maria, cui saeculum
Adplaudit omne plausibus
Et cui praestat sedulum
Obsequium pro viribus,
Ad laudem Dei cumulum
Fac, ut ex peccatoribus
Mundaret sibi populum,
Exsultet caelum laudi-
bus.
56. Maria, mater gratiae
Qua patet ad introitum
Via caelestis patriae
Per Evam matrem perditum,
Cursum nostrae militiae
Fac ita beneplacitum,
Laetemur ut in acie,
Deus, tuorum militum.
57. Maria, te requirere
Nostrae mentis est opera,
Quam ferre fas est credere
Excelsam super sidera,
Eductis ut de carcere
Mundique valle misera
Donata sit percipere
Aeterna Christi munera.

58. **Maria, cuius omnibus**
 Est praesto patrocinium,
 Tuis orationibus
 Placatum redde filium
 Nobis te deprecantibus,
 Est cui soli proprium
 His invocari vocibus:
 Iesu, redemptor om-
 nium.

59. **Maria, ne permiseris**
 Nos esse viros sanguinum,
 Quos sanguis Christi lateris
 Lavit a labe criminum,
 Quinimmo iuncti superis
 Te mereamur Dominum
 Sequi, quocunque ieris,
 Iesu, corona virginum.

Cod. Londinen. Reg. 7 A VI. saec. ¹⁴/₁₅. — 3, 6 celsithronat. — 5, 6
 Qui ex ore. — 24, 7 pulchra caligine. — 27, 3 Et particulariter. — 30, 2
 quod sepelies. — 34, 5 Quod iri fac. — 37, 2 Ad te Deus. — 37, 7 Ad ob-
 servandum. — 38, 7 signum. — 47, 1 sola genetrix. — 47, 5 auditu.

89. De beata Maria V.

1. **Maria, te suppliciter**
 Mea salutat parvitas,
 Mater misericordiae,
 Reddas coronas perditas.

2. **Ut laetemur feliciter,**
 Ubi dulcis iucunditas,
 Regnemus aeternaliter,
 Ubi iugis sollemnitatis.

3. **Per te donetur venia,**
 Sis expiatrix scelerum,
 Sopiatur discordia,
 Sis reformatrix foederum.

4. **Ad te clamat inopia,**
 Sis pia datrix munerum,
 Nos coartat miseria,
 Sis consolatrix pauperum.

5. **Cupio, mater, cernere**
 Tui splendoris speciem,
 Feliciter quiescere
 Post timendum mortis diem.

6. **Fac me sursum ascendere**
 Ad illam dulcem requiem,
 Dulcem Iesum respicere
 Et eius gratam faciem.

Orat. ms. Domus Novae Lucis anni 1477. Cod. Ultraiectin. Scriptt.
 Eccl. 375.

90. Ad beatam Mariam V.

1. **Maria, virgo pia,**
 Du haft geholfen mir
 Per aquas et in via,
 Lob fagen wil. ich dir.

2. **Tuas horas complendo**
 Ich dik verfumet han,
 Quas breviter emendo,
 Das wil ich nit enlan.

3. **Virgo, tuum levamen**
 Min leben hat erloft,
 Dulcissimum solamen,
 Min aller liepfte troft.

4. **Eram quasi submersus**
 In mængem kumber grofz,
 Per te fui reversus,
 Diner hilf ich dik genosfz.

5. **Regina cuatrix poli,**
 Ich emphilch mich dir,
 Relinquere me noli,
 Wan ich wil dienen dir.

6. **Dele peccata mea,**
 Muter der barmherczikait,
 Columba turturea,
 Verfwend du mir min laid.

- | | |
|---|---|
| <p>7. Quilibet homo videt,
Die welt ist vntruw vol,
Unus ab altero ridet,
Damit der welt ist wol.</p> <p>8. Nun hör: repletus venter
Ist liber denne got,
Hoc patet evidenter
An mængem ane spot.</p> <p>9. O vera mater Dei,
Du wellest behüten mich,
Nam utor tuae spei,
An min sünd nit enfsich.</p> | <p>10. Si forsitan peccavi
Wider den willen din
Et vanas res amavi,
Das verzih mir, Künigin.</p> <p>11. Filium tuum Christum
Bitt für mich, Kaiferin,
Quem vidi crucifixum,
Das ich nit kom in pin.</p> <p>12. Dictamen ego dixi,
Nun hilf mir uffer not,
Hucusque male vixi,
Ich stan in dinem bot.</p> <p>13. Trade mihi mercedem,
Muter vnd Künigin,
Ut sim in tuam aedem,
Ich armer diener din.</p> |
|---|---|

Cod. Servorum BMV. Oenipontan. A 35. anni 1450. A. — Orat. ms. Pollingen. saec. 15. Clm. Monacen. 11917. B. — 1, 2 Du haufst B. — 2, 1 Suas B. — 2, 2 dick verfaumet B. — 3, 2 haut erlöft B. — 3, 4 liebster tröst B. — 4, 2 Kummer grofs B. — 4, 3 Per te sum reversus A. — 4, 4 dick genofs B. — 5, 4 Wann ich will B. — 6, 2 Mütter der parmhertzigkait B. — 6, 3 turturia A. — 6, 4 du fehlt B. — 7, 1 homo cernit B. — 7, 2 vntrewen B. — 7, 3 sq. fehlen B. — 8, 1 sq. und 3 sq. umgestellt B. — 8, 1 Cui repletus venter B. — 8, 2 dänne got B. — 8, 4 mængem B. — 9, 2 Du wöllest behieten mich B. — 9, 3 Nam utor tua spe AB, gegen den Reim. — 9, 4 mein sind B; nit sich A. — 10, 3 Quod vanas B. — 10, 4 Das verzeich mir Künigin B. — Str. 11 fehlt B. — 12, 1 tibi dixi B. — 12, 2 Nun hilf mir vis not B. — 12, 3 Et iterum malum egi B. — 12, 4 Werest nit, so wer ich tod B. — 13, 2 Muter vnd Kayferin B. — 13, 3 Et duc me in tuam aedem B. — 13, 4 Mich armen diener B.

91. Ad beatam Mariam V.

- | | |
|---|--|
| <p>1. Maria, virgo virginum,
Ab aeterno data rege
Certissima spes hominum,
Adiuvā me, fove, rege.</p> <p>2. Regere vir insipientis
Non valeo me, Maria,
Tu autem, summe sapiens,
Sis indocti doctrix pia.</p> <p>3. Pia Maria, expies
Cunctam a me nequitiam,
Sanctissima plus milies,
Quam dicere sufficiam.</p> | <p>4. Sufficiam numquid tuam,
Maria, laudem dicere,
Ad quam nec loquelam suam
Dicunt sancti sufficere?</p> <p>5. Sufficere tamen queam
Te laudare competenter
Per gratiam aptus eam,
Quam Maria das libenter.</p> <p>6. Libenter insipientes
Sufferre soles in via
Libenterque neglegentes
Supportes, mater Maria.</p> |
|---|--|

7. Maria, meam nimiam
Tu scis insipientiam,
Sed propter tuam gratiam
Da mihi sapientiam.
8. Sapientiam, qua sciam
Diligere Iesum Christum,
Qua te diligam Mariam,
Qua contemnam mundum
istum.
9. Istum mundum contemnere
Iam, Maria, me video,
Unde gratias agere
Iesu et tibi debeo,
10. Eo, euge, remotior
Ab amore mundi factus,
Quo pressura me gravior
Strinxit et fratrum detractus.
11. Tractus ad humilitatem
Ita Iesu promittente,
Odiam iniquitatem
Te Maria assistente.
12. Tentae sunt ad te, Maria,
Meae cogitationes,
Ut des mihi prece pia
Iesu benedictiones.
13. Dictiones mihi placent,
Quibus Maria miscetur,
Sed sunt graves, qui te tacent,
Cordi, quod tibi vowedetur.
14. Vowedetur tibi, Maria,
Corpus meum et cor meum.
Cuius probo prece pia
Propitium mihi Deum.
15. Deum Iesum relinquere
Me, Maria, fecit mundus,
Quamobrem hunc diligere
Nolo, cum sit et immundus.
16. Immundus mundus polluit,
Heu me, totam vitam meam,
Sed, Maria, qui voluit
Ex te nasci, mundet eam.
17. Eam et tu suscipias
In curam in curae via,
Quae mundanas iam gratias
Respuat pro te, Maria.
18. Maria, mea peccata
Sunt innumerabilia
Et sunt nimis prolongata
Et, proh dolor, sunt grandia.
19. Grandia magis fluentia
Tuae, Maria, gratiae
Abstergant inquinamenta
Meae tantae nequitiae.
20. Nequitiae ponam finem
Iam iuvante te, Maria,
Virtutibusque festinem
Quaerere Iesum in via.
21. In viaque veritatis
Per te, Maria, firmatus
Semper in Iesu mandatis
lactem meos cogitatus.
22. Cogitatus similiter
In te, Maria, recondam,
Quo peragam salubriter
Viam meam gemebundam.
23. Gemebundam militiam
Mei gravis incolatus
Ad Iesu ducat gloriam
Tuus, Maria, precatus.
24. Precatus tui placitum
Mox, Maria, facit Deus,
Per teque novum spiritum
Recipit ab eo reus.
25. Abeo reus in multis
Ad te, redemptrix reorum,
Maria, quae ab occultis
Liberas corda multorum.
26. Multorum catholicorum,
Maria, prima patrona,
Auge semper salvandorum
Numerum in fide bona.
27. Bona, melior, optima
Esse, Maria, probaris,
Magnaue maior, maxima,
Miserorum recordaris.
28. Aris tuis, o Maria,
Ob hoc vovent se fideles,
Quia tu es illa pia
Sancta, quae peccata deles.

- | | |
|--|--|
| 29. Deles aras, ara Dei,
Dedicatas daemoniis,
Maria, matrona spei,
Digna dignis obsequiis. | 38. Maria, cunctis mentibus
Dulcis tua memoria,
Gloriae melos auribus
Et cordibus laetitia. |
| 30. Obsequiis angelicis
Honoraris perenniter
Laudibusque dominicis
Decoraris sublimiter. | 39. Laetitia sempiterna
Super capita eorum,
Qui semper habent interna
Cordium ad te suorum. |
| 31. Sublimiter, o Maria,
Nomen tuum elevatur,
In patria et in via
Ab electis adoratur. | 40. Tuorum patrum meritum
Sancta tenent vestigia,
Tenentes tuum filium
Iesum et te memoria. |
| 32. Adoratur tamquam dignum,
Dignius ac dignissimum,
Vertens in fugam malignum
Vergens et salvans animum. | 41. Moriatur ergo mundo
Memoria cordis mei,
Ut vivam corde iucundo
Deo et tibi, laus Dei. |
| 33. Animum ad cultum sanctum
Humanum trahis, Maria,
Dans gaudium auferplanctum,
Solacium es in via. | 42. Dei cubicularia,
Dei voluntas, Maria,
Almi pneumatis hostia,
Iesu Christi mater pia. |
| 34. In via corpus infirmum
Si sternat vis itineris,
Manet sanum cor et firmum,
Cui, Maria, imprimeris. | 43. Pia, patens, potens, dives
Divina thesauraria,
Me capias, me captives,
Turris abundans gratia. |
| 35. Eris ergo semper mecum,
Maria, per memoriam,
Ut etiam ipse tecum
Sim iugiter per gratiam. | 44. Gratia indeficiens,
Spes vitae nunquam moriens,
Lux oriens, fons satiens,
Pie cunctis subveniens. |
| 36. Per gratiam iunctus tuam
Sic tuae societati
In pressura nunquam ruam
Itineris reprobati. | 45. Subveniens sis, Maria,
Semper mihi peccatori,
Quamdiu sum in hac via,
Et da tandem bene mori. |
| 37. Reprobati sunt spiritus
Procul ab illius via,
Qui semper exstat deditus
Nomini tuo, Maria. | 46. Mori fac animam meam,
Maria, morte iustorum,
Ut vivere per te queam
In regione vivorum. |

Orat. ms. Caelestinorum saec. 15. Cod. Parisin. (Arsen.) 419. A. —
Orat. ms. Caelestinorum saec. 15. Cod. Meten. 571. B. — 8, 3 Mariam
diligam A. — 22, 3 pergam A.

92. De beata Maria V.

1. Mater Dei,
 Maria nomine,
 Praedotata
 virtutum culmine
Ac donorum
 beatitudine,
Ab hostili
 serva nos turbine.
2. Mentis nostras
 peccatis deditas,
Quas nunc terret
 mortis propinquitas,
Fac securas,
 quae sursum habitas,
Nam, quibus vis,
 datur securitas.
3. Mons sublimis,
 iustorum speculum,
Dei sponsa,
 morum spectaculum,
Iam in caelis
 regnans in saeculum,
Dono pacis
 reforma populum.
4. Monstra nobis
 tuam clementiam
Piam nobis
 dando concordiam,
Nec in plebe
 fundat malitiam,
Qui cecidit
 propter superbiam.
5. Mirabile
 magnum ostenditur,
Terra surgit,
 spiritus labitur,
Ambo pugnant,
 sed Satan vincitur,
Illa regnat,
 iste proicitur.
6. Mater, quae scis
 omnes scientias
Et cognoscis
 hostis versutias,
- Rege mentes,
 doce Christi vias
Et perduc nos
 ad eius nuptias.
7. Mitte robur
 ferque praesidia
His, qui tua
 narrant praeconia,
Et ut facta
 sint meritoria,
Fac, ut grata
 sint semper et pia.
8. Mundus praesens
 plenus aculeis,
Nos diversis
 opprimens malleis,
Sed intra haec
 ab hostis laqueis
Conserva nos
 in cunctis plateis.
9. Mater Dei,
 per tua merita
Nos infirmos
 clementer visita,
Visita nos,
 mundi lux inclita,
Et ad Christum
 sis nobis semita.
10. Memoriam
 tui da tenacem
Et de Iesu
 fidem perspicacem,
Fac vitare
 mundum hunc fallacem,
Hostem quoque
 nimium procacem.
11. Miserere
 animae miserae,
Quae non potest
 sese cognoscere,
Hanc, si placet,
 velis instruere,
Et ad Christum
 semper attrahere.

12. Mater, de qua
 bona tot audimus,
Tibi iuges
 gratias agimus
Et insuper
 supplices petimus,
Ut des pacem,
 ad quam praetendimus.
13. Mater, in qua
 est omnis puritas
Et totalis
 abundat bonitas,
Per te detur
 tanta sagacitas,
Quod vincatur
 hostis calliditas.
14. Mitte nobis
 de caelis gratiam,
Quae praecedat
 et doceat viam,
Hanc gratiam
 da nobis sociam,
Ut subsequens
 ducat ad gloriam.
15. Mater plena
 misericordiae,
Dux et vigor
 nostrae militiae,
Pone finem
 nostrae miseriae,
Ne subrepat
 pestis acediae.
16. Mundus iste
 multam miseriam
Nunc germinat
 et immunditiam,
Da igitur
 intellegentiam
Ut servemus
 cordis munditiam.
17. Memoriam,
 heu, nimis labilem
Vivifica
 et fac pervigilem,
- Et ut Deo
 tibiue inubilem,
Ad hoc opus
 redde me habilem.
18. Mundus iste
 plenus invidiae,
Fumus ignis
 concupiscentiae
Iam excaecat
 servos ecclesiae,
Mitte lumen
 de sede gloriae.
19. Mentes ergo
 corrigere carnales
Nec non motus,
 qui sunt bestiales,
Ne nos laedant
 canes infernales,
Vel perimant
 poenae aeternales.
20. Medicamen
 nostrorum sensuum
In omnibus
 da nobis congruum,
Ut vivamus
 secundum cor tuum,
Ne aliquis
 currat in vacuum.
21. Mater digna
 beatitudine
Et nobilis
 tam re quam nomine,
Te deprecor
 mentis conamine,
Ut des finem
 absque formidine.
22. Miles probus
 in regno gaudebit,
Post laborem
 gaudium habebit,
Hyprocrita
 poenam sustinebit,
Cum Satana
 reprobo lugebit.

23. Mater Christi,
qui est benedictus,
Vincens hostem,
qui est maledictus,
Ego pauper,
dolens et adflictus
Ad te curro,
ne sim derelictus.

24. Mundus enim
plenus est figmentis
Et frandibus
antiqui serpentis,
Et ideo
nos piis lamentis
Te rogamus,
ut des pacem mentis.

25. Mater Dei,
qui diligit iustos,
Qui arguit
et castigat stultos,
Absolve nos
peccatis onustos
Et semper sis
gregis Christi custos.

26. Mater pia,
spes morientium,
Consolamen
pie viventium,
Da servulis
caeleste praemium,
Quod est quies
et pax et gaudium.

Cod. Parisien. 3639. saec. 15/16.

27. Mater ducis
vere indicantis
Et clementer
peccata donantis,
Miserere
plebis nunc errantis,
A semita
nimis deviantis.

28. Mater Christi,
qui dat verum potum,
Qui spiritum
et cor dat devotum,
Fac, ut digne
reddam sibi votum,
Immo corpus,
mentem et me totum.

29. Mater potens
plenaque gaudio,
Circumdata
caeli collegio,
Nos respice
vultu propitio,
Multiplici
repletos taedio.

30. Mitis mater,
auribus percipe,
Voces nostras
clementer suscipe,
A mundana
peste nos eripe
Et nos tecum
in fine recipe.

93. De beata Maria V.

1. Mater Dei gloriosa,
Super omnes speciosa,
Virgo nitens et formosa,
Sic refulges velut rosa.

2. Rosa florum redimita,
Pretiosa margarita,
Orta de te nostra vita,
Mors per eam est attrita.

3. Caelum, terra atque mare
Te non cessant collaudare,
Inter quae et me dignare
Laudes tuas resonare.

Cod. Treccen. (ol. Claravallen.) saec. 15.

94. Oratio ad beatam Mariam V.

1. Mater Domini Maria,
Recta paradisi via,
De qua dicit prophetia
Quae fuit in Isaia:
2. Virgo germinabit florem,
Qui septenum fert odorem,
Virgo paritura prolem
Generabit salvatorem.
3. Per te genitus est Deus,
Tuus dominus et meus,
Sicut resonat Matthaeus,
Licet deneget Iudaeus.
4. O tu virgo singularis,
Aula Christi, stella maris,
Quae theotocon vocaris,
Mihi iam compatiaris.
5. Ego namque pro peccatis
Nimium inveteratis,
Multis et non computatis
Mihi pertimesco satis.
6. Vulnere sunt veterana,
Quibus medicina vana
Exstat funditus humana,
Sana me tu, virgo sana.
7. O Maria benedicta,
Mea dilue delicta,
Ne sententia districta
Christi mihi sit vindicta.
8. Aures tuas, o regina,
Meis precibus inclina,
Ut caelestis medicina
Per te mihi sit vicina.
9. In me generatur fletus,
Stringit dolor, terret metus,
Iam non possum fore laetus,
Qui peccatis sum repletus.
10. Astra caeli non sunt tanta,
In me vitia sunt quanta,
Quae tu, virgo, mater sancta,
Almis precibus supplanta.
11. O si dares nunc auditus,
Ut me traheres ad litus,
Quem demergit maris situs,
Quo teneor irretitus.
12. Fundunt lacrimas pupillae,
Quas suscipiunt maxillae,
Comparatus sum favillae,
In me vitia sunt mille.
13. Unde te, dilecta Deo,
Recolens in corde meo
Multum rogitando fleo,
Ut sis pia mihi reo.
14. Emendare me sum praesto,
Nunc placere Deo gesto,
Sed tu, virgo, mihi maestro
Iam placabilis adesto.
15. Nobilis et mente pura,
Cum sis mitis ex natura,
Quare nunc es mihi dura
Nulla permanente cura?
16. Audi, porta paradisi,
Per quam multi sunt confisi,
Ego, cum peccavi, risi,
Modo fleo, quod commisi.
17. Ad te clamo de profundo,
Genu flecto, pectus tundo,
Et tu nunc, dilecta, mundo
Vento subveni secundo.
18. O columba sine felle,
Iam suspiria repelle,
Monstra te salvare velle
Meque manibus compelle.
19. Ego namque, cum peccavi,
Vidi vulnus et expavi,
Unde nunc maerore gravi
Tibi supplico suavi.
20. Et tu, virgo, praebe mentem,
Monstra fore te clementem,
Ut me nimium maerentem
Deum facias videntem.
21. Ego perpetravi faecem,
Rupi verba legis decem,
At tu, casta virgo, precem
Audi nunc et tolle necem.
22. Ante tuum, virgo, vultum
Fleo rogitando multum,
Ut, quod contra Dei cultum
Feci, mihi sit indultum.

23. Quodsi fuerit audita

Mea vox, convertar ita,
Ut sit Christus mihi vita
Saecula per infinita.

Cod. Vatican. 4363. saec. 13. A. — Cod. Carlsruhe. Augien. 36. saec. 14/15. B. — Str. 1 fehlt B. — 2, 1 germinavit AB. — 2, 2 sq. fehlen A. — 2, 4 Paritura salvatorem A. — 3, 1 Per te A. — 4, 3 Quae teopto convocaris A. — 5, 3 Multum B. — 6, 1 veterata A. — 6, 2 Et a nullo praedicata A. — 6, 3 Cesset funditus A. — 6, 4 Sana me tu virgo cara A. — 7, 3 sq. fehlen A. — 8, 3 sq. fehlen A. — 9, 1 generatus A. — 9, 2 Frangit dolor A. — 9, 3 Nec non possum B. — 9, 4 Quia peccatis A. — 10, 2 Mea scelera sunt quanta B. — 10, 3 mater pia A. — Str. 11 fehlt A. — 11, 4 In quo B. — 12, 1 Fudit A. — 13, 1 Unde dilecta A; Ante dilecta B. — 13, 2 sq. umgestellt A. — 13, 4 Ut suscipiat mihi reo A. — 14, 1 Emendare mihi A. — 14, 2 gesto statt gestio. — 14, 3 Et tu virgo B. — 14, 4 Implacabilis A. — Str. 15 fehlt A. — 15, 4 permanens B. — 17, 2 flexu A; corpus tundo B; pectus mondo A. — 17, 3 Et tu, mater dilecta B. — 17, 4 Et tu subveni A. — Str. 18 und 19 umgestellt A. — 18, 4 Meis manibus repelle A; Meque manum compelle B. — 19, 1 compeccavi A. — Str. 20 sqq. fehlen A. — 23, 3 sit fehlt B. — Vgl. Mone II, 371.

95. De beata Maria V.

- | | |
|--------------------|-----------------------|
| 1. Mater, gaude, | In merendo; |
| Fons mei gaudii, | Nos minus fertilis |
| Maior laude | In perdendo |
| Cuncti praeconii | Mater damnabilis |
| Filiorum, | In infectis. |
| Novo more | 4. Te laudamus, |
| Praecelsa meritis, | [Assis] his coetibus, |
| Divo rore | Et oramus, |
| Fis mater capitis | Velis germinibus |
| Et membrorum. | Misereri; |
| 2. Fatus audis | Tua mella |
| Divalis nuntii, | Dulcedo superat, |
| Iesum claudis | Sedat bella, |
| In clauetro lili | Discordes foederat, |
| Puritatis, | Mater cleri. |
| Tu per idem | 5. Desolatis, |
| Fis mater omnium, | O mater adveni, |
| Qui per fidem | Tibi datis |
| Sequuntur filium | Potenter subveni, |
| Caritatis. | Parce, pia, |
| 3. Siccans picem | Ne draconis |
| Fermentis veteris | Fallantur fraudibus |
| Tu radicem | Nec leonis |
| Virtutis miseris | Frangantur faucibus, |
| In electis | O Maria. |

Pro matris iure de natis sit tibi curae.

Clm. Monacen. (ol. Emmeramen.) 14343. anni 1851.

96. De beata Maria V.

- | | |
|---|---|
| 1 a. <i>Mente gaudens exsultabo,
Dei matrem collaudabo,
Cui carmen decantabo
Cordis cum laetitia,</i> | 1 b. <i>Te laudantis sume votum,
Malum a me pelle totum
Et amoris auge votum,
Virgo plena gratia.</i> |
| 2 a. <i>Aurem tuam huc inclina,
O virgo puerpera,
Desolatum, lux divina,
Consolari propera.</i> | 2 b. <i>Porta patens caelestina,
Pietatis viscera
Nulli claude, nos, regina,
Nato tuo foedera.</i> |
| 3 a. <i>Dulci nato lac propina
Ei praebens ubera,
Ut me salvet a ruina,
Iure matris impera.</i> | 3 b. <i>Aula regis crystallina,
Mendicis dapifera,
Gratiae Dei piscina,
Dele mea scelera.</i> |
| 4 a. <i>Ave, virgo incundata,
Gabriele salutata,
Laetis arrhis subarrhata,
Favus mei melculi;</i> | 4 b. <i>Ave, virgo desponsata,
Impraegnata, gravidata,
Rore caeli fecundata,
Zelus mei corculi.</i> |
| 5 a. <i>Ave, flatu concepisti,
A reatu nos lavisti,
Mundo tristi subvenisti,
Rosa vernans verculi;</i> | 5 b. <i>Ave, solem genuisti,
Stella solem protulisti,
Virga florem peperisti,
Arca tabernaculi.</i> |
| 6 a. <i>Ave, lumen Simeonis,
Madens vellus Gedeoris,
Sponsa prudens Salomonis,
Ablutrix piaculi;</i> | 6 b. <i>Ave, solis florens ortus,
Stella maris, tutus portus,
Ex te, mater, rex est ortus,
Genetrix puerculi.</i> |
| 7 a. <i>Ave, morum disciplina,
Tu caelorum es regina
Et dolorum medicina,
Renovatrix saeculi;</i> | 7 b. <i>Ave, gemma pretiosa,
Radix sancta virtuosa,
Virga Iesse fructuosa,
Liberatrix populi.</i> |
| 8 a. <i>Ave, stella radiosa,
Florens vitis liliosa,
Splendor poli, mundi rosa,
Datrix vitae pabuli.</i> | 8 b. <i>Ave, virgo mater pia,
Mundi salus, vitae via,
Spes lapsorum es, Maria,
Latrrix pacis osculi.</i> |
| 9 a. <i>Ave, decus puellarum,
Imperatrix reginarum,
Vera salus animarum,
Tutrix mundi tremuli;</i> | 9 b. <i>Ave, vincla peccatorum,
Mater regis angelorum,
Laxa, firma spes reorum,
Tela frangens aemuli.</i> |
| 10 a. <i>Ave, virga, pandis florem,
Stella, novum gignis solem,
Virgo mater, paris prolem,
Redemptorem saeculi;</i> | 10 b. <i>Ave, virgo gloriosa,
Mater Christi generosa,
Caritate uberosa,
Radius carbunculi.</i> |

- | | |
|---|--|
| 11 a. Ave, virgo, quae portasti
Deum verum, quem lactasti,
Plagas nostras tu sanasti,
Gratiae vas ferculi; | 11 b. Ave, virgo Dei parens,
Tori viri tactu carens,
Incorrupta semper manens,
Luna lucis speculi. |
| 12 a. Ave, caelis honoraris
Et in terris adoraris,
Iuxta natum collocaris,
Advocata queruli; | 12 b. Ave, tuam opem quaero,
Miser ego non despero,
Ad te curro, quamvis sero,
Turris defensaculi. |
| 13 a. Ave, mater, placa natum,
Ora patrem ex te natum,
Per te castrum sit collatum
Patris habitaculi; | 13 b. Ave, virgo, te saluto,
Miser languens faecis luto,
Me salvari per te puto,
Vale mille milies. |
| 14. Ave, pone me sub tuto
A serpenteque versuto
Tuearis forti scuto,
Nato reconcilies. | |

Clm. Monacen. (ol. Emmeramen.) 14943 anni 1351. — 1, 6 omne pelle totum. — 2, 1 hic. — 2, 5 parens. — 4, 6 Stella florem. — 4, 7 florem fehlt. — 12, 3 collocatum. — Die Hs. bezeichnet das Stück als „Sequentia de beata virgine;“ die Bezeichnung kann nur der Form, nicht dem Gebrauche gelten, wie schon das Reden des Dichters aus der Einzahl andeutet.

97. Oratio ad beatam Mariam V.

- | | |
|---|---|
| 1. Mole pressus
huius miseriae,
In qua sede
privatus gloriae
Poenas luo
primae superbiae,
Ad te clamo,
fons indulgentiae,
In qua sola
spem ponunt veniae
Desolati. | 3. Scio, mater,
quod ab infantia
Omni carens
carnis spurcitia
Sic es sacra
respersa gratia,
Quod illaesa
pudoris gratia
Attulisti
promissa gaudia
Verbi Dei. |
| 2. Stella maris
et virgo virginum,
Flos decoris,
quae lumen luminum
Infudisti
tenebris hominum,
Pelle noctem
meorum criminum,
Stella, per quam
transit ad terminum
Nox peccati. | 4. Per hanc mihi
concede gratiam
Deformatam
mentis infantiam
Reformare
per continentiam,
Ne ob foedam
carnis lasciviam
Me fraudatum
effectu sentiam
Sanctae spei. |

5. Circumventus
erroris spiritu
Teophilus
et rerum ambitu
Totus stabat
in mortis aditu,
Cum illius
deflexa gemitu
Post terrorem
hunc ab interitu
Retraxisti.

6. Me serpentis
prava suggestio
Tuo, mater,
contempto filio
Totum facit
servire vitio,
Sicque mortis
me manet regio,
Nisi per te
reformer solio
Iesu Christi.

7. Ildefonsus,
antistes inclitus,
Post laborem
devoti spiritus,
Quo te laudat,
dignus est habitus
Uti veste
collata caelitus,
Per quam eius
accepta servitus
Monstraretur.

8. Pauper, nudus
et miserabilis
Ad te clamo,
regina nobilis,
Profer stolam,
qua mater sterilis
Me privavit,
ne contemptibilis
Sim, cum dies
illa terribilis
Adducetur.

9. Adulescens
intra coenobium
Carnis lapsus
in desiderium,
Dum ad opus
exit venerium,
Praefocatur
lapsus in fluvium,
Quem de morte
vivum ad medium
Mox reducis.

10. Sic per motum
carnis illicitum
Mente vagans
extra propositum
Morti meum
addixi spiritum,
Vivifica me,
ne post obitum
Expers fiam,
per carnis meritum
Verae lucis.

11. Alter quidam
carne deposita
Propter carnis
perversa merita
Sepultura
privatur debita,
Sed sub lingua
rosa mox edita
Locum dignum
per tua monita
Reddit ei.

12. Flos caelestis
et vitae lilium,
Christum roga,
florem convallium,
Ne me terra
privet viventium,
Sed post carnis
huius excidium
Locum mihi
praestet et solium
Requiei.

13. Vas marinis
iniectum fluctibus,
Ferro vinctum
et plenum opibus
Per te sine
regentis manibus
De remotis
adductum partibus
Creditoris
repente foribus
Est illatum.

14. In hoc mari
pleno periculis,
Ne peccati
collidar scopulis,
Castitatis
me stringe vinculis,
Ut semotis
carnis obstaculis
Portum petam
tuis discipulis
Praeparatum.

15. Post Hebraeus
ad viri reditum
Reddi petit
thesaurum creditum,
Sed per tuum
mox unigenitum
In hac fraude
videt se proditum,
Qui solutum
testatur debitum
In pictura.

16. Sponde, mater,
pro tuo puero,
Qui transgressor
factus est utero,
Sibi timet
a verbo aspero,
Cum requireret
tor'or a misero,
Quidquid mo'ō
mali commiserō
Cum usura.

17. In maerore
sedebat civitas,
Minas sibi
timens impositas,
Sed repente
clausis iucunditas
Per te redit,
quae maestos visitas,
Iuliano
per poenas subitas
Condemnato.

18. O regina
digna memoria,
Hostis, mundi
et carnis vitia
In me movent
diversa proelia,
Sed da pacem,
tu patris filia,
Et electum
tuo concilia
Mater nato.

19. Te iocando
quidam de populo
Dato tibi
desponsat annulo,
Sed post sponsam
quaerens ex saeculo
Commonetur
nocte miraculo
Ne pudorem
solvat in lectulo
Te neglecta.

20. O pudoris
insigne speculum,
Virgo, tuum
serva discipulum,
Ne mens laesa
per carnis stimulum
Votum frangat
et solvat cingulum,
Rea fiat
per culpae scrupulum
Et infecta.

Cod. Duacen. (ol. Marchianen.) 49. saec. 13. in. A. — Cod. Parisin. 3639. saec. ¹⁵/₁₆. B. — 2, 3 Stella maris A. — 2, 4 et lumen B. — 10, 6 adduxi B. — 11, 6 diversa merita A. — 11, 7 sq. mox rosa sub lingua A. — 15, 4 Reddit B. — 16, 2 pro suo B. — 18, 3 mundus B; carnis et mundi A. — 19, 5 fehlt B. — Verfasser dieses Liedes ist der Dichter des Psalteriums „Ave, lignum, quod suo tempore“; B nennt als Verfasser den hl. Bernhard, natürlich mit Unrecht.

98. De beata Maria V.

- Non iam discordant mater virgoque, sed ipsis
Litibus exclusis se pacis ad oscula vertunt.
Hic natura silet, logicae vis exsulat omnis,
Rhetoricae perit arbitrium ratioque vacillat.
5. Haec est, quae nutu divini muneris usu
Nata patrem natumque parens concepit, honorem
Virgineum retinens nec perdens iura parentis.
Haec est stella maris, via vitae, porta salutis,
Regula iustitiae, limes pietatis, origo
10. Virtutis, veniae mater thalamusque pudoris,
Hortus conclusus, fons consignatus, oliva
Fructiferans, cedrus redolens, paradisus amoena,
Virgula pigmenti, vinaria cella, liquore
Praedita caelesti, nectar caeleste propinans,
15. Nescia spineti florens rosa, nescia culpae,
Gratia, fons expers limi, lux nubila pellens,
Spes miseris, medicina reis, tutela beatis,
Proscripti reditus, erranti semita, lumen
Caecis, deiectis requies, pausatio fessis.
20. Haec est, quae primos casus primaeque parentis
Abstersit maculas, vincens virtute reatum,
Diruta restituens, reddens ablata, rependens
Perdita, restaurans amissa, fugata repensans,
Post vespertinos gemitus nova gaudia donans,
25. Post mortis tenebras lucis novitate relucens.
Cuius ad adventum redit aetas aurea mundo,
Post famem pietas, post culpas gratia, virtus
Post vitium, pax post odium, post triste iocosum.
Ut rosa spineti compensat flore rigorem,
30. Ut dulcore suo fructum radicis amarae
Ramus adoptivus redimit, sic crimina matris
Ista luit matremque facit sua nata renasci.

Cod. Lincen. (Liber de laudibus BMV.) Cc VII 5.

99. Ad beatam Mariam V.

O enixa praeter morem
Maris stella verum solem,
Creatura creatorem,
Virgo Deum, virga florem,

Per illius nos splendorem
Et saporem et odorem
Duc ad vitam meliorem,
Quorum esse redemptorem
Non sinas immemorem.

Cod. Londinen Reg. 7 A VI saec. 14/15.

100. De beata Maria V.

- | | |
|---|--|
| 1. O insignis sponsa Dei,
Mater alma sanctae spei,
Lignum vitae almifluum,
Sertum ferens praecipuum. | 3. Paradisus voluptatis
Aquis vitae irriguus,
Fons totius bonitatis
Lacte et melle profluus. |
| 2. Ostende nobis sobrias
Sponsi et sponsae nuptias,
In illa dulci patria
Fructu vitae nos satia. | 4. Puro lacte, pio melle
Nostra infundens pectora
Fac nos pios sine felle
Et puros sine macula. |
| 5. Deus pater, Deus fili,
Deus amborum caritas,
Tibi soli laudabili
Sit honor atque claritas. | |

Orat. ms. Tegurinum anni 1467. Clm. Monacen. 19991.

101. De beata Maria V.

- | | |
|--|---|
| 1. O Maria, expers paris,
Salve, virgo singularis,
Pensa, pia, quod vocaris
Porta caeli, stella maris,
Fons misericordiae. | 2. Stirpis lesse virga florem
Edis, stella gignis solem,
Nata patrem, virgo prolem
Et in partu sola molem
Non sentis angustiae. |
| 3. Placa patrem, ora natum,
Ex te verbum incarnatum,
Ut condonans mis reatum
Me videre suum gratum
Vultum det rex gloriae. | |

Cod. Londinen. Vespas. D 9 saec. 15. — Das Lied macht ganz den Eindruck, als sei es nur ein Bruchstück (Schluß) einer Sequenz. Feststellen konnte ich es bisher nicht, weshalb ich mich begnügen muß, die Vermutung auszusprechen.

102. De beata Maria V.

- | | |
|---|---|
| 1. O Maria, mater Christi,
Sola Christo placuisti,
Sola digna tu fuisti
Ferre mundi pretium. | 2. Felix venter, qui portavit,
Felix virgo, quae lactavit,
Felix mater, quae gestavit
Summi patris filium. |
|---|---|

3. Ad te, virgo, manus tendo,
Me peccasse reprehendo,
Fundo preces ad te flendo,
Ut sis ⁱⁿ auxilium.
4. Peccatoribus teneris
Opem ferre; cur? si quaeris,
Audi quare, si digneris,
Castitatis lilium.
5. Quia verbum, incarnatum
Propter hominis peccatum,
Tibi confert principatum
Caelestium, terrestrium.
6. Eia, mater [illibata]
[Eia nostra] advocata
Redemptori Christo grata,
Respice suspirium.
7. Funde preces, placa Deum,
A peccatis solve reum,
Nil negabit, quidquid eum
Rogas, non est dubium.
8. Dum precaris salvatorem,
Iram vertit in amorem
Et convertit peccatorem
Et praestat subsidium.
9. A te ergo non recedo,
Vita nostra, spes, dulcedo,
Per te me salvandum credo,
Vera spes credentium.

Orat. ms. Gelriense saec. 15. Cod. Bremen. c 15. — 2, 1 te portavit. —
3, 4 sis mihi in. — 4, 3 quare, fieri digneris. — 5, 1 Quia ex te verbum.

103. Oratio ad beatam Mariam V.

- O Maria, mater Dei,
Habe curam, quaeso, mei
Et, quod rogo corde toto,
Ante mortem, dum aegroto,
5. Daemonum repelle minas,
Me custodi neque sinas
Per languorem delirare
Sensum meum nec errare
Tuam propter pietatem,
10. Sed ad omnem voluntatem
Christi rectus ut perduret,
Tua virtus hoc procuret.
Virgo clarior aurora,
In tremenda mortis hora
15. Post finitos temporales
Annos, quando corporales
Oculi clauduntur mei,
Meae salus esto spei
Et, quod mente rogo tota,
20. Loca ductus ad ignota.
Post hanc villicationem
Dum pravorum rationem
Cogor reddere factorum,
Ubi nullus amicorum
25. Me iuvabit, neque pater
- Neque soror neque frater,
Christi vulnera per quina
Ab inferni me sentina
Liberes et per cruorem
30. Sanguinisque per sudorem,
Plagas crebrasque virgarum,
Fellis poculum amarum,
Sputa, probra, quibus laesus
Fuit et in vultu caesus
35. Colaphisque verberatus,
Spinis demum coronatus,
Lanceaeque per fixuram
Et per mortem crucis duram,
Quando clamans expiravit
40. Et sic mundum reformavit.
Per dolorem, quo flevisti
Totam passionem Christi,
Cunctis locis a poenarum,
A ministris tenebrarum,
45. Pia mater, me defendas,
Mihi, precor, et ostendas
Sacrum tui ventris fructum.
Tuum, virgo, per conductum
Femina, florum decora,
50. Mihi, precor, hoc implora.

- | | |
|---|---|
| Ut sic vivam semper docte
Mane, sero, die, nocte
Taliterque dormiendo,
Vigilando vel iacendo, | Filii per manum fortem
Usque corporis ad mortem,
Ut in morte per te piam,
Quae petivi, cunctis fiam |
| 55. Sedens, stans vel incedendo,
Manducando vel bibendo,
Loquens atque meditando,
Vivam sic et operando
Incessanter carne, mente, | 65. Tuis dignus adiumentis
Et sic salver a tormentis.
Pater praestet hoc et natus,
Sacer utriusque status,
Trinus unus, qui cunctorum |
| 60. Pia virgo, te gerente | 70. Dominatur saeculorum. |

Orat. ms. Scotorum Vindobonen. 54 h 8. anni 1410. — 49 florum tam decora. — Von demselben Anonymus wie Nr. 106.

104. Ad beatam Mariam V.

- | | |
|---|--|
| 1. O Maria, miserorum
salus et refugium,
O Maria, una salus,
una spes fidelium,
O Maria, esto pia
meum ad auxilium. | 5. O beata mediatrix,
quae sic potes omnia,
Cuius velle nec perturbat
Dei praescientia,
Nam praescivit totum esse,
quidquid tu vis, domina. |
| 2. O Maria, iam audito
tuo dulci nomine
Dissipantur graves imbres
paenitentis animae,
Et paulisper ampliori
illustratur lumine. | 6. Pro me saltem semel ora,
et hoc mihi sufficit,
Velle tuum, o Maria,
satis mihi proficit,
Quia, tantum ex quo dicis,
statim Deus efficit. |
| 3. Ora Deum, qui te matrem
voluit eligere,
Iube carnem, quam tu sola
meruisti gignere,
Et exora Christum tuum,
ne me velit perdere. | 7. O regina, cui cuncta
fiunt possibilia,
Quidquid petis, tecum petit
tota caeli curia,
Totum quaerens, totum volens,
quod vult sua domina. |
| 4. O Maria, totum venit,
quidquid tu rogaveris,
Ille Deus vult omnino,
quidquid tu volueris,
Illa caro non praesumit,
nisi quod tu iusseris. | 8. O Maria virgo, roga
tuum unigenitum,
Ut conservet in me tandem
castitatis lilium,
Te iuvante quo petente
merear tripudium. |

Cod. Londinen. Reg. 7 A VI. saec. 15/16. — 2, 3 imbre. — 5, 3 perturbet. — Neben Str. 5 hat eine spätere Hand geschrieben: falsum mendacium.

105. De beata Maria V.

- | | |
|---|---|
| O Maria, quae es pia,
Clemens, digna, tam benigna,
Talis exstas bonitatis,
Excellentis dignitatis, | Omne malum dimittendi
Et peccata fugiendi,
Deum verum metuendi |
| 5. Tanta mirae pietatis,
Sic quod nullum dedignaris,
A quo, virgo, salutaris,
Nec peccantes aspernaris,
Dum ab ipsis invocar. | 20. Et ad caelos veniendi,
Te cum sanctis intuen
In caelesti patria
Vera cum laetitia. |
| 10. Preces audis et exaudis
Tuum nomen invocantes,
Eia, mater, te amantes
Rege, salva deprecantes.
Normam dona paenitendi, | 25. Nulla cedat unquam
hora delinquendi,
Sed mens detur bona faciendi,
Per te, sancta,
mitis, dulcis virgo,
Virgo pia, Christi mater et filia, |
| 15. Tempus recte da vivendi,
Doce formam confitendi, | O Maria, nostra spes et gratia,
30. Nobis sis semper propitia. |

Clm. Monacen. (ol. Tegurin.) 20015. anni 1500.

106. Ad beatam Mariam V.

- | | |
|---|---|
| O Maria, spes reorum,
Miseratrix miserorum,
Tuam per virginitatem
Mentis, carnis puritatem, | Nec non totius gratiae
Digne mater appellaris
Et pro reis deprecaris,
Templum Dei consecratum, |
| 5. Per annuntiationem
Christique conceptionem
Sacrumque per eius ortum,
Qui salutis confert portum,
Tuique per vim doloris, | 30. Tuum, precor, ora natum,
Ut propitiatur cunctis
Vivis, etiam defunctis,
Qui vel quae me offenderunt,
Contra me vel deliquerunt. |
| 10. Quo eiusdem redemptoris
Es livore cruciata,
Per gaudium, quo laetata
Eius resurrectione
Eras et ascensione, | 35. Meis fac ut inimicis
Pius sit, ut non ultricis
Flammae sentiant abyssum
Pravtatis per commissum.
Peccatorum, quaeso, nexus |
| 15. Tuumque per diem laetum,
Quando super omnem coetum
Exaltavit angelorum
Te reginam saeculorum,
Et amoris per amplexus, | 40. Solvat utriusque sexus,
Contra quos existo reus,
Sic ut salvet illos Deus,
Solvat functos et illorum
A reatu peccatorum |
| 20. Tibi natus quibus nexus
Est in aevum tuque nato
In amoeno caeli prato,
Per largam et eximiam
Tuam misericordiam, | 45. Tuam propter pietatem,
Fidem, spem et caritatem.
Fac, ut vivis det constanter,
Largiatur abundanter
Animabus defunctorum |
| 25. Qua tu misericordiae | 50. Locis frui beatorum. |

- Mihi, fac, ut fidem rectam
Christus det et spem perfec-
tam,
Et, quod precor nunc, attende;
Toto corde, tota mente,
55. Tota precor et virtute
Sempiterna pro salute.
Me diligere fac eum,
Ut me proximumque meum
Cum compassione tota,
60. Quoadusque fiat nota
Salus mihi sempiterna
Per te, virginum lucerna.
Ne me mortis tangat luctus,
Fac, ut in hoc mundo fructus
65. Dignos agam paenitendo
Paenitensque persistendo.
Mihi digne da deslere,
Mentis carnisque delere
Per lamenta, rosa florum,
70. Sordes cunctas vitiorum,
Tuam per precationem
Fletus post absolutionem
Nullum recommittam scelus,
Sic me Christi tangat zelus.
75. Veram des humilitatem,
Mentis, carnis castitatem
Pia interventione
In omni temptatione,
Deprecor, et in adversis
80. Huius saeculi diversis
Fac me vere patientem,
Recte semper incedentem.
Da per Christum, tuum natum,
Mihi cor illuminatum,
85. Destrue gulositatem,
Tribue sobrietatem
Sapientiamque veram,
Qua me recte semper geram,
Intus, extra vitam rectam
90. Da constanter et perfectam,
Talem, quae nec ipsum Deum
Proximum nec unquam meum
Scandalizet vel offendant,
Sed et mihi nunc ostendat,
95. Et in morte te felicem
- Sempiternam adiutricem.
Mater atque virgo pura,
In praesenti ac futura
Mea tribulatione,
100. Mentis, carnis passione,
Cunctis, quibus hic infestor
Die, nocte vel molestor,
Da perfectum coniuvamen
Spiritaleque solamen.
105. Mihi digne da tractare
Tui, virgo, corpus nati,
Per quod integram peccati
Habeam remissionem,
Lucis quoque regionem.
110. O regina paradisi,
Mala, semper quae commisi
Hic indigne manducando
Corpus Christi vel tractando,
Cunctaque peccata prava
115. Ante mortem, quaeso, lava,
Sic ut cunctis fiam purus
A tormentoque securus
Dono tuae pietatis;
De his cunctisque peccatis
120. Conscientiam da mundam
In extremis ac per undam
Fac ut cedat lacrimarum,
Quidquid superest amarum.
Spiritalem per amorem
125. Cunctum deleas errorem,
Gulam, curam corporalem,
Omnem motum temporalem,
Cuncta mundi blandimenta
Spiritus per documenta.
130. Cuncta tolle, mater viva,
Menti carnique nociva,
Menti carnique salutem
Confer nati per virtutem.
Sempiternae lucis testa,
135. Cuncta, quae petivi, praesta,
Da constantiaeque donum
Et in cunctis finem bonum.
Pater praestet haec et natus,
Sacer utriusque flatus,
140. Trinus unus, qui cunctorum
Dominatur saeculorum.

107. De beata Maria V.

1. O Maria, sponsa Christi,
Castitatem dum vovisti,
Templum esse meruisti
Summi regis filii.
O Maria, sceptrum regis,
Virga Iesse, mater legis,
Flos pudoris, salus gregis,
Baculus consilii.
2. Sacrum flamen te replevit,
Vitae verbum dum quievit,
Mundi scelus quod delevit,
In te, virgo regia.
Me peccantem tua prece,
Ne succumbam hostis nece,
Defoedatum mortis faece
Munda, o egregia.
3. Sordes purga delictorum,
O dulcedo supernorum,
Vitae portus miserorum,
Sors perennis gratiae.
Manum praebe desperato
Et peccatis obligato,
Me lucrare tuo nato
Spe perunctum veniae.
4. Vero sole illustrata,
Quasi cedrus exaltata,
Favo mellis comparata,
Angelorum domina,
Fundamentum es bonorum
Et cementum perfectorum,
Tu columna peccatorum,
Mittis vitutum semina.
5. Quae non flore deflorata,
Virgo manens illibata,
Verbo patris onerata
Dei parvis filium,
Adae culpa nos infecit,
Morsu pomi dum refecit
Se, quem serpens sic eiecit,
Intrans in exsilium.
6. Sic offendit creatorem
Non repellens fraudatorem,
Quem post sentit deceptorem,
Labore dum adfligitur.
- Immortalis fit mortalis,
Tota prole subiugalis,
Mundi status inaequalis,
Sic homo laesus laeditur.
7. Sed tu, mater conditoris,
Spes salutis, flos honoris,
Reparatrix transgressoris,
Medicina gratiae,
Miro modo subvenisti,
Quando Deum genuisti,
Nos his poenis exemisti,
Novae nutrix veniae.
8. Per te mare transmeatur,
Omne malum evitatur,
Omnis labor superatur,
Ave, mundi gloria;
Spes immensa peccatoris,
Virgo, mater conditoris,
Iram placa salvatoris,
Tu salutis gratia.
9. Ave, virga pastoralis,
Decor et pontificalis,
Dignitas sacerdotalis
Et virtutum cellula;
Tu lucerna veri solis,
Salvandorum firma polis,
Sustentamen nostrae molis,
Aaron tu virgula.
10. Se ipsum (tunc) exinavivit
Verbum patris nec amisit
Carne servi, quam admisit,
Deitatis gloriam;
Quam sic arte palliatam
Et mortali circumdatam
Tunica reddit velatam
Nativitatis gratiam.
11. Et de sede parentali,
Regno patris e regali
Alvo tuo virginali
Te vestitus prodiit;
Sic mundus venit in mundum,
Et hoc mare fit iucundum,
Mundus homo dum immundum
Liberandus adiit.

12. Hoc in mari remigantes
Et procellis fluctuantes,
O Maria, te laudantes
Aeternam duc ad patriam,
Nos dulcedo terrenarum,
Carmen suave Sirenarum
Lacum mergunt in amarum,
Nisi petas veniam.
13. Consolando desperatos
Nos ingratos redde gratos,
Confirmando defraudatos
In viam pacis dirige;
Virgo sancta, quid moraris?
Surge, scis, quod honoraris;
Natum quare non precaris?
Orando lapsos erige.
14. Nihil est, quod tibi neget,
Quia scit, quod mundus eget,
Te poscente corda reget
Spiritu consilii;
Culpas dele, ne tarderis,
Ut a nobis venereris,
Mater sancta, quid vereris
Opem ferre filii?
15. Nulla virtus repulsiva,
Florens rosa, pax, oliva,
Te molestat, reddis viva,
Mors quorum vita pascitur;
Ores ergo, ne draconis
Esca simus vel leonis,
Praeda simus ne praedonis,
Nostra qui morte alitur,
16. Et ne flammis accendamus,
A serpente ne rodamus
Et ab hoste ne stringamur
Sub poenarum vinculis;
Ibi dolor infinitus,
Ubi punit nos punitus
Hostis terrae et attritus
Plurimis periculis.
17. Salve, salva, sponsa Christi,
Hos, quos poenis exemisti,
Quando Deum genuisti
David ex stirpe nobilis;
- Tempestate ne mergamur,
Ne procellis obruamur,
A spineto ne pungamur,
Concede, venerabilis.
18. Tu aurora solis ortum
Antecedens iam exortum,
Stillas mellis, rigas hortum
Sponsi, qui confloruit;
In quo flores quasi vitis,
Tactu, fructu, gustu mitis,
Cum a vino mundi sitis
Iam exstinctus maduit.
19. Calix Dei et praeclarus,
Vino plenus, hic amarus,
In futuro dulcis, carus,
Hic si inebriabimur;
Faex (eius) non est exinanita,
Psalmodia testis ita,
Peccatorum non oblita,
Ab ipsa nam potabimur.
20. Ergo, virgo specialis,
Fons signatus spiritalis,
Gemma fulgens virginalis,
Evae culpam ablue;
Caput antiqui serpentis
Pede tere nos laedentis,
Cor concede paenitentis,
Reatus nostros dilue.
21. Mater, natum exorando
Et pro nobis supplicando,
Nos in bonis conservando,
Iunge caeli civibus;
Ut cum ipsis epulemur,
Congaudendo collaetemur,
Visu Dei iucundemur
Angelorum sedibus.
22. Creatura Dei sumus,
Caro nostra velut humus,
Vita volans quasi fumus,
Pertransiens opprimitur;
Fit et homo quasi fimus,
Dum putrescit terrae limus,
Virgo, vide, quales simus,
Misericordia deprimimur.

23. Homo iuventute floret,
Senectute saepe dolet,
Sic arescet, sicut solet,
Tandem morti subditur;
Homo flori comparatur,
Dum de matre generatur,
Nam florendo defloratur
Et sic adnihilabitur.
24. Sed tu, virgo, non marcescis,
Quae florendo non vilesceis,
Mundo fructu maturescis,
More fragrans balsami;
Impolluta sis polluto,
Sorde carens in hoc luto,
Tu protecta Dei scuto,
Sponsi decor thalami.
25. O praecincta virgo sole,
Laus immensa tibi soli
Nos ingratos mundi mole
Sereno vultu respice;
Praesta, virgo singularis,
Nulli iare coequalis,
Quae prae cunctis dominaris
Dignitatis apice.
26. Ores ergo nunc pro clero,
Opem tuam, virgo, quaero,
Nos committe Deo vero
Cum devoto populo
Nec non sexu praedevoto
Femineo tibi noto,
Ores et pro mundo toto,
Sic succurre saeculo.
27. Ne peccando condemnemur,
Sed a malo liberemur,
Regi summo praesentemur
Sanctorum in agminibus,
Hoc praestare tu digneris,
Qui parcendo misereris,
Ut in nobis domineris
Nunc et semper per aeterna
Saeculorum saecula.

Clm. Monacen. 24804. saec. 15. — 9, 7 Sustentamentum. — 11, 5 hunc in mundum. — 18, 7 a fehlt. — 27, 8 ist überzählig; es kann entfernt werden, indem man im folgenden Verse saeculorum saeculis liest.

108. De beata Maria V.

1. O Maria, stella maris,
Medicina salutaris
Corporis et cordium,
Fons signatus, clausus hortus,
Via pacis, vitae portus,
Pauperis refugium.
2. In hac valle lacrimarum,
In hoc loco tenebrarum
Contra fraudes hostium
Nos custodi, nos defende,
Sis adiutrix et impende,
Quod est necessarium.
3. Gloriosa Dei mater,
Cuius natus exstat pater,
Patris unigenitus,
Cuius mentem praeparavit,
Cuius carnem praecaptavit
Utriusque spiritus.
4. Intercede pro peccatis
Apud fontem pietatis
Et misericordiae,
Fac nos vere paenitere
Et commissa sic deflere,
Dum tempus est veniae.

5. Omnis virtus te decorat,
Omnis sanctus te honorat
In caelesti patria,
Omnes gentes benedicunt
Et laudantes tibi dicunt:
Ave, plena gratia.
6. Propter plagas crucifixi,
Quas cruentas flens vidisti
Nostra pro miseria,
Fac nos digne te videre
Et videndo congaudere
In perenni gloria.
7. Iesu, fili summi patris,
Iesu, fili summae matris
Et intactae virginis,
Qui de caelo descendisti
Et descendens induisti
Veri formam hominis,
8. Genetricis pia prece
Nos a luto, nos a faece
Peccatorum ablue
Et concede vitam puram
Et da pacem permansuram
Et salutem tribue.

Orat. ms. Tegurinum saec. 15. Clm. Monacen. 20001. A. — Clm. Monacen. (ol. Tegurin.) 119824 saec. 15. B. — Aus ungenannter Quelle bei Milchsack I, 99. M. — 1, 6 Pauperum M. — Str. 3 und 4 bilden bei M den Schlufs des Ganzen. — 3, 1 mater Dei B. — 3, 4 Cuius alvum M. — 3, 5 Primum David praeoptavit M. — 4, 5 Fac nos commissa deflere M. — 4, 6 Tempus adest veniae M. — Str. 5 u. 6 fehlen M. — Str. 7 u. 8 stehen vor 3 u. 4 M. — 7, 4 caelis M. — 8, 4—6 fehlen M.

109. De beata Maria V.

1. O Maria, stella maris,
Porta caeli quae vocaris,
In sublimi throno sita,
Supplices tibi dita.
2. Christi mater, virgo pia,
Praeceptorum Dei via,
Involutus naevi sorde
Ad te clamo toto corde:
3. Miserere, quaeso, mei,
Miserere, mater Dei,
Mala namque iam sunt multa,
Quae commisi, et adulta.
4. Mihi multum elanguenti
Et delicta confitenti
Heu, heu, quid sum ego,
Numquid tamquam pulvis ego?
5. Cur creatus, quare natus?
Nam sum cinis stercoratus,
Heu, dulcedo mundialis,
Quot et quantis urges malis!
6. Heu, quam gravem lugent poe-
nam,
Qui ad tuam sedent cenam,
Pandis opes, flectis mentes,
Odis bonis adhaerentes.
7. Ab his ergo conculcaris,
Sed a tuis adamaris,
Infers fluxum corporalem,
Aufers vitam spiritalem,
8. Infers malum, quod nos urat,
Aufers bonum, quod perdurat,
At tu, mundi quae regina,
Quae languentum medicina
9. Appellaris, procul pelle
Mala plebis et avelle,
Tolle planctum, terge luctum,
Seda moti maris fluctum.
10. Dirae necis tolle sortem,
Improvisam fuga mortem,
Sola virgo et intacta,
Decens, grata Deo facta.
11. Praebe mihi caeco ducem,
Quo ad veram ducar lucem,
Servitutis tuae donum
Da perenne mihi bonum.
12. Huius autem mundi mare
Fac ut possim enatare,
Laeta proles et decora,
Deum ex te natum ora.

13. Meas audi, quaeso, preces,
Quem deturpant carnis faeces,
Cor emunda, purga pectus,
Os et linguam intellectus.
14. Dele prorsus foedos mores,
Sparge bonae mentis flores,
Te laudare me dignare
Et virtutem mihi dare
15. Contra hostes tuos velis,
Virgo sacra et fidelis,
Virens virga, florens rosa,
Tota pulchra et formosa.
16. Uva dulcis, vera vitis,
Fons hortarum, odor mitis,
Sanctitatis plenitudo,
Aequitatis rectitudo,
17. Hos converte, larga salus,
Quos praepungit doli palus,
Stirps praeclara, regis sponsa,
Lux apparens non absconsa.
18. Templum Dei spiritale,
Te precantes, precor, ale,
Flos albescens et decorus,
Nescit sordem cuius thorus.
19. Pro devotis Deum ora
Tibi servis omni hora,
Clarum germen et regale,
Iesse genus speciale.
20. Delictorum solve nexus
Plebis utriusque sexus,
Vera fides et beata
Super caelos exaltata.
21. Lapsis tuum fer iuvamen,
Desolatis consolamen,
Pietatis altitudo,
Castitatis fortitudo.
22. Vas a Christo praepurgatum
Vel ab ipso consecratum,
Ad te clamo, ad te oro
Vitorum strictus loro.
23. Illud, inquam, rumpe lorum,
Quo se regit vis malorum,
Rogo, precor, interpello,
Pulso supplex et apello
24. Tuam, virgo, pietatem
Et benignam maiestatem,
Esto pro me apud Deum
Interventrix, ut ad eum
25. Pervenire possint digne
Mea vota, et benigne
Donet plebi christianae
Per te semper Arianae
26. Sectae ritus, argumenta
Evitare et figmenta.
Donet cunctis, qui te orant,
Qui requirunt et implorant,
27. Duraturam vitam, pacem
Bonam atque efficacem,
Donet terris ubertatem,
Det infirmis sanitatem,
28. Viam rectam deviatis,
Reddat sensum insensatis,
Donet lucem sempiternam
Et quietem his aeternam,
29. Qui fideles exstiterunt
Et qui bene crediderunt.
Sit laus illi sicut patri,
Honor tibi velut matri,
30. Virtus illi et potestas,
Tibi decus et maiestas
Nunc et semper et per saecula
Saeculorum infinita.

Brev. ms. Soliniacense (?) saec. 13. Cod. Londinen. Harl. 2928.

110. De beata Maria V.

1. O Maria, virgo pia,
Plena Dei gratia,
Inter Deum et me reum,
Precor, ut sis media.
2. Virgo sancta, mater casta,
David proles inclita,
Pia prece me a faece
Peccatorum suscita.

- | | |
|---|---|
| 3. Ille ductor et instructor
Assit mihi spiritus,
Qui te mundam et fecundam
Fecit esse caelitus. | 6. In hac vita sic me dita
Donis spiritalibus,
Dando pignus, quo sim dignus
Gaudiis caelestibus. |
| 4. Illa, inquam, ne delinquam,
Me conservet gratia,
Qua, qui flevit, te replevit,
Inter tua brachia. | 7. Pro meorum propinquorum
Te salute postulo,
Ut laetentur et solventur
Ab omni periculo. |
| 5. De mortalis vitae malis
Me dignanter erue
Et post mortem fac consortem
Quietis perpetuae. | 8. Virgo lenis, a terrenis
Munda nos affectibus
Et cunctorum peccatorum
Nos absolve nexibus. |

Clm. Monacen. (ol. Tegurin.) 19363. saec. 15.

III. De beata Maria V.

- O Maria, virgo pia,
Maris stella, Dei cella,
Mater Dei, sponsa Christi.
Virgo digna ac benigna,
5. Cunctis sanctis sanctior,
Virgo gravis ac suavis
Mellis stilla dulcior.
Speciosa, pretiosa,
Gloriosa, generosa,
10. Fons misericordiae,
Via vitae, causa viae,
Omnis boni copia.
Reginarum flos cunctorum,
Laus sanctarum animarum,
15. Spes reorum, pes lapsorum,
Angelorum gaudium,
Tuo nato nos paccato,
Qui creavit omnia,
Nobis quoque impetrato
20. Sempiterna gaudia.

Cod. Zwethalen. 36. saec. 12. add. saec. 12. — A. — Cod. Trecon. (ol. Claravallen.) 1612. saec. 15. B. — 8 Pretiosa, speciosa B. — 9 Generosa, gloriosa B. — 11, causa vitae B. — 14. Dominarum laus B. — 15. spes lapsorum A. — 16. Angelorum indeficiens gaudium AB. — 19. Nobisque AB. 20. — Aeterna A.

112. De beata Maria V.

1. O Maria, virgo pia,
Mater Dei, caeli via,
Angelorum domina,
Me conforta, me defende,
Contra hostes manum tende,
Delens quaeque vitia.
2. O Maria, mater lucis,
Quae ad lumen nos reducis,
Esto mihi praevia,
Servi tui preces audi
Et intentum tuae laudi
Christo reconcilia.
3. Ora regem tuum natum,
Ut me multis implicatum
Curis et erroribus
Mundum reddat a peccatis
Et infundat veritatis
Lumen meis sensibus.
4. Cum fervore pietatis
Det amorem paupertatis,
Cor mundum et humile,
Cor contritum, abnegatum,
Rectum, gratum, transforma-
tum,
Patiensque stabile.
5. Mores pios et iucundos
Et ab omni sorde mundos,
Quos exornet pietas,
Appetitum aeternorum
Et contemptum mundanorum,
Ubi tanta vanitas.
6. Et agenda doce nosse,
Velle simul atque posse
Pro me, pia, postula,
Ut cum mortis solvam iura
Me defendas a pressura
Per aeterna saecula.

Cod. Gottwicen. 85. saec. 16. A. — Corner, Magnum promptuarium 1645,
p. 212 sq. mit der Angabe: Ex hortulo devotionis Hugonis Carthusiensis.
B. — 4, 1 caritatis B.

113. De beata Maria. V.

1. O Maria, virgo pia,
Stella maris, caeli via,
Angelorum domina,
Roga Christum, Deum vivum,
Ut perducatur me captivum
Ad caelorum agmina.
2. O Maria, vas honoris,
Medicina peccatoris,
Advocatrix pauperum,
Roga Iesum, pium regem,
Ut ad illum caeli gregem
Perducatur me miserum.
3. O Maria, caeli clavis,
Dulcis mater et suavis,
Dolentis solacium,
Me sub tua pone cura,
Libera me, virgo pura,
Placa mihi filium.
4. O Maria, sancta parens,
Flos de spina spina carens,
Pulchra, sine macula,
Serve tibi commendatum,
Illumina tenebratum,
Mea solve vincula.
5. O Maria, templum Dei,
Firmamentum nostrae spei,
Pietatis femina,
Audi preces huius rei,
Sordes purga cordis mei,
Relaxa peccamina.
6. O Maria, Deo grata,
O ter quaterque beata,
Plena Dei gratia,
Adiuvam me, virgo clemens,
Ne me sua leo fremens
Trahat ad supplicia.

7. O Maria, vitae vena,
Spiritali rore plena
Totaque dulcedine,
Prece tua salva reum,
Reple mentem et cor meum
Caelesti pinguedine.
8. O Maria, maris portus,
De qua vivus fons est ortus,
Qui sanat et satiat,
Odor tuae sanctitatis
Eruat me de peccatis
Et salvum me faciat.
9. O Maria, mitis rosa,
Sorech vitis pretiosa,
Vinum dans laetitiae,
Suscipe me, mater bona,
Me do tibi, mihi dona
Locum indulgentiae.
10. O Maria, caeli porta,
Desolatum me conforta,
Mihi sis propitia,
Protege me, Dei cella,
Ne involvat me procella
Et tempestas obvia.
11. Iesu, verbum summi patris,
Serva servos tuae matris
Locum donans veniae,
Salva reos, salva gratis
Et nos tuae claritatis
Configura gloriae.

Cod. Trecen. (ol. Claravallen.) 1612. saec. 15. — Weitgehende Entlehnungen aus Adam Victorinus.

114. De beata Maria V.

1. O mater, virgo virginum,
Tu castitatis lilium,
Trinitatis triclinium,
Vitam tulisti omnium,
O mater, virgo virginum.
2. Maria, fons paradisi,
Lignum vitae, quod quaesivi,
Per te mundus reffloruit,
Dum Deum per te coluit.
3. Tu nomen Evae flebilis
Mutasti, virgo nobilis,
Adae demis interitum,
Quem mundus sensit meritum,
O mater virgo virginum.
4. Te Moyses et Aaron
Praesignant, filia Sion,
Rubus ardet et non aret,
Virgo florens est et aret.
5. Virgo fecunda filio
Viro caret in saeculo,
Gedeonis mysterium
Tibi parat imperium.
6. Per te David opilio
Regni sedet in solio,
Te Salomon in ferculo
Throno signat eburneo.
7. Hoc opus est tam nobile,
Quod non sit ei simile,
Cuncta per te pacificat
Et universis imperat,
Dum te pater a saeculo
Thronum elegit filio.
8. Tu propitatio
Es in templo Dei,
Salutis responsio
A te datur ei,
O memento mei.
9. Tu candelabrum,
mensa panis vitae;
Defecti ieiunio,
Omnes advenite
Ob amorem vitae.

10. Fons indeficientiae,
Tu rivus affluentiae,
Quae nulli das invita,
Hortus clausus et signatus,
Flore, fructu amoenatus,
Ab homine nec scita.
11. Per filium imperium
Mater tenens aethereum,
Secum disponens omnia,
Certus sum, quod sit ita.
12. Virginal speculum,
Per quod lucet saeculum,
Castitatis lilium,
Amoenitas florum
Et dulcedo morum.
13. Thalamus munditiae,
Thronus sapientiae,
Eia, quo rex gloriae
Christus sedet hodie.
14. Mira genitura,
Paret virgo pura
Dei patris filium,
In quo vita omnium,
Omnis creatura,
O virgo, me cura.
15. O mirum matris meritum,
Servum dum facit dominum,
Deum nostrum ac Dominum,
Dum imus fit omnium
Summitas summorum.
16. O mira humilitas,
Cui nulla vilitas,
Vilis est hominibus,
Per Mariam virginem
Nobilis nobilibus
Colla superborum
Calcans impiorum,
O donum donorum.
17. Stella maris praevia,
Salvos nos duc per devia
Ad vitae introitum
Et meritum habentium
Consortes fac iustorum.
18. Imperatrix omnium,
Regni tenens solium,
Tu cum sceptro radias,
Tu principatum habes
Regni caelorum,
Tu es laus angelorum.
19. Tu caelestis dulcedo,
Tu mater es amoris,
Virginitas, fecunditas,
Omnis expers doloris.
20. Tu civitas, festivitas,
In te boni sacietas,
Amplexus filialis,
Te recreat laetitia,
Tu mater curialis.
21. Nato iungis felicia
Ora cum amicitia,
O, quis audivit talia.
22. Radix immortalitatis,
Flos deliciositatis,
Sanctitatis fructus,
Dulce lignum, dulci dignum
Melodia quidem, quia
Vitam mundo portasti,
Mater filia.
23. Thronus regis, arca legis,
Botrus Cypri, spica nardi,
Odor suavitatis.
24. Tu balsamus, tu calamus,
Te decet regis thalamus,
Tu es Hesther pulcherrima,
Tu es Iudith fortissima,
Tu hostem mundi conteris,
Populum tuum eripis,
Virtus tua notissima.
25. Tu civitas iustitiae,
Voce plena laetitiae,
Te magni laudant carmine,
Te parvae canunt animae.
26. Mater misericordiae,
Tu tua pascis specie
Dilectum in meridie,
Tu fontem sapientiae,
O singularis gratiae
Hauris, mater clementiae.

27. Ex Aegypto, o Maria,
Hostis te duce pereat,
Virtus tua nos provehat
Ad manna nos promoveat,
Cibum carnis amoveat.
28. Tu nos post hoc exilium,
Mater, transfer ad filium,
De terra nos lugentium
Redde terrae viventium.
29. Tu potes haec et omnia,
Regis mater et filia.
O novitatum novitas,
Tua regnat humilitas,
Tibi sit laus per filium,
O mater, virgo virginum.

Orat. ms. Domus Novae Lucis anni 1477. Cod. Ultraiectin Scriptt. Eccl. 375. — 1, 1 Vale sancta virgo virginum; cfr. 1, 5; 3, 5; 29, 6. — 4, 3 Rubet. — 4, 4 et ardet. — 15, 4 ymis fit. — 19, 1 Tu curiae caelestis. — 26, 1 O mater. — 26, 6 Auris mater.

115. De beata Maria V.

1. O mundi prodigium,
Virgo lactans filium,
Deum maiestatis,
Tu Christi hospitium,
Insigne triclinium
Summae trinitatis;
Tu mortis remedium,
Tu vitae praesidium
Morti condemnatis,
Laudes vincis omnium,
Te nullus mortalium
Scit laudare satis.
2. Abigail turbinem
Mentis et acredinem
Irae mitigavit,
Precum per dulcedinem
Placans David sanguinem
Nabal conservavit;
Sic peccantem hominem,
Mortis in voraginem
Quem culpa prostravit,
Ad salutis ordinem
Per te matrem virginem
Deus revocavit.
3. Rex David insenuit
Senio confrigit
Viribus attritis,
Abisag coniacuit
Et sinu recaluit
Pulchrae Sunamitis;
Sic patris, quae tepuit,
Caritas referbuit
Per te, virgo mitis,
Botrus Cypri floruit,
Quo mundus immaduit
Vino verae vitis.
4. Bersabee mittitur,
Dulciter excipitur
Throno Salomonis,
Thronus matris iungitur,
Adoniae petitur
Abisag in donis;
Sic virgo innitur
Dilecto et fruitur
Potissimis donis,
Nec damnari patitur
Suos, sed abraditur
Lex damnationis.

5. Dum Assuerus imperat,
Hester Aman superat,
Mulier pusilla,
Holofernem verberat
Et concives liberat
Iudith fortis illa;
Sic, dum virgo generat,
Homo spem recuperat,
Nam felix armilla
Leviathan vulnerat,
Homo praedam lacerat
Ex eius maxilla.

6. Ergo, dulcis domina,
Benedicta femina,
Spes desperandorum,
Tua per precamina
Mudentur peccamina
Supplicum tuorum;
Caelitus illumina,
Penitus elimina
Vires temptatorum
Et per haec discrimina
Nos laetos ad agmina
Ducas beatorum.

Cod. Carolsruhan. Augien. 36. saec. 14/15.

116. De beata Maria V.

- O pia virginitas, dulcis, fecunda, decora,
Virgineo numero sapiens et sola beata,
Princeps cunctarum, quae clara lampade fulges,
Sub cuius clipeo tute latuere fugientes,
5. Sub quo non tantum fugiunt, sed saepe triumphant.
Virgo rata atque omni parte inviolata, tulisti
Quae partum tantum, caelive fenestra serena,
Orbem terrarum quae nomine virginis imples,
Virgo supernalis, quae gaudia sumis ab Evae
10. Planctu, sub summo regno sine fine beata,
Stabilis aeterno tempesti stella marini,
Omnis sinceri nautae dux nempe fidelis.
Virgo sacra, burgum, spes nostra, inimica superbis,
Sublimata, poli quae altissima digna petisti
15. Et solis vestem, caeli regina, nitentem;
Sola sine exemplo, virgo mundana, tulisti
Iustitiae solem, fontem pietatis amoenum.
Virgo sacra atque alma dotataque sensibus altis,
Cui nec prima fuit nec consimilisve secunda,
20. Quaeque Deo vero templum divina sacrasti.

Orat. ms. Domus Novae Lucis anni 1477. Cod. Ultralectin. Scriptt.
Eccl. 375. zweimal fol. 106 b A, fol. 110 a. B. — 1, 1 Vale o virginitas A;
Vale pia virginitas B. — 2 munero B. — 4 fugentes A. — 5 non fehlt B. —
19 consimilis nec secunda A.

117. De beata Maria V.

O quam pulchra polo residere Maria probaris,
Quae tam pulchra solo manibus depicta pararis,
Digna coli regina poli, paradisus amoenans,
Sol celebris, lux in tenebris, tenebrosa serenans,

5. Hymnidicus chorus angelicus famulans tibi plaudit,
Magnificus rex pacificus, quidquid petis, audit.
Tu requies, species, saties et manna decoris,
Nutrix, adiutrix, tutrix in agone laboris.
Libanus et platanus, clibanus per flamen amoris,
10. Balsamus et thalamus, calamus, spiramen odoris.
Tu rosa, tu liliū, crystallus, ebur, therebintus,
Chrysolithi pretium superans, pretiosa iacinthus.
Stella decoris, cella pudoris, mater honoris,
Stilla liquoris, gemma valoris, lima doloris,
15. Summe decor, te corde precor, demissus in aequor,
Mente necor, te, virgo, sequor, languentibus aequor.
Ad veniam veniae venio, veniam mihi quaero,
Ad portum patriae te remige pergere spero.
Stella maris, tu sola maris sine semine natum,
20. Virgo, paris sine more paris sine semine natum.
Mentes illustra nostras, o vera lucerna,
Nam sine te frustra quaeruntur regna superna.
Ecce, Maria, tibi miser obtulit hoc modulamen,
Tu tamen esto sibi tutamen in omnibus. Amen.

Cod. Palat. Vindobonen. (ol. Campen.) 888. saec. 14/15. A. — Antiph. ms. Martialense saec. 14. Cod. Parisin. 916. add. saec. 15. B. — 1. probatur B. — 2. paratur B. — 6. petit B.

118. De beata Maria V.

- | | |
|---|--|
| <p>1. O regina reginarum,
Iubar caeli mundo carum,
Dei natum pariens,
Prope sis, ut beatarum
Per te laetus epularum
Gaudium sim hauriens.</p> | <p>4. Hostem sternis humanarum
Pariter creaturarum
Vita mortem auferens,
Pia tu desolatarum
Mentium universarum
Solatrix sis eminens.</p> |
| <p>2. Per te rasit vetustarum
Iura Deus legum harum
Dura cuncta molliens,
Imperatrix veniarum,
Da foeda vi lacrimarum
Delens sim et abluens.</p> | <p>5. Opus matrum ac nuptarum
Iubilando praeamarum
Mitis virgo permanens,
Taetrum chaos tenebrarum
Iubare precum sanctarum
Obstrue me muniens.</p> |
| <p>3. Laude pollens reginarum
Dominarumque cunctarum
Gloriam es transiens,
Iuvans fac, ut regis clarum
Cernam vultum, ne poenarum
Ardeat vis puniens.</p> | <p>6. Nutris lacte mamillarum,
Quem nec caeli nec terrarum
Capiat vis fugiens,
Ergo me, flos feminarum,
Iunge illi, ne vel parum
Laedat leo rugiens.</p> |

7. Mediatrix animarum
Gerens zelum mundanarum
Christo eras uniens,
Aestum virtutum primarum
Pie mihi redona, rum-
pens scelus impediens.
8. Murus es contra ferarum
Dicta ictus bellicarum,
Tuos semper protegens,
Iuva, decus puellarum,
Ne ad ima me fossarum
Serpens trahat saeviens.
9. Evae matris tu vincla rum-
pis, dum proba feminarum
Despicias parturiens,
Da, ne pars fiam praedarum,
Quas attraxit sirenarum
Cantilena tinniens.
10. Regem regis hunc tuarum
Ubertate gratiarum,
Qui vana est corrigens
Et me caput plurimarum
Urbium, parochiarum
Regem sanctum faciens.
11. Te laudat hierarchiarum
Coetus, ut comes earum
Sim, tu fac compatiens,
Abice ab hoc saevarum
Templo morsus bestiarum,
Et regat vir oriens.
Mihi da, ut hunc praeclarum
Die zeli nec amarum
Videam et moriens.

Orat. ms. Domus Novae Lucis anni 1477. Cod. Ultraiectin. Scriptt. Eccl. 375 — 1, 1 Ave, virgo reginarum; da fast alle Lieder-Anfänge in dieser Hs. verändert sind, und hier das nichtsbedeutende virgo reginarum eine solche Änderung anzeigt, ist wie oben der mutmaßliche Anfang hergestellt.

119. De beata Maria V.

1. O regina virginum,
Labe carens criminum,
Domina caelorum,
Salve, lumen luminum,
Gignens numen numinum
Deumque deorum;
Sicut sine seminum
lactu tellus germinum
Parens est, flos florum,
Sic naturam hominum
Vincens paris Dominum
Praeter viri thorum.
2. Prima mater fientium,
Eva mortis taedium
Posteris legavit,
Sed Maria gaudium
Et vitae remedium
Cunctis reportavit;
- Salutis excidium,
Mortis stillicidium
Serpens propinavit,
Evae dans consilium,
Quod Mariae studium
Prudenter calcavit.
3. Iahel fortitudine,
Rachel pulchritudine,
Fructu gaudet Lia,
Debora regimine,
Noëmi cognomine,
Alda prophetia;
Te illustres dominae,
Te insignes feminae
Figurant, Maria,
In caelesti agmine
Summo fulgens ordine
Caeli hierarchia.

- | | |
|--|--|
| <p>4. Sara parit vetula
 Filium anicula,
 Risus suscitatur,
 Deum profert parvula
 Etenim iuencula,
 Mundus collaetatur;
 A Rebecca sedula
 Sub hoedi pellicula
 Iacob palliatur,
 Deus in puellula,
 Scirpea fiscellula
 Moyses celatur.</p> <p>5. Rachel telam texuit,
 De qua Ioseph induit
 Tunicam talarem,
 Quam fratrum, quos habuit,
 Patri fraus exhibuit
 Ut occisi parem;</p> | <p>Sic Maria praebuit
 Carnem, in qua latuit
 Deus, puellarem,
 Ex qua mori statuit,
 Qui mori non potuit,
 O rem singularem.</p> <p>6. Ergo, mater gratiae,
 Fons misericordiae,
 Dulcis spes reorum,
 Laza venas veniae,
 Viscera clementiae,
 Memor filiorum,
 Iure matris regiae
 Iube regem gloriae,
 Ne memor malorum
 Nos damnet, sed curiae
 Post finem miseriae
 Iungat beatorum.</p> |
|--|--|

Cod. Carolsruhan. Augien. 36. saec. 14/15.

120. De beata Maria V.

O rosa virginei decoris splendorque polorum,
 Sponsa parensque Dei, pro culpis posce reorum,
 Forma pudicitiae, Moysis rubus, aula sophiae,
 Respice nos clemens, rege mores noxia demens,
 Porta poli, regina soli, miseris miserere,
 Dele crimina dans munimina nosque tuere.

Orat. ms. saec. 15. Cod. Sangallen. 521.

121. De beata Maria V.

O templum Christi, me protege a nece tristi,
 Quae destruxisti mortem vitamque dedisti.
 O flos de spinis, a daemonis eripe minis
 Et, quos delinias, a cunctis tolle ruinis,
 O dulcis vita, mundum tua gratia dita,
 Vita finita duc me ad regna cupita.

Cod. S. Floriani. XI 196. saec. 16.

122. De beata Maria V.

- | | |
|---|---|
| <p>1. O triclinium nobile
 Trinitatis sanctissimae,
 Era caelestis patriae,
 Nos exsules consolare.</p> | <p>2. Maria, mater gratiae,
 Mater misericordiae,
 Semper ab hoste protege.
 Et in morte nos suscipe.</p> |
|---|---|

- | | |
|--|---|
| <p>3. Ut sic nos tui servuli,
 Quamvis sinus multum rei,
 Propter te flamus salvi,
 Propter quos es mater Dei.</p> | <p>4. Quia Deus omnipotens
 Factus homo oboediens
 Pro nobis fuso sanguine
 Plexus est crudeli morte.</p> |
|--|---|
5. Quare in omnibus suum
 Agamus beneplacitum,
 Ne frustretur eius mortis
 Efficacia in nobis.

Orat. ms. Tegurinum anni 1470. Clm. Monacen. 20021. A. — Orat. ms. Tegurinum. saec. 15. Clm. Monacen. 20124. B.

123. De beata Maria V.

- O veneranda Dei mater benedictaque virgo,
 Salve millesies, pulcherrima nympha Maria,
 Te laudo semper, te glorifico, benedico;
 Ego non sum dignus sed me dignifica, digna.
5. O dulcissima mater et optima virgula Iesse,
 Tu Davidis funda, rosa, vellus Gedeonis,
 Inspice me, tunc noscam te, matrona beata,
 Diligo te, non spernas me, fateor male facta.
 Vae mihi, si spernis peccatorem, pia mater,
10. En, in te credo, contritum corde tuere.
 Te scio tam mitem, nullum spernis miserando,
 Offendi natum, iuste damnatus ut essem,
 Tu nisi pro servo rogitares, virgo benigna.
 Grates aeternas tibi reddo, tis quoque nato,
15. Nam bona multa facis mihi, fecisti faciesque.
 Me tibi do totum, quidquid vis, da, pia, dulcis,
 Te venerans, [tuum] natum quoque, sic ero salvus.
 Virtutesque tuas mihi posco, dirige mores,
 Vitam sanctifica, me vivifica, mala pelle.
20. Spernere da vitia, veracem da mihi linguam,
 Ut semper cresciam, non decrescam, rege vitam.
 Iam tibi commendo, sponsa Christi, simul omnes
 Viventes iustos simul iniustosque sepultos.
 O pia, dignare pro cunctis efflagitare,
25. Cunctorum mater fidorum sis et amatrix.
 Vellem, quod cuncti salvarentur prece matris,
 Ut omnes Dominum laudare polo mereamur,
 Qui tam magna dedit, quia plasmavitque redemit.
 Gaude semper, ave, fiat mihi, quod rogitavi.
30. Ista pater praestet natus, sacrum quoque flamen,
 Trinus et unus, huic laus sit, gloria, decus.

Orat. ms. Alberti VI. Archiducis Austriae. Cod. Palat. Vindobonen. 1846. —
 4 quam digna. — 7 matrona nrōna. — 15 multa bona facis mihi quoque
 fecisti faciesque. — Nach 31 per infinita saecula saeculorum. Amen.

124. De beata Maria V.

- | | |
|--|---|
| <p>O virgo, splendor gloriae,
 Sanctificata spiritu,
 In caverna maceriae
 Columba plena gemitu,
 5. Nobis Aegypti exitu
 Occurre, plena gratia,
 Et malignae familiae
 Defende nos a fremitu,
 In iustorum exercitu
 10. Dulci fruamur requie.
 Gratiarum monilibus
 Ornaris Christi gratia,
 Pretiosis lapidibus
 Virtutum fulgens gratia,</p> | <p>15. Tu plena sapientia
 Cunctisque charismatibus,
 Tua serva potentia,
 Da nobis pacem omnibus,
 Virginum priniceria.
 20. Tu sempiterno foedere
 Caelesti sponso iungeris,
 Fac nobis hunc dulcescere,
 Cuius tu mater crederis,
 Et cum sis arca foederis,
 25. Placatum nobis redde(re)
 Illum vindictae tempore,
 Meritis cuius frueris,
 Succurre nobis miseris</p> |
|--|---|
- Iam lucis orto sidere
 30. Et digneris occurrere
 Nobis in die funeris.

Orat. ms. Thosanum saec. 15. Cod. Bruxellen. 4948.

125. De beata Maria V.

- | | |
|--|--|
| <p>1. O virtutum speculum,
 Regina caelorum,
 Christi receptaculum,
 Salus anxiorum,
 Tutum propugnaculum,
 Sanatrix languidorum,
 Audi conquerentium
 Preces famulorum.</p> <p>2. Et pro nobis miseris
 Deum deprecare,
 Nam, quidquid volueris,
 Vales impetrare,
 Summa nos necessitas
 Cogit te rogare,
 Quos in fluctu positos
 Saevum pulsat mare.</p> <p>3. Imperatrix omnium,
 Doce, quid agamus,
 Qui sub gravi criminum
 Mole desudamus,
 Nobis semper praeivium
 Esto, ne cadamus
 Et declina devium,
 Sic nunquam erramus.</p> | <p>4. Eia, mitis et benigna,
 Nostri miserere,
 Omni laude prorsus digna,
 Si vis, potes vere,
 Reparatrix et salvatrix
 Desperantis animae,
 Irroratrix et largitrix
 Spiritualis gratiae.</p> <p>5. Nam requiro, quod suspiro,
 Mea sana vulnera
 Et da menti te poscenti
 Gratiarum munera,
 Ut sim castus et modestus,
 Dulcis, fortis, sobrius,
 Pius, rectus, circumspectus,
 Simulatus nescius.</p> <p>6. Timoratus et ornatus
 Sacris aedificiis,
 Eruditus et munitus
 Divinis eloquiis,
 Constans, gravis et suavis,
 Benignus, amabilis,
 Simplex, purus et maturus,
 Patiens et humilis.</p> |
|--|--|

7. Corde prudens, ore studens
Veritatem dicere,
Malum nolens, Deum colens
Pio semper opere.

Orat. ms. Carthus. Hildesheimen. saec. 15. Cod. Iosephini Hildesheimen. 3 (6).

126. De beata Maria V.

1. Pater ymon, a quo mundus
 lege firma regitur,
 A quo certa ratione
 benigne disponitur,
 Parce plebi, quae a Christo
 christiana dicitur.
2. Adonai, ab inferni
 defende periculo,
 Quos dilecti sacravisti
 filii vocabulo,
 Quos eiusdem redemisti
 salubri patibulo.
3. Fili Dei, Iesu Christe,
 dominator domine,
 Qui pro mundi medicina
 natus es de virgine,
 Placa patri nos, quos tuo
 redemisti sanguine.
4. Athanatos mediator
 Dei atque hominum,
 Firma pactum pacis huius
 inter nos et Dominum,
 Ne privemur regno Dei
 pro commisso criminum.
5. Qui procedis ab utroque,
 paraclete spiritus,
 Cuius ignis inflammavit
 fideles divinitus,
 Hoc eodem nostras sordes
 igne crema stirpitus.
6. Hoc eodem mentis nostrae
 oculos illumina,
 Hoc eodem sensus nostros
 scabrosos examina,
 Hoc eodem veteriosa
 nostra dele crimina.
7. Trinus Deus in personis,
 unus in substantia,
 Culpas nostras et reatus
 plena dele venia
 Et sic mundos a peccatis
 reduc ad caelestia.
8. Ave, virgo Dei mater,
 vera spes fidelium,
 Porta caeli, stella maris,
 recti cursus bravium,
 Summa legis, forma pacis,
 salutis exordium.
9. Ave, virgo, ave, feta,
 ave, plena gratia,
 Ave, sponsa, ave mater,
 ave, Dei filia,
 Quam diversa facis unum,
 o omnipotentia!
10. Fons signatus, sacramenti
 summi conceptaculum,
 Scala Iacob, domus David,
 Salomonis ferculum,
 A leonis ore salva
 christianum populum.
11. Theotocos, virga Iesse,
 oliva fructifera,
 Templum Dei, arca Noe,
 columba pacifera,
 Ab inferni nos Charybdi
 in aeternum libera.
12. Turris, a quo pendet omnis
 armatura fortium,
 Rosa florens, sacra vitis,
 lilium convallium,
 Medicina peccatorum,
 virtutis donarium.

- | | |
|--|---|
| <p>13. Uva dulcis, flos suavis,
nardus odorifera,
Virgo semper gloriosa,
sublimis puerpera,
Praebe nobis adoptivis
pietatis ubera.</p> <p>14. Orientis porta clausa,
quam vidit Ezechiel,
Mensa regis, ad quam dapes
tulit ipse Gabriel,
Quarum opem in leonum
lacu sensit Daniel.</p> <p>15. Tu sigillum libri vitae
solidum in saecula,
Cuius potest solus agnus
solvere signacula,
In hoc nostra precum stilo
conscribe vocabula.</p> | <p>16. Tuae, virgo, sanctitatis
luce nos irradiat
Et sic tua pia prece
Deo reconcilia,
Ut per mortem glorjemur
in caelesti patria.</p> <p>17. Ad haec omnes potestates
virtutum caelestium,
Ad hoc, omnes sancti, vestrum
petimus auxilium,
Ut pars nostra sit vobiscum
in terra viventium.</p> <p>18. Miserere nostri, Deus,
in personis trinitas,
Miserere, miserere
nostri, simplex unitas,
Te spiritus omnis laudet,
sempiterna deitas.</p> |
|--|---|

Clm. Monacen. (ol. Francisc. Monac.) 9084. saec. 15.

127. De beata Maria V.

- Pulchra Maria, serena Maria, benigna Maria,
Dulcis alumna, superna columna, decusque perenne,
Tela maligna repelle, benigna, metamque gehennae,
Nostra mamilla Deique papilla, nostri miserere.
5. Quae fugienda mihique cavenda, diu tenuere
Dira cupido, caeca libido, regnas ubique,
Quisque malorum quemque bonorum tractat undique.
Casta virago, sancta propago, corripe natos,
Aula pudoris, mater honoris, protege sanos.
10. Lux orborum, dux claudorum, dirige iustos,
Os mutorum, spes cunctorum, sis mihi custos.
Sis dilectrix, sis protectrix, sis mihi mater.
Pulcher Iesus, dulcis Iesus, sis mihi frater.
Pulchra puella, venusta puella, puella colenda,
15. Virgo iucunda Deoque fecunda nimisque stupenda,
Fac me fortem vincere mortem spiritualem,
Tolle timorem, pelle dolorem perpetualem.

Cod. Parisien. 3639. saec. 15/16.

128. De beata Maria V.

- | | |
|---|--|
| <p>1. Pulchra totaque amica
Regis angelorum,
Virgo pulchra et pudica,
Claritas polorum.</p> | <p>2. Intus pulchra, pulchra foris
Vere comprobabis,
Veneranda cunctis horis
Mater expers maris.</p> |
|---|--|

3. Intus pulchrioribus
Ornaris virtutibus
Et decentioribus
Foris polles moribus.
4. A verticis caesarie
Usque imum plantae
Tu es sine carie
Deo te servante.
5. Nulla virtus est, quae posset
Cor tuum transcendere,
Immo cunctas tibi nosti
Virtutes attrahere,
6. Quibus Deo placuisti
Et choris caelestibus,
Quibus mundo profuisti
Perplexo maeroribus.
7. Evae prolem denigratam
Peccati fulgine
Caeli regi reddis gratam
Tua pulchritudine.
8. Summa virtus te virtutem
In terris constituit,
Tibi iungi et te fungi
Cui summe placuit.
9. Unde virtus de supernis
Te virtutem adiit,
Ut humanum genus sanum
Fieret, quod perit.
10. Iunctus factor est facturae
Iunctus Deus homini,
Venerandus omni iure
Iunctus partus virgini.
11. Iuncta virtus est virtuti,
Decor pulchritudini,
Iuncta salus est saluti
Et dulcor dulcedini.
12. Deus hominem creavit
Ad suam imaginem,
Ad cuius in te formavit
Se similitudinem.
13. Tu es paradiso
Tanto dignior,
Quanto tuus fructus
Est utilior.
14. O quam pulchra tu fuisti,
Cum sit factus vultus Christi
Tibi matri similis,
Cui tu es voluntate,
Caritate, pietate
Facta non dissimilis.
15. Si te Deus non vidisset
Creaturam optimam,
In matrem non elegeret
Te sibi carissimam.
16. Ergo, virgo pulchra tota,
Nos viles non despice,
Sed a quavis mendae nota
Nos mundari perface.
17. Fac ut tuo placeamus
Praedilecto filio
Et felices transeamus
A mortis exsilio.
18. Solis, lunae vel stellarum
Splendor parum cernitur
Sive virtus planetarum,
Plene dum attenditur,
19. Quanta dignae matris Christi
Fulget virtuositas,
Quam prae cunctis Dei patris
Illustravit claritas.
20. Cristallinum vel stellatum
Caelum vel empyreum
Caelum Deo non est gratum
Magis quam hospitium
21. Ventris casti, quo celasti
Iesum Dei filium;
Hunc in mundo, virgo pia,
Nobis fac propitium.

Orat. ms. Domus Novae Lucis anni 1477. Cod. Ultraiectin. Scriptt. Eccl. 375. — 1, 1 Vale tota quae amica. — 2, 4 Mater Dei expers. — 4, 1 casarienses. — 4, 2 Usque fehlt. — 5, 3 cunctis. — Nach Str. 5 folgt noch: Ergo cunctis es facturis venustior. — 15, 4 Te fehlt. — Nach 21, 4 folgt nach: Nunc et omni hora.

129. De beata Maria V.

1. Quid vigoris, quid amoris,
Quid affectus, quid dulcoris
Habet nomen virginis,
Est expertus totus mundus,
Scit peccator et immundus,
Quae spes huius nominis.
2. Dicant illi, qui damnati,
Sed ad vitam revocati
Sunt Mariae precibus,
Dicat ille desperatus
Vicedomus, sed salvatus
De inferni faucibus.
3. Dicant omnes tribulati
Et peccatis onerati,
Ubi sit refugium,
Ad petendum, ad habendum
Certe, tute recurrendum
Ad Maria gremium.
4. Ad hanc currunt omnes rei,
Ibi annum iubilaei
Habet nostra servitus,
Ipsa lima peccatorum,
Spes dolorum, scala morum,
Via scalae caelitus.
5. Quidquid est in creaturis
Bonis, castis, mundis, puris,
Nomen parat virginis,
Quodque ita nominatur,
Per effectum comprobatur,
Cum rem praebebat nominis.
6. Ipsa fructus, ferax tellus,
Irrigatum rore vellus,
Ipsa sicca area,
Ipsa domus, templum, thronus,
Portus, porta, portans onus,
Granum sine palea.
7. Botrus Cypri, palmes, palma,
Cedrus alta, vitis alma,
Cupressus de Libano,
Terra, mare, aer, ignis
Portans, vehens, spirans ignis
In amoris clibano.
8. Tuber rubi, rubens rosa,
Violarum gratiosa,
Acanthus et lilium,
Tu murtetum, olivetum,
Tu lauretum et rosetum,
Flos campi convallium.
9. Nardus, murra, thus, pigmen-
tum,
Cinnamomum, calamentum,
Crocus, muscus, fistula,
Storax, stacte et amomum,
Nux, resina, replens domum
Aromatum cellula.
10. Mel dulcoris, flos odoris,
Fons stuporis, pons laboris,
Incorrupta balsamus,
Arca, liber, testamentum,
Virga, manna, condimentum,
Castitatis thalamus.
11. Sponsa, coniunx coniugata,
Mater patris, nati nata,
Virgo, decas virginum,
Leprosorum medicina,
Menstruatis fons, piscina,
Vita, salus hominum.
12. Ebur, vestis pretiosa,
Inaurata, gloriosa
Tu talaris tunica,
Sceptrum, sertum, diadema,
Tu Samsonis es problema,
Spes post Deum unica.
13. Tu es propositionis
Mensa panum, cum coronis
Propitiatorium,
Urna legis, funda David,
Quo Goliath nostrum stravit,
Tu reclinatorium.
14. Sunamitis Elisaei,
Quae quandoque fecit ei
Mensam et cenaculum,
Hortus clausus, fons signatus,
Austro leni qui perflatus,
Tu Ionae umbraculum.

15. Tu minera claritatis,
Aurum fulvum deitatis,
Tu fenestra vitrea,
Paradisus voluptatis,
Ad exemplar caritatis
Tu vitta coccinea.
16. Murus Sion, turris David,
Urbs, castellum, quod intravit,
Qui patri complacuit,
Tu ancilla, tu puella,
Tu plorantis es fiscella,
In qua vates latuit.
17. Apotheca specierum,
Servans vitae dulce merum
De Engaddi vinea,
Avis rara, cara caris,
Vittae perpendicularis
In directum linea.
18. Lex naturae, limes legis,
Mitigatrix irae regis
Risum Sarae faciens,
Tu es decus puellarum,
Tu securis prophetarum
Lignum, ferrum attrahens.
19. Tu Eliae indumentum,
Auræ lenis blandimentum
Ad cantus adliciens,
Phoenix sola, philomena,
Cuius dulci cantilena
Deitas exsiliens.
20. Cantu cordis emollita,
Tracta venit non invita
In puellae gremium,
De te dictum pratum ridet,
Quis non audit, si non videt,
Hunc concentum avium.
21. Sic perennis ad decorem,
Sic est cantus ad amorem
Horum concinentium;
Turtur, pavo, phasianus,
Passer, corvus, pelicanus
Te vel tuum filium
22. Signant gestu vel decore,
More, cantu vel maerore,
Sic et cantus merulae;
Signum huius et columba,
Quae est simplex et palumba,
Sed sunt voces querulae.
23. Virga virens in deserto,
Petra fluens in aperto,
Concha, ros, mons montium,
De quo monte est praecisus
Lapis ille non abscissus
Complectentum manibus.
24. Lapis iste lapis mirus,
Plus vigoris quam saphyrus
Habet et topazius,
Cum smaragdo amethysti,
Cum beryllo sunt et isti
Onyx et ligurius.
25. Onychinus et iacynthus,
Chrysoprassus auro tinctus,
Sardius cum iaspide,
Chrysolithus et sardonix
Cum achate, chalcedonis
Cum rubino lapide.
26. Omnes isti in decore,
Vel virtute vel calore
Vel valoris pretio,
Idem est de adamante,
De magnete, diamante
Et de garamantio.
27. Ad Mariae sunt honorem,
Ad ornatum vel decorem
In proprietatibus,
Ipsa enim est regina,
Habens haec sub disciplina
In varietatibus.
28. Tu lux lunae, pansilenos
Habens dies, menses plenos,
Tu aurora rutilans,
Tu es dies noctem pellens,
Tu sol stella es praecellens
Tenebras enubilans.

29. Tu regina es caelorum,
Decus, honor, spes sanctorum,
Angelorum domina,
Agni sponsa, mater Dei,
Omnis laus debetur ei
Per haec multa nomina.
30. Quodque plura sunt quam cen-
tum,
Vult utrumque testamentum
Pari concordantia,
Sed sint omnes his intenti
Et ad praesens sint contenti
Brevitatis gratia.
31. Fecit ergo duo Deus,
Ut salvetur homo reus,
Quae ponit versiculus,
David intra scripta sua
Ita dicens: virga tua
Atque tuus baculus
32. Ipsa me sunt consolata,
Per haec duo est ablata
Omnis desperatio;
Nam per crucem et Mariam
Istam dulcem, illam piam
Datur liberatio.
33. Nam in cruce gloriari
Nos oportet et salvari,
Ubi est redemptio,
Ibi habes, unde plores,
Ibi forma, per quam rores
In mortis supplicio.
34. Hoc est lignum hinc educens
Et ad caelum introducens
De mundi diluvio,
Hinc recurras ad Mariam
Dulcem illam, dulcem viam
De maris naufragio.
35. Ipsam isti interpellant,
Peccatores hanc appellant
Timore iustitiae,
Ipsa audit appellantes
Et defendit convolantes
Ad tribunal gratiae.
36. Curre ergo ad hanc dñcem
Ad Mariam et ad crucem,
Utrobique sanitas,
Hic quaerenti invenire
Et pulsanti aperire . . .
Datur, quidquid flagitas.
37. Nemo posset explicare,
Quam sit novum salutare
Mater Christi, Maria,
Nam in omni fato tristi
Invocata matre Christi
Curritur per maria.
38. Ipsam ergo venerari,
Ipsam decet amplexari
Corde, ore, opere,
Ipsa sibi famulantes
Et ad afflictos conclamantes
Videt, audit propere.
39. O si Adam invenisset
Et post culpam confugisset
Sub crucis auxilio,
O si Eva illud Ave
Repperisset, per quod a vae
Facta est salvatio.
40. Si vertisset suum nomen,
Habuisset bonum omen
Nominis conversio,
Quod fuisset emundata
Et per Ave reparata
Hominis transgressio.
41. Caïn ille desperatus
Non fuisset vulneratus
Sub tali latibulo,
Immo Iudas liberatus,
Si adisset pium latus
Sub crucis umbraculo.
42. Iuxta crucem [stat Maria],
Ibi Rachel, ibi Lia,
Ibi vita gemina,
Crucis labor est activa,
Sed in spe contemplativa
Dulciora germina.

43. Hoc est dulce, hoc amarum,
Hoc est carum, illud rarum,
Sed oportet hominem
Ad hoc dulce pervenire
Et medullam invenire
Per amaritudinem.
44. Prius Lia maritali,
Prius Rachel copulari
Debet in coniugium,
Per ascensum purpuratum
Est eundum inauratum
Ad reclinatorium.
45. Duplex ergo medicina
Te attollit a sentina,
Si quando peccaveris,
Et tu curre utrobique,
Praesens enim est ubique,
Quando invocaveris.
46. Dic, quot credis liberatos
In aeternum condemnatos
Per Mariae meritum,
Et per crucem quot salvantur,
Qui sepulcra venerantur
Christi more debito!
47. Ecce, vides, totus mundus,
Sanctus mundus et immundus
Cuiuscunque ordinis
Utriusque ad honorem
Attenduntur et amorem
Crucis atque virginis.
48. Crux ostendit, immo Christus,
Qui in cruce fuit fixus,
Patri rivum sanguinis,
Mater pectus, lac, mamillas
Tamquam nato offert illas,
Haec sunt dona virginis.
49. Audi, benignissime pater peccatores,
Per dilectum filium fac nos meliores,
Da nobis paraclitum corrigentem mores,
O virgo dulcissima, nobis hoc implores.

Cod. Matriten. Bb 150. saec. 14. (Daraus in Boletín de la real academia de la historia VI, 396 sqq.) — 9, 4 stactem. — 14, 2 ferit ei. — 24, 6 liginus. — 41, 5 Sed adisset. — 47, 5 ad honorem. — Aufschrift: „Incipit XXXIII oratio, incipiens per litteram Z.“ Str. 1 geht nämlich folgendes voraus:

Zelatrix zelantium aeterni luminis, amatoris tutum refugium, inhaerentium Christo tabernaculum et reclinatorium Iesu Christi et tutum refrigerium innocentium, Maria, mater alma et fecunda virgo, mater et incorrupta, exaudi me miserum clamantem ad te hodie in meis tribulationibus. — Verfasser ist Gil de Zamora. Vgl. das zum Liede Ymago, imitago Bemerkte.

130. De beata Maria V.

1. Rex Christe clementissime,
Tu corda nostra posside,
Ut tibi laudes debitas
Reddamus omni tempore.
2. Memento, salutis auctor,
Quod nostri quondam corporis
Ex illibata virgine
Nascendo formam sumpseris.
3. Maria, mater gratiae,
Mater misericordiae,
Tibi devotos protege
Mores et vitam corrige.
4. Nos peccatores adiuva
Prece tua continua,
Ut, quidquid mali fecimus,
Tuus remittat filius.
5. Maria, mater gratiae,
Mater misericordiae,
Tu nos ab hoste protege
Et hora mortis suscipe.
6. Maria, mater Domini,
Sacrarium paracliti,
Virgo, regina virginum,
Pro nobis ora Dominum.

- | | |
|---|--|
| <p>7. Maria, mater Domini,
Aeterni patris filii,
Fer opem nobis omnibus
Ad te confugientibus.</p> | <p>8. Per tuum, virgo, filium,
Per patrem et paraclitum
Assis, parens, ad obitum
Nostrumque muni exitum.</p> |
|---|--|
9. Gloria tibi, Domine,
Qui natus es de virgine,
Cum patre et sancto spiritu
In sempiterna saecula.

Scala caeli saec. 14. ex. Cod. Pragen. XIII E 3. A. — Orat. ms. Lehn-
nense anni 1518. Cod. Berolinen. VI^o 29. B. — 3, 1 Ave mater gratiae
A. — 3, 3 sq. Tu nos ab hoste protege Et hora mortis suscipe B. — Str. 4
und 5 lauten in B:

- | | |
|--|---|
| <p>4. Mater misericordiae,
Tibi devotos protege,
Nos peccatores adiuva,
Preces clemens continua.</p> | <p>5. Ut, quicquid mali fecimus,
Tuus remittat filius
Et purget nos ab omnibus
Vitiis sordibus.</p> |
|--|---|
- 6, 1 Ave mater Domini B. — Str. 7 fehlt B. — 8, 1 mater filium B. —
8, 3 Assis nobis ad B. — 8, 4 muni spiritum B. —

Dieses Lied ist die Erweiterung eines kürzeren, das in den Tagzeiten
der sel. Jungfrau vorkommt. In dieser Erweiterung kann der Hymnus nicht
den liturgischen zugezählt werden. Er findet sich meist als Proömium bei
verschiedenen Psalterien verwendet, so in A zum Psalter Ave virgo lignum
vitae, in B zum Psalter Ave virgo lignum vite. Er gehört aber ur-
sprünglich keinem dieser Psalterien an.

131. De beata Maria V.

- | | |
|---|--|
| <p>1. Salve, cella castitatis,
Salve, plena gratia,
Salve, templum deitatis,
Salve, solis regula.</p> | <p>6. Tu flos florum, fons hortorum,
Lavans sordes criminum,
Pax et honor confessorum,
Pulchritudo virginum.</p> |
| <p>2. Salve, portus naufragantis,
Salve, Iesse virgula,
Salve, splendor bonitatis,
Paradisi ianua.</p> | <p>7. Tu sis servis adiuva,
Nutrix in periculis,
Tu es lapsis relevamen,
Medicamen languidis.</p> |
| <p>3. Salve, fons sinceritatis,
Lux lucens in tenebris,
Salve, stella claritatis,
Luna sine nebulis.</p> | <p>8. Maestis dulce confortamen,
Pia mater orphanis,
Mater Christi, virgo tamen,
Nulla tibi similis.</p> |
| <p>4. Salve, decus sanctitatis,
Virgo venerabilis,
Salve, nympa venustatis,
Honor nostri generis.</p> | <p>9. Salutata sic fuisti:
Ave, plena gratia;
Verbo carnem concepisti,
Virgo viri nescia.</p> |
| <p>5. Salve, lampas, lux caelorum,
Laus et decus martyrum,
Thesaurus apostolorum,
Spes communis omnium.</p> | <p>10. Christum Iesum genuisti,
Qui salvavit omnia,
Et post partum permansisti
Virgo semper integra.</p> |

Salve dicant omnia.

Orat. ms. Domus Novae Lucis anni 1477. Cod. Ultrajectin. Script. Eccl. 375.

132. De beata Maria V.

- | | |
|---|---|
| <p>1. Salve, festum cordis mei,
O Maria, nata Dei,
Sponsa, mater, diadema,
Cluis tu sanctorum thema.</p> <p>2. Vitae flosculum quae paris,
.
Visus decor, vox dulcoris,
Suavis odor amoris.</p> <p>3. Tu thesaurus trinitatis
Et amplexus lenitatis,
.
Mens ardet iam ad osculum.</p> | <p>4. Labra pando, sed polluta,
Quod offendit in me, muta,
Et utraque ex mamilla
Pasce Dei me ancilla.</p> <p>5. Tu consignans me defende,
Et, quam dulcis sis, ostende,
Ut adiutrix in agone
Praemians sis arrabone.</p> <p>6. Ave clamo angelicum,
Da Christum, panem caelicum,
Trinitatis triclinium
Nostrumque tu refugium.</p> |
|---|---|

Orat. ms. Domus Novae Lucis anni 1477. Cod. Ultraiectin. Scriptt. Eccl. 375. — 1, 4 Eius tu sanctorum. — 4, 4 Pasce Dei mater alma. — 6, 2 steht nach 4, 4. — 6, 3 Ave trinitatis. — 6, 4 o tu refugium.

133. De beata Maria V.

- | | |
|--|---|
| <p>1. Salve, gaude, mater regis,
Cum quo regnas, cum quo regis
Et disponis omnia,
Nos in via ita rege,
Ut regnare cum hoc rege
Possimus iu patria.</p> <p>2. In qua nullus regnat foedus,
Nec cum foedo inest foedus,
Nec regnat malitia,
Illic solum regnant mundi
Cum hoc, qui est salus mundi,
Dei sapientia.</p> | <p>3. Super omnes mundos munda,
Mater regnans, tu nos munda
Ab omni spurcitia
Et mundatos nos a menda
Peccatorum tu commenda
Gubernanti omnia.</p> <p>4. Ac post mortem nos ad loca
Caeli trahe nosque loca
Cum sanctis in gloria,
Qua det frui Dei natus
Nobis, Christus ex te natus
Sumpta carne propria.</p> |
|--|---|

Orat. ms. Domus Novae Lucis anni 1477. Cod. Ultraiectin. Scriptt. Eccl. 375.

134. De beata Maria V.

- | | |
|---|---|
| <p>Salve, era, mater festi,
Naeva rugaque molesti
Insuper et omnis maesti
Expers et omnis incesti,</p> <p>5. Fons salvaminis scelesti,
Auro cui plus est honesti,
Gemma, cuncta quae deplesti
Tuo valore caelesti,
Me mis naevi gravant gesti,</p> <p>10. Mihi more peragresti,</p> | <p>Me dum mores essent quaesti,
Esset angi tempus resti
Et me subdi cui pesti
Poенаеque omnis infesti</p> <p>15. Ac non pectoris modesti
Poscere favorem cesti,
Aspirando quae caelesti
Summi patris votum plesti,
Quo mis corde fracti — —,</p> <p>20. Quod sic sine mundi festi</p> |
|---|---|

- | | |
|---------------------------------|-------------------------------|
| Vi tis deessem stygis pesti. | Hinc culpis semper infesti |
| Tu quam gratia deplesti, | 30. Bino socio congesti, |
| Deus, tis in matrem vesti, | Quis mens fisa tardi, flesti, |
| Ortu me tunc brumae vesti | Cum a Iesu te delesti, |
| 25. Nec da eius ut quod maestri | Quem fricare manu suesti, |
| Artus terrae fiant aesti. | Unde non iniuste clesti |
| Per te caeli mens sit festi | 35. Vera mater omnis festi. |
| Huius post schisma foresti, | |

Orat. ms. Domus Novae Lucis anni 1477. Cod. Ultraiectin. Scriptt.
Eccl. 375. — 24. Orti. — 25. dat. — Am Schlufs: Explicit rigmus periodialis.

135. De beata Maria V.

- | | |
|---|--|
| 1. Salve, mater illibata,
Ave millies optata,
Summo Deo desponsata
Virgo, mater, filia;
Salve, salve, virgo clara,
Iesu Christo multum cara,
Super omnes sublimata
In caelesti patria. | 2. Super omnes te adoro,
Super omnes te imploro
Genu flectens tota mente,
Me benigne suscipe.
Ave, sancta, cherubina,
Mundi princeps et regina,
Quae fuisti sola digna
Ferre saeculi pretium. |
| 3. Tu es virgo ante partum
Et in partu et post partum,
Semper casta, semper pura,
Semper Deo placitura.
Ergo audi, o Maria,
Aurem tuam huc inclina,
Natum tuum deprecare,
Ut dignetur nobis dare
Paradisi gaudia. | |

Offic. BMV. imp. in Castro Lauro 1503.

136. Iubilus Aureus BMV.

- | | |
|--|--|
| 1. Salve, mater
misericordiae,
Mater spei
et mater veniae,
Mater Dei
et mater gratiae,
Mater, inquam,
totius gloriae. | Quae virgines
omnes transgrederis,
Et altius
sedes in superis. |
| 2. Salve, salus
humani generis,
Salve, virgo,
dignior ceteris, | 3. Salve, sancta
sanctorum omnium,
Laus et honor,
decus fidelium,
Aula Dei,
domus palatium,
Deitatis
reclinatorium. |

4. Te creavit
pater ingenuus,
Obumbravit
te unigenitus,
Fecundavit
te sanctus spiritus,
Dum es facta
tota divinitus.

5. Te creavit
Deus mirabilem,
Te respexit
ancillam humilem,
Te quaesivit
sponsam amabilem,
Tibi nunquam
fecit consimilem.

6. Te beatam
laudare cupiunt
Omnes sancti,
sed non sufficiunt,
Nam tot laudes
tibi conveniunt,
Quod laudantes
omnes deficiunt.

7. Ex quo digna
Deum es parere,
Nemo digne
potest exprimere
Laudes tuas
nec satis dicere,
Quantum gaudes
divino munere.

8. Quia vere
caput es virginum
Et laus summa
non habens terminum,
Angelorum
laudes et hominum
Promereri
ipsa post Dominum.

9. Beata es,
virgo puerpera,
Nam, qui sedet
in patris dextera

Caelum regens,
terram et aethera,
Intra tua
se clausit viscera.

10. Imperatrix,
cuius imperio
Tota gaudet
caelestis contio,
Tanta laus est
tibi in filio,
Quod humana
non capit ratio.

11. Pia mater
et virgo nobilis,
Benedicta
et venerabilis,
Universis
incomparabilis,
Tibi nunquam
fuit consimilis.

12. O quam pulchra
puella parvula,
Quam suavis
et sine macula,
Sed quam potens
regnas in saecula,
Tua satis
probant miracula.

13. Tu es, virgo,
ceteris purior,
Virginibus
es gradu dignior,
Super omnes
aspectu pulchrior,
Et in sanctis
post Deum sanctor.

14. Pia mater,
per tui gratiam
Revertitur
exsul ad patriam,
Peccatores
merentur veniam
Et beati
possident gloriam.

15. Nomen tuum
 daemones cruciat,
Tua virtus
 reos remediat,
Tuus odor
 sanctos inebriat,
Fructus vero
 beatos satiat.
16. Fons hortorum,
 aquarum puteus,
Via lucis,
 splendor sidereus,
Dei sedes
 et thronus aureus,
Te conventus
 laudat aethereus.
17. Cella fragrans
 morum dulcedine,
Omni carens
 amaritudine,
Veri solis
 amicta lumine,
Omnes tibi
 congaudent feminae.
18. O quam felix,
 quae mundo praesides,
Mundum regis
 et caelum possides,
Et cum Deo
 regina resides,
Hostes nostros
 malignos obsides.
19. Tu es clavis
 superna reserans,
Nubes solis
 ardorem temperans,
Ros fornacis
 ignem refrigerans,
Medicina
 salutem operans.
20. Tu fuisti
 vellus in area,
Arca legis,
 turreis eburnea,
- Tu es nobis
 salutis galea,
Granum purum
 excussum palea.
21. Tu es virens
 oliva fertilis,
Tu columba
 simplex et humilis,
Tu columna
 fidei stabilis,
Porta Sion
 inexpugnabilis.
22. Tu, beata,
 fuisti lilium
Inter spinas
 et flos convallium,
Tu es portus
 praestans suffragium,
Tu es reis
 semper remedium.
23. Rubus ardens,
 palma iustitiae,
Murra, nardus
 summae fragrantiae,
Hortus virens,
 flos pudicitiae,
Te honorant
 caeli militiae.
24. Ut adfirmat
 fidelis populus,
Tu es, mater,
 caecorum oculus,
Pes claudorum,
 virga et baculus
Omniumque
 sanctorum titulus.
25. Fons signatus
 distillans oleum
Pietatis
 et rorem melleum,
Purga mentem,
 munda cor felleum,
Dona nobis
 salutis gaudium.

26. Benedicta
in mulieribus,
Quae de tuis
castis visceribus
Peperisti
pacem hominibus,
Plena semper
donis caelestibus.
27. Tu civitas
superni numinis,
Tu claritas
superni luminis,
Tu dignitas
nostri propaginis,
Et pietas
summae dulcedinis.
28. Per te mundus
accepit puerum,
Per quem sordes
lavantur scelerum,
In te sperat
conventus pauperum,
Dona tua
non habent numerum.
29. Mater digna
virginis nomine,
Insignita
Dei imagine,
Decorata
similitudine,
Te collaudant
sanctorum animae.
30. Tu es terra
dans fructum optimum,
Petra fluens
potum largissimum,
Fons redundans
in flumen maximum,
Vas reservans
magna dulcissimum.
31. Sol es, virgo,
eclipsim nesciens,
Sol in caelis
de terra oriens,
- Sol de caelis
terram prospiciens,
Sol peccati
nubes demoliens.
32. Lux serena,
aurora rutilans,
Peccatorum
tenebras ventilans,
Tibi mundus
exultat iubilans,
Esto, pia,
super nos vigilans.
33. Mons sublimis,
salutis speculum,
Via vitae,
morum spectaculum,
Quae in caelo
regnas in saeculum,
Christianum
defende populum.
34. Gemma fulgens
splendore nimio,
Luna lucens
caelesti radio,
Desolatis
tu consolatio,
Tu tentatis
firma protectio.
35. Tribus Iuda
genus dignissimum,
Tu potens es
apud altissimum,
Nostrum vitae
praepara animum
Et defende
in finem ultimum.
36. Sola virgo,
quae cunctas haereseis
Interimis
et frangis carceres
Captivorum,
adiuva pauperes
Et fac eos
ad vitam celeres.

37. Sanctitatis
totius femina,
Mundi princeps
et caeli domina,
Servis tuis
relaxa crimina
Et eorum
mentes illumina.
38. Vitis vera,
extende palmitem
Tuum ad nos,
ut eum comitem
Habeamus
vitaeque limitem
Et postea
in caelis hospitem.
39. Stella maris,
emitte radium,
Placa mare,
aufer naufragium,
Tolle navim
periclitantium,
Esto lassiss
in adiutorium.
40. Ex te, virgo,
natus est filius
Iesus Christus,
quo nihil dulcius,
Quem rogamus
omnes attentius,
Ut sit nobis
per te propitius.
41. Vas, excelsi
opus mirabile,
Stella caeli,
signum spectabile,
Per te nobis
fiat possibile,
Quod rogamus,
et impetrabile.
42. Virga fumi,
domus aromatum,
Apotheca
plena charismatum,
- Divinorum
magistra dogmatum,
Fac, ut tecum
agamus sabbatum.
43. Vallis vernans
virtutum liliis,
Tota fluens
summis deliciis,
Tuis, sancta
mater, suffragiis
Condescende
nostris miseriis.
44. Lux iucunda,
refove fiebles,
Aegros sana,
conforta debiles,
Fac nos mites,
castos et humiles
Et in fide
fortes et stabiles.
45. Advocata
nostra praecipua,
Tua prece
semper assidua,
Quod in nobis
sordet, evacua,
Ad patriam
sis nobis obvia.
46. Virgo mater,
ancilla Domini,
Nos rebelles
tuo regimini
Et subiectos
multo discrimini
Commendamus
tuae dulcedini.
47. Virga Iesse
fecunda, florida,
Lampas caeli
prae cunctis fulgida,
Corda nostra
in bono tepida,
Fac, ut fiant
in bono fervida.

48. Rosa rubens,
 quae semper redoles,
Semper gaudes
 et semper condoles,
Precamur, ut
 sic nobis adoles,
Pias preces
 pro nobis immoles.
49. Sicut patet
 omnium oculis,
Totus mundus
 subest periculis,
Sed tu, virgo
 praeclara titulis,
Libera nos
 precibus sedulis.
50. In hac vita
 multa pericula
Nobis instant
 et multa vincula,
Et idcirco
 tu mente sedula
Regnum caeli
 pro nobis postula.
51. In hoc mundo
 vix bonum facimus
Et a malis
 nunquam quiescimus,
Et sic vitam
 ac tempus perdimus,
De te tamen
 semper confidimus.
52. Mundus plenus
 figmentis luteis
Nos diversis
 pungit aculeis,
Sed salva nos
 ab eius laqueis,
Tu beata,
 quae cunctis subvehis.
53. Heu, in mundo
 deficit veritas,
Pax et amor,
 sensus et pietas,
- Et abundat
 fraus et iniquitas,
Sed apud te
 est omnis bonitas.
54. Vita praesens
 est vapor modicus,
Umbra, ventus,
 somnia phantasticus,
Flos, favilla,
 decor sophisticus,
Pugna, cursus,
 ascensus lubricus.
55. Hoc in mundo
 vana sunt omnia
Et saluti
 nostrae contraria,
Propterea
 tu, plena gratia,
De supernis
 mitte remedia.
56. Nos horrentes
 amaritudinem
Huius vitae,
 carnis putredinem,
Hostis fraudem,
 mortis formidinem,
Imploramus
 tuam dulcedinem.
57. Ne igitur
 haec vita funebris,
Excaecata
 peccati tenebris,
Nos corrumpat
 carnis illecebris,
Conserva nos,
 regina celebris.
58. In hac vita
 sic miserabili,
Sic amara,
 caduca, labili,
Vita nequam
 et plena nihili
Custodi nos
 cura pervigili.

59. Heu, nos mundus
vexat continue,
Ab eodem,
mater, nos erue,
Et pro nobis
orans assidue
Vitam nobis
aeternam tribue.

60. Huius mundi
fraus et malitia
Nos compellunt
ire per devia,
Labor, timor,
nefas, miseria,
Nec timemus,
dum tu sis praevia.

61. Nos etiam
servi nequissimi
Hic timemus
ab hoste perimi,
Sed tu, sponsa
regis altissimi,
Non permittas
nos tantum deprimi.

62. In hac vita
omnes communiter
Impugnamur
ab hoste fortiter
Et interdum
vincimur turpiter,
Sed iuva nos
misericorditer.

63. Pia mater,
respice filios
Inter hostes
pugnantes impios,
Irruentes
repelle gladios
Et sanctorum
fac esse socios.

64. Ecce, mater,
hostes tartarei,
Prodeuntes
ab ore putei,

Viam claudunt
regni siderei
Nec permittant
nos sursum provehi.

65. Virgo dulcis
et summe sapiens,
Pietatis
fons indeficiens,
Servis tuis
esto compatiens,
Quos infestat
hostis percutions.

66. Tu fuisti
funda cum lapide,
Quae percussit
Goliath valide,
Et nunc, mater,
orando fervide
Hostem fuga
et pacem provide.

67. Preces tuae
nobis subveniant,
Pia mater,
et sic custodiant
Hora mortis,
ut hostes fugiant,
Et nos caeli
cives suscipiant.

68. Nos timentes
hostis insidias,
Hora mortis
magis quam alias,
Supplicamus
nunc, tunc subvenias
Et nos ope
tua custodias.

69. Mentis nostras
peccatis deditas
Multum terret
mortis acerbitas,
Sed tu, mater,
quae caelos habitas,
Fac, ut nobis
detur securitas.

70. Licet nobis
 poena sit vivere,
Mulum tamen
 nos facit tremere
Mors, quam nemo
 potest effugere,
Sed tuum est
 nobis consulere.
71. Nos timemus
 horam novissimam,
Horam mortis
 et diem ultimam,
Quia laesam
 habemus animam,
Sed da nobis
 tu spem firmissimam.
72. Auctor vitae
 nos mori noluit,
Sed pro nobis
 mortem sustinuit,
Qui in morte
 pavit et timuit,
Eius timor
 spem nobis tribuit.
73. Viam mortis
 omnes ingredimur
Et post eam
 nunquam revertimur,
Ex quo magis
 timore premimur,
Per te tamen
 in spem erigimur.
74. Nos in mundo
 nascendo viliter
Et vivendo
 miserabiliter
Festinamus
 ad mortem iugiter,
In te tamen
 sperando firmiter.
75. Heu, revera
 viles et miseri,
Qui mox nati
 cogimur conteri,
- Efficimur
 similes pulveri,
Properantes
 ad portas inferi.
76. Sed tu, David
 proles dignissima,
Mulierum
 virgo pulcherrima,
Urbs regalis,
 turre fortissima,
Defende nos
 a morte pessima.
77. Concha plena
 roris dulcedine,
Caelo regnas
 cum summo principe,
Preces nostras
 auribus percipe
Et in fine
 nos tecum recipe.
78. Languentibus
 in purgatorio,
Qui purgantur
 ardore nimio
Et torquentur
 sine remedio,
Subveniat
 tua compassio.
79. O fons patens,
 qui culpas abluis,
Omnes lavas
 et nullum respuis,
Manum tuam
 porrige mortuis,
Qui in poenis
 languent continuis.
80. Ad te, pia,
 suspirant mortui
Cupientes
 de poenis erui
Et adesse
 tuo conspectui
Et gaudiis
 aeternis perfrui.

81. Clavis David,
 quae caelum aperis,
O Maria,
 succure miseris,
Qui tormentis
 torquentur asperis,
Educ eos
 de domo carceris.

82. Lex iustorum,
 norma credentium,
Vera salus
 in te sperantium,
Pro defunctis
 sit tibi studium
Semper tuum
 orare filium.

83. Benedicta,
 per tua merita
Te rogamus,
 mortuos suscita
Et dimittens
 eorum debita
Ad requiem
 sis eis semita.

84. In tremendo
 Dei iudicio,
Quando fiet
 stricta discussio,
Tunc etiam
 supplica filio,
Ut sit nobis
 cum sanctis portio.

85. Dies illa,
 dies terribilis,
Dies malis
 intolerabilis,
Sed tu, mater,
 sis deprecabilis,
Fac, sit nobis
 iudex placabilis.

86. Illa die
 tantus servabitur
Rigor, quod vix
 iustus salvabitur,

Nemo reus
 iustificabitur,
Sed singulis
 ius suum dabitur.

87. Nos timemus
 diem iudicii,
Quia male
 de nobis conscii,
Sed tu, mater
 summi consilii,
Para nobis
 locum refugii.

88. Tunc iratus
 iudex adveniet,
Singulorum
 causas discutiet
Personamque
 nullam accipiet,
De singulis
 iuste definiet.

89. Horrendum est
 illud iudicium,
In quo nullum
 erit refugium,
Sed quilibet
 poenam et praemium
Recipiet,
 hoc non est dubium.

90. Iustus iudex
 dando sententiam
Non faciet
 iustis iniuriam
Nec iniustus
 faciet gratiam,
Sed tenebit
 strictam iustitiam.

91. Et ideo
 nunc coram iudice
Pro miseris
 te ipsam obice,
Cum filio,
 beata, perface,
Ut nobiscum
 agat pacifice.

92. Nunc igitur,
mater, adcelera,
Pietatis
ostende viscera,
Nato pectus
offer et ubera,
Et eidem
pro nobis impera.

93. Summi regis
mater et filia,
Cui nullus
par est in gloria,
Tua, mater,
dulcis clementia
Sit tunc et nunc
nobis propitia.

94. Pia mater,
quae cunctos respicis,
Cunctos iuvas
et nullum despicias,
Erue nos
de manu iudicis
Et iunge nos
choris angelicis.

95. Stirps electa,
deiectos erige,
Deviantes
ad viam redige,
Bonos auge
et malos corrige
Ac sic tecum
nos omnes collige.

100. Nunc, regina
summi regiminis,
Mediatrix
Dei et hominis,
Quae placare
Deum non desinis,
Esto finis
huius dictaminis.

96. Lux caelestis,
nostra spes unica,
Pietate
tua magnifica,
Dei nutrix,
reos iustificas
Et eos tunc
tecum glorifica.

97. Iesu mater,
summae clementiae,
Summae laudis
et excellentiae,
Sta pro nobis
in caelis hodie,
Ut nos tecum
fruamur requie.

98. Haec itaque
benigne poscimus
Atque ad hoc
suspirat animus,
Ut deleas
mala, quae fecimus,
Et des bona
quae semper cupimus.

99. Tua, virgo,
iucunda facies,
Tua cunctis
miranda species,
Beatorum
est magna requies,
Qua nos tecum,
si placet, saties.

Cod. Carolsruhan. Augien. 36. saec. 14/15. A. — Orat. ms. Tegurinum anni 1466. Clm. Monacen. 19991. B. — Orat. ms. Caelestinorum saec. 15. Cod. Parisin. 18571. C. — Das Gedicht findet sich des weitern in folgenden Quellen: Sehr erweitert in Orat. ms. Augustanum anni 1469. Clm. Monacen. 3702. (Die Zusätze verraten sich teilweise schon durch das Metrum.) D. —

Auf die Hälfte der Strophen reduziert in Cod. Raigraden. $\frac{D}{K}$ I N 3. saec. 15. E. — Orat. ms. Cluniacense saec. 15. Cod. Parisin. Nouv. acq. 333. F. — Orat. ms. Tegurinum saec. 15. Clm. Monacen. 20123. G. — Clm. Monacen. (ol. Tegurin.) 19636. saec. 15. H. — Cod. Parisin. 3639. saec. 15/16. I. — Horar. ms. Gallicum saec. 15. Cod. Londinen. Burn. 336. K. — Orat. ms. Thosanium saec. 15. Cod. Bruxellen. 4943. L. — Horar. ms. S. Petri de Luxemburgo saec. 15. Cod. Avenionen. 207. M. — Orat. ms. Friburgense saec. 15. Cod. Sangallen. 482. N. — Orat. ms. Altaripense (Hanterive) saec. 15. Cod. Friburgen. L 65. O. — Orat. ms. Eberspergensae saec. 15. Clm. Monacen. 6053. P. — Orat. ms. Carth. Erfordien. saec. 15. (Privatbesitz) Q.

Das Ganze, noch erweitert um 21 Str., findet sich auch in Corners *Magnum Promptuarium* 1645. p. 203 ff., woselbst als Quelle der *Hortulus devotionis Hugonis Carthusiensis* angegeben wird; 88 Strophen auf vier Lieder verteilt finden sich in dem *Offic. B. M. V. sec. usum Romanae Curiae, imp. in Castro Lauro* 1503. Die Abweichungen all dieser Quellen unter sich sind so bedeutend, namentlich was Zahl und Stellung der Strophen angeht, daß eine Wiedergabe derselben in diesen Anmerkungen nicht möglich ist. Im folgenden sind nur die Lesarten von ABCQ verzeichnet.

3, 2 sanctarum virginum Q. — 4, 8 tuta divinitus Q. — 5, 8 fecit similem Q. — 7, 1 Ex quo Deum CQ. — 7, 2 digna es parere CQ. — 7, 7 Quanto Q. — 8, 1 Quia tamen BC; Quia tu Q. — 8, 2 virgo es virginum Q. — 8, 3 Summa laudis Q. — 9, 6 terram et cetera CQ. — Str. 9, 10, 11 fehlen B; statt dessen die Strophe:

Benedicta et venerabilis,
Pia, prudens, decora, nobilis,
Universis incomparabilis,
Tibi nunquam fuit consimilis.

10, 3 congaudet Q. — 11, 1 sq. und 3 sq. umgestellt CQ. — 12, 4 quam sine Q. — 12, 6 regnat A. — Str. 14, 15, 16 fehlen Q. — 17, 2 morum fehlt Q. — 17, 5 Vera Q. — 17, 7 sq. Tibi congaudent omnes feminae A. — 18, 2 domina praesides A. — 18, 8 reprimens occides A; potenter obsides Q. — 19, 5 Os fehlt Q. — 20, 7 sq. stehen nach 20, 2. Q. — 21, 1 vires fehlt Q. — 21, 7 Et porta Q. — 22, 1 Tu pulchrum Q. — 22, 5 Tu porta Q. — 22, 7 Tu ferens reis Q. — 22, 8 semper fehlt Q. — 23, 4 fulmen fragrantiae A. — 23, 8 caelestes deliciae Q. — 24, 6 vigor et Q. — 25, 2 et stillans A. — 25, 5 sq. Para nobis locum aethereum Q. — 25, 7 sq. Et emunda cor meum felleum Q. — 26, 1 Benedicta tu Q. — 26, 5 sq. und 7 sq. umgestellt A. — 26, 7 sq. Et dotasti donis caelestibus A. — 27, 4 caelestis luminis Q. — 27, 7 Tu es pietas Q. — 28, 5 spectat A. — 28, 6 conventus civium A. — 29, 1 sq. Mater vera et virgo nomine A. — 30, 6 in fehlt Q. — 31, 1 es fehlt Q. — 31, 5 in caelis Q. — 32, 4 tenebras illustrans A. — 32, 5 Cui mundus Q. — 32, 6 supplicans Q. — 32, 7 pie A. — 33, 3 sq. Christianum defende populum A. — 33, 5 sq. Via vitae morum spectaculum A. — 33, 7 sq. Duc nos ad vitae habitaculum A. — 34, 3 Lumen lucens A. — 34, 6 sis consolatio Q. — 34, 7 Et tentatis Q. — 35, 3 Omnipotens apud Q. — 35, 5 sq. Nostra vitae purgans animum A. — 35, 7 Nos dirige A. — 36, 3 Interemis A. — 36, 5 sq. Captivos respice pauperes Q. — 36, 7 sq. Et fac nos ad bonum celeres Q. — 37, 5 tuis fehlt A. — 38, 2 ostende A. — 38, 7 sq. Ut ducamur ad eum hospitem Q. — Str. 39 fehlt Q. — 39, 7 sq. Sis lassiss pium adulterium A. — 41, 4 delectabile A. — 41, 8 sit impetrabile Q. — 42, 2 et domus A. — 43, 6 sanctis suffragiis Q. — 44, 6 et veros humiles Q. — 44, 7 Et fehlt A. — 44, 8 atque A. — 46, 5 Nos rebelles A. — 47, 1 Virga rosa Q. — 48, 3 sq. In aevum gaudens nobis condoles A. — 48, 5 sq. Pias preces pro nobis immoles Q. — 48, 7 sq. Ut fiamus semper incolumes Q. — 50, 3 Nos molestant BQ. — 50, 5 Et ideo A. — 51, 5 sic fehlt AB. —

51, 8 virgo, confidimus Q. — 52, 4 pungunt A. — 52, 6 ab eius luvius Q. — 53, 1 In hoc mundo B; Et in mundo C. — 53, 3 et fehlt A. — 53, 4 et fehlt Q. — 54, 2 amor modicus A. — 55, 1 Et in mundo A; Sed in mundo C. — 55, 5 Et ergo Q. — Str. 57 fehlt Q; steht hinter Str. 60 BC. — 58, 3 Sic amara BC. — 58, 4 caduca labili BC. — 58, 2 sq. fehlen Q. — Nach 58, 8 Ut tecum stemus in loco nobili Q. — 59, 1 Hostis, qui nos B; Et quia nos C; Et quae nos Q. — 59, 3 eadem C; Ab eis Q. — 59, 4 nos mater Q. — 59, 7 Atque vitam A. — 60, 5 Labor, nefas Q. — 60, 6 nefas et A; timor miseria Q. — 61, 3 Nunc timemus Q. — 61, 5 Sed fehlt Q. — 61, 8 nos ab eo deprimi Q. — 62, 5 Interdum et A. — 63, 8 fac nos socios Q. — 64, 7 dimitunt A; permittentes Q. — 65, 6 compatiens Q. — 66, 3 Quae percussit Goliath Q. — 66, 6 oramus Q. — 66, 8 et pete provide Q. — Str. 68 fehlt Q. — Str. 70 fehlt Q. — 71, 6 habemus conscientiam Q. — 72, 3 Et pro nobis Q. — 72, 5 Et in morte Q. 72, 7 sq. Cuius timor nos multum terruit Q. — 73, 1 sq. Via mortis terram ingredimur BQ. — 73, 3 Et postea Q. — 74, 3 sq. = 74, 5 sq. Q. — 74, 5 sq. = 74, 7 sq. Q. — 74, 8 speramus Q; dann: Quod intremus caelum alacriter Q. — 75, 1 Et revera BC. — Str. 75 fehlt Q. — 76, 1 O tu David Q. — 76, 4 omnium pulcherrima Q. — 77, 1 sq. plena fehlt A; roris plena Q. — 77, 3 Caelos rigans Q. — 77, 8 laete suscipe Q. — 79, 2 qui tanta abluis Q. — 79, 3 lavans A; Nullum sitientem Q. — 79, 4 et neminem A; te respuis Q. — 79, 6 extende mortuis CQ. — 79, 7 sub poenis Q. — 80, 5 sq. und 7 sq. umgestellt Q. — 81, 3 Nunc beata Q. — 81, 7 Educ nos Q. — 82, 7 sq. Semper orare tuum A; Assidue deprecare filium Q. — 83, 4 visita Q. — 84, 4 astricta ratio Q. — 85, 3 Dies mala A. — 85, 6 semper amabilis Q. — 85, 7 Fac, ut sit A. — 87, 1 sq. Illa die mater iudicii Q. — 87, 5 sq. Da nobis sic iam conteri Q. — 87, 7 sq. Ut tunc fiamus liberi Q. — 88, 2 veniet Q. — 88, 5 Personarumque A; Nullam personarum Q. — 88, 7 Sed singulos Q. — 89, 3 Quando nemini A. — Str. 89, 90, 91 fehlen Q. — 91, 3 Pro peccatis C. — 92, 1 Tunc igitur A; O mater Q. — 92, 2 nunc accelera Q. — 92, 7 sq. Et eundem pro nobis supplica A. — Str. 93 und 94 stehen vor Str. 89 BC. — 94, 3 Cunctos amans A. — 94, 4 et neminem A. — 95, 1 fehlt Q. — 95, 2 elisos erige C. — 95, 4 dirige C. — Nach 95, 6 Imperfecta nostra perfice Q. — 95, 7 sq. Et sic omnes nos tecum Q. — Str. 96 fehlt Q. — 97, 1 sq. summae mater B. — 97, 7 Ut tunc plena Q. — 97, 8 regie A. — 98, 1 Haec utraque A. — 99, 3 cuncta A. — 99, 6 beata requies Q. — 99, 7 sq. Nos tuo nato in caelis saties Q.

Vor dem Liede: Sequitur soliloquium sancti Augustini, editum ab ipso ad laudem et gloriam beatæ Mariæ virginis, genetricis Dei, in salutem animarum A; dann folgt ebenda als Prologus:

Ante thronum trinitatis,
Miserorum miserata,
Sis pro nobis advocata.

Virgo solis amicta pallio,
Cui luna pedibus sternitur,
Duodeno stellarum radio
Caput ornans corona praeditur,
Super cuncta praelata cernitur,
Quae in caelis regina conspicitur.

Cerne virtutum se matrem carne solutum [sic].

In BFP: „Incipit iubilis aureus. Hanc sequentem orationem tam eleganter et pulchre rhythmatam condidit Ioseph ab Arimathia, nobilis decurio, ad honorem gloriosissimæ virginis Mariæ, de qua, ut pie creditur, revelatum fuit beato Augustino, quod quicumque eam devote et contrito corde singulis diebus dixerit, quidquid a Deo iuste petierit, impetrabit.“ Der Unsinn ist doch nicht in Tegersee gewachsen. R bemerkt nämlich: „Hanc salutiferam orationem tam eleganter et pulchre rhythmatam condidit Ioseph ab Ari-

mathia in honore beatissimae virginis Mariae, de qua, ut pie creditur, nuntiatum [fuit] beato Augustino, quod quicumque eam devote singulis diebus dixerit, quidquid a Deo iuste petierit, impetrabit, nec aliquod illa die ei nocebit.“

Auch L. versichert: „Oratio Ioseph de Aromathia“ [sic]. Dagegen hält O zu A in der Angabe: „Oratio sancti Augustini.“ E. hinwieder: Sequitur oratio beati Bernhardi ad honorem beatae Mariae virginis. In I geht der ersten Strophe die folgende voran:

An nos sponsum solum laudabimus
Et te matrem eius silebimus?
Non id decet, sed te cantabimus
Dei matrem, quanto valebimus.

In D findet sich der Schluss folgendermaßen gestaltet:

Nunc, regina summi regiminis,
Mediatrix Dei et hominis,
Quae precare Deum non desinis,
Esto memor tui miseri scriptoris,
O Maria.

O mater piissima ordinis Carmeli,
O aqua dulcissima de fonte Elisaei,
Ad quam qui confugiunt, omnes sint redempti,
O Maria.

„Istam orationem beatae Mariae gloriosae scripsit fr. Petrus Netere de Argentina, ordinis beatae Mariae de monte Carmeli, provinciae Alemanniae inferioris, filius conventus Argentinensis, quondam studens Tolosae.“

Zum weiteren Vergleiche möge hier noch die Fassung des Liedes in E folgen:

- | | |
|--|--|
| 1. Salve, mater misericordiae,
Mater spei et mater veniae,
Mater Dei et mater gratiae,
Mater, inquam, totius gloriae. | 8. Pia mater, respice filios,
Inter hostes pugnantes impios,
Irruentes repelle gladios,
Angelorum fac esse socios. |
| 2. Salve, salus humani generis,
Salve, virgo dignior ceteris,
Quae virgines omnes transgredieris,
Et altius sedes in superis. | 9. Ecce, mater, hostes tartarei
Prodeuntes ab ore putei
Viam claudunt regni sideri,
Necpermittunt nos sursum provehi. |
| 3. Salve, sancta sanctorum omnium,
Laus, honor et decus fidelium,
Aula Christi, domus palatium,
Deitatis reclinatorium. | 10. Virgo dulcis et summe sapiens,
Pietatis fons indeficiens,
Servis tuis esto compatiens,
Quos impugnat hostis percutiens. |
| 4. Te creavit pater ingenuus,
Obumbravit te unigenitus,
Fecundavit te sanctus spiritus,
Tu es sancta tota divinitus. | 11. Tu fuisti funda cum lapide,
Quae Goliath percussit valide,
Et nunc, mater, orando obtine,
Hostem fuga et pacem provide. |
| 5. Te creavit Deus mirabilem,
Te respexit ancillam humilem,
Te quaesivit sponsam amabilem,
Tibi nunquam fecit consimilem. | 12. Preces tuae nobis subveniant,
Pia mater, et sic custodiant
Hora mortis, ut hostes fugiant
Et nos caeli cives suscipiant. |
| 6. Te beatam laudare cupiunt
Omnes sancti, sed non sufficiunt,
Quia tot laudes tibi conveniunt,
Quod laudantes omnes deficiunt. | 13. Nos timentes hostis insidias,
Hora mortis magis quam alias,
Supplicamus, ut nunc subvenias
Et nos ope tua custodias. |
| 7. Ex quo Deum digna es parere,
Nemo potest digne exprimere
Laudes tuas nec satis dicere,
Quantum gaudes divino munere. | 14. Mentis nostras peccatis deditas
Multum terret hostis acerbitas,
Et nunc, mater, quae caelos habitas,
Fac, ut detur nobis securitas. |

15. Sed nobis ponas sic vivere,
Multum tamen facit nos tremere
Mors, quam nullus potest effugere,
Sed tuum nobis est consulere.
16. Nos timentes horam novissimam,
Horam mortis et diem ultimam,
Quia laesam habemus animam,
Sed da nobis
tunc spem firmissimam.
17. Illo die tantus servabitur
Rigor, quod vix iustus salvabitur,
Nemoreus, qui non condemnabitur,
Et cuique ius suum dabitur.
18. Auctor vitae nos mori noluit
Et pro nobis mortem sustinuit
Et in morte pavit et timuit,
Cuius timor nos multum terruit.
19. Beata es, virgo puerpera,
Nam qui sedet in patris dextera,
Caelum, terram(que)
regens et cetera,
Intra tua se clausit viscera.
20. Imperatrix, cuius imperio
Tota gaudet caelestis contio,
Tanta laus est tibi in filio,
Quod humana non capit ratio.
21. Benedicta es, venerabilis,
Pia, prudens et tota nobilis,
Universis incomparabilis,
Tibi nunquam fuit consimilis.
22. O quam pulchra puella parvula,
Quam suavis, quam sine macula,
Sed quam potens regnas in saecula,
Tua satis probant miracula.
23. Tu es, virgo, ceteris purior,
Virginibus es gradu dignior,
Super omnes aspectu pulchrior
Et in sanctis post Deum sanctior.
24. Pia mater, per tuam gratiam
Revertitur exsul in patriam,
Peccatores merentur veniam
Atque sancti possident gloriam.
25. Nomen tuum daemon reticeat,
Tua virtus vero subveniat,
Tuus odor sanctos inebriat,
Fructus vero beatos faciat.
26. Fons hortarum, aquarum puteus,
Via lucis, splendor aethereus,
Dei sedes et thronus aureus,
Te conventus laudat aethereus.
27. Cella fragrans morum dulcedine,
Omni carens amaritudine,
Veri solis amictu lumine,
Tibi omnes congraudent feminae.
28. O quam felix,
quae mundo prae sideas,
Mundum regis et caelos possides
Et cum Deo regina resides,
Hostes nostros malignos occides.
29. Tu es clavis superna reserans
Atque [!] solis ardorem temperans,
Ros fornacis ignem refrigerans,
Medicina salutem operans.
30. Tu fuisti vellus in arca,
Arca lucis, turris eburnea,
Tu sis nobis salutis galea,
Granum purum excussa palea.
31. Tu es virens oliva fertilis,
Tu columba simplex et humilis,
Tu columna fidei stabilis,
Porta Sion inexpugnabilis.
32. Tu, beata, fuisti lilium
Inter spinas et flos convallium,
Tu es portus portans suffragium,
Tu es reis semper remedium.
33. Rubus ardens, palma iustitiae,
Murra, nardus
summae fragrantiae,
Hortus virens, flos pudicitiae,
Te circumdant caeli delicatae.
34. Ut affirmat fidelis populus,
Tu es ergo caecorum oculus,
Pes claudorum, virga et baculus,
Omnium sanctorum es titulus.
35. Fons signatus, distillans oleum
Pietatis et rorem melleum,
Para nobis salutis gaudium
Et emunda cor nostrum felleum.
36. Benedicta (tu) in mulieribus,
Quae de tuis castis visceribus,
Plena semper donis caelestibus,
Peperisti pacem hominibus.
37. Tu civitas superni numinis,
Tu claritas caelestis luminis,
Tu dignitas nostrae compaginis,
Tu pietas summae dulcedinis.
38. Per te mundus accepit puerum,
Per te sordes lavantur scelorum,
In te sperat conventus pauperum,
Dona tua non habent numerum.
39. Mater digna virginis nomine,
Insignita Dei imagine,
Decorata similitudine,
Te collaudant sanctorum animae.
40. Tu es terra dans fructum optimum,
Petra fundens potum largissimum,
Fons redundans
in flumen maximum,
Vas reservans manna dulcissimum.

- | | |
|--|---|
| <p>41. Sol es, virgo, eclipsin nesciens,
Sol peccati nubes demoliens,
Sol de caelis terram respiciens,
Sol de caelis in terra oriens.</p> <p>42. Lux serena, aurora rutilans,
Peccatorum tenebras ventilans,
Ad te mundus exsultat iubilans,
Esto, pia, super nos vigilans.</p> <p>43. Mons sublimis, salutis speculum,
Via vitae, morum spectaculum,
In caelis habitas in saeculum,
Christianum defende populum.</p> <p>44. Gemma splendens splendoremio,
Lumen lucens caelesti radio,
Desolatis sis consolatio
Et temptatis firma protectio.</p> <p>45. Tribus Iuda genus dulcissimum,
Omnipotentis es altissimum,
Nostrum in te perurgens animum,
Nos perurge in finem ultimum.</p> | <p>46. Sanctitatis totius femina,
Mundi princeps et caeli domina,
Servis tuis relaxa crimina
Et eorum mentes illumina.</p> <p>47. Ex te, virgo, natus est filius,
Puer Iesus, quo nihil dulcius,
Quem rogamus omnes attentius,
Ut sit nobis per te propitius.</p> <p>48. Vas, excelsi opus mirabile,
Stella caeli, signum spectabile,
Per te nobis fiat possibile,
Quod rogamus, et impetrabile.</p> <p>49. Advocata nostra propitia,
Tua prece semper assidua,
Quod in nobis sordet, evacua
Et sis nobis ad caelum obvia.</p> <p>50. In hoc mundo vix bonum facimus
Et a malis nunquam quiescimus,
Et sic vitam et tempus perdimus,
De te tamen semper confidimus.</p> |
|--|---|

Digneris praestare quod petimus.

137. Ad beatam Mariam V.

Salve, mater salvatoris,
Audi preces familiae,
Tu, quae spes es peccatoris
Et fons misericordiae.
In hac valle, quam laboris
Et luctus et inediae
Infirmitasque doloris
Circumstant et miseriae,
Esto nobis ros dulcoris
Et virtus tolerantiae
Contra aestus incentoris,
Ne nos eius versutiae
Laedant intra sive foris,
Ut per te nos rex gloriae
Iungat angelorum choris
Caelestiumque curiae.

Orat. ms. Domus Novae Lucis anni 1477. Cod. Ultraiection. Scriptt.
Eccl. 375. — 1,1 Vale, mater.

138. De beata Maria V.

- | | |
|---|---|
| <p>1 a. Salve, parens singularis,
Sola carens laude parisi,
Quia parem nulli parisi
Hominem cum numine;</p> | <p>1 b. Virgo, lactas Dei prolem,
Stella, claudis sola solem
Et moliris carnis molem,
Vim electri lumine.</p> |
|---|---|

- | | |
|---|---|
| <p>2 a. Tu fulgorem
electri temperas,
Inaccessum
lumen dum generas,</p> <p>3 a. Nostrae noctis
nubila respice</p> <p>4 a. Nubes levis, iustum plue
gratiamque rora,</p> | <p>2 b. Lucis ergo
mater et filia,
Lux es mundo
facta primaria.</p> <p>3 b. Et da vitae
lumen angelicae.</p> <p>4 b. Pacem vitam et gloriam
saeculis implora,</p> |
|---|---|
- Orat. ms. Maioris Carthusiae saec. 14/15. Cod. Gratianopolitan. 181.

139. De beata Maria V.

- | | |
|--|---|
| <p>1. Salve, plena caritate,
Singulari pietate,
Speciali dignitate,
Tuam laudem perficit
Tuus Iesus, rex caelorum,
Qui in cella pigmentorum
Te malorum granatorum
Plene musto reficit.</p> <p>2. Virgo mater, gratulare,
Tuum Iesum osculare
Et in eius delectare
Beatis amplexibus;
Dignum enim est et iustum,
Dei plenum habens gustum,
Ut amoris bibas mustum
Prae cunctis amantibus.</p> | <p>3. Angelica hierarchia
Iugi laudat harmonia
Te beatam, cuius tria
Probant privilegia,
Quod tu, virgo mater Dei,
Summae thronum requiei,
Curam matris habens, ei
Conregnas in gloria.</p> <p>4. Quae es thronus tuae prolis,
A terreni fisco molis
Nos solutos infer polis
Materna potentia,
Ubi bona videamus
Sempiterna, quae speramus,
In pace Dei vivamus
Inter Sion brachia.</p> |
|--|---|

Orat. ms. Domus Novae Lucis anni 1477. Cod. Ultraiectin. Scriptt. Eccl. 375. — 4,7 Et in pace. — Vielleicht Sequenz.

140. De beata Maria V.

- Salve, regina, mater divina deicolarum,
Es matutina stella marina, lux animarum.
Palma tis freta, sertis impleta illas coronat,
Quaeque plus laeta aetheris meta cantica sonat.
5. Nostra spes dulcis, lassus huius cibus te foris,
Mortis ut sulcis trahas, quae fulcis nos iunctos loris.
Iterum salve, iterum valvae nunc paradisi
Sese dehiscant, nunc resipiscant in te confisi.
Heus, eia, ergo te sine vergo ad ima terrae,
10. Ima maeroris, da vi amoris culpas auferre.
Hac taetra valle, flebili calle respice cunctos,
Oculos verte, ad nos converte corde compunctos.
Fons gratiarum largifluarum, nympa superna,
Illa nos rora, nostra peiora, claudis inferna.

15. Te, advocata hominum, fata felicitarunt,
Quando beata membra tis grata Christum portarunt.
Exsules mundo labis immundo confove dextra,
Divites fundo caeli iucundo victa palaestra.
Ostende natum ab alto datum, Messiam missum,
20. Quem princeps vatū agnū beatū prodidit ipsum,
Hic vita, via, vera sophia, quo sublimamur,
Per te nos, pia virgo Maria, illo beamur.

Orat. ms. saec. 14/15. Cod. Vatican. Ottobon. 18. — 3. Palma tua. —
12. te ad nos; compuncto. — 16. tua grata. — 17. destra. — 20. prodiit.

141. De beata Maria V.

- Salve, regina, miseri cordis medicina,
Vitaque dulcedo, spes nostra per omnia, credo;
Exsiliū gentes ad te clamant patientes,
Evae qui geniti sunt ad suspiria, niti
5. Coguntur flendo, lacrimarum valle gemendo.
Eia, Deo grata, mediatrix nostra vocata,
Ad nos converte [mater] tua lumina, per te
Cernere da Christum post finem, poscimus, istum,
Qui tuus est fructus benedictus; pellere luctus
 10. Clemens posce, pia, dulcissima virgo Maria.
Me rege viventem nec, virgo, sinas morientem,
Offer, mater Dei, me perpetuae requiei,
Tu mea facinora dele per te, virgo Maria.

Orat. ms. Lunaelacense saec. 15. Cod. Vindobonen. 4087. A. — Cod. S. Iosephi Oenipontani A 35. anni 1450. B. — 1 mundi cordis B. — 2 Atque dulcedo A; dulcedo, miserorum spes, tibi me do B. — 3 clamant parturientes A. — 4 Eia qui genti [lies: gnati] sunt ad suspiria nati A. — 6 Eia per gratiam A. — 7 fehlt B. — 8 finem protinus istum B. — 11 sqq. fehlen B. — „Nota, quod Bonifacius papa octavus, composuit sequentia metra super Salve regina et concessit omnibus ea devote dicentibus quadraginta dies indulgentiarum.“ A.

142. De beata Maria V.

- Salve, regina, miseri cordis medicina,
Vitaque dulcedo, spes certa per omnia nobis,
Exsiliū gentes ad te clamant patientes,
Eia, nos miseri sumus, en, patria spoliati,
5. Ex hac nos ad te lacrimarum flemus abisso.
Eia, per gratiam mediatrix nostra vocata
Ad nos convertas [mater] tua lumina, per te
Cernere da Christum post finem, poscimus, [istum],
Qui tuus est fructus benedictus, (de)pellere luctus

10. Clemens posce, pia, o dulcissima virgo Maria.
 Mé rege viventem nec, virgo, sinas morientem,
 Offer, mater Dei, me perpetuae requiei,
 Tu mea facinora avertas prece, virgo Maria.

Cod. S. Floriani XI 196. saec. 16. — Bearbeitung des vorigen.

143. Oratio ad beatam Mariam V.

- | | |
|---|--|
| 1. Salve, regina omnium,
Virgo mater, post filium,
Salve, caelestis ianua
Errantibus tu patula. | 9. Sed tu, o Dei genetrix,
Virgo es ineffabilis,
Te spem meam constituo,
Me tibi servum offero. |
| 2. Salve, tu Dei genetrix,
Invocantum te adiutrix,
Tuo processit utero
Tamquam sponsus de thalamo, | 10. Fide tua me suscipe,
Nato tuo restitue,
Mea peccatrix anima
Ne sit in fine perditā. |
| 3. Qui nos venit redimere,
Mundum dignatus visere.
Et quia moles criminum
Me nimis fecit miserum, | 11. Praesta mihi subsidium,
Dum hoc relinquo saeculum,
Et cum recedit spiritus,
Castis adesto precibus. |
| 4. Ad te solam confugio,
Tuum solamen flagito,
Pande mihi dulcissimum
Pietatis sacrarium. | 12. Nam te orante, domina,
Sanctorum surgunt milia,
Si tu sola silueris,
Vox nulla erit ceteris. |
| 5. Pateant aures tuae piaae
Votis meae angustiae,
Appella pro me filium,
Filium Deique tuum, | 13. Noli silere, domina,
Esto mihi propitia,
Non enim vult me perdere,
Qui me redemit sanguine. |
| 6. Ut mihi sit propitius,
Qui te quaero prae omnibus.
Sed, tu quod non vis, diligo,
Castitatem, heu, fugito. | 14. Me cunctis locis protege,
Labentem semper erige,
Manum sacratam porrige,
In viam pacis dirige. |
| 7. Perius, mendax, invidus,
Illicitorum cupidus,
Ira fremens et odio
Et semper studens otio, | 15. Vales enim prae omnibus,
Quos praecellis virtutibus,
Tu angelorum domina,
Tu prophetarum gloria, |
| 8. Quid dicam ante iudicem
Caelis, terris terribilem,
Qui statuet iudicium
Et indicabit saeculum? | 16. Apostolorum, martyrum,
Confessorum ac virginum
Nec non sanctorum omnium,
Solve meam miseriam. |
| 17. Tu mihi da clementiam,
Ut vocem Christi audiam,
Per quam vitam possideam
Et te laudare valeam. | |

Orat. ms. Montis S. Georgii anni 1464. Cod. Guelfenbyteran. 1514. Helmsstadien. 1391. A. — Orat. ms. Domus Novae Lucis anni 1477. Cod. Ultraiection. Scriptt. Eccl. 375. B. — 1, 2 post saeculum, A. — 1, 4 Peccatoribus patula B. — 2, 1 tu fehlt A. — 2, 2 Virgo florens et fertilis B. — 3, 1 Quid nos B. — 3, 2 dignatus est A. — 3, 3 quia me moles A. — 3, 3 facit B. — 4, 2 postulo. — 4, 3 piissimam B. — 4, 4 Tuas pietatis A. — 5, 3 sq. Interpella pro me Dominum A. — 5, 4 Unicum tuum filium A. — 6, 1 Ut mihi sit remissius B. — 6, 2 Quia te A; Quod te B. — 6, 3 vis non diligo B. — 9, 4 Virginitatem confugio B. — 7, 1 Taliter sum immundus A. — 8, 3 Cum statuet B. — 9, 1 o fehlt A; Dei fehlt B. — 9, 2 es fehlt A; Omnium imperatrix B. — 9, 4 Me famulum tibi A. — 10, 3 infelix anima B. — 11, 2 Cum hoc A. — 11, 3 und 4 fehlen A. — 12, 4 erit aliis B. — 13, 3 Non vult enim B. — Str. 14 in B:

Me cunctis locis protege,
In viam pacis dirige,
Manum sacram porrigere
Nec non labantem erige.

16, 2 Et confessorum omnium B. — 16, 3 sq. fehlen A. — 17, 1 Et impende clementiam B. — 17, 2 Christi vocem B. — 17, 4 fehlt B; dafür schliessen sich in B noch folgende Zeilen an:

Audi, Christe piissime,
Patris matrisque unice,
Audi matrem piissimam,
Quam sic fecisti inclitam.

Adiuro te, rex omnium,
Cum iudicabis saeculum,
Ne me cum infelicibus
Gehennis tradas ignibus.

Vale, redemptor omnium,
Generale dominium,
Vale, beata trinitas
Et triplicata unitas,
Vale per omne saeculum
Et dele massam scelerum.

144. De beata Maria V.

- | | |
|--|---|
| <p>1. Salve, salve, dominatrix,
O caelestis imperatrix,
O maestorum consolatrix,
Esto nostri miseratrix.</p> <p>2. Orta mundo maris stella,
Verbi Dei sacra cella,
Hostis pelle saeva bella
Nos tuendo a procella.</p> <p>3. Speciosa margarita,
Peccatorum spes et vita,
Sola tu es redimita
Et prae cunctis exquisita.</p> | <p>4. Gloriosa matutina,
Stella tu formosa,
Peccatorum medicina
Mire fructuosa,
Mundi princeps et regina,
Gaude, gloriosa.</p> <p>5. Speciosa, admiranda,
Redolens ut rosa,
Virgo semper veneranda,
Mater generosa,
Tu a nobis invocanda
Gemma luminum,
Super omnes praedicanda,
Tota speciosa.</p> |
|--|---|

6. Decora lux non casura
Splendens ut aurora,
Carne pulchra, mente pura,
Tu pro nobis ora,
Ut in mortis nos futura
Gaudeamus hora;
Vale, nostra spes segura,
Tu valde decora,
Advocata tutissima.

Orat. ms. Domus Novae Lucis anni 1477. Cod. Ultraiectin. Scriptt.
Ecccl. 375.

145. De beata Maria V.

- | | |
|--|--|
| 1. Salve, salve, o formosa,
Virgo nimis speciosa,
Sancta Dei genetrix,
Tu es virga benedicta,
A propheta iam praedicta,
De radice nobili, | 5. Valde facta es suavis,
Quasi magna plena navis
Omnibus deliciis;
Omni plena es thesauro,
Plena gemmis, dives auro
Ac caelesti gratia. |
| 2. Hoc est de Iesse radice;
Ergo salve, o amice
Iesse Dei inclite,
Qui dedisti virgam talem,
Nunquam vidit mundus qualem
Nec visurus similem. | 6. Tu es nata velut rosa
Inter spinas sine spina
Et ut pulchrum lilium;
Christi dextris es locata,
Ut sis nostra advocata
Nunc et in perpetuum. |
| 3. De qua virga flos ascendit,
Cuius odor non offendit,
Sed valde laetificat,
Dulcis ergo eius odor,
Dulcis sapor, pulcher color,
Nil in mundo pulchrius. | 7. Tu es nostrum refugium
Atque Christi palatium
Et aula pudicitiae;
Tu in fine vitae meae
Dignare me visitare,
Indignum tuum servulum. |
| 4. Ergo salve, o Maria,
Virgo clemens et benigna,
Singularis domina,
Ave, mater benedicta,
Cunctis floribus amicta
Cunctisque virtutibus. | 8. Ut sic terrorem Satanae
Per te queam evadere
Redeundo ad patriam,
In qua semper permanere
Atque tecum congaudere
Sine fine valeam. |

Offic. BMV. imp. in Castro Lauro 1503.

146. Ad beatam Mariam V.

- | | |
|---|---|
| Salve, sancta mater Dei,
Da effectum meae spei,
O maestorum consolatrix,
O lapsorum sublevatrix, | Tuum placando filium.
Ora regem, iube nato,
Ut me mundet a peccato,
A peccato actuali, |
| 5. Confer mihi auxilium | 10. Quem mundavit originali |

Suo pretioso cruore,
Te attestante cum dolore,
Cum aspiceres poenam nati,
Clavis, lancea perforati,
15. Et illius sanguinem fundi,
Quem genuisti Dominum
mundi.

Memento ergo, virgo mitis,
Cur hoc ambo passi sitis,
Hic in carne, tu in mente,
20. Cum pateretur te praesente.
Causa mei crucem ascendit,
Ut salvator in cruce pependit,
Causa mei tu doluisti,
Cum aspiceres mortem
Christi.

25. Quia subiit causa mei
Poenam crucis filius Dei,
Sic et ego causa fui

Suae mortis et doloris tui.
Noli ergo, mater spei,
30. Haec oblivisci odio mei,
Sed pro reo, domina, ora,
Filius audiet te sine mora,
Quidquid petieris, dabit tibi.
Quam elegit matrem sibi,
35. Cuius de utero voluit nasci,
Cuius ab uberibus voluit pasci.
O regina angelorum,
Laus instorum,
spes miserorum,
Per quam reis donatur venia,
40. Per quam iustis
reddantur praemia.
Et commendo animam meam,
Ut reconcilies filio tuo eam,
Ut in vitam aeternam perducatur
illam.

Orat. ms. Domus Novae Lucis anni. 1477. Cod. Ultraiection. Scriptt. Ecol.
375. — 6. Tuum dilectum placando. — 7. iube dilecto nato. — Nach Vers 43,
mit dem das Gedicht zu schliessen scheint, folgt noch:

O Maria, plasma nati,
Quae vidisti natum pati,
Quis te dolor tenuit,
Non est humanitati
Scire datum, ulli vati,
Nullus homo potuit
Prae dolore perforetur
Mens mea et crucietur,
Quae dolorem meruit,
Ne in fine condemnatur,
Sed per poenas emendetur,
Quia carni paruit.

O dulcis Iesu, reo
Infer iubar cordi meo,
Qui cruore me roseo
Lotum redemisti Deo.

Virtus patri, laus genito,
Sancto decus paracrito,
Sit una tribus gloria
Per saeculorum saecula.

147. De beata Maria V.

Salve, sancta parens,
Kyria labe carens, cepisti mente fideli
Angelica laude theos anthropos in penetrali
Ventris mortali redimens hominem cruce fraude.
5. O laudabilis ac venerabilis arca sophiae,

Mater amabilis atque placabilis orthographiae.
Stella maris, speculum iubaris, sine vae gravidaris,
Sicque paris genetrixque daris virgoque vocaris.
Ut placeat, faxis, quoque cleri diceris axis,

10. Pervicibus laxis tis est nata diasmaxis.
O Deus aeternae, prece materna miserere
Nostrum, sic cerne, caelica facias nos videre.

Clm. Monacen. (ol. Tegurin.) 19824 saec. 15.

148. De beata Maria V.

- | | |
|---|--|
| 1. Salve, sancta parens,
Omni labe carens,
Salve, virga decens,
Plus quam rosa recens. | 6. Salve, quae securos
Facis transituros,
Salve, per quam sursum
Quisque vertit cursum. |
| 2. Salve, mater regis,
Cum quo cuncta regis,
Salve, mater lucis,
Ad quam lapsos ducis. | 7. Salve, dux et via,
Dei mater pia,
Salve, gubernatrix
Mundi et salvatrix. |
| 3. Salve, eius mater,
Qui est tuus pater,
Salve, quae fuisti,
Virgo, mater Christi. | 8. Salve, per quam sanum
Est genus humanum,
Salve, per quam mundus
Est omnis incundus. |
| 4. Salve, mater alma
Virginumque palma,
Salve, quae tuorum
Es spes famulorum. | 9. Salve, angelorum
Domina cunctorum,
Salve, super cunctos
Choros Christo iunctos. |
| 5. Salve, digna laude,
Mater sine fraude,
Salve, quae vocaris
Huius stella maris. | 10. Salve, iuxta natum
Tenens principatum,
Salve, quae precatu
Nos mundas reatu. |

Orat. ms. Domus Novae Lucis anni 1477. Cod. Ultraiectin. Scriptt.
Eccl. 375.

149. De beata Maria V.

- Salve, sancta parens, pia virgo, superbenedicta,
Omni labe carens, quae lumine solis amicta,
Lunae sub plantis calcans iubar irradiantis,
Sertum de stellis prae virginibusque puellis,
5. Regia matrona, geris, alma puerpera Christi.
Hic, elegisti, tua quod veneretur icona,
Per tua condigna miracula, virgo benigna.
Me tibi consigna Satanae de fraude maligna,

- Tu matrona bona, tu glorificata beata,
10. Tu speciosa rosa, tu mater amoris, honoris.
O fons dulcoris, caeli regina superna,
Me prece materna tuearis in omnibus horis.
Mater humillima, spes, miseratio certa reorum,
Mystica cella, benigna puella, suavis, amoena,
15. Lumine plena, decora, serena, maris quoque stella.
Virgo sacrata, per astra levata, Deo sociata,
Sis miserata mei, pia, grata Davidica nata.
Diva propago, dulcis imago, floriger hortus,
In maris undis valde profundis ancora, portus.
20. Fons bonitatis semper inundans, vas pietatis,
Prorsus abundans, cum deitatis pace incundans.
Auxiliatrix, induperatrix, alleviatrix,
Sis medicamen, da relevamen, pelle gravamen.
Amen, implores, ores, ut gaudia caeli
25. Heli det, dia, diadema mihique, Maria.

Orat. ms. Domus Novae Lucis anni 1477. Cod. Ultraiectin. Scriptt. Eccl.
375. — 14 cella semper benigna puella.

150. De beata Maria V.

- Salve, scala poli, sanctae iunctissima proli,
Digne digna coli, miserum me spernere noli.
O mundi domina, fer opem, precor, atque propina,
Ut mihi divina per te pareat medicina.
5. O pia virgo, soles vitiorum pellere moles,
Quem recreare voles, recreabit eum tua proles.
Fons es dulcoris et fax totius amoris,
Virginei floris es gemma, thesaurus pudoris.
Tu salvatoris speculum, tu calmen honoris,
10. In superis oris es summa stella nitoris.
Te sequor, esto via misero mihi, sancta Maria,
Ut sic te media pateat placatio dia.
Omnibus adiutis te praeside teque secutis
Es via virtutis, via vitae, porta salutis.
15. Virgo Deo plena, virgo pia, virgo serena,
Es veniae vena, dulcore salutis amoena.
Dum mala commisi, Dominum peccator amisi,
Redde, quod amisi, pia virgo, decor paradisi.
Peccavi temere, precanti, virgo, medere
20. Ac animae miserae miserere, precor, miserere.
Tu thronus es Christi, dignissima namque fuisti
Esse parens isti, quem virgo manens peperisti.
Ergo, Dei cella, serpentis deprime bella,

Pande tuis, stella, solem, materque puella.

25. Alma parens Christi, quae virgo manens peperisti,
Deprecor, exaudi, mea mens quae postulat, andi.

Clm. Monacen. (ol. Emmeramen.) 14343. anni 1351. — 17. male. — Die
Hs. hat die zweifelloß irrige Aufschrift: „de beata Maria sequentia.“

151. De beata Maria V.

- | | |
|--|--|
| 1. Salve, stella marina,
Maria mater filio;
Nata lucis vicina
Polo mundi filio. | 5. Haec est, quam conversamine
Unusquisque sectatur
Pro suo mensuramine,
Quo Deo limitatur. |
| 2. Nam Christus punctus stabilis
Est firmamenti sphaerae,
Hoc est incommutabilis
Et et aeternus vere. | 6. Quam et nos per hoc manibus
Velificantes mare
Magnum latumque crebrius
Debemus inspectare, |
| 3. Quam ambit septistellium
Splendentium sanctorum,
Universitas omnium
Hoc est unanicorum. | 7. Ne subiugemur fluctibus
Undarum turbulentis,
Devorandi reptilibus
Maris non quiescentis. |
| 4. Ursa maior videlicet,
Cursus denis pluralis,
Quod milibus hic explicet
Infinitum non talis. | 8. Quin potius ut lumine
Praeclaro meritum
Simulque coruscamine
Claro suffragiorum |

9. Ac exemplaris semitis

Nos introducat sui,
Quo portus pace perpetis
Possimus iuge frui.

Orat. ms. Domus Novae Lucis anni 1477. Cod. Ultraiectin. Scriptt. Eccl.
375; zweimal: fol. 105. A; fol. 110. B. — 1, 1 Vale, stella A. — 4, 2 demis
AB. — 4, 3 Et milibus B. — 7, 4 non quotatentis AB.

152. Oratio ad beatam Mariam V.

- Salve, stella maris, quae sola Maria vocaris,
Virgo regalis, amica Dei specialis,
Ianua salutis, nostrae tutela salutis,
Porta pia caeli, prompte succurre fideli.
5. Tu spes lapsorum, tu confugium miserorum,
Ad te suspiro, tua dona, beata, requiro.
Tu me salvifica, Christi specialis amica,
Cum prece devota famulantum suscipe vota.
O veneranda satis, mater summae pietatis,
10. O radix Iesse, fac me, quaeso, precor, esse
Ante tuum natum, sanctissima, funde precatum,
Ut me damnatum revoces delendo reatum.

- Flos reginarum, paradisus deliciarum,
Sanctior es sanctis, genetrix electa tonantis,
15. Rivus aquae vivae, dulcedo virentis olivae,
Intemerata rosa, super omne, quod est, speciosa.
Stella solaris, pereo, nisi me tuearis,
Novi, quod de te veteres scripsere prophetae,
Et scio completa, quae dixit quisque propheta.
20. In regno Christi laetaris, quae genuisti,
Hunc petendo fidem servus precatur et idem,
Suscipe de caelis, per te rogat iste fidelis,
Ut mihi iam laeso prosit tua gratia, quaeso.
Mundi salvatrix, esto pro me mediatrix,
25. Filia Ierusalem, fac ante Deum venialem.
Nam veniam spero tuaque suffragia quaero,
Culpamque ploro, tu parce, flebilis oro.
Confidens rogo te, faciat Deus omnia per te,
Hunc interpella, mater simul atque puella,
30. Virgo tuam prolem, sidus complectere solem
Et per eum solem peccati dilue molem,
Molem peccati pergrandis, inveterati,
Quod quamvis fero, per te deponere quaero.
Spem sumo divinam, medicum simul et medicinam,
35. Meque reconcilia, sanctissima virgo Maria,
Ut benedicatur largitio, cui famulatur
Pontus, terra, polus, regnans per omnia solus.
O florens rosa, mater Domini speciosa,
O virgo mitis, o fecundissima vitis,
40. Clarior aurora, pro nobis omnibus ora,
Ora tu, pia, pro me, rosa, virgo Maria.
- Orat. ms. Domus Novae Lucis anni 1477. Cod. Ultraiection. Sriptt. Eccl.
375. — 2. Virgo regularis. — 27. Culpam quam ploro.

153. De beata Maria V.

- | | |
|--|---|
| 1. Salve, templum
totius decoris,
Diadema
regalis honoris,
Fons virtutum
splendorque pudoris,
Pulchra Dei filia.
Hunc decorem
Christus concupivit,
Cum a patre
luminum exivit
Carnem nostram
secumque univit
In te, plena gratia. | 2. O intacta
virgo puerpera,
Ad te clamat
mens mea misera,
Quae confluit
per multa scelera
Semper ab infantia.
Pia mater,
de me recogita,
In peccatis
mortuum visita
Precibusque
foetentem suscita
De tanta miseria. |
|--|---|

3. Salve, sanctum
vellus Gedeonis
Atque thronus
veri Salomonis,
Cui nullus
fuit par in thronis
Arte vel materia,
Ebur candens
tuae castitatis,
Aurum fulgens
tuae caritatis
Sexque gradus
omnis sanctitatis
Praesignant mysteria.

4. O Maria,
mater salvatoris,
Audi fletus
huius peccatoris
Et super me
oculos dulcoris
Dirige propitia.
Sic respice,
ut peccatis mundum,
Virtutibus
reddas me fecundum,
In laudibus
tuis fac iucundum,
Virgo, David filia.

5. Salve, florens
hortus austro flante,
Porta clausa
post partum et ante,
Mater virgo
sola disponente
Divina potentia.
In te virtus
est patientiae
Rosa simul
et temperantiae
Cum viola
misericordiae
Suavi fragrantia.

6. Frange potens
hostium conatus
Atque rege
mentis meae status
Et averte
pravos cogitatus,
Cuncta simul noxia.
Dulcedinem
funde caritatis,
Medicinam
dona castitatis,
Discipulum
fac humilitatis
Me tua clementia.

7. Salve, virga
de radice Iesse,
De qua fecit
Deus florem esse,
Qui mortuos
revocat ad esse
Propria fragrantia.
Tu frutex es
vitae salvificus,
Cuius flos est
[tam] aromaticus,
Fructus tuus
valde mellificus
Dans aeterna gaudia.

8. O regina
regni Davidici,
Fac odoris
floris dominici,
Quo merentur
angeli refici,
Nos gustare dulcia,
Ut discamus
mundum despiciere
Et post eius
odorem currere
Teque duce
caelos ascendere
Per aeterna saecula.

Orat. ms. Campense anni 1462. Cod. Darmstadien. 521. — 1, 12 sq. Carnemque nostram secum univit. — 4, 11 me fehlt. — 7, 11 fehlt eine Silbe. — 8, 10 sq. Et post decorem eius currere. — Str. 2, 4, 6 als besonderes Lied in Cod. Ultraiectin. Scriptt. Eccl. 375. anni 1477.

154. De beata Maria Y.

1. Salve, thronus Salomonis,
Virgo, vellus Gedeonis,
Virgo, mater gratiae;
Salve, cuius nubem nescit
Neque partu dediescit
Dies pudicitiae.
2. Increatum res creata,
Virgo Deum, patrem nata,
Fontem fudit rivulus,
Sic naturae cancellato
Primo iure designato
Vase prodit figulus.
3. Usu partus destituto
Fructum flore non soluto
Parit lesse virgula,
Fructu flos non deflorescit,
Et aeternae non marcescit
Veris rosa primula.
4. Salve, servis spes aeternae,
Libertatis lux supernae,
Lucis ostiaria;
Salve, per quam servitutis
Iugo fracto sunt salutis
Restituta gaudia.
5. Per te nubes denubescat,
Vitae nubes exarescat,
Primae sortis lacrima,
Ut ad mensam trinitatis
Post fermentum vetastatis
Comedamus azima.

Orat. ms. Domus Novae Lucis anni 1477. Cod. Ultraiectin. Script.
Ecl. 375. — Vielleicht Sequenz.

155. De beata Maria V.

1. Salve, virgo benedicta,
Quae fugasti maledicta,
Salve, mater altissimi,
Aqui sponsa mitissimi.
2. Tu serpentem evicisti,
Cuius caput contrivisti,
Cum nati per infantiam
Hostis frangis potentiam.
3. Tu caelorum imperatrix,
Tu terrarum reparatrix,
Ad quam suspirant homines,
Quam nequam tremunt dae-
mones.
4. Tu fenestra, porta, vellus,
Aula, domus, templum, tellus,
Virginitatis liliam
Et rosa per martyrrium.
5. Hortus clausus, fons hortorum,
Sordes lavans peccatorum,
Inquinatos purificans
Et mortuos vivificans.
6. Dominatrix angelorum,
Spes post Deum saeculorum,
Regis reclinatorium
Et deitatis solium.
7. Stella fulgens orientis,
Umbras fugans occidentis,
Aurora solis praevia
Et dies noctis nescia.
8. Parens nostri tu parentis
Et genetrix nos gignentis,
Pia matris fiducia,
Patri nos reconcilia.
9. Ora, mater, Deum natum,
Nostrum solvat ut reatum
Et post concessam veniam
Det gratiam et gloriam.

Orat. ms. Maioris Carthusiae saec. 14/15. Cod. Gratianopolitan. 181.

156. De beata Maria V.

I.

1. Salve, virgo fecundata,
Omni dono praeditata,
Christi mater illibata,
[Virgo] venerabilis;
Salve, decus castitatis,
Formae mirae, sanctitatis,
Fons perfectae pietatis,
O, res admirabilis.
2. Salve, stella matutina,
Dulcis vitae, medicina,
Vernans rosa sine spina,
Virga Iesse florida;
Salve, mundi consolatrix,
Angelorum imperatrix,
Tu labentum sublevatrix,
Corda [sana] morbida.
3. Salve, parens expers paris,
Iesum Christum mundo paris,
Clemens virgo, singularis
Protectrix humilium;
O Maria, caeli porta,
Te precamur, nos supporta,
Per quam mundo lux est orta,
Vera salus omnium.
4. O prae cunctis gratiosa,
Magis quam sol luminosa,
Mater eius generosa,
Qui creavit omnia;
Tu caelorum vera clavis,
Huius mundi tuta navis,
Vere mitis ac suavis,
Aufer nunc peccamina.

II.

1. Gaude, sancta, lux diei,
Memor esto semper rei,
Benedicta mater Dei,
O superna domina;
Gaude, sancta, fons amoris,
Fons salutis, fons dulcoris,
Alma mater redemptoris,
Terge cuncta crimina.
2. Gaudé, sancta, tu decora,
Plus splendescens quam aurora,
Iuva nos in mortis hora,
Caeli luminarium,
- Et a nobis, lumen clarum,
Fuga noctem tenebrarum,
Tolle sordes offensarum
Post praesens exsilium.
3. Gaude, sancta, tota munda,
Virgo manens ac fecunda,
Prorsus nos immundos munda
Caecos et illumina;
Gemma clara mulierum,
Quae lactasti regem regum,
Pie totum fove clerum
Caritate gemina.

III.

1. Vale, verbi Dei cella,
Orbis fulgor, maris stella,
Serva tuos a procella
Mundi huius noxia;
Mundum pingis miro flore,
Florem paris miro more,
Virgo manens cum pudore
Novi floris gratia.
2. Mater regis et regina
De malorum nos sentina
Perduc ad caelestia;
Dele culpas, o Maria,
Deum placare prece pia,
Per te nobis detur via
Ad aeterna gaudia.

157. De beata Maria V.

1. Salve, virgo gloriosa,
Ave, mundi domina,
Vale, mater generosa,
Gaude, plena gratia.
2. Peccatores et beati
Te collaudant adunati,
Tu, quam clamant tribulati.
3. Virgo sancta, lucens via.
Te adorant sol et luna,
Tu, quam clamant omnes una.
4. Piam aurem huc inclina,
Esto mihi medicina,
Tu, quae servas a ruina.
5. Tu reformes in amorem,
Quem offendi creatorem,
Tu, quae audis peccatorem.
6. Deprecare vultum Dei
Pro salute huius rei,
Tu, quae mater sistis ei.
7. Per virtutem sanctae crucis
Te clamantes ad te ducis,
Tu, quae sistis via lucis.
8. Virtuosa, tota clara,
Aufer cordis nunc amara,
Tu, quae Deo es tam cara.
9. Propter tuam bonitatem
Sana mentis pravitatem
Vale, donans sanitatem.
10. Ad te clamo, nimis pia,
Tu caelestis hierarchia,
Vale, virgo, o Maria.
11. Tu regina honorata
Dulcis, clemens et beata,
Tu, quae cunctis donas grata.
12. Paradisi vera clavis,
Felix porta, tuta navis,
Tu, quae nunquam dedignaris.
13. Defensatrix a ruina,
Liberare nos festina,
Tu, quae caeli es regina.
14. Mater casta et decora,
Roga pro me sine mora,
Tu, quae iuvas omni hora.
15. Virtuosa o puella,
Pia, dulcis plus quam mella,
Vale, clara maris stella.
16. Dominatrix angelorum,
Martyrum atque sanctorum,
Tu, quae porta es caelorum.

Orat. ms. Domus Novae Lucis anni 1477. Cod. Ultraieotin. Scriptt. Eccl. 375. — 3, 1 Da virgo. — 9, 3 folgt noch Virgo praestans sanctitatem. — 12, 2 Da paradisi. — 16, 2 et sanctorum. — Am Schlusse: „Quicumque salutationem istam saltem semel in die ad nominis tui laudem dixeritque devote, si in tribulatione, consoletur, si in temptatione, liberetur, si in macerore, lactetur.“

158. Oratio ad beatam Mariam V.

1. Salve, virgo mater Christi,
Pro me natum supplica,
Quem lactasti, quem fovisti
Sibi praebens ubera,
Morientem quem vidisti
Pro nostra miseria,
Peccatori mihi tristi,
Ut donet remedia.
2. O Maria languidorum
Dulcis consolatio,
Tu adiutrix miserorum,
Mihi sis protectio,
Miseratrix miserorum,
Ad te miser fugio,
Tolle pondus peccatorum,
Quod indignus profero.

3. Imperatrix reginarum
Dulcis et mitissima,
Flos et gemma puellarum,
Mihi sis propitia
In hac valle lacrimarum

Crimen feci et non parum,
Miserere, domina.

4. Ego miser vixi male
Peccans super numerum
Et pro culpis infernale
Merui supplicium,
Nunquam tamen feci tale
Neque tantum vitium,
Quia mi posses aeternale
Largire remedium.

5. Sed non vis, quod moriatur
Peccator pro crimine,
Immo vis, ut convertatur
Et vivat perpetue,
Ergo per te largiatur
Munus indulgentiae
Spatiumque concedatur
Verae paenitentiae.

6. Vale, mater, tu impende,
Quod sit necessarium,
Hora mortis metuendae
Fer mihi auxilium,
A gehennae me defende
Malignorum daemonum,
Me duc tecum et ostende
Mihi tuum filium.

Orat. ms. Domus Novae Lucis anni 1477. Cod. Ultraiectin. Scriptt. Eccl. 375. — 4, 7 Quin ni. — Str. 6 beginnt mit neuer Initiale als Stück für sich, gehört aber augenscheinlich zum Vorhergehenden. Am Schlusse folgt dann noch:

O virgo dulcissima,
Me ducas ad gaudia
(Et) hoc praestante filio,
Cuius dulcis visio
Vita est et gloria
Per aeterna saecula.
Amen dico prece pia,
Exaudi, virgo Maria.

Acrostichon von Str. 2 an: O Jesu; vielleicht ist Str. 1 Zuthat oder an den Schluss zu setzen.

159. De beata Maria V.

1. Sempiterni regis mater,
casta spes fidelium,
Salus mundi, porta caeli,
angelorum gaudium,
Audi vota miserorum
tibi supplicantium,
Ut quos vexat incessanter
cogitandi vitium,
In conflictu mentis tuum
sentiant subsidium,
Ne consensus pravae carnis
trahat ad supplicium.

2. Gloriosa, quam beatam
dicunt regum filiae,
Stella maris, radix Iesse,
aurora iustitiae,
Placa nobis solem verum,
spes misericordiae,
Ut eductis, quos redemit,
de lacu miseriae,
Et quos lingua fecit reos,
solvat munus gratiae,
Praestet locum tua prece
in sanctorum requie.

3. Felix mater, cuius Deum
portaverunt viscera,
Cedrus alta, exaltata,
lucens inter sidera,
Consolare, quos accusant
tenebrarum opera,

Per te sanet peccatorum
Christus nostra vulnera,
Ut percepta, quam precamur,
pietatis dextera
Nos inducat, ubi regnat
cum patre, in aethera,

Cod. Londinen. Reg. 7 A VI. saec. 14/15.

160. De beata Maria V.

- Si fieri posset, quod arenae, pulvis et undae,
Undarum guttae, rosa, gemmae, lilia, flammae,
Aethera, caelicolae, nix, grando, sexus uterque,
Ventorum, pluviae, volucrum, pecorum genus omne,
5. Silvarum rami, frondes, avium quoque pennae,
Ros, gramen, stellae, pisces, angues et aristae
Et lapides, montes, convalles, terra, dracones,
Lingua cuncta forent, minime depromere possent,
Quae sis vel quanta, virgo, regina Maria,
10. Quae tua sit pietas, nec littera nec dabit aetas.

Clm. Monacen. (ol. Caesareen.) 7943. saec. 13. A. — Cod. Londinen. Reg. 7 A VI. saec. 14/15. B. — Cod. Mellicen. 716. saec. 15. C. — Cod. Palat. Vindobonen. 4781. saec. 15. D. — Cod. Palat. Vindobonen. 4031. saec. 15. E. — Orat. ms. saec. 15. Cod. Bruxellen. 4588—91. F.

1. unda E. — 4. Ventorum pennae C, rixae D. — 5. Silvarum rami C. — Aufschrift: Petrus Manducator de virgine Maria A; Petrus Comestor CE; Doctor, qui composuit historiam Scholasticam, hos versus fecit de domina nostra, sancta Maria D.

161. De beata Maria V.

1. Si haberem linguarum milia,
Si pollerem omni scientia,
Si florerem omni facundia,
Qua rhetorum vernant eloquia,
Qua redolet legum peritia,
Qua refulgent artium studia,
Qua doctorum vigent ingenia,
Qua redundant cuncta mortalia,
Non canerem digne praeconia,
Quae te decent, o virgo regia.
2. Si quaelibet verbo carentia
Ditarentur loquendi gratia
Teque simul laudarent omnia,
Caelum, aer, tellus et maria,
Pisces, aves et animalia

Et homines et quaevis alia,
Quae sub caelo sunt existentia,
Ipsa tamen laudis materia
Tot et tanta laudum insignia
Superares insigni gratia.

3. Ergo cum sim pulvis, limus,
Faex putredo, lutum, finus,
Umbra, fumus et nil fere,
Nonne debeo tacere?
Reginae vero omnium
Cuncti debent praeconium,
Matrem Dei praedicare
Debet caelum, terra, mare;
Ergo, licet ego vermis
Ad hoc opus sim inermis,
4. Te laudare tamen esurio;
Sed me fraenat mea pollutio,
Mihi calcar tua dilectio,
Mihi fraenum mea confusio,
Mihi calcar tua clementia,
Mihi fraenum mea miseria.
5. Sed me cogis, cum sis illa
Dei mater et ancilla,
Sola prae cunctis tranquilla,
Quae lumen aeternitatis
Merito humilitatis
Cum flore virginitatis
Partu novitatis mirae
Meruisti parturire
Et nato servos unire.
6. Summa summe placens Deo,
Sola placens cordi meo
Prae cunctis excepto Deo,
Tu sola summe post Deum
Meus amor, decus meum,
Mea lux, meum iuvamen,
Mea spes, meum solamen.
7. Ergo parce diligenti,
Te laudare sitienti,
Tu, quae parcis peccatori
Nonne parces laudatori?
Non sum dignus nominare,
Quam praesumo commendare,
Sed quis posset non laudare,
Quam multum gaudet amare.

8. Summe pia, summe rogo,
Ut de caritatis rogo,
De pelago bonitatis
Intuitu pietatis
Mihi vel unam scintillam
Porrigas vel unam stillam.
9. Mater Dei, plena Deo,
Fac, ut Deus ori meo
Te dignetur praedicare,
Se dignetur honorare,
Nam laus matris est nati gloria
Decus nati matris laetitia.

Orat. ms. Caelestinorum. saec. 15. Cod. Parisin. 18571. — In Cod. Parisin. (Arsen.) 903. saec. 12. als Prolog zu einer großen Legendensammlung. Cfr. Mussafia, Studien zu den Mittelalt. Marienlegenden. Sitzungsber. d. kais. Akad. der Wissensch. Bd. 115. (Wien 1888) p. 69. Ob das Lied ursprünglich zu der Legendensammlung gehört, muß dahingestellt bleiben. Rhythmik und Diktion beider erregen den Verdacht des Gegenteils.

162. De beata Maria V.

- | | |
|--|---|
| 1. Splendens fulgur
a sole nascitur,
Haec dum virgo
parturit Dominum,
Tunc a luce
verus sol oritur,
Claudens in se
primum principium. | 4. In supremis
fulget sedilibus,
Iuxta natum
tenet imperium,
Circumdata
rosis et floribus,
Et possidet
summum palatium. |
| 2. Ecce mirum,
factor progreditur
De factura
dans reis praemium,
Et figulus
de vase legitur,
Sic nobis fit
dignum exennium. | 5. Adest sacro
[virgo] collegio
Angelorum
melos canentium
Et cum summo
dulcique gaudio
Matrem dicunt
regis [laetantium]. |
| 3. Nam regina
potens virtutibus,
Sancta nata,
malorum omnium
Et sedatrix,
ulus daemonibus,
At iubilus
verus debilius. | 6. Corpus eius
ex privilegio
Cum anima
loco gaudantium
Gratulatur
laeto tripudio,
Caelestium
Deum laudantium. |

7. Seviaci
 multa miracula
 Perpetrantur
 in eius laudibus,
 Evitantur
 daemonum iacula
 Clamantibus
 devotis mentibus.

8. Ubi gaudent
 per cuncta saecula,
 Nos perducatur
 fulta virtutibus,
 Ut ibidem
 diversa fercula
 Perfruamur
 cum caeli civibus.

Clm. Monacen. (ol. Emmeramen.) 14 843. anni 1351. — 2, 1 Iesse mirum. —
 6, 8 Deum laetantium.

163. De beata Maria V.

Stella Maria maris, paradisi flos specialis,
 Vitae norma viae, genetrix electa sophiae,
 Aeterni solis iubar exemplumque pudoris,
 Gemmis cunctorum nos exorna meritorum,
 Per radios morum nos illustrando tuorum.
 Saucia corda liga defunctaque fac prece viva,
 Quo tandem cuncti sacro baptismate functi
 Per te salventur Christoque polo socientur.

Cod. Virunen. perg. XXXVIII saec. 12.

164. De beata Maria V.

1. Stella maris, decus matrum,
 Lux lunaris, honor patrum,
 Splendens templum sanctitatis,
 Tu exemplum castitatis.
2. Casta parens, virgo feta,
 Viro carens, prole laeta,
 Mater Christi, mundi lumen,
 Quae fudisti verum numen,
 Verum solem concepisti,
 Deum prolem peperisti.
3. Qui creavit
 Te, fetavit
 Sua sapientia,
 Obumbravit,
 Qui creavit
 Sua te potentia.
4. Aura suavi sui roris
 Et velo blandi teporis
 Texit te divinitas,
 Castae mentis ne candorem
 Denigraret per ardorem
 Carnalis cupiditas.
5. Lucem enim paritura
 Iuste sic eras futura,
 Quae luci competeres,
 Quae splendore mentis clara,
 Decore virtutum cara
 Patris semen caperes.
6. Semen patris concepisti,
 Quando verbum suscepisti
 Vivens sine tempore,
 Mente Deum concepisti,
 Incarnatum quem fudisti
 Ex intacto corpore.
7. O miranda, quam aeternus
 Pater, caeli rex supernus,
 Fetavit, virginitas!
 O stupendam genetricem,
 O vitae reparatricem,
 Qua nata divinitas!

Dreves, Pia Dictamina. V.

8. Mundum lapsum relevavit
Et naturam reformavit
Assumpto in homine,
Quam de summis devolutam
Et peccatis involutam
Suo salvat nomine.
9. Quam iucunde quiescebas,
Casto ventre dum ferebas
Caeli, terrae dominum,
Nil doloris sentiebas,
Virgo mater, cum gignebas
Salvatorem hominum.
10. Blando sinu hunc fovere,
Dulce caput demulcere,
O quales deliciae,
Tali nato lac praebere,
Hunc amplecti, hunc tenere,
O quantae divitiae!
11. Tu praecunctis splendens rosa,
Mater vitae speciosa,
Inter spinas lilium,
Inter omnes matres una,
Pulchra fulges quasi luna,
Solem gignens filium.
12. Hoc, quod patres, quod prophetae
Prophetarunt totum de te
Tuoque de filio;
Te sperabant, te spectabant,
Nascituram suspirabant
Captivis auxilio.
13. Plene lumen in te luxit,
Totum flumen in te fluxit
Prophetarum omnium,
Tu in sole posuisti,
Tu in lucem protulisti
Daniellis somnium.
14. Rubus, quem non laesit ignis,
Te monstravit miris signis
Genetricem virginem,
In qua splendor deitatis
Absque damno castitatis
Se vestivit hominem.
15. Virga tui typum gessit
Succo carens, quae expressit
Florem admirabilem,
Virgo, virga tu fuisti,
Viro carens quae fudisti
Prolem tam amabilem.
16. Ros illapsus, lene vellus,
Dum maneret sicca tellus,
Specialem gratiam
Caelo missam praesignavit,
Quae secrete fecundavit
Castam pudicitiam.
17. Tuus venter clausa porta,
Venter, de qua salus orta,
Nulli viro patuit;
Solutus ille pertransivit,
Cuius iter nemo scivit,
Dum sic nasci statuit.
18. In te, virgo, summa legis,
Tu caelestis aula regis,
Dulce secretarium,
Tuum pectus divinorum
Splendens arca thesaurorum,
Virtutum sacrarium.
19. Summus pater collocavit
In te, quas plus adamavit,
Secretas divitias,
Huius domus in secreto
Pulchro manens et quieto,
Quas habes delicias.
20. Tuque lectus Salomonis,
Circumsaeptus viris bonis
Sexaginta fortibus;
Hi custodes huius lecti
Ad talem curam delecti
Sunt divinis sortibus.
21. Teque circumstant armati
Et ad bella praeparati,
Resistentes hostibus,
Quoadusque calceatus
Rex procedat regis natus
Obserratis postibus.

- | | |
|---|---|
| 22. Ergo, regina caelorum,
Mater regis angelorum,
Opem fer egentibus,
Laxa vincla peccatorum,
Nos absolve vitiorum
Morbis opprimentibus. | 24. Dona vitae spiritalis
Nobis conferens carnalis
Vitae levet talia,
Dans caelestis nobis panem
Mentem aegram ac inanem
Liberet inedia. |
| 23. Nil neganti, mater, nato
Pro aegrotis supplicato,
Det salutem miseris,
Pro quibus te matrem legit
Et vitam mortalem egit
Hic in istis inferis. | 25. Iter huius vitae planet,
Fessos iuvet, aegros sanet,
Deducat per aspera,
Hostes premat obsistentes,
Necet mordaces serpentes,
Cuncta donet prospera. |

Clm. Monacen. (ol. Alrispacen.) 2600. saec. 12/13.

165. De beata Maria V.

- Stella maris, summo rutilans in cardine caeli,
Praemonstrat cunctis omne salutis iter.
Exsulis patria, portus et litora nautis,
Qua luce Scilla latens nilve Charybdis obest.
5. Hanc stellam nostram si lunae comparo, fallor,
Comparo si soli, nec satis illud erit.
Stellarum stella est, lunae lux, gloria solis,
Fons lucis, mundi splendor, honoris honor.
Tota decens, tota pulcherrima, tota refulget,
10. In qua nil maculae, nil nisi labe carens.
Immortale decus, speculum virtutis, honestas
Morum, iustitiae norma, decoris apex.
Eclipsim nullam patitur, semperque serena
Luce micat facies, nubila nulla tegunt.
15. In qua virtutum fons est et splendor honesti,
Gratia plena Dei perpetuumque decus.
In qua post Christum mundi spes, lumen, asylum,
Vita, salus, virtus, gloria, laus et honor.
Cui caelum properat, undat mare, terra virescit,
20. Cui genus humanum laudibus invigilat.
Illa laborantes scylleo gurgite salvat,
Cuius virtute turbinis aura perit.
Illa fugat vitia, famulos virtutibus ornat,
Haec paradisiacas sola reformat opes.
25. Qua sine quid mundus, quid mundi gloria praestet?
Plangere, tristari, flere, dolere, mori.

Orat. ms. Maioris Carthusiae saec. 14/15. Cod. Gratianopolitan 181.

166. De beata Maria V.

1. Stupent leges, tacent iura,
Quod factorem creatura,
Virgo Deum genuit,
Iesse virga sine rore,
Inconsulto sine more
Florem, fructum protulit.
2. Haec est virgo speciosa,
Est haec virgo generosa,
Sceptrum regis luminis,
Haec est fructus vitae latrix,
Paradisi reparatrix,
Templum patris numinis.
3. Haec est Sara, quae subrisit,
Quando Deus hoc promisit:
En, habebis filium;
Haec est laus prophetica
Et Engaddi vinea,
Caeli luminarium.
4. Haec Rebecca et Rachelis,
Thamar, Indith et Iaelis
Decus est et gloria;
Haec est florens vitae portus,
Botrus, fавus, clausus hortus
Cellaque vinaria.
5. Haec est Hesther iram regis
Placans, Raab viros legis
Salvans in funiculo;
Haec est aura, sol, aurora,
Luna, stella quam decora,
Rutilans diluculo.
6. Haec, quam vidit Ioseph, spica,
Novum Segor Loth et sica
Et serpentis pertica,
Haec in templo est columna,
Arca Noe et columba,
Scala Iacob mystica.
7. Haec est nubes manna pluens,
Petra large semper fluens,
Manna vermes pariens,
Haec est pera, petra David,
Quae Goliath vi prostravit
Philistaeos opprimens.
8. Ruth est ista Moabitidis
Et Susanna, quae, ut scitis,
Lavit in pomerio;
Haec flos campi, flatus roris,
Nostri tollens vim maeroris
Suo privilegio.
9. Haec est nardus, flos, unguen-
tum,
Cinnamomum, mel, pigmen-
tum,
Mater regis gloriae;
Haec est rubus visionis,
Haec maxilla est Samsonis
Rorem fundens gratiae.
10. Gedeonis haec est vellus,
Quod, dum sicca manet tellus,
Maduit in area;
Haec est tympanistria,
Arbor aromatica
Nostra mundans scelera.
11. Haec est thronus Salomonis,
Cui nullus par in thronis
Nec erit in saecula,
Haec dat fructum ligni vitae,
Haec est botrus, uva vite,
Mater et virguncula.
12. Gladius haec flammeus,
Currus est et igneus
Pugioque Phinees;
Haec est illa Thecutes,
Arte Ioab solvens lites,
Regno reddens exsules.
13. Haec magorum murra clara,
Haec Tobiae nupta Sara,
Quam angelus curaverat;
Haec est Anna Samuelis,
Quem ter facta vox de caelis
Heli teste advocat.
14. Haec est Sumanitis regis,
De qua in scripturis legis,
Ministravit Davidi;
Haec est proles, haec est mater,
Hic est natus et hic pater,
Fide crede simpliciter.

15. Haec in Galaad resina
Atque sanans in piscina,
Quae dicitur probatica,
Hic trans vitrum lumen tendit,
Haec est scala, qua descendit
Ad nos Dei gratia.
16. Haec Abigail, quae regi
David placens, quando gregi
Nabal stultus adfuit;
Haec est Aaron virgula,
Mater et virguncula,
Quae lacte patrem aluit.
17. Haec de Saba est matrona,
Salomoni tot dans dona,
Quae post nunquam visa
sunt;
Haec est, virum quae nescivit,
Virgo patrem parturivit,
O quam mira ista sunt.
18. Haec est Sina mons sublimis,
Haec est summa nectens imis,
Axa, Caleph filia;
Haec caelorum est regina,
De qua canit vox divina:
Ave, plena gratia.
19. Haec est parens, quae doloris
Prolem transfert et maeroris
Benoni et Beniamin;
Haec est virgo, quam vallavit
Christus Deus et locavit
Longe supra Cherubim.
20. Haec complevit hoc promissum
Et delevit iam commissum
Adae nostri seminis,
Per hanc victor est devictus,
Et seductor est seductus,
Auctor ille sceleris.
21. Ista nobis propalavit,
Quod tam longe prophetavit
Amos, Ionas et Ioel;
Ora clausit prophetarum,
Dona dedit gratiarum,
Ecce, hic Emmanuel.
22. Sile, sile, Moyses,
Ieremia, puer es,
Nescis loqui plane;
Ezechiël, quid agis?
Immundo pane vesceris,
Nam prophetas vane.
23. Isaias nobilis,
Pollutus es labiis,
Non potes prophetare;
Daniel, tu sileas,
Somniator factus es,
Nescis vigilare.
24. Osee fornicarius,
Non prophetabis amplius,
Dux praesto est in foribus.
Sicomoros bellicas
Amos nihil prophetas,
Ecce, venit Dominus.
25. Ut quid plura dicerem,
Tempus quidem vincerem,
Si vellem meditare,
Quod de matre sentio,
Claudo sub compendio,
Sed nolo terminare.
26. Ergo, mater, proles cuius
Mundi vincla solvit huius,
Pro me roga filium,
Nomen meum tus et robur,
Tu saphyrus, iaspis, ebur,
Sponsique triclinium.

Cod. Londinen. Reg. 7 A VI. saec. ¹⁴/₁₅. — 6, 2 Sengor; et fehlt. — 15, 1 Galaad est regina; cfr. Ierem. 8, 22. — Nach 26, 4 heisset der Dichter Robertus.

167. De beata Maria V.

- | | |
|---|---|
| <ol style="list-style-type: none"> 1. Summi regis
mater et filia,
Tuo vincens
candore lilia, | <ol style="list-style-type: none"> Infinita
plaudens laetitia,
Te caelestis
honorat curia. |
|---|---|

2. Decorata
caelesti solio,
Tu quae regnas
una cum filio,
Ante cuius
conspectum venio,
Tuo fidens
in patrocinio.
3. Te scripturae
loquuntur veterum,
Per te venit
formator siderum,
Per te mundus
excepit puerum,
Iugum legis
qui solvit asperum.
4. Per te, mundi
totius domina,
Peccatorum
solvantur crimina,
Et per tua
nobis munimina
Babylonis
siccantur flumina.
5. Tribus Iudae
propago nobilis,
Universo
mundo laudabilis,
Porta Sion
inexpugnabilis,
Peccatorum
prece flexibilis.
6. In te sperant
etiam miseri,
Qui pro culpis
merentur conteri,
Et erepti
de fauce inferi
Natum tuum
sequuntur liberi.
7. Fons hortorum,
aquarum puteus,
Via lucis,
splendor sidereus,
- Te conventus
laudat aethereus,
Et formidat
princeps tartareus.
8. Dei templum,
regalis civitas,
Quam fundavit
ipsa divinitas,
De hac terra
orta est veritas,
Ut nos poenas
vitemus debitas.
9. Portam clausam
vidit Ezechiel,
Per quam solus
transit Emanuel,
Haec te signat,
salvatrix Israel,
Quam intactam
salutat Gabriel.
10. Quam caelestis
salutat vernula,
Prophetarum
canunt oracula,
Ipsam nostra
mirantur saecula,
Et est nobis
vivendi regula.
11. Stella maris,
sic enim diceris,
Ad te clamo,
ne me reliqueris,
Ad hoc enim
electa crederis,
Ut salutem
reportes miseris.
12. Per te summum
Dei consilium
Visitavit
nostrum exsilium,
Benedicta,
quae tale gaudium
Protulisti
votis fidelium.

13. Adam enim
humano generi
Protulisti
novum pro veteri,
Cuius per te
conformes fieri
Deprecantur
senes et pueri.
14. Per te, maris
stella clarissima,
Renovatur
peccatrix anima,
Per te Deus
revisit infima,
Et est drachma
reperta decima.
15. Contrivisti
caput vipereum,
Quod observat
tuum calcaneum,
Contra cuius
morsum funereum
Contemplamur
serpentem aeneum.
16. Tu velamen
legis in litera
Removisti,
virgo puerpera,
Ex te venit
lux salutifera
Per quam patet
legalis litera.
17. In te finit
figuræ caecitas,
Et iam patet
scripturae veritas,
Per te nostra
scandit humilitas
Paradisi
sedes prohibitas.
18. Ergo, caeli
terraeque domina,
Quam sanctorum
collaudant agmina,
- Benedicta
plus omni femina,
Meam, quaeso,
mentem illumina.
19. Esto mihi
in adiutorium
Tuum illum
orando filium,
Qui per ligni
vitalis pretium
Captivavit
hostem Aegyptium.
20. Tu propago
regalis germinis
Et humanae
decus originis,
In qua lumen
aeterni luminis
Verum corpus
vestivit hominis.
21. Et processit
admirabiliter
Verus Deus
et homo pariter,
In quem, virgo,
credo fideliter,
Ipsam pro me
precare iugiter.
22. Botrus Cypri,
rosa de Iericho,
Nardo compar
et malo punico,
Praesignata
cantu prophetico,
Me defende,
qui tibi supplico.
23. Me adligant
peccata grandia,
Et sum per me
indignus venia,
Tuo tamen,
quae potes omnia,
Interventu
me reconcilia.

24. In te omnes
abundant gratiae,
In te mihi
spes est laetitiae,
Cum sis mater
misericordiae,
Non fraudabor
a dono veniae.
25. Cum electos
omnes considero,
Ex his tibi
nullum aequipero,
Sol de cuius
processit utero,
Sana vulnus,
quod in me tolero.
26. Quae fovisti
corpus dominicum,
Excludendo
ritum Iudaicum
Ego talem
cum quaero medicum,
Consolamen
quaero non modicum.
27. Felix mater,
regina saeculi,
Spes salutis
fidelis populi,
Ad te mei
levantur oculi,
Tui preces
admitte famuli.
28. Educ vinctum
de mortis carcere,
Quem fatigat
hostis a latere,
Ipsam, virgo
beata, conters
Et me tuo
conserva munere.
29. Illud mihi
confer auxilium,
Quod molimen
evertat impium,
Ne ad meum
hostis excidium
Sibi ullum
reportet gaudium.
30. Ipse, cuius
omnipotentia
Te providit
ad caeli gaudia,
Infinita
sua clementia
Per te mihi
det vitae praemia.

Cod. Vatican. 133. add. saec. 15. A. — Cod. Londinen. Reg. 7 A VI. saec. 14/15. B. — Orat. ms. Domus Novae Lucis anni 1477. Cod. Ultraiection. Scriptt. Eccl. 375. C. — 1, 1 Vale mater regis C. — 1, 5 Instructa B. — 1, 5 sq. und 1, 7 sq. umgestellt C. — 1, 7 sq. honorat caelestis B. — 1, 8 adorat C. — 2, 1 Decoras B; Decoratam A. — 2, 3 Tuo regnans B, Tuo regnas C. — 2, 5 Ante tuum C. — 2, 7 Tuo fehlt B. — 3, 3 Te formator BC. — 3, 4 elegit siderum BC. — 3, 6 suscepit B, accepit C. — 3, 8 persolvit asperum A. — 4, 5 Ac per C; per fehlt B. — 5, 3 sq. und 5, 4 sq. umgestellt B. — 6, 2 et miseri A. — 6, 6 fauce tartari C. — 7, 2 via morum C. — 7, 5 sq. und 7, 7 sq. umgestellt C. — 7, 5 sq. Tibi plaudit chorus aethereus C. — 7, 7 Ut formidat A; Te formidat C. — 8, 5 Terra, de qua C. — 8, 7 Qua nos C. — 8, 8 vitemus (de)meritas C. — 10, 7 Et es B. — 11, 5 Ad hoc cunctis B. — 11, 7 Ut te lucem C. — 13, 5 Cuius fehlt B; Cui C. — 14, 3 Renovatrix C. — 14, 6 revexit C. — 15, 6 morsum vipereum A. — 16, 2 in legis B. — 16, 7 patent B. — 16, 8 lex atque litera B. — 17, 4 figurae veritas C. — 17, 5 sq. scandit nostra B; Reseravit tua virginitas C. — 18, 5 Benedicta enim C. — 18, 7 Nostras quaeso B. —

18, 8 mentes B. — 19, 1 Esto nobis BC. — 19, 5 lignum C. — 20, 5 Tuo munere C. — 21, 1 Ex te processit B; Et prodivit C. — 21, 2 mirabilis B. — 21, 3 Deus verus C. — 21, 4 homo veraciter BC. — 21, 5 Cuius ortum BC. — 21, 7 Ipso A. — 23, 1 Mea licet BC. — 23, 3 Et omni sim B; Et indignus C. — 23, 4 sim omni venia C. — 23, 6 qui potes BC. — 25, 5 De cuius sol C. — 26, 5 Ergo talem A. — 26, 8 non spero modicum C. — 27, 8 servuli BC. — Str. 29 und 30 fehlen C. — 29, 5 ob meum B. — 29, 7 Nullum sibi B. — 29, 8 oportet B. — 30, 4 ad nostra gaudia B. — 30, 8 vitae gaudia B. — Cfr. Milch. I, 92.

168. De beata Maria V.

- | | |
|--|---|
| <p>1. Super cunctas et prae cunctis
Iam puellis Christo iunctis
Te extollo, te honoro,
Seraphino super choro
Quae potenter dominaris,
Universis principaris,
Maria perfectissima.</p> <p>2. Imperatrix reginarum,
Arcis Sion sceptrum clarum
Summa tenens potestate,
In qua cuncti civitate
Te reginam venerantur,
Inclinantur, incurvantur
Tua ad imperia.</p> <p>3. Principissa tu praeclara,
Christo sponso valde cara,
Quem incunde oscularis,
Laetabunde amplexaris,
Cuius gustu satiaris,
Nec a quoquam superaris
Per cuncta caeli agmina.</p> | <p>4. Singularis es et una,
Cui nulla est secunda,
Intra thalami secreta
Cubans cum dilecto laeta,
Cuius frueris amplexu,
Eius gaudens in aspectu,
Sponsa divinissima.</p> <p>5. Nostrum decus et lucerna,
Te appello tuus verna,
Cuius thoro virginali
Semper glisco famulari
Cum caterva puellarum,
Tuarum pedissequarum,
Te praesenta filio.</p> <p>6. Pro me illum deprecereis,
Quae repulsam non vereris,
Ante thronum maiestatis,
Ut ignoscat mis peccatis
Meque salvet, qui creavit
Et cruore suo lavit,
Suo aptans solio.</p> |
|--|---|

.Orat. ms. Tegurinum anni 1470. Clm. Monacen. 20021. A. — Cod. S. Petri Salisburgen. b VII 10. saec. 15. B. — 2, 4 In quacunque civitate B. — 3, 5 Eius gustu B. — 5, 7 Lies: Me praesenta? — 6, 7 Me suo optans B.

169. Oratio ad beatam Mariam V.

- | | |
|---|---|
| <p>1. Te devote colimus
Matrem salvatoris
Et corde deposcimus
Natam redemptoris,
Terger, quod delinquimus,
Tu crimen erroris,
Nam ad te recurrimus,
Speculum honoris.</p> | <p>2. Stella maris diceris,
Rosa sine spina,
Fer solamen miseris,
Tu caeli regina,
Cunctis nobis egenis
Gaudia propina,
Eruens ab inferis
Et turpi ruina.</p> |
|---|---|

3. Auctrix omnis gratiae,
Virgo benedicta
Et flos pudicitiae,
Mater es intacta,
Aurora laetitiae
In scripturis dicta,
Speculum iustitiae,
Sole es amicta.

4. Ave, candens liliū,
Flos miri odoris,
Nobile triclinium,
Mater salvatoris,
Nostrum sis consilium
Tu in cunctis horis,
Placa nobis filium,
Gemmula splendoris.

5. Lapsorum refugium,
Virgo, nuncuparis,
Ergo fer remedium
Cunctis tuis caris
Et post hoc exsilium
Et procellas maris
Confer nobis praemium,
Ubi tu moraris.

6. Tu flos campi radians,
Moysis fiscella,
Virga Aaron nuces dans,
Claritatis stella,
Nostrum cor corroborans,
Maria, Dei cella,
Coram nato tuo stans
Pro nobis interpella.

7. Aurora lucidior,
Virgo praelecta,
Cunctis stellis clarior,
Deitate tecta,
Sideris excelsior,
Quam Deo dilecta,
Sole, luna pulchrior,
Tu virgo perfecta

8. Tu es strips Davidica,
Vellus Gedeonis
Et navis dominica,
Fons salvationis,

Mater Dei unica,
Tuis sacris donis
Nobis confer caelica
Contemplationis.

9. Tu via labentium,
Salus peccatorum
Et te confitentium
Corona iustorum,
Tu corda maerentium
Laeta fac tuorum
Tibi servientium,
Mater salvandorum.

10. Tu castrorum acies,
Tu praeordinata,
Tua clara facies
Nobis cunctis grata,
Sis aeterna requies
Nobis, advocata,
Tibi preces milies
Fundimus, beata.

11. Theotocos diceris,
Templum sancti spiritus,
Mitis es et sinceris,
Electa divinitus,
Porta clausa crederis,
Illustrata caelitus,
Flos humani generis,
Nostros audi gemitus.

12. Tu
Candor puritatis
Murtus temperantiae,
Vas nobilitatis,
Corona laetitiae,
Auctrix veritatis,
Mater omnis gratiae,
.

13. Ave, caeli plantula,
Florem protulisti,
Ave, Iesse virgula,
Mater Iesu Christi,
Ave, Dei famula,
Nos a dolo tristi
Et peccati vincula
Solve, mater Christi.

14. Tu es mundi imperatrix,
 Virgo ter beata,
 Miserorum consolatrix,
 Parens illibata,
 Tu caecorum vera ductrix,
 Es candore purpurata,
 Clericorum summa nutrix
 In vestitu deaurata.
15. Laetare, sanctissima
 Genetrix Maria,
 Corpore castissima,
 Virgo, parens pia,
 Nos, virgo purissima,
 Solve a miseria,
 Tua lex clarissima
 Nos locet in patria.
16. Cum sis aeternaliter,
 Ubi tu congaudes,
 Nostras dele iugiter
 Peccatorum fraudes,
 Ut ovantes dulciter
 Personemus laudes,

17. Ego miser famulus,
 Virgo, te imploro,
 [Obsecro] humiliter,
 In dictis honoro,
 Corde, voce firmiter
 Precibus imploro,
 Iungas me feliciter
 In caelesti choro.
18. Ubi lux angelica
 Refulget splendore,
 Tuta quies [caelica]
 Fragrat suo more,
 Ubi laus dominica
 Decantatur ore,
 Mater Dei unica,
 Fac hoc cum decore.
19. Me miserum respice,
 Virgo, mater pia,
 Nec precantem despice,
 O sancta Maria,
- Sed benigna perface,
 Ut caelestis via
 Perducat pacifice
 Ad aeternalia.
20. Te laudando, pulcherrima,
 [Haec] tibi compilavi,
 Virgo sacratissima,
 Dictis sublimavi
 Te, excellentissima,
 Pluries exoravi,
 Nam sorde gravissima
 Me nunc oneravi.
21. Premor gravi sarcina,
 Mole peccatorum,
 Ergo, mater intima,
 Me munda meorum,
 Ne ducar ad infima
 Loca mergendorum,
 Succurre, gratissima
 Spes desperatorum.
22. Pelle a me plurimas
 Cogitationes,
 Daemonis taeterrimas
 Tu illusiones,
 Da mihi mundissimas
 Vitae passiones
 Et post hoc gravissimas
 Contemplationes.
23. Nam ego cotidie
 Virgo, te, turbavi,
 Dum opus superbiae
 Sponte perpetravi
 Et scelus invidiae
 Miser cogitavi,
 Ob hoc, mater gratiae,
 Te multum expavi.
24. O virgo puerpera,
 Mei miserere,
 Fac nova ac vetera
 Peccata deflere,
 Quae mens mea misera
 Consuevit docere,
 Virgo salutifera,
 Digneris delere.

25. Ego quinque sensibus
 Contra te peccavi
 Et in cunctis mensibus
 Scelus cumulaui
 Et pro his excessibus
 Te matrem oravi,
 Ne me tradas hostibus,
 Quos semper vitavi.

26. Primo tamen fateor
 Me visu peccasse,
 Ob hoc tamen video
 Graviter errasse,
 Mater virgo Christi,
 Miserere mei

27. Mea nunc precamina
 Digneris audire,
 Angelorum domina,
 Sed cum dies irae
 Venerit, ne, Maria,
 Permittas me perire,
 Cum sanctis in gloria
 Tunc me introire.
 Laus sit, Christe, tamen,
 Ne patiar gravamen,
 Propter tuum solamen,
 Virgo, dicam. Amen.

Cod. Vindobonen. 4314. saec. 15. — 5, 5 Ut post hoc. — 10, 5 Sis nobis aeterna quies. — 10, 6 Misericordiae advocata. — 11, 5 Porta clausa Gabrielis; müßte wenigstens Ezechielis heißen. — 11, 7 Tu flos. — 11, 8 Matris audi. — 12, 2 Tucandor. — 12, 3 Virtus temperantiae, — 12, 4 Tu vas. — 13, 5 Dei formula. — 13, 8 Sic solve. — 15, 5 virgo clarissima. — 17, 4 Inhonoro dictis. — 25, 4 scelus haesitavi. — 27, 5 ne fehlt. — 27, 6 Nec permittas. — 27, 8 me fehlt.

170. De beata Maria V.

Triumphe triumphatorum,
 Corona coronatorum,
 Gloria gloriosorum
 Post Dominum dominorum,
 Fac nos auro puriores,
 Fac nos gemmis cariores,
 Fac nos stellis clariores,
 Fac nos paradisi flores.

Cod. Trecent. (ol. Claravallen) 1612. saec 15.

171. De beata Maria V.

1. Vale dicant virgini	Qui creavit omnia,
Omnes servi Domini,	Caelum, terram, maria,
Natus est ex virgine	Carnem nostram induit,
Sine viri semine	Snorum cum voluit
Pater, creator omnium.	Misereri fidellum,

2. Collaudemus virginem,
Quae Deum et hominem
Incorrupta genuit,
Qui peccata diluit
Et dat aeterna gaudia,

- Qui reatus diluat
Nobis atque tribuat
Post carnis interitum
Ad superna transitum,
Ubi fruamur gloria.

Orat. ms. Domus Novae Lucis anni 1477. Cod. Ultraiectin. Scriptt.
Eocl. 375.

172. De beata Maria V.

1. Vale, fulgens solis cella,
Caeli splendor, maris stella,
Vale, lux egregia,
Vale, virgo, mater Dei,
Felix causa nostrae spei,
Vale, proles regia.

3. Nobis ergo caeli per te
Mansiones sunt apertae
Regnaque perennia,
.
.
.

2. Tibi iuges demus laudes,
Quae cum Deo digne gaudes
In perenni gloria,
Ex te quidem fuit ortus,
O salutis spes et portus,
Rex, qui regit omnia.

4. Vale, nobis porta lucis,
Quos ad vitae spem reducis
Per bonorum studia,
Ut tuarum ope precum
Adipisci vera tecum
Mereamur gaudia.

Orat. ms. Domus Novae Lucis anni 1477. Cod. Ultraiectin. Scriptt.
Eocl. 375. — 1, 1 solis stella.

173. De beata Maria V.

1. Vale, gaude, sol splendoris,
Virgo splendens intus, foris
Ad decus ecclesiae,
Te rogamus nostro more,
Ut illustres nos splendore
Tuae dulcis gratiae.

4. Tu caeleste firmamentum,
Quod stellarum ornamentum
Reddit gloriosius,
Quo purgatur et firmatur
Et ad summa dilatatur
Nostrae mentis radius.

2. Tu flammantis sol ardoris,
Fundens scintillas amoris
In caelis mirifice,
Coronaris sublimata,
Cumulata, debriata
Vini meri calice.

5. Tu es scala cupressina,
Sursum levans ad divina
Tuis iustos gradibus,
Ad te trahis peccatores
Per te factos ascensores
Et non suis viribus.

3. Tu es luna noctis huius,
Pulchra, crescens, plena, cuius
Lux eclipsis nescia,
Quae clarescens sole vere
Cuncta facis resplendere
Caeli luminaria.

6. Tu, superna porta lucis,
Nos ad mensam introducis
Regis in caelestibus,
Sancta clavis secretorum,
Cellam pandens unguentorum
Tuis amatoribus.

7. Miserere, virgo, tuis,
Quibus verum manna pluvis
In deserto saeculi,
Ut terram promissionis
Saginati eius bonis
Nostri cernant oculi.

Orat. ms. Domus Novae Lucis anni 1477. Cod. Ultraiectin. Scriptt. Eccl. 375. — 3, 4 vero sole. — 5, 5 te fehlt. — Der Anfang wahrscheinlich verändert, das Lied dem Tone nach möglicherweise Sequenz.

174. De beata Maria V.

- | | |
|---|--|
| 1 a. Vale, regina caelorum,
Ave, decus angelorum,
Salve, gaudium sanctorum,
Vale, solis regia; | 1 b. Vale, virgo, fons hortorum,
Servans virginalē thorum,
Ave, scala peccatorum,
Via caeli regia. |
| 2 a. Vale summa spes post Deum,
Qui sic deliquit in eum,
Quae Theophilum tam reum
Reformasti gloriae; | 2 b. Vale, virgo, novum mirum,
Quae claudentem caeli gyrum
Mulier circumdas virum
Aeternae memoriae. |
| 3 a. Vale, mater Iesu Christi,
Ave, quia tu fuisti
Sola digna, suscepisti
Ave Gabrielis ore; | 3 b. Vale, quia credidisti,
Ave, quia concepisti,
Gaude, quia peperisti,
Salve, mater novo more. |
| 4 a. Vale, mater expers maris,
Ave, virtutum doctrina,
Porta caeli, portus maris,
Porta, via, medicina,
Potum vitae salutaris
Sitientibus propina. | 4 b. Vale, de qua flos virtutis,
Procreatrix tu divina,
Confer opem destitutis
Et in hora vespertina
Sis nobis porta salutis,
Liberans a morte trina. |

Orat. ms. Domus Novae Lucis anni 1477. Cod. Ultraiectin. Scriptt. Eccl. 375. — 1 a, 4 solis regia. — 4 a, 5 und 6 umgestellt.

175. Oratio ad beatam Mariam V.

- | | |
|---|---|
| 1. Vale, salve, virgo pia,
Me solare, sponsa dia,
Nam sum maestus, ut scelestus
Dignus plaga Domini;
Magnam tamen spem concepi,
O Maria, cum percepi,
Quod sis data advocata
Reo nimis homini. | 2. Maerens nimis est cor meum,
O Maria, quia Deum
Tunc offendi, cum descendi
Carnis in flagitium;
Mundus eram et pudicus,
O Maria, sed iniquus
Me foedavit, cum minavit
Veneris in vitium. |
|---|---|

3. Martem Venus, heu, prostravit,
O Maria, proles David,
Et tunc mundum tunc immundum
Sibi fecit spurium;
Mihi decor virginalis,
O Maria, flos vernalis,
Quondam fuit, sed heu ruit
Luxus per contagium.
4. Modo plenus sum doloris,
O Maria, flos amoris,
Semper flebo et lugebo
Carens gaudimonia;
Me quis potest consolari,
O Maria, cum privari
Me nunc cerno sempiterno
Virginum praeconio?
5. Mea sordet margarita,
O Maria, prohi, contrita,
Och, quod egi, quod confregi
Castitatis violam!
Meus squallet nunc saphirus,
O Maria, pellens virus,
Heu, quod feci, quod abieci
Nobilem aureolam.
6. Ad te corde gemeundo,
O Maria, preces fundo,
Quia gravi, quam paravi,
Premor ego sarcina;
Ach, perturbat dolor ingens,
O Maria, me constringens
Spoliatum et nudatum
Virginali tunica.
7. Angelorum in decore,
O Maria, quondam thoro
Consors fui, sed hinc rui
Propter immunditiam;
Angit nimis cor anhelum,
O Maria, culpae telum
Ob peccata perpetrata
Per incontinentiam.
8. Me vestivit nitens byssus,
O Maria, sed conscissus,
Resolutus et pollutus
Sum per immunditiam;
Moram florem paradisi,
O Maria, nunc amisi,
Och, quid dicam, quod pudicam
Perdidi munditiam.
9. O Maria gratiosa,
Super omnes speciosa,
Impetra nobis veniam;
O Maria gratiosa,
Dulcis, mitis et formosa,
Applica nobis gratiam;
O Maria gloriosa,
In caelis deliciosa,
Praesta nobis gloriam.

Orat. ms. Domus Novae Lucis anni 1477. Cod. Ultraiection. Scriptt.
Eccl. 375. — 1, 3 Ut nam sum maestus.

176. Oratio ad beatam Mariam V.

1. Vale, virgo, angelorum
Atque mundi domina,
Restauratrix infirmorum,
Sana mea vitia.
2. Me molestum, me lugentem,
Pia mater, respice,
Sana in te confidentem,
Mater indulgentiae.
3. Peccatorem paenitentem
Ne damnes pro crimine,
In te figo meam mentem,
Noli me relinquere.
4. Nunquam sinas me perire
Sine adiutorio,
Me digneris exaudire,
Quando te vocavero.

5. Et me tibi fac servire,
Hic quamdiu vixero,
Vitam meamque finire
In tuo servitio.

6. Me digneris expurgare
A faece peccaminum,
Credo, quod me condemnare
Non vis propter vitium.

Orat. ms. Domus Novae Lucis anni 1477. Cod. Ultraiectin. Scriptt.
Ecll. 375.

177. De beata Maria V.

1. Vale, virgo florens rosa,
Semper recens et formosa,
Super omnes speciosa
Et multum amabilis;
Tu es enim gratiosa,
Tu es mater gloriosa,
Stirpe David generosa,
Semper venerabilis.

4. Regina caeli es vocata,
Ab aeterno ordinata
Et a summo confirmata,
Tu es nostrum gaudium;
Tu es nostra advocata,
Sancta et immaculata,
In utero sanctificata,
Tu es lumen luminum.

2. Salve, domina angelorum,
Venustate fluens morum,
Tu es flos cuuctorum florum,
Tu es candens lilium;
Tu es mater supernorum,
Sola spes inferiorum
Es virtute meritorum,
Tu es mater omnium.

5. Qui te honorant, honorabis,
Qui te expectant, expectabis
Et a malo conservabis
Voluntate libera;
Qui te amant, hos amabis
Et a poena liberabis
Et regnum aeternum dabis
Potestate tradita.

3. Deum, quem tu genuisti,
Casta mente concepisti,
Hunc portare tu fuisti
Digna et non alia.
Tu es vere mater Christi,
Per hunc mundum redemisti,
Prophetias implevisti,
Ave, plena gratia.

6. Iesu Christe, ob honorem
Tuae matris et amorem
Da nobis contritionem,
Nobis peccatoribus,
Post cordis compunctionem
Et oris confessionem
Da nobis absolutionem
De peccatis omnibus.

7. Te precamur, o Maria,
Duc nos tua prece pia,
Qui erramus in hac via,
Ad aeterna gaudia;
Amen dicant omnia,
Caeli, terra, maria
Nunc et per infinita
Saeculorum saecula.

Orat. ms. Domus Novae Lucis anni 1477. Cod. Ultraiectin. Scriptt.
Ecll. 375.

178. De beata Maria V.

1. Vale, virgo, fragrans rosa,
Rosa visu speciosa,
Rosa sine pretio,
Rosa mirae novitatis,
Quae nos tuae pietatis
Perfundis rosario.
2. Vere dulcis liquor iste,
De quo bibunt agonistae
Currentes in stadio,
Quo refecti roborantur,
Dum devote venerantur
Te laudis officio.
3. Tu rosarum rosa
Vere dicta rosa,
Rosa nupta lilio,
Liliosa rosa Christi,
De spineto processisti
Iudaeae rosario.
4. Tu peccati spina carens,
Semper vernans, nunquam arens,
Agni rubens sanguine,
Nos peccati spina pungit,
Sed te replet et perungit
Suo Deus numine.
5. Tu abundans cunctis bonis,
Sola prior es in donis,
Maior in imperio,
Quae nobis das affluenter
Et custodis nos potenter
A mundi contagio.
6. Flos electe, flos insignis,
Quem praeclaris ornat signis
Summi floris bonitas,
Fac odore tuo pasci,
Quos in Christo vult renasci
Tui cordis caritas.
7. Quae per tuum florem flores,
Dulces mitte nobis flores
Specialis gratiae,
Ut in caelis floreamus
Per te florem, quam laudamus,
Mater regis gloriae.

Orat. ms. Domus Novae Lucis anni 1477. Cod. Ultraiectin. Scriptt. Eccl. 375. — 3, 3 nupta filio. — 3, 4 Filiosa rosa. — 4, 6 Deus munere. — 7, 1 bis 3 Quae per te florem floris flores dulces mittis nobis florens speciali gratia. — Möglicherweise Sequenz.

179. De beata Maria V.

1. Vale, virgo gloriosa,
Virga frondens et frondosa,
Vitae salutifera,
Res miranda, caeli rore
Castitatis salvo flore
Virgo fit puerpera.
2. Nutu patris divinitus
Irrigavit paraclitus
Clausi hortus lilium,
Quo perfusa virginitas
Parit casta, fecunditas
Vera, salutis radium.
3. Iesse ex origine
Atque Sion germine
Stella Iacob oritur,
Ex Maria virgine
Et spirante flamine
Verbum Dei nascitur.
4. Rubum ignis inflammavit,
Virga florem germinavit,
Vellus rore maduit,
Virgo Deum paritura,
Creatorem creatura,
Rore caeli claruit.

5. Veluti solis radius
Subtile et integrus
Specular ingreditur,
Sic matrem Dei filius,
Immo multo subtilius
Intrat et egreditur.

6. O Maria, templum Dei,
Scala caeli, salus rei,
Mundi spes et gloria,
Pro indignis dignam digna
Natum ora, o benigna,
Virgo, Sion filia.

Orat. ms. Domus Novae Lucis anni 1477. Cod. Ultraiectin. Scriptt. Eccl. 375. — 1, 2 Virga und et fehlen. — 3, 4 virgine fehlt. — 3, 5 Et fehlt. — Vielleicht Sequenz.

180. Ad beatam Mariam V.

1. Vale, virgo, post genitum,
Exaudi preces supplicum,
Ecquid poscenti Dominus
Tibi negabit filius?

4. Per te, virgo castissima,
Nobis donetur venia
Tuisque sanctis precibus
Concilietur Dominus.

2. Si tantum velis, domina,
Nostra delentur crimina,
Quapropter te praecipue
Oramus, servos respice.

5. Exaudi, virgo virginum,
Pro nobis ora filium,
Futura mala prohibe
Et miseris compatere.

3. Te orante, sanctissima,
Orant sanctorum agmina,
Si te adversam praevident,
Caelestes cives conticent.

6. O virgo, mater Domini,
Attende vocem populi,
Ut pro cleri criminibus
Ignoscens parcat Dominus.

7. Virgo gloriosissima,
Vota comple feminea
Nosque post vitam fragilem
Ad veram perduc requiem.

Orat. ms. Domus Novae Lucis anni 1477. Cod. Ultraiectin. Scriptt. Eccl. 375. — 1, 3 Et quid. — 4, 4 Reconcilietur. — 6, 3 Et pro cleri. — 7, 1 O virgo gloriosa.

181. De beata Maria V.

1. Vale, virgo regia,
Dei plena gratia.
2. Vale, Iesse virgula,
Florida per saecula.
3. Vale, stirps Davidica
Et mater deifica.
4. Vale, virgo virginum,
Quae portasti Dominum.

5. Vale, mater Domini,
Grata sancto flammuli.
6. Vale, caeli domina,
Nostra delens crimina.
7. Vale, quae post filium
Es salus fidelium.
8. Vale, expers criminis,
Mater veri luminis.

- | | |
|--|---|
| 9. Vale, in quam caelitus
Venit sanctus spiritus. | 15. Vale, semper floribus
Redolens prae omnibus. |
| 10. Vale, quae caelestia
Regis et terrestria. | 16. Vale, virgo inclita,
Iuxta crucem posita. |
| 11. Vale, per quam Dominus
Nostrum delet facinus. | 17. Vale, virgo habilis,
Mater ineffabilis. |
| 12. Vale, vita saeculi
Et spes vera populi. | 18. Vale, super aethera
Pia gestans viscera. |
| 13. Vale, sole clarius
Atque luna pulchrior. | 19. Vale, super omnia
Omni digna gloria. |
| 14. Vale, plus quam lilium
Candida convallium. | 20. Vale, quae peccantium
Misereris omnium. |

Orat. ms. Domus Novae Lucis anni 1477. Cod. Ultraiectin. Scriptt.
Eccl. 375.

182. De beata Maria V.

- | | |
|--|--|
| 1. Veni, dulcis gratia,
Intra meam mentem,
Me exhaustum satia,
Demonstra te praesentem. | 6. Et quid est, quod suavius
Me posset oblectare,
Aut quis amor amplius
Me posset inflammare, |
| 2. Mea lustra intima,
Fac me gustare Deum,
Veni, amantissima,
Amplere cor meum. | 7. Quam tu, o melliflua,
Qua nihil tam iucundum,
Pro cuius amicitia
Totum non curo mundum? |
| 3. Ubi tanto tempore,
Dilecta, me liquisti
Et de meo pectore
Te quare subtraxisti? | 8. Tui desiderium
In corde dum subcrescit,
Procul pellit taedium,
Cor gelidum liquescit. |
| 4. Scio, quod offenderis
Et digne offenderis,
Multa in me reperis,
Pro quibus effugaris. | 9. Ubi tua suavitas
In mente se locarit,
Ibi vera caritas
Sincere Deum parit. |
| 5. Quando praesens aderas,
Te quare contristavi?
Quando procul aberas,
Te quare non vocavi? | 10. O rosa in martyrio
Crucifixi filii,
O lilium (in) virgineo
Thoro puerperii. |

- | | |
|--|--|
| 11. Ora pro cuncto populo
Et pro nostris peccatis,
Succurre tuo famulo
Hora necessitatis, | 12. Ut terror me non terreat
Terrentis inimici,
Sed tua tunc dispareat
Praesentia felici. |
|--|--|

Orat. ms. Carthus. Hildesheimen. saec. 15. Cod. Iosephini Hildesheimen. 3 (6).

183. De beata Maria V.

- | | |
|--|---|
| 1. Virga Iesse gignit florem,
Apis mellis dat dulcorem,
Caelum stillat nobis rorem,
Stella Iacob fert splendorem. | 3. Paradisus voluptatis
Est Maria praestans gratis
Lignum immortalitatis
Ac fontem iucunditatis. |
| 2. Haec est Esther imperatrix,
Sara risus generatrix,
Tecuites advocatrix,
Iudith hostis triumphatrix. | 4. Paradisum hunc queramus,
Cibum vitae glutiamus,
Aguas dulces hauriamus,
Ut feliciter vivamus. |

Orat. ms. saec. 15. Cod. Sangallen. 48.

184. De beata Maria V.

- Virgo, Dei genetrix, rosa, lilia, fons paradisus,
Vitis, oliva, rubus, tellus, via, virgula, truncus,
Hortus, castellum, thalamus, domus, alvear, arca,
Vas, mortariolum, fornax conflans scriniumque,
5. Orarium, templum, clibanus, cisterna, fenestra,
Urbs et fiscella, thronus, ancora, ianua, petra.
Ancillans, dominans, regnans est femina fortis,
Phoebo vestita, vellus, turturque columba,
Nubes, aurora, crystallus stellaque viva,
10. Sol, speculum, mons, desertum, patrona, magistra,
Sponsa, volans aquila, bona fructibus arbor onusta.
Cum peperit virgo Christum, qui pascit inanem,
Terra, solum vel humus, virgo est, glis, arida tellus.
Credidit et assentit, optat, mox concipit alma
15. Virgo virum plenum, quem colit ipsa Deum.
Stella maris, regina poli, miseratio mundi,
Vim patitur caelum, quo tentit navita velum,
Ex quo iustitiae solem tulit aula Mariae,
Perque maris stellam scimus vitare procellam.
20. Protulit et florem, folium fructusque saporem,
Virgaque sicca nucem, virgo parit innuba lucem.
Tu fons signatus, tu clausula clausaque porta,
Tu Domini templum, tu sedes flaminis almi,
Tu rosa de spina, tu nobilis indole bina
25. Virginis et matris, genetrix et filia patris.
Exstas stella Iacob et matutina Maria,

- Stella maris, contra Sisaram perfulgida pugnans,
Esto fide rutilans almae de semine stellae,
Cursu non errans, non cauda tracta draconis,
30. Praevia stella magis, sacer et dux atque sacerdos;
Mater virgo pia, nobis succurre, Maria.

Cod. Londinen. Reg. 7 A VI. saec. 14/15. — 17. nanta. — 26. Exstat.

185. De beata Maria V.

- | | |
|---|---|
| Virgo beatissima,
Piarum piissima,
Dulcis et dulcissima,
Magnarum permaxima, | Innumerabilia;
15. Tuis odibilia
Vitiorum retia
Dirumpe propitia,
Ut caeli palatia
Ingressi te praevia |
| 5. Mater amantissima,
Dominarum domina,
Dele nostra crimina,
Ut tuorum nomina
Sint in vitae pagina. | 20. Calcata superbia
Et eius familia,
Absorpta miseria
Et omni penuria
Cum summa victoria |
| 10. Attende suspiria
Ad te suspirantia,
Comple desideria
Te desiderantia | 25. In caelesti curia
Regnemus in gloria. |

Cod. Trecent. (ol. Claravallen.) 1612. saec. 15.

186. Planctus BMV.

1. Virgo dulcis o Maria,
Tu plorabas voce pia
Coram cruce filium.
- | | |
|--|--|
| 2. Rumpebatur cor Mariae
Deplorantis valde pie:
O fili dulcissime,
Cum te cerno morientem,
Ego perdo cor et mentem
Et tota deficio. | 5. Mihi namque est ablatas
Et in cruce conclavatus,
Qui me replet gratia.
O crux alta, de te queror,
Mihi nequis esse peior,
O crux crudelissima, |
| 3. O columba sine felle,
Vasque dulci plenum melle,
O fili piissime,
Tu me vides desolatam,
Semivivam anxiatam
Et mihi non loqueris? | 6. Meum natum tu cepisti,
Ipsum in te suspendisti,
O crux ferocissima.
Ergo saltem nunc te placa,
Quam exoro voce rauca,
Reddas mihi filium, |
| 4. O Gabriel, illud Ave,
Dulce nimis et suave,
Nunc dat mihi gemitum,
Nunc vertantur in maerorem
Et in luctum et dolorem
Nuntiata gaudia. | 7. Et si non vis te placare
Neque natum mihi dare,
Tu me secum recipe;
Nam consolor, si me capis,
Si me spernis, me relinquis
In dolore nimio. |

8. Vosque rogo, o devoti,
Hic plorare, mei noti,
Tam dirum supplicium,
Ut post suos commensales
Vos faciat et sodales
Supernorum civium.

Offic. B. M. V. imp. in Castro Lauro 1503. — 8, 2 nati.

187. De beata Maria V.

- | | |
|---|--|
| 1. Virgo mater, cuius pater
Te gignete paritur,
Sic prolatus et lactatus
Pastor verbum noscitur. | 9. Quae scribuntur et dicuntur,
Longe supergrederis,
Licet claris ostendaris
Inclita plus ceteris. |
| 2. Cista Christi tribuisti
Nubem, in qua latuit,
Quos creavit, poenis lavit,
Quas ultra sustinuit. | 10. Te post Ave fans „hand pave“
Gabriel magnificat,
Cosmus festis demptis maestis
Melos tibi replicat. |
| 3. Nam pro suis atque tuis
Exstitit obtemperans,
At post crucem Sion ducem
Resurrexit properans. | 11. Eva luctum, sed tu fructum
Fudisti laetitiae,
Firma gaude, plane plaude,
Felix imbre gratiae. |
| 4. Id mox pandit, tandem scandit
Misitque paraclitum,
Fide rata, spe probata
Caeli dans introitum. | 12. Te, nec labant, praesignabant
Multi dudum indices,
Et ambarum paginarum
Crebri monstrant apices. |
| 5. Apparebit ac sedebit
Palam iustus arbiter,
Ne damnemur, sed salvemur,
Terge culpas iugiter. | 13. Tu praecellis lunae, stellis,
Gemmis, aromatibus,
Auro puro, forti muro,
Favis, ostro, floribus. |
| 6. Ope praesto semper esto,
Large ros clementiae,
Necte preces, fuga faeces
Cladis et angustiae. | 14. Grande lumen et acumen
Phoebe fert effusio,
Sed splendoris amplioris
Praemines fastigio. |
| 7. Vas donorum optimorum,
Plenum privilegiis,
Lar virtutum, pontem tutum
Strue mergi consciis. | 15. O regalis, almis alis
Praebe tegmen credulis,
Imperatrix, restauratrix
Manens ampla saeculis. |
| 8. Te, Maria, certa via
Vitae, quae non deficit,
Ut te laudem, tuam laudem
Nemo loqui sufficit. | 16. Mundi sator, dominator,
Quem portasti filiam,
Singulare sine pare
Tibi sculpsit solium. |

- | | |
|--|---|
| 17. Sunt beati coronati
Diversis honoribus,
Ut trans colles montes praepolles
Digne quidem omnibus. | 21. Hanc cernentes et stupentes
De tam dulci copia
Sentiamus, quae rogamus,
Ipsius auxilia. |
| 18. Tu ditaris et dotaris
Infinita gloria,
Tibi cedit et oboedit
Tota poli curia. | 22. Maris astrum, Dei castrum,
Pelle turbas turbinum
Inque bono cursus cono
Faustum pone terminum. |
| 19. Tu maiorum ac minorum
Principatum possides
Et cum prole, vero sole,
Sola cunctis praesides. | 23. Clausa sera mire mera
Miserere miseris,
Defendendo nec linquendo
Serve nos ab inferis. |
| 20. Tui morum sat sanctorum
Aptos inter cumulos
Manifestas, ornas, gestas
Piae matris titulos. | 24. Ora natum, ut reatum
Peccatorum deleat
Et post mortem nos ad sortem
Paradisi provehat. |

Cod. Trecen. (ol. Clareaevallen.) 999. saec. 12. add. saec. 12/13. — „Devota laudatio sanctae Dei genetricis et perpetuae virginis Mariae cum oratione de eadem.“

138. Oratio ad beatam Mariam V.

- | | |
|--|--|
| Virgo mater pietatis,
Mihi da benignitatis
Patientiaeque donum
Fac et, ut fraternum bonum | 25. Apud illum discernatur,
Qui secreta speculatur.
Mensurate fac ut edam
Nec per potum fac excedam,
Sed me, precor, abstinere |
| 5. Semper quaeram sicut meum;
Mihi tribue per Deum
Condolendo malis flere,
Bonis fraternis gaudere,
Mentem, linguam, vitam rege, | 30. Sceleraque doce flere,
Ut lamentis tuum natum
Mihi sentiam placatum
Meque, mater lucis clarae,
Duodenos observare |
| 10. Ut in omni Christi grege
Nullus unquam contristetur
Per me nec scandalizetur,
Sed et speculator cordis
Intus, extra nulla sordis | 35. Gradus fac humilitatis,
Ut perfectae caritatis
Lege regar, quae timorem
Foras mittit per amorem,
Ac indutias ministra, |
| 15. Offendatur pravitate,
Sed perfecta caritate
Me diligere fac eum,
Ut meipsum quoque meum
Doce proximum amare | 40. Fac et illas non sinistra
Perdam operatione,
Sed ut satisfactione
Rectumque per Dei cultum
Tempus expleam indultum |
| 20. Meque sic perseverare.
Me devote pura mente
Doce semper et attente
Psallere sic et orare,
Ut mens voci concordare | 45. Meque bestiis amaris
Nunquam tradi patiaris,
Sed in hora meae mortis
Sis adiutrix mihi fortis, |

- | | |
|-------------------------------|----------------------------------|
| Pelle facies horrendas | Ipsos illud infernale |
| 50. Teque mihi tunc ostendas. | 60. Malumque perpetuale |
| In illa finali pugna | Circumstringat loco mei, |
| Pro me, precor, ita pugna, | Sed aeternae requiei |
| Ut confusi atque victi | Me coniunge, virgo, choris, |
| Ruant hostes maledicti | Vas virtutum, fons honoris. |
| 55. Ignea tunc ad tormenta, | 65. Pater praestet hoc et natus, |
| Quae pro ipsis sunt inventa, | Sacer utriusque flatus, |
| Ut quod mihi paraverunt, | Trinus unus, qui cunctorum |
| Multis annis quaesierunt, | Dominatur saeculorum. |

Orat. ms. Scotorum Vindobonen. 54 h 8. anni 1410.

189. De beata Maria V.

Virgo salutata Gabrielis voce beata,
 Caelitus adfata, maris inclita stella vocata,
 Per tibi collata bona nuntia sis mihi grata.
 Ecclesiae florem produxisti sine spina,
 Mentibus ardorem fidei dans es medicina.
 Virgineum fructum de te laudo generatum,
 Excutias luctum, quo sentio me gravidatum.
 Partus labe carens, divino munere clarens,
 Purgata mente me salvat te faciente.
 Tu salvatoris, gladio transfixa doloris,
 Carne sub humana precantis vulnera sana.
 Christo surgente nova gaudia te capiente,
 Sis Dominum, pura virgo, pro me petitura.

Cod. Palat. Vindobonen. 4444. saec. 15.

190. De beata Maria V.

- | | |
|---------------------------|----------------------------|
| 1. Virtutibus laudabilis, | 3. Potentia terribilis, |
| Moribus commendabilis, | Actibus profamabilis, |
| Specie peramabilis, | Miraculis mirabilis, |
| 2. Puritate legibilis, | 4. Maria, caro nobilis, |
| Carne desiderabilis, | Esse carni sic utilis |
| Genere venerabilis, | Velis, quod per te labilis |
| 5. Spiritus infinibilis | |
| Tandem reddatur humilis | |
| Ac Deo acceptabilis. | |

Cod. Palat. Vindobonen. (ol. Campen.) 883. saec. 14/15.

191. De beata Maria V.

- Virtutum cella, virgo Maria, vale.
Ore salutata tu Gabrielis, ave.
Christum concipiens pneumatis arte, vale.
Tu decas Elisabeth lausque Iohannis, ave.
5. Magnificas facientem tibi magna, ave.
Postquam prodisti, gaudens, donec peperisti.
Pellens omne grave, virgo suavis, ave.
Virgo Deum generans, inclita mater, ave.
Eiusdem nutrix dulcis et alma, vale.
10. Corde gerens verba gestaque partus, ave.
Laudat quam Simeon Annaque, pura, vale.
Nati considerans signa potentis, ave.
Post ortum Christi mortem crucis usque vidisti.
Egi quidquid male, laeta remitte, vale.
15. Quam redimit nati mors pia nosque, vale.
Gaudens quod victor carne revixit, ave.
Scandentem cernens astra serena, vale.
Quam cum discipulis pneuma replevit, ave.
In throno residens glorificata, vale.
20. Post mortem Christi, donec caeleste subisti
Regnum, laeta fave tu mihi, mater, ave.
Stella maris, mater virgo, nos protegas a vae.
Quam Deus ipse pater sic decoravit, ave.

Cod. Londinen. Reg. 7 A VI. saec. 14/15.

192. De beata Maria V.

1. Ymago, imitago
Mundissima altissimi,
Genetrix omnipotentis,
- | | |
|---|--|
| 2a. Natura dolens miratur
Atque ratio,
Quod sic privilegio
Suo derogatur;
Illis fortuna
Condolens una
Lamentatur,
Licet his effectuum
Vis supponatur,
Novum opus nunc creatur
Praeter ius suum. | 2b. Ordo stupet naturalis,
Nam a rivulo
Fons manat, a flosculo
[Radix] et causalis
Res a causato,
Sic commutato
Ordine finali
Res tenet principium
Sic variatum,
Idem est causans, causatum,
Sequens praevium. |
|---|--|

- 3 a. Activum verbum passivum
Iam efficitur,
Ab alio nascitur,
Quod est primitivum,
Est compositum
Simplex, finitum
Fit infinitum,
Sic contra grammaticum
Non respectivum
Confertur, non defectivum
Fit eclipticum.
- 3 b. Nunc logicus admirari
Cogitur, quia
Simul sunt contraria
Scita sociari,
Partus pudori
Et ita mori
Hic locus: Haec mari
Mulier concubuit,
Si partu laeta
Fiat, nam eadem feta
Et virgo fuit.
- 4 a. Hic mussat Quintilianus,
Marcus Tullius,
Symmachus, Sidonius,
Iustinianus,
Cum virginitas
Et maternitas
Sint simul, et varius
Index adulterii
Partus fiat his,
Qui signo carent signati,
Fiunt dubii.
- 4 b. In his haesitans stupescit
Arithmeticus,
Nam numerus cubicus
In se decrescit,
Suae radici
Ut possit dici
Conformis, hic nescit,
Quomodo, quae numero
Caret, natura
Numeratur et sic plura
Possit fieri.
- 5 a. Musicae proportioni
Cum sint subdita
Omnia composita,
Musicus componi
Deum homini,
Nubem lumini
Miratur, sic toni
Melos cum diapente
Fit par sonorum,
Tota lege musicorum
Hoc prohibente.
- 5 b. Tetragonus continetur
Infra trigonum,
Trigonus infra conum,
Iam maior habetur
Punctum linea,
Equo tineae,
Centrumque censetur
Excedere circulum,
Minor pigmaeo
Fit gigas, alvus fit Deo
Receptaculum.
- 6 a. Astronomus visu, mente
In hoc haesitat,
Quod sol latitat
Sub stella, manente
Solis splendore,
Stella plus more
Pristino lucente.
Hoc ab illo vilius
Non fit lucendo,
Sed se mutuo augendo
Lucent purius.
- 6 b. Haec est virgo singularis,
Parens unica,
Arctos nautica,
Portus salutaris,
Vena veniae,
Portus gloriae,
Quam dos puellaris
Decoris non deserit,
Immo puella
Manens et virgo tenella
Deum peperit.

7 a. Virgo virginum.
Expers criminum,
Decus hominum,
Caeli domina,
Salus gentium,
Spes fidelium,
Lumen cordium
Nos illumina.

7 b. Nosque filio
Tuo tam pio,
Tam propitio
Reconcilia,
Et ad gaudia
Nos perennia
Duc propitia,
Duc prece pia,

8. Virgo Maria.

Cod. Matriten. Bb. 150. saec. 14. (Daraus in Boletín de la real academia de la historia VI, 392 ff.) Diese (nicht liturgische) Sequenz ist die vorletzte in einer Reihe von 23 Meditationen; von denen nur die beiden letzten poetische Form haben. — Verfasser dieser Meditationes secundum numerum et ordinem Alphabeti ist Gil von Zamora (Iohannes Aegidius). Vgl. Anal. XVI, 62. — 26, 2 Cogitur quod; Silbenzahl und Reim fordern quia. — 4a, 4 Et Iustinianus. — 6a, 3 Quoniam sol. — Aufschrift: „Incipit XXII meditatio et oratio virginis incipiens ab hac litera Y.“



Inhalts-Übersicht.

	Seite		Seite
Ab aeterno praeparata	25	Ave stella matutina	47
Ad aeterni numinis	9	Ave stella o Maria	53
Angelorum supernorum	15	Ave summi regis nupta	54
Ante thorum tam decorum	15	Ave templum Iesu Christi	45
Ave Dei porta spei	17	Ave vera humilitas	44
Assis nobis virgo pia	14	Ave vera salus nostra	46
Audi clemens et benigna	19	Ave vera salus nostra	46
Audi virgo virginum	20	Ave virgo columbina	43
Aula vernat virginalis	20	Ave virga ferens fructum	54
Ave caeli domina	21	Ave virgo gloriosa Mater	55
Ave caelorum ianua	21	Ave virgo gloriosa Paradisi	56
Ave Christi mater ave	23	Ave virgo mater Christi	59
Ave Dei genetrix	23	Ave virgo singularis Gemma	59
Ave dic ad virginem	24	Ave virgo singularis Mundi	61
Ave dulcis ave pia	25	Ave virgo stella maris	62
Ave laetitia Ioachim	26	Ave virgo verbi mater	63
Ave legis plenitudo	44	Ave virgo virginum	64
Ave lucis tu aurora	44	Ave virgo virtutis speculum	65
Ave lumen gratiae	27	Beata Dei genetrix	65
Ave magni patris agni	29	Benedicta regina virginum	66
Ave maris stella clara	33	Bonitatis totius femina	66
Ave maris stella Verbi Dei	34	Clemens et dulcissima	75
Ave mater et virgo virginum	86	Cor ad instar philomenae	76
Ave mater gloriosa	86	Cum iubemur et tenemur	76
Ave mater sine labe	87	Cur peccator desperem veniam	78
Ave verbi mater pia	87	De spineto nata rosa	79
Ave mundi spes Maria	88	Digna laudum carmina	80
Ave plena gratia	89	Dulci voto laeta fide	80
Ave porta poli noli te	41	Felix mater ave qua mundus	86
Ave puteus aquarum	45	Flos florum fons hortorum	87
Ave regina caelorum	43	Gaude casta mater Dei	87
Ave rosa tu caelestis	47	Gaude felix Maria	87
Ave sancta sanctis sanctior	49	Gaude gemma virginum	88
Ave sancta sanctissima	44	Gaude maris stella Iesse	89
Ave signis figurata	50	Gaude mater salvatoris	90
Ave sponsa Dei patris	52	Gaude mater vitae portus	91
Ave stella maris	35	Gaude mitis gaude pia	91

	Seite		Seite
Gaude plaude clara rosa	92	O Maria virgo pia Mater	157
Gaude rosa speciosa	100	O Maria virgo pia Plena	155
Gaude salus nobis data	58	O Maria virgo pia Stella	157
Gaude salve misso rore	100	O mater virgo virginum	158
Gaude salve templum Dei	101	O mundi prodigium	160
Gaude sanctae trinitatis	101	O pia virginitas	161
Gaude sancta lux diei	203	O praeclara maris stella	46
Gaude trina hierarchia	102	O quam pulchra polo	161
Gaude virgo et respice	102	O regina reginarum	162
Gaude virgo mater Christi	103	O regina virginum	163
Gaude virgo o Maria	104	O rosa virginiae decoris	164
Gaude virgo pia gaude	106	O templum Christi	164
Gaude virgo ut stirps Davidica	107	O triclinium nobile	164
Genus sacrum et proles regia	108	O veneranda Dei mater	165
Gloriosa mater Dei	109	O virgo splendor gloriae	166
Imperatrix angelorum	111	Pater ymon a quo mundus	167
Imperatrix gloriosa	112	Pulchra Maria serena Maria	168
Impudentem circuiui	112	Pulchra totaque amica	168
In camino crepitans	113	Quid vigoris quid amoris	170
In hac die gratiae	117	Rex Christe clementissime	173
In te per te de te ex te	117	Salve cella castitatis	174
Iubilose resonando	118	Salve Dei mater pia	57
Laude humani generis	120	Salve festum cordis mei	175
Laudes beatæ virginis	120	Salve gaude mater regis	175
Laudes sacrae virginis	122	Salve era mater festi	175
Magistra religionis	123	Salve mater illibata	176
Maria sole clarior	125	Salve mater misericordiae	176
Maria te recolere	126	Salve mater salvatoris	190
Maria te suppliciter	132	Salve parens singularis	190
Maria virgo pia	132	Salve plena caritate	191
Maria virgo virginum	133	Salve regina mater	191
Mater Dei Maria nomine	136	Salve regina miseri cordis	192
Mater Dei gloriosa	138	Salve regina miseri cordis	192
Mater Domini Maria	139	Salve regina omnium	193
Mater gaude Fons mei gaudii	140	Salve salve dominatrix	194
Mente gaudens ersultabo	141	Salve salve o formosa	195
Mole pressus huius miseriae	142	Salve sancta mater Dei	195
Non iam discordant mater	145	Salve sancta parens Kyria	196
O domina dominarum	46	Salve sancta parens Omni	197
O enixa praeter morem	145	Salve sancta parens pia	197
O insignis sponsa Dei	146	Salve scala poli sanctae	198
O Maria expers paris	146	Salve stella marina	199
O Maria mater Christi	146	Salve stella maris quae sola	199
O Maria Mater Dei	147	Salve templum totius decoris	200
O Maria miserorum	148	Salve thronus Salomonis	202
O Maria quae es pia	149	Salve virgo benedicta	202
O Maria spes reorum	149	Salve virgo fecundata	203
O Maria sponsa Christi	151	Salve virgo gloriosa	204
O Maria stella maris Medicina	153	Salve virgo mater Christi	204
O Maria stella maris Porta	154	Sempiterni regis mater	205
O Maria virgo pia Maris	156	Si fieri posset quod arenae	206

	Seite		Seite
Si haberem linguarum milia . . .	206	Vale virgo angelorum	223
Splendens fulgur a sede nascitur	208	Vale virgo florens rosa	224
Stella Maria maris paradisi . . .	209	Vale virgo fragras rosa	225
Stella maris ave	35	Vale virgo gloriosa	225
Stella maris decus matrum . . .	209	Vale virgo post genitum	226
Stelle maris summo rutilans . . .	211	Vale virgo regia	226
Stupent leges stupent iura . . .	212	Veni dulcis gratia	227
Summi regis mater et filia . . .	213	Virga Iesse gignit florem	228
Super cunctas et prae cunctis . .	217	Virgo Dei genetrix rosa	228
Te devote colimus	217	Virgo beatissima	229
Triumphe triumphatorum	220	Virgo dulcis o Maria	229
Vale dicant virgini	220	Virgo mater cuius pater	230
Vale fulgens solis cella	221	Virgo mater pietatis	231
Vale gaude sol splendoris	221	Virgo salutata Gabrielis	232
Vale regina caelorum	222	Virtutibus laudabilis	232
Vale salve virgo pia	222	Virtutum cella virgo	233
Vale verbi Dei cella	203	Ymago, imitago	233









3 2044 073 505 828

